

Frédéric
Seymour

سياحت نامه ارض فلسطين

برنس ويكتور نابولي امانويل

1871
yasil

ام محمد رافت

مير لوا ارکان حرب

هر حقوق حفظ اولنور

سیدنا میرزا حسن
فلسفی بیورسون
اطافونیک

مَقَالَة

جناب ترتیب فرمای مہمان خانہ جهان پادشاہ خاطر نواز و شہنشاہ
مکارم پرناز ولی نعمت یتیمتوز پادشاہمز اقدمز حضرت تلمری سپاہ
سپہر دوار طی مراحل لیل و نهار ایندکجہ سریر شوکتھیر
ملوکانہ لرنده مکین و کافہ اُمال و مقاصد شاہانہ لرنی توفیقات
صمدانیہ نہ رہین بیورسون آمین بحر مہسیدالمرساین .

مبدأ فیض و سعادت عثمانیان اولان یوم جلوس میامن مانوس حضرت
پادشاہلرندنبرو اعمار ممالک و بلدان و احیای تبعہ وزیر دستان
مقصدیلہ مصروف و مبذول بیورہ کلدک لری غنایات و ہممات عالیہ
تاجدارانہ لری حقا کہ سراپا افراد امت و ماتی قریر الدین افتخار و بو
عصر حمید الانار شہریاریلرنی مغبوط کافہ ادوار و اعصار ایتشدرد .

ولی نعمت یتیمتوز پادشاہ محاسن اثار و شہنشاہ مکارم دثار اقدمز
حضرت تلمرنک قاطبہ افکار حضرت خلافت پناہیلری داخلا تأسیس
عدل و داد و خارجا بالجلہ دول متحابہ معظمہ ایلہ تشیید بنیان و داد
امر مہمنہ مصروف و احاسن انظار خسروانہ لری حقیقہ و جیدا
ہمیشہ جانب صلح و صلاحہ معطوف اولدیفندن محبوب قلوب عالمیان

اولیٰ مزیت جلیله سنی احراز و من قبل الرحمن موصوف و متخلق
اولد قری اخلاق فاضله عالمسندانه لر یله بین الاتراب کسب قهر
وامتاز بیور مشلدر .

هر بری بر یکانه دهر بحق بیوک سرمایه فخر و مباهات اوله بیله جک
بر خلی مزایای عالی و حکمدارانیه اعظم مسدار مختر اولان
وجود مسعود خسر وانه لر یله تبرکله رشک آور جهان و جهان بان اولمی
لازمکلان عثمانلیله نه مطلبدر که ولی نعمت بیمنتز شوکتلو پادشاه
عالمیناه افتد من حضر تلیرنک سایه عمران وایه تاجدار یلرنده شکوه
وشان دولتک آن بآن ایلرو کتمکده بولندیقی کورمکله متلذذ
و مقنر در .

وجود پرسود هایونلری بزم ایچون فصلی مدار فخر و مباهات
اولسونک سایه شاهانه لرنده هر کون بر درلو ترقیات مادیه و معنویه نک
زیب آور خصه شهود اولقده بولندیقی نظر مسرتله کور یلیور .
یا فصل متتدار لطف و احسانی اولیه لم که بو عهد جدید هایونلرنده
ارباب فضل و کمال مظهر حسن التفات و مکافات اولیور . یا فصل دوام
عمر و اقبال و توافر شان و اجلال جناب ظل اللهیلری ادعیه
خیریه سنه حصر انقاس حیات ایتیه لم که امت و ملتک سعادت و سلامتی
اغور ندیم جوهر کرانه ای حیاتلری بذل و ایثار بیور مقدمه در لر .

(الناس علی دین ملوکهم) خواسنجه رواجگاه بازار فضل و عرفان
اولان بو عصر معارف حصر شاهانه لرنده هر کس کندی و سبی
یتدیکی مرتبه بر خدمت مقنر دده بولتیق امل و ارزوسنه دوشدیکی
کبی بو عبده کینه لری یعنی ارکان حربیه میرلوارلرندن (محمد رأفت)
بنده لری کندی عجز و قصورمه باقیه برق میدان انتشاره چیقاریله کلان

بوجه اثار مفیده بر لاحقۀ عاجزانه اوله رق بو کره ارض فلسطینی
(ارض کنعان) سیاحت ابتک اوزره بوحوالی به تشریف بیورمش
اولان ایتالیا دولت معظمه سی ولی عهدی پرنس (ویقتور امانوئیل)
حضر تلریله برابر بوانوب ایفای وظیفۀ مهمانداریه با ارادۀ سئیه
مأموریت حمیلۀ دأب قدیم سلطنت سنیه دن اولدنی اوزره شمدی به
قدر برای زیارت بو 'راضی' مقدسه به گلش اولان سار پرنس لر
حقارنده اجرا اولنان مراسم احترام مشار الیه حقنۀ دخی ایفا
ایندیکی صروده مشاهده ابتدیکم اثار واحوالی بر رسالۀ مخصوصه
هئینه وضع ایتمکی مناسب کوردم .

وقوعبولان سیاحت ایسه از غیر ارام اون الی مرحله دن عبارت
اولدیندن هر بر مرحله بی بر باب اعتباریله رسالۀ مذکوریه دخی
اون الی باب اوزرینه ترتیب ونهایته رسالۀ مذکوریه لطفاً و تنزلاً
رغبت بیوره جق ذوات محترمه نك اثنای مطالعه اسملری کجه جک
محلاتک تاریحجه شهرت بولانلریله انبیای کرام حضرانک ونتوحات
عظیه نائل اولمش اولان ذوات کرامک حقیقتلرینه وقوف تام
حاصل ایدمک اوزره ابروجه تواریخ مختلفه مطالعه سنه حاجت قللامق
اوزره خلاصۀ تاریخلری کتب تواریخنن اخذ ایدیلرک حروف هجا
ایله لغت طرزنده اوله رق تحریر واسمنه معلومات تاریخیه وجغرافییه
توسیم ایلدم .

— ❦ — برنجی باب ❦ —

❦ یاقه اسکله سنده وقوعبولان استقبالی حاویدر ❦

ایتالیسا دولت فحیمه سی ولی عهدی پرنس (ویقتور امانوئیل)

حضرتلری بیک اوچوز ایکی سنه سی شباطنک برنجی بازار کونی
ارض فلسطینی سیاحت ایچون واپور مخصوصلریله یافه اسکله سنه
چقیدیلرکه واپورلری لکرانداز اولدقدن پرنس حضرتلرینک اثنای
سیاحتلرینده معیتلرینده بولنق اوزره طرف اشرف حضرت پادشاهیدن
مأموراً یافده منتظر بولسیدیم کی قدس شریف متصرفی سعادتلو
رؤف پاشا حضرتلریله ایتالیا جنرال قونسوسی موسیو سولانه
قدسدن صورت مخصوصده یافه به کیش اولدقلرندن قونسوس
مومی الیه ایله لاتین مناستری رئیس روحانیسی و بعض ایتالیا نبعه سی
معتبرانی لاجل الاستقبال واپوره کیش اولدقلری کی متصرف
مشار الیه ایله عاجزلری دخی بیوک اونفورمه مزی لابس اولدیفمز
حالد طاقه سی منتظم و برنک البسه کیش بر صنداله راکا لاجل
الاستقبال واپور کیش ایدک واپورده پرنس حضرتلرینک مدیر
امورلری قولونل موسیو اوزیو عسکرلری سلام طور وضعتده
اولدینی حالده بزی قبول ایله طوغریجه سالونه کتوردی بر از
اوتورلدقدن صکره قولونل مومی الیه پرنس حضرتلرینک بولدقلری
سالونه کیدوب کلینی متعاقب مشار الیه حضرتلری بالذات یاغزه
کله رک قولونل مومی الیه واسطه سیله تقدیم اولدیفمز صره ده صورت
مأموریتی صورت زیرده محرر افاده ایله بیان ایلدم .

شویله که قدس وشام شریف حوالیسند و واقع اوله جق سیاحت
فحیمانه لری اثناسنده خدمت اصیلانه لرینده بولنق و کافه اوامر
فحیمانه لرینی حرفیاً اجرا ائلک اوزره طرف اشرف حضرت
خلافتنا هیدن شرفصادر اولان امر و فرمان هایون مو جیجه معیت
انجملیرینه مأمور اولدم بوساعتدن اعتباراً هردرلو اوامر علیه

فخیمانه لرینی وسع عاجزانهم یتدیکی قدر تنفیذ واجرا ایتمک حاضری
بولند یغمی عرض ابرم . دیدیکمک اوزرینه (فوق الغایه ممنون
ومتشکرم) جوابیله مقابله بیورمشلردر . بعده سالون مخصوص صلیرینه
چکلمش اولدقلری کبی بز دخی واپوری ترک ایدرک قرهیه عودت
ایلدک . برنس مشار الیه واپورده طعام بیوردقدن صکره یانهیه
چیقدیلر اسکلهیه حین وصوللرنده عساکر شاهانه وزاندارمه افرادی
صفبسته سلام اولدقلری و بزلر اسکله باشنده بولنه رق معیترلرنده
اولدق بز حالد طوغریجه مدعو اولدقلری لاتین مناسترینه کیدرک
براز استراحت بیوردقدن صکره قدس شریفه متوجهاً و عربهلره
راکبا یافته دن حرکت ایدلمشدر .

مشار الیه حضرتلری اسکله دن مناستره قدر محشر مثالی یولک ایکی
طرفه تجمع ایتمش اولان اهلینک ارازلدن اثنای مرورنده هر
برلرینه ایرو ایرو سلام ویره رک خاطرلرینی تطیب ایتمکده ایدی

— ایکنجی باب —

— یافته دن رملهیه صورت حرکت متضندر —

ولی عهد حضرتلری لاتین مناسترنده ایکی ساعت قدر استراحت بیوردقدن
صکره بعد الظهر الافراقه ساعت ایکی یعنی الاتورقه ساعت سکر
راده لرنده حکومت سنیه طرفدن اولجه تهیه ایتدیرلمش اولان عربهلره
راکبا و قدس شریفه متوجهاً رملهیه حرکت الملشدردر . محال
مذکوره وصوللرنده لاتین مناستری رئیس روحانسی اجرای این
ایله استقبال الملشدر . مشار الیه حضرتلری رملهده اقشامدن اول
جامع الابیض نامیله معروف والیوم خراب بر حالد اولان ابنیهیه

کیدرك حالا موجود اولان مناره به چيقوب اطراف واكنافى سير
 و قاشا ايلدكلى كجى دها بهض جوامع شريفه ايله سائر محللرى دخى
 قاشا بيوره رقى مسافر اولدقلى منا-تره عودتله طرف سلطنت سنيه دن
 صورت مكمله ده ترتيب ايدلمش اولان صفره ده اقشام طعامى تناول
 بيور مشلردر طعامده حاضر بولان ذوات محترمه نك هر برى موقه
 مناسب برر نطق ايراد بيوردقلى كى دائره لرى مديرى قولونل موسيو
 اوزيو دخى (بزي مسافر لكه قبول بيورديفكر دن طولاي تشكر
 ايدر ز) ديمسى اوزرينه آتیده صورتى محرر جواب ايله طرف
 عاجز يدن مقابله ايدلمشدر (ولى عهد حضرتلى ممالك سلطنت سنيه مك
 اجزای متمم سندن اولان مصر ايالتى سياحتى زماننده عثمانلى مات
 نحييه سى وطن خصوصيلرى دخى سياحت ايدم جكلىرى اوراق
 حوادثه اعلان ايديلان سياحت پروغرامنده كوردكلى انده
 اودرجه لده مفتخر اولمشلردر كه اوحس مفتخر عثمانيلرك قلوب
 و داد مشكوننده نقشير اوله رقى الى الابد باقى قاله جيق الكبارلاق
 واحترامك صحيفه لرى خى خطوط زرین ايله ترين ايله جكدرد .)
 اشبوا افاده عاجز انهم جمله حضار طرفدن كمال ممنونيتيله القشلافسشدر .
 بعد الطعام براز معاجبتدن صكره مشار اليه حضرتلى اوطه
 مخصوص صرينه چكلمشدر

— اوچنجى باب —

رمله دن قدس شريفه حر كتى متفقدر

فرداسى كوفى على الصباح عربيله راكباً و قدس شريفه مشوجهاً
 حر كت اولندى يافه ايله قدس شريفك بيننده نصف مسافده واقع

باب الواء نام محله کی لوقطه ده بر از ارام واستراحت اولندقدنصرکه
 حرکتله یوله دوام اولنهرق ظهر وقتی قدسدن بر بچق ساعت بعد
 ومسافه ده کائن قانونیه نام محله وصولرنده اوراده قورلمش اولان
 چادرلرده طرف سلطنت سنیه دن صورت مکمله ده تیهه واحضار
 ایدیلان سفره یه اوتوریلوب طعام بیورلمزدن بر از اول سالون
 چادرنده امرای عسکری به و مأمورین حکومت سنیه اونیفورمه لرینی
 لابس اولدقلری حالدیه قبول اولندقلری کی ملل سائره رؤسای
 روحانیه لر یله دول متحابه قونسلوسلری قنچلار وترجانلری کذلک
 البسه رسمیه لر یله تقدیم ایدلشدر . بعده مشار الیه حضرتلری تناول
 طعام بیوردقدنصرکه معیتی ایله البسه رسمیه لرینی لابس اولدقلری حالدیه
 مره به لره راکباً قیام وحرکت اولدینی و قدس شریفه وصولرندن اون
 دقیقه اولجه بر موقع مناسبه عسکری موزیفه سی ترغاسزو عساکر نظامیه
 طابورلری صلبسته سلام واعزاز اولدینی و قدس شریفک ایتالیا جنرال
 قونسلوسی خانه سی اوکنده کی بولک محور طولانیسه عموداً آخشا بدن
 مکمل ترتیب ایدلمش اولان قونک اوزرنده آلچدن معمول برستانک وضع
 ایدلمش اولدینی و مرور اولنان جاده نک ایکی طرفی رنگارنگ بیراق
 وچچکلر ایله مزین بولندینی حالدیه بر جم غفیر اراستدن کمال احتمال
 ایله مرور ایله رک کوندز ساعت اون راده لرنده مملکت قبوسندن دخول لرینه
 قریب بر محله تعظیما یکر می برپاره طوب انداخت اولنش و بونی
 متعاقب اجرای آیین ایله استقباله لاتین بطریق افندی چیه رق
 قدس شریف متصرفی سعادتلو رؤف پاشا حضرتلریله چاکرلری
 وسائر امرای عسکری به و مأمورین ملکیه معیتلرنده بولند یغمز خالده
 طولوغریجه (قیامه) کلیسا سانه کیدلمش واوراسنی زیارت بیوردقدن

سکره مسافر اوله جقلری لاتین مناسترینه تشریف برله اوراده دول
شهابه قونسولوسلری البسه رسمیله ریخی لابس اولدقلری طالع
وزیتلری قبول ایدلشد .

پرنس حضرتلری لاتین مناسترنده مسافر اولدقلری مدنجه تناول
بیوره کلدکلری اطعمه نفیسه ضایت مکمل اولدینی کبی هر اقسام
دخی اثنای طعامده بر باندو موزیقه عسکری به مارش عثمانیله مارش
ایتالیانی وسائر مارشلری چالمده ایدی .

شباطک او چخی کونی مشار الیه حضرتلری صباحین ساعت بر
واده لرنده نبی (داود) علیه السلام اقدمن حضرتلرینک محل
سارکله ریله ده با بعض محللری زیارت بیوردقدن سکره مسافر
اولدقلری لاتین مناسترینه عودتله بیوک اونفورمه ایله حکومت
منیه به کیدوب رسماً وزیته وبردکلری صرده حکومت مذکوره
قبوسی اوکنده موزیقه شاهانه ترغاساز اولدینی کبی عساکر حضرت
شهریاری دخی صفتیه سلام واحترام اولوب متصرف باشا
حضرتلری دخی بیوک اونفورمه سنی لابس اوله رق مشار الیه
حکومت قبوسی اوکنده استقبال ایدوب طوغریجه سالون کیدلدی
واوراده بر از مصاحبت اولندقدن وشریتلر ایچلد کدن سکره مشار
الیه پرنس حضرتلری قدس شریف ردیف دبوی بالتشریف موقع
قوماندانی سعادتلو رستم باشانک اوطله سنده بر از مدت ازل
واستراحت بیوردی بعده میر الای عزتلو خلوصی بکک تحت
قوماندانده اولوب دبوی مذکور میدانده صفتیه سلام اولان
نظامیه اوتوز سکرنجی الاینک برنجی ولو چخی طابورلری معاینه
بیوردقلرینی متعاقب قشله میدانی مانوره چورمکه غیرمساعد اولدینی

خالد مومئ الىه خلوصى بك افدى مذکور طابورلره اصول
جديده به تطبيقاً حال وموقعه مناسب غايت منتظم بر طاقم مانوره لر
اجرا ايتدير دکنصکره صورت مکمله ده برده رسم کچيد اجرا
ايدلشد.

ختم رسم اچيدده طابورلری اسکی وضعيتلرینه ارجاع ايجون مناسب
بر ايکی مانوره ده اجرا ايدلشد.

اشبو مانورلر ميداندن عدم وسعتيله برابر حقيقه محير عقول
دينه بيله جک قدر مکمل ومنتظم يابلشد که اثنای حرکتده هر ايکی
طابورک هيئت مجموعه سی يکوجود کبی کورغنگده ایدی حتی
(پرس) حضرتلری معیتده بولنانلره باقکزشو عکرلر استعمال ایتکده
بولندينی سلاحه او درجه انسیت پیدا ایتش و برابر حرکت ایتکده
او قدر الشمشکه هپسی برانده يکوجود کبی حرکت ایدیور اشته
تعلیم بویله اولور سوزيله کرک امرا وضابطانک امر قومانده
وساثره جه اولان حسن درایت و لیاقتلرندن و کرک افراد عساکر
شاهانه نك فن سلاحشوریده کوستردکلری ملکه ومهارتلیله البسه
واسلحه لرجه مشاهده اولتان اثر نظافت وانتظامدن فوق الغایه اظهار
اثار شادی ومعنویت بیوردقلری کبی اثنای تعلیمده دائماً افکاروآمال
مقدسه ملوکانه به توفیق حرکتله کچه کوندز مملکتک اعمار واصلاحه
بذل سی یشمار ایتکده متلذذ اولان مشار الیه قدس شریف متصرفی
سمادتلو رؤف پاشا حضرتلریله اوراده بولنانلره بیان محظوظیت
انظاری اوزرینه (پادشاه عالم وشهنشاه اسکندر حشم اقدام
حضرتلرینک اراده اصابت عاده شهریاریلرینی حرفیاً ایضا ایتکدن
بشقه بر وظیفه ایله مکلف اولدلفهمزدن بزم ايجون مقدس اولان

عسکر لکه لیل ونهار چالیشمقلقه برابر ایجاب ایدن موقعه هر ان وزمان امرأ وضابطاغزک حیزمه لری ایاقلرنده و افراد شاهانه لرینک چانقله لری ارقه لرنده اولدینی حالده اراده تاجداریلرینه انتظار ایتمکده یز) جوابیله طرف عاجزیدن مقابله ایدلمشدر .

بوندن بشقه حتام تعلیمده میر الای عزتلو خلوصی بک اقدی بر معتاد مشار الیه حضرتلرینه طوغری کلوبده بر بشقه امرلری اولوب اولمدیقنی استفسار یوللو عسکرجه اجرای رسم تعظیم ایندیکی صبرده مشار الیه حضرتلری دخی بولندقلری محلدن بر قاج خطوه ایلرویه چیقوب کمال سربستی و مهارتله قومانده ایتمکده بولان میر مومی الیه التفات بیورملری اوزرینه (بو کونکی کونده قشله بی تشریف ایللرندنطولای عموم سلاح ارقداشلرم نامنه عرض و مباحات و محبت ایلرم) سوزیله مقابله ایلشدردر .

اورادن تکرار میر مومی الیهک او طه سنه کیدیلوب اجرا اولتان تعلیمک مکملیتله عساکر شاهانه نک تربیه و اطاعت و حسن نظافت و طهارت لرینی تقدیر آمشار الیه (برنس) حضرتلری موقع قوماندانی سعادتلو رستم پاشا ایله میر مومی الیه وسائر امرأ وضابطاه بشقه التفات بیورمشلدردر .

اخیراً کجه تناول اولنور ایکن مذکور تعلیمک مکملیت و حسن جریانندن سیاق ممنونیت و تشکرله بحث بیورلمش و هر ایکی طابورک افراد حضرت شهریارینک اجرا ایلدکلری مانوره لرده افراد مرقومه نک یک وجود کی حرکت سریع لرینی تقدیر ایلده درجه نهایده اولان استعداد لرندن پک زیاده خشنودی اظهار ایتمش و طابور مذکور یکباشیلرندن پلونه محاربه سنده ابراز شجاعت ایدوبده پلونه مدالیه سنی

حائز بولان رفتلو رضا بکه بمنوینتک بیانسه چاکر لرینی تکلیف التلس
اولدقلری کبی بالناسبه تناول طعامدن صکره اوطنه چاکرانه می لطفاً
تشریف بیورمش اولان قدس شریف متصرفی سعادتلو رؤف پاشا
حضر تلیله موقع قوماندانی سعادتلو رستم پاشا ومیرالای عزتلو
خلوصی و بیکیاشی رفتلو رضا بکری پرنس حضرتلری کوردکلری
انده اوطنه مذکور قبوسی ایجروسنه کیروب مومی الیه رضا بکی
یانلرینه دعوتله براز مصاحفدن صکره (بلونه محاربه سنده عثمانی
عسکرینک قزاقش اولدینی صیت وشهرت سیزک کبی جسور ونخبور
امرانک اقدامیله حاصل اولمشدر سیزک کبی ناموسلی امرایله
کورشدیکمه تشکر ایدرم) دیمچی اوزرینه (سلاح ارقداشلرم ایچنده
الک عاجز واققدار سز اولدیم حالده حق چاکرانه مده اولان لطف فحاشات
یناهیلرینه تشکر ایدرم) جوابیله مقابله المشدر . ایاق اوزرئده
اولدیمز حالده مشار الیه پرنس حضرتلری برخیلی التفات بیودقدن
صکره اجرای تلطیفی حقنده مقام مشیریت جلیله به برقطعه تشرافنامه
کشیده اولمخنی عاجزلرینه توصیه بیورمشلردر .

(ایشنه مهارت فیه وشجاعت فطریه کبی ایکی بیوک مزیتی حائز اولان
عثمانلی عسکرینک واصل اولدینی درجه ترقی حقیقه شایان افتخار
وممنونیت اولدیفندن ترقیات حاصله به سبب مستقل اولان شوکتلو
پادشاهمز افندمز حضرتلرینه عموم عثمانیلر نامنه عرض محمدت
وشکران ایدر وجسم دولتک مابه الحیاتی اولان جوهر ککرانیهای
وجود ملوکانه لرینک همیشه زینتساز تخت عثمانی اولسنی بخلوص البال
جناب واهب الامال حضرتلرندن تھی ونیاز ایلرم .)

در دخی باب

قدسدن مار ساباه اولان حرکت وسفر بیاننده در

شیاطنك در دخی چهارشنبه کونی علی الصباح الافراقة ساعت
 سکرکه الاتورکه ساعت ایکی راده لرنده مشارالیه برنس حضرتلری
 معیت فحامتیناهیلریله یوله چیقارق قدس شریفك جهت جنوبیسنده
 کائن بیت اللحم قریه سنه وارلدی . انهای راهده طنطور نام محل که
 (اوردر دومالت جمعیتی طرفندن تأسیس اولنش بر خسته خاوه در)
 اورای تماشا بیوردقلری کبی دها بیت اللحم قریه سنه وارلزدن اول
 لاتین علمانی طرفندن تأسیس اولنش اولان (دون بللونی) نامنده که
 ایستخانه یه کیدوب رئیسله ملاقات بیوردقه نصکره مذکور ایستخانه نك
 هر بر محلی طولاشمشلردر محل مذکور دن بیوک کلیسایه کیدمك
 اوزره ایکن قدس شریف لاتین مناستری رئیس روحانیسی
 کستوری نام ذات مخصوصاً اورایه ککش و برابرنده البسه رسمیه
 روحانیلرینی اکتساب ایتمش رهاین ایکی صره دیزلش اولدقلری
 حالده کمال اختفال ایله استقبال المشلردر مومی الیهك دلالتیه بازیلك
 کلیسایسنبله (مهد عیسی) و (مغارة الحلب) وسائر بعض زیارت
 محللرینی کزد کدنصکره مذکور کلیسایه عودتله بر از استراحت
 بیورمشلردر . بعده الافراقة ساعت اونبرکه الاتورکه ساعت بش
 راده لرنده طرفی سلطنت سنیه دن تیه ایدلش اولان مکمل صفرده
 تناول طعام بیوروب بعد الظهر بیت اللحمك جهت شرقیسنده کائن
 (مار سابا) نام مناستره کیدمك اوزره یوله چیقلدی چول اوزرنده
 بیت ساجور کلیسایسنی دخی زیارت بیوردقلدن نصکره یوله دوام

بیوردیلر الافراقه ساعت دوت ببحق که الاتورکه ساعت اون ببحقه محل مذکور موصلت اولندی اوراده متزوی بولسان روم رهبا نرینک حال معیشت و سائر لریخی استفسار برله مناسترک هر بر طرفی برر برر ماینه بیوردیلر بعده رئیس رهاینک او طه سنه تشریف بیورده رق قهوه و شرابلر ایچلد کد نصکره مناستر مذکورک یارم ساعت بعد و مسافه سنده که میدانده طرف سلطنت سنیه دن قورلش اولان (کامپان) چادرلره کیدیلهرک محل مذکورده اولجه حاضر لئش اولان هر درلو لوازاماتک صورت مکملهده اولدقاری مشاهده بیوردقاری جهته کال درجهده محظوظ اولدقاری معامله نواز شکارانه فحیمانهلرندن اکلاشلشدر الافراقه ساعت الی ببحق که الاتورکه ساعت یارم صولرنده طعامه اقبال بیوریلهرق بعد الطعام سالون چادرنده بر از استراحت و مصاحبتد نصکره محل مخصوصلرینه چکلدیلر .

— بشنجی باب —

— مار سابادن عین السلطانہ حرکت و سفر بیاننده در —

مار سابادن شبا طک بشنجی بنجشنبه کونی علی الصباح الافراقه ساعت یدیده یعنی الاتورکه ساعت برده قالمش و تمام دوت ببحق ساعت مسافه قطع ایدلد کد نصکره الافراقه ساعت اونبر ببحق که الاتورکه ساعت بش بچتده زور دن (اردن) نهرینک منصبنده واقع بحر لوط کنارنده که جزیره یه موصلت اوله رق اوراده صورت منتظمده ترتیب ایدلش اولان او یله طعامی تناول بیوردقند نصکره الافراقه ساعت یارم یعنی الاتورکه ساعت الی ببحقه حضرت (عیسی)

ائقندمرك تعميد اولدقلری شریعه به متوجهاً حرکت اولندی بر بحق
 ساعت قدر یوله دوام اولدقدنصکره بعد الظهر الافراقه ساعت
 ایکیده یعنی الانورکه ساعت سکرده محل مذکوره مواصلت اولندی
 صروده قدس شریف سنجایی الای بکی عزتو عاصم بک ائقدی
 رفاقیتله مقدار کافی ژاندارمه افرادی وسکسان قدر عربان اتلوسی
 صفتیه سلام اولدقلری حالده کمال تعظیم ایله رسم استقبال اجرا
 ایدلشد برنس حضرتلری عربابک برر برر اوکلرندن کچرک
 حامل اولدقلری سلاحلیله مزراقلری کوزدن کچروب هر برلری
 یکان یکان تلطیف بیوردقدنصکره عربان مذکور مشایخی دخی
 مشار الیه حضرتلرینه ابروجه تقدیم اولدقدن کندولرینه التفات
 مخصوصه ایلشد . شریعه یارم ساعت قدر آرام ایدلکدنصکره
 الافراقه ساعت ایکی بچقده یعنی الانورکه ساعت سکر بحق راده لرنده
 حیوانلره راکباً اوکیجه بیتوت اولنه حق عین السلطان نام محله
 حرکت ایدلدی اثنای راهده تصادف اولسان واسع بر میدانده
 طوریلهرق عربان مذکور طرفندن غایت مکمل قدیم محاربه اصولی
 اوزره اوینامش اولدقلری آت اوپونلری بر از سیر و تماشای
 بیوردقدنصکره یوله دوامله الافراقه ساعت درت بچقده یعنی الانورکه
 ساعت اون بچقده عین السلطان نام موقعه مواصلته صورت منتظمه
 قورلمش اولان چادرلره کیریلهرک استراحت بیوردیلر . اقسام اولزدن
 بر ساعت اول برنس حضرتلری بر قاج ژاندارمه ایله آوه چیقیدیلر
 عودتلرنده اقسام طعامنی تناول بیوره رق بعد الطعام برازم صاحبندن
 صکره فنارلر و مشعللر ایله ایقاد اولنمش اولان چادرلرک آراسته کی
 میدانه کیدیلهرک اورابه کلش اولان برلی اهالی ایله اربخاده متوطن

و تجمل عادات محلیه لری اوزره انواع لمیات اجرا ایلدیلر و مسکرة
رفاقنزه بولنالردن ایکی کئی دنلی قلیج او بونی اوینامش اولدقلری
واشبو لمیات بر ساعت قدر امتداد ایلدکن صکرة مشار الیه
حضرتلری چادر مخصوصلرینه چکلدکلری کبی خلق دنلی محللرینه
ملا غلشلردر .

التجی باب

عن السلطانن قدس شریفه عودت بیانندهدر

فرداسی کونی علی الصباح الافرانقه ساعت یدیده یعنی الاتورکه ساعت
برده عن السلطانن خرکتله بعد الظهر جبل طوره مواصلت
اولندی محل مذکوره اویله طعمانی تناول بیوردقدن صکرة براز
استراحت ایدرک حضرت (عیسی) افندمن حضرتلرینک سمایه عروج
بیوردقلری محل مبارککبی زیارت ایلدکن صکرة قدس شریفه متوجها
خرکت بیوردیلر شهر مذکوره اثنای مواصلته عساکر حضرت
پادشاهی طرفدن کمال احترامله سلامنه رق باب سیده (مریدن)
ظو غریجه (حرم شریفه) تشریف بیوردیلر اوراده (مسجد اقصی بی)
و (صخرة اه) و سائر زیارت محللری سیر و قاشا بیوردقدن صکرة
مسافر اولدقلری قزانوویه تشریفله محل مخصوصلرینه چکلدیلر .
موزیقه حضرت شهریار مارش عثمانی و مارش ایتالیانی ترغساز
اولدینی حالده کمال حضور راحته اقسام طعمانی تناول بیوردیلر
موزیقه مذکورک کمال درجهده مهارت و اتقان ایله چالمقده اولدقلری
هواردن غایتله ممنون و مسرور اولدقلرندن مشار الیه حضرتلری
طرفدن دفاتله القش الامشدر . اخیرا پرنس حضرتلری بالذات نام نامی

حضرت خلافتناهی به مخصوص اولان مارشك چالغنی اراده بیوروب
موزیقه نك بودفه دخی اجرا ایلدیکی صنعت و مهارت نمونیتنی موجب
اولغله مشار الیه حضرتلری تقدیر و تحسین بیورمشلردر .

— یدنجی باب —

— قدسدن بیتن قریه سنه حرکت و سفر بیاننده در —

فخامتلو پرنس حضرتلری التجی بایده مفصلاً بیان اولدینی وجهله
جمعه کونی اقشامه قریب قدس شریفه بعد المواصله ایجاب ایدن زیارت
محللریخی سیر و عاشا بیوردقدن صکره لطفاً و تنزلاً مسافرت قبول
بیوردقلری قزانووه به عودت واستراحتله فرداسی جمعه ایرتسی کونی
درون شهرده دها بهض محللری کزهرك امرار وقت بیوردیلر .
الا فرائقه شباطك یکرمنجی یعنی الا تورکه شباطك سکرنجی بازار
کونی مشار الیه حضرتلری او یله طعمانی مسافر اولدقلری محله
تناول بیوردقدن صکره شام شریفه متوجهاً الا فرائقه ساعت برکه
الاتورکه ساعت یدیده اوکیجه یی بیتن قریه سنده کچورمك اوزره قدسدن
بالعز والعافیه حرکت بیوردیلر بواشاده عساكر حضرت تاجدارى
صفبسته سلام واحترام وموزیقه عسکری ترغساز اولدینی ومعیت
فخامتپناهیلرنده قدس شریف متصرفی سعادتلورؤف پاشا حضرتلریله
موقع قوماندانی سعادتلورستم پاشاودها سائر مأمورین ملکیه ومعتبران
اهالی بلده اولدقلری حالده شهردن یارم ساعت بعد ومسافیه قدس
رسم تشییعی اجرا ایلدکلری واشبو مسافده کائن جیل دروننده
اویولش بر طاقم اوطه لری کورمك ایچون حیوانلردن انیلرهرك اون
اونش ایاق زردبانله اشاغی به انیلوب جیلدن آچلش اوفق برقودن

شمه لر واسطه سیله ایچرویه کیریلهرک جوانباربعه سی صورت منتظمه ده
اولش بر سالون کورلدیکه اشبو سالونک ایکی جهتنده قبولی سالونک
قبوسی شکننده ایکی عدد اوپله وار ایدی مذکور اوپله ره کیرلده
سالون مثللو غایت منتظم اوله رق اوپولش اولدقلری کورلدی تکرار
سالونه چیقلدقده مذکور اوپله ردن بشقه سکران ایاق زردبان واسطه سیله
انیلور جیلدن اوپولش دیگر بر مغاره موجود ایدیسده مشار الیه
حضرتلری محل مذکوره ایندکلی جهته درون مغاره نه یولده تقسیم
ایدلش اولدینی اکلاشیله مدی اشبو محلدن یوقارویه چیقلدقده برنس
حضرتلری تشییع ایچون کلش اولان ذوات محترمه ایله وداع ایدرک
یوله دوام اولندی .

قدسدن ایکی ساعت بعد ومسافه ده یول اوزرنده واقع بیر
قریه سنه مواصلت اولدینی هنکامده اشبو قریه نک جسماتی نسبتده
اولان نفوس اهالی یولک ایکی طرفنه تحشر ایش اولدقلری کبی
اوراده بولان لاتین میسیونری قریه مذکوره کائن مکتب چوجقلریله
مشار الیه حضرتلرینک استقباله کله رک جمله مز حیوان اوزرنده
اولدیغمز حالدده ایتالیانجه بر نطق ایراد ایلدیکی کبی مکتب مزبور
طالباندن صغیره بر قزغیز دخی دعاوشنا یولنده عربی العبارة
ترتیب ایدلش بر قصیده اوقودیقنی متعاقب مشار الیه حضرتلری
اظهار محظوظیتله یوله دوام بیوردیلر .

قدس شریفک شمالنده و اوچ یحقی ساعت بعد ومسافه سنده کائن
بیتن قریه سی جوارنده اولجه قورلش اولان (کامپان) چادرلر
موقعنه مواصلترنده معتادلری وجهله آوه چیقارق بر طوشان ایله
سائر بعض اوفق طیور صید ایش اولدقلری حالدده کمال عافیتله

عودت بیوردیلر بعده صورت منظمه ده ترتیب و تنظیم ایدلش
اولان صفره ده اقسام طعامی تناول بیورد قد نصکره استراحت
سالونه عودتله بر از مصاحبت نصکره جادر مخصوصلرینه
چکملشدر .

سکزیجی باب

ییتدن نابلسه حرکت بیاننده در

فرداسی بازار ایرتسی کونی صباحلین بیتوت اولنان بیتن قریه سندن
الافراقه ساعت التی ییحق کی الاتورکه ساعت یارمده حیوانلره
راکباً نابلسه قیام و حرکت اولنشددر محل مذکور دن بر قاچ دقیقه
ایرلد قد نصکره یولک صاغ طرفده واقع سیدنا (شموئیل) علیه
الصلاة والسلامک مدفن شریفلری کورلش ایسه ده وقتک عدم
مساعده سندن پیغمبر ذیشان حضرتلرینک زیارت سعادتلرینه موفق
اولنه مامشدر .

اطراف و اکنافه غایت لطیف منظره و یرمش اولان طاغلرک
کاه زروه لرندن وکاه یماجلرندن بر ساعت قدر قطع مراحل
ایدلد قد نصکره بر دریه انیلهرک مذکور دره بر ییحق ساعت قدر
امتداد اولنشددر اشبو دره اولدقچه واسع و منظره سی ایسه غایت
لطیف ایدی مذکور دره دن چیقلد قد جهت شمالیده و بر طاغک
یماچنده سنجل نامنده جسم و اراضی منبت جوانب اربعه سی ایسه
ذیتونلک و اینجیرلک و اشجار سائره مثمره مغروسی بر قریه یه مواصلت
اولنشدرکه اشبو قریه قدس شریف سنجاغک منتهای حدودی
اولوب اشبو محلدن بلقا یعنی نابلس سنجاغی طراغنه کیرلدی اورادن

بر از یوله دوام اولندقده نابلس سنجانی ژاندارمه بیکباشیسی رفتلو
 یحیی افندی بیوک اونیفورقه‌سنی لابس اولدینی ومعیتده اوتوز قدر
 ژاندارمه افرادی بولندینی حالدده مناسب بر موقعده صفتسته سلام
 واحترام اولدقلری حالدده مشار الیه پرنس حضرتلرینی کمال تعظیم
 ایله استقبال ائلس و قدس شریفدن اولجه مشار الیه حضرتلرینک
 معیت فخامتپناهیلرله کلمش اولان ژاندارمه یوزباشیسی حاجی یوسف
 اغانک رفاقتده بولان افرادی عسکری یه ایله برلکده پرنس
 حضرتلرینک معیتلرنده اولدقلری حالدده صورت منتظمده یوله
 دوام ایدلمشدر . مرور اولان طریقک صاغنده ومنفرد اوفق
 بر جیلک اوزرنده تر مسعیاً نامنده بر قریه مشاهده اولندی
 مذکور قریه‌نک واقع اولدینی جیلک جناحینی ایکی طاغک اراستده
 کائن واولدجه واسع غایت منبت ایکی عدد وادی ایله محاط اولوب
 اشبو وادیلرک منظره‌سی اولحوالی‌یه تعریفی ناقابل لطافت ویرمکده
 ایدی . الافراقه ساعت اون بحقدده یعنی الاتورکه ساعت درت
 بحق راده‌لرنده جیل اللبن نام محله بالوصول اورادن اشاغی‌یه نظر
 اولندقده مستطیل الشکل واولدجه واسع بر اووه کوزلدی مذکور
 اووه‌نک ایلروسنده وغرب شمالی جهتنده وبر طاغک یماجنده لبن
 قریه‌سی وار ایدی جیل مذکوردن اووه‌یه انیلرک شماله طوغری
 یوله دوام اولندقده هر ایکی طرف زیتون واینجیرک ایله مغروسی
 ایدی اشبو اشجارک اطرافنده که طاغلرک زمرد کبی اوتلری اول
 موقعه بشقه‌جه بر لطافت ویرمکده ایدی مذکور دره بر خیلی
 امتداد ایلدکدنصکره طارله شرق تشکیل ائلس اولدینی بوغازدن
 بر از کیدلدکدنصکره الافراقه ساعت یارمکه الاتورکه ساعت الی

بحق راده لرنده بوغازدن چیقيله رق زيتونلك وسائر اشجار مئره ايله تزيين اولنمش اولان ديكر بر اوويه تصادف اولنديكه اشبو اووده ويولنك صول طرفي ايلروسنده وزيتون اغاچلرينك اراسنده قورلمش اولان (كامپان) چادرلر كورلدي بر اون دقيقه قدر قطع مسافه ايدلدكندنسكده محل مذكوره مواصلت وقوشلق طعامي تناول بيوردقدنصكره بر از استراحت ايدلدي بعده مشار اليه حضرتلري اورادن قيام وحركتله زيتونلكلرك اراسندن يوله دوام اولنهرق بر جزئي مسافهده كائن حواري قريه سي اوكندن مرور اولندقدن مذكور اووه غايت كنشلتوب ايكي ساعت قدر مني وحركتله نابلسه كيملزدن اول جهت يسارمزده سامريلرك قربان كسدكلري غريبه دنيلان جبلك اوكنندن كچلدكده يولك صاغطرفنده سيدنا (يوسف) عليه السلامك آتلدني بئر يعقوب ارايه ايدلدي اشبو محله محلي متصرفي سعادتلو فخرى بك افنديله موقع قومانداني ميرالاي عزتو محمد بك افندي وسائر امراي عسكرييه ووجوه بلده البسة رسميلريني لباس وپياده وسواري عساكر حضرت شهر ياري دخي غايت منتظم اولدقلري حالده صفتسته سلام واحترام اولمشلر مشار اليه حضرتلرينه متصرف موسمي اليه ايله امراي عسكريه ومأمورين حكومت محليه تقديم اولندقدن هر برلرينه اير و اير و التفات بيوردقدنصكره مذكور قيويه كيديلهرك هر جهتي نظر قاشادن كچرلدكده نصكره يوله دوام اولنمغه باشلانيلدي شهرك مدخلنده ويولك صولنده واقع ابنه سي غايت منتظم قشله عسكري كورلديكه مذكور قشله نك بولنديني وضعيت حقيقه عسكار اولنلر ايجون بريوك تاثيرات وپرديكي كي

اول حوالی به دخی بشقه جه جلادت ویرمکده ایدی وهله اهالی
بلده نک جم غیر ایله تجمعلری کذلک پرنس حضر تلرینک استقباله
بر قاندها زینت کسب ایتدیرمکده ایدی .

نابلسه کیرلده طوغریجه سامریلرک حورالربنه کیدیلوب ایکی بیک
سنه ک تورات شریفی زیارت بیوردقلری کبی دها بعض عاداتلرینی
استفسار بیوردیلر مذکور حورادن چیلدقده نابلسک جهت
غریبیسنده واقع اراضیده مهیا اولان (کامپان) چادرلره بالتشریف
براز استراحتدنصکره تناول طعام بیوردیلر صفهده متصرف سعادتلو
فخری وموقع قوماندانی میرالای عزتلو محمد بک افندیلر ایله وجوه دن
رفتلو سعید ولاتین رئیس روحانیسی افندیلر پرنس حضر تلرینک
اراده لرینی موجبجه حاضر بولندقلری حلالده برلکده طعام ایلدیلر
بعد الطعام سالون چادرنده براز مصاحبتدنصکره لاجل الاستراحه
چادر مخصوصلربنه چکلدیلر .

— طقوزنجی باب —

نابلسدن جینه صورت حرکتک تعریفی بیاننده در

شباط رومینک اوننجی صالی کونی الافرانقه ساعت یدی یعنی الاتورکه
ساعت بر راده لرنده نابلسدن حرکت اولندیغی صرهده محلی متصرفی
سعادتلو فخری وموقع قوماندانی عزتلو محمد بک افندیلر ایله سائر
امرای عسکریه ووجوه بلده مشار الیه حضر تلرینی لاجل التشییع
قصبه دن یارم ساعت مسافیه قدر کلدکلری کبی عساکر شاهانه
وزاندارمه افرادی دخی محل مذکورده صفبسته سلام واحترام

اولشلردر اوراده بعد الوداع مشار اليه حضرت تارينك مساعده لريله
 عودت بيورديلر .

نابلسدن اتناي حركنده يولزك صول جهتنده برحيلي صو چشمه لريله
 متعدد صو دكرمانلري موجود اولديني كبي اول اراضي دخي كاملاً
 زيتون وساثر اشجار مثره ايله مفروس و غايت معمور و سامان اولمغله
 منظره سي حقيقه لطافت تامه يي جامع ايدى .

نابلسك بر ساعت بعد و مسافه سنده و مرور اولنان طريقك جهت
 يسارنده كائن جبلك يا جنده ساروجه قريه سنه تصادف اولندي اشبو
 قريه نك بر ساعت ايلروسنده . ويولك جهت يسارنده واقع سبسطيه
 جبلنك راسنده سبسطيه قريه سي كورلدى يولزك هر ايكي جهتي
 زيتونلك وساثر اشجار مثره ايله مفروس ايدى قريه مذكوره نك
 و قيله بيوك بر شهر اولديني تاريخ ايله مثبت اولديني كبي حالاموجود
 اولان مرمر ستونلريله بر طاقم كرلر دخي مذكور قريه نك جسامت
 و شهرته دلالت ايدى و ايدى و بو اثار قديمه جمله سندن بر قلمه نك
 وجودى دخي اليوم موجود اولان قللرندن اكلاشلى اشبو قريه نك
 منتهاي شريف سنده بعض ابنيه مندرسه ايله خراب بر جامع شريف واردر
 مذكور جامع دروننده سيدنا يحيى عليه السلامك زير زمينده بولنان
 بمقام شريفلرينه يكرمى اوج اياق نردبان ايله انيلوب اوفوق بر قبو
 واسطه سيله مربع الشكل بر ميدانجه دخول اولنديكه مشاراليه
 حضرت تارينك مقام شريفلى اشبو ميدانك قپوسنه ناظر
 اولان جهتنده اولوب هر جهتي قابو اولديني حالده يالكز عمودى
 مازغال شكلنده اوج عدد بنجره واسطه سيله مقام شريفك غايت
 قرانلق اولان دروننه شمعلر واسطه سيله نظر اولنمش ايسنده

بر طاقم کملکردن بشقه هیچ بر شی کورلماشدر و اشبو
 بنجره لر برر بوله دیوار ایله تفریق اولغشدر . جامع شریف
 مذکور و قنبه غایت جسم و آثار مشهوره دن اولدینی آثار حاضره سی
 کوستر مکه ایدی محل مذکور دن یوقارویه چقیله رق جیلدن بر از
 اشاغی به انیلدکده بر دریه تصادف اولغشدر که مذکور دریه
 سبسطیه دره سی دیرلر یولوز اشبو دره یی عموداً قطع ایدرک
 کچد کدنصرکه حقیف میلده بر طاغه چقیله رق غایت معمور برق
 نامنده کی قریه به موصلت اولندی اشبو قریه نک صاغ طرفی اتصالن
 مرور اولته رق مذکور جیله متصل و اندن مرتفع دیکر بر جیلک
 یماچندن رأسنه چیقلدقده جهت بمنجزده اطرافی اغاجلق بر تر به
 کورلدی . مذکور جیلک صول طرفی یماچندن یوله دوام اولته رق
 بر اووه یه انیله جکی صروده جیلدن ایرلش بر صرتک نهایتده واقع
 بر تپه نک اوزرنده کارگیر و اولدقچه واسع الیره قریه سی و ارایدیکه
 مذکور قریه نک اطراف اربعه سی کاملاً زیتونلک و اشجار ساره ایله
 محاط اولوب بو سایه ده اولحوالی غایت کوزل بر منظره حاصل
 ایلدی کی او قوشلرک صدالری دخی قلبه بشقه جه انشراح
 و یرمکه ایدی بورادن بر از قطع مسافه ایدلدکده مذکور جیلک
 صرتنده کائن بندر قومیه قریه سنک و سطندن کچله رک بر مقدار
 ایلرویه کیدلدکده یولک صاغ جهتنده واقع طاغک یماچنده جع
 قریه سی کورندی مذکور قریه یی صاغ طرفده ترک ایدرک ساعت
 بش بچقده (کامپان) اووه ده قورلش اولان چادرلره موصلت
 اولندی . بندر قومیه قریه سندن چادرلرک اولدینی محله قدر یولک
 هر ایکی طرفی زیتونلک و سائر اشجار مثمره ایله محاط ایدی مشارالیه

حضرتلری اویله طعمانی تناول بیوردقدنصرکه بر ساعت قدر
استراحت ایدرک حرکت بیوردیلر .

الافرانقه ساعت بر بحق کی الاتورکه ساعت یدی بمقده یولک صول
طرفده و بر تپه اوزرنده کائن ناصوره نامنده اولان قریه اوکندن
کچلدی اشبو قریه نك جوانب اربعمه سی غایت مشهور واثار قدیمه دن
بر قلعه ایله محاطدر .

الافرانقه ساعت اوچکه الاتورکه ساعت طقوز راده لرنده قباطیه
طاغنگ اتکنه مواصلت اولندی مذکور طاغدن پوقارویه چیقار ایکن
صاغطرف تمامیه زیتونلک ایله مغروس ایدی راس جبله چیقلدقه
قباطیه قریه سی کورلدی مذکور جبلک صول طرفی یماجندن یوله
دوام اولنه رق بر مقدار ایلرویه کیدلدکده واسع بر اووه کورلدیکه
اشبو اووه دخی کاملا زیتونلک و سائر اشجار متنوعه ایله مغروس
ایدی مذکور اووه یه انیلهرک براز قطع مسافه ایدلد کدنصرکه جنین
قضاسی قائممقام وکیل ایله ردیف امرا وضابطانی وژاندارمه
سواریلری کمال تعظیم واحترام ایله صف بستہ سلام اولدقلری حالده
مشار الیه پرنس حضرتلرینی اسقبال ایلدیلر . هر برلرینه ایزو
ایزو التفات بیوردقدنصرکه بر یارم ساعت قدر یوله دوامله اولقدر
مرتفع اولیان ایکی طاغنگ اراسنده واقع بوغازدن بر ساعت قدر
قطع مسافه ایدلد کدنصرکه جنین قصبه ستک طرف شرفیسندن کچیلهرک
الافرانقه ساعت درت بحق که الاتورکه ساعت اون بمقده (کامپان)
چادرلرک اولدینی محله مواصلت اولندی مشار الیه حضرتلری بر از
استراحت بیوردقدنصرکه بر معتاد آوه چیقارق غودتلرنده اقسام

طعامنی کمال عافیتله بعد التناول سالون چادرنده بر از مصاحبت
بیوردقدنصرکه لاجل الاستراحه چادر مخصوصاً برینه چکلمشردر .

— اونجی باب —

چیندن ناصریه حرکت بیاننده در —

شباط رومینک اون برنجی چهارشنبه کونی علی الصباح الافراقة
ساعت یدیکه الاتورکه ساعت برده جنین موقعندن قیام وحرکتله
ناصریه متوجهاً عزیمت اولندی مرور اولنان طریق زیاده سیله
منبت وفلاحتہ صالح مرج بن عامر نامنده اولان اووہ دن کچورایدی
مذکور اووہ نك التي ساعت اتساعی اولوب بر ساعت قدر مسافه
قطع ایدلد کدنصرکه صاغر طرفده چله نامنده کی قریه کورندی بورادن
ایکی بچق ساعت قدر یوله دوام اولدینی صرہده هواغایت بلوطلی اولوب
او ائشاده اسان حقیف روزکاردک ره راستده اولان تلغراف تلیری
بر کوزل صدا ویرمکنده اولدینی کچی طیورک بر طرفدن بلبل
مثالی اوغلری اولحوالی به بشقه جه بر لطافت ویرمکنده و دیگر طرفدن
اشبو اووہده تصادف اولنان مواشینک یاغرمسی وچفت سورانلرک
عربی العبارة موال اوقویه رق فوق العاده اقداملری انسانه تاثیر
ایتمامک قابل دکل ایددی برازدها قطع مسافه ایدلد کدنصرکه الافراقة
ساعت اون بچق که الاتورکه ساعت درت بچقده فوله تسیمه اولنان
کوچک بر قریه به مواصلت اولندی (مؤرخینک قولنجہ برنجی
ناپولیونک بو قریه جوارنده بر محاربه سی واقع اولمشدر) اشبو
قریه نك اتصالتده منظره سی غایت کوزل احیق بر اووہده قورلمش
اولان چادرلرده مشارالیه حضر تلری او یله طعامنی تناول بیورمزدن

اول سالون چادرده بر از استراحت بیوردیلر . محل مذکوره مواصلت اولنزدن بر قاج دقیقه اول ژاندارمه سواریسیله اهالی و عربان حیوانلرینه راکب اولمش اولدقلری حالد (الله ینصر السلطان) نداسیله کال انتظام ایله مشار الیه حضرتلرینی اسقبال ایلدیلر او صروده فوله قریه سی موقعنه قدر کلش اولان عکاسخاخی متصرفی سعادتلو احمد پاشا ایله ناصره قضاسی قائممقامی رفتلو اسعد افندی البسه رسمیله رینی وروم ملتی میتره پولیدی افندی دخی البسه روحانیه سنی لابس اولدقلری حالد مشار الیه پرنس حضرتلرینک حضور فحیمانه لرینه قبول اولنوب مراسم خوش امدی بی ایفا ایلدکلری کبی اوراده تجمع ایدن وجوه بلده وسائره دخی مشار الیه حضرتلرینی تعظیبات واحترامات فائقه ایله اسقبال برله مشار الیه پرنس حضرتلرینک شوقدومندن اظهار مسرت وشادمانی بئش اولدقلرینی عرض ایلدیلر پرنس حضرتلری کال ممنونیتله جمله سنی برر برر تلطیف بیوردقدنصکره یمک چادرینه تشریف بیورده رق تناول طعام بیوردقلری صروده متصرف مومی الیه ایله قائممقام ومیتره پولید افندیلر مشار الیه حضرتلرینک واقع اولان اراده لری موجنبه صفرده حاضر بولندقلری کبی سائر ذوات محترمه دخی دیگر ایکجی صفرده طعام ایلدیلر بعد الطعام بر ساعت قدر استراحت بیوردقدنصکره حیوانلره راکباً یوله دوام اولندی .

مشار الیه حضرتلری محل مذکوره حین تشریفلرنده لاجبل الاستقبال کلش اولان عربان اتلوسندن ماعدا حرکتی ائناسنده مذکور اتلورک بر قاج مثل اولدقلری حالد هناوی وحواری قبائلندن ده بر طاقم عربان اتلوسی کلوب جمله سی بر اغزندن (الله

ينصر السلطان) نداسيله اظهارسرور ايله ناصره قصبه سنه کيرنجيه قدر
مشار اليهک يکرمی خطوه ايلرو سنده حيوان اويناده رق کمال دبدبه
ايله قطع مراحل ايدلمشدر .

قصبه يه وارلمزدن بر ساعت اول مذکور اووه نهايت بولوب قارشو سنده
واقع جبل اتکندن مرور ايدن و ناصره قائمقامی رفتلو اسعد
افنديک همت واقدايله صورت منتظمه ده يابلاش اولان يولدن
بالرور قصبه يه دخولدن بر قاج دقيقه اول ملل مختلفه مکاتبنک صيدان
شاگردانی يذرلنده متبوع مفخماری اولان سلطنت عثمانيه نک پیراغی
حامل اولدقلری حالده اصوات متحده ايله غایت بليغ قصيده لر قرائت
ايتلکده اولدقلری کی قصبه نک نفوسی نسبتنده اولان جمع غفير
ازدحام تام ايله اظهار مسرت ايلدکلری هر طرفدن کورينور ایدی
مشار الیه حضر تری مذکور جمعيتک ارالردن کمال دبدبه ايله
چکدکلری صره ده اهالی مذکوره يه فوق الغايه التفات بيوره رق
مسرتلری کوسترمکده ایدی قصبه يه مواصلتلرنده طوغر بجه لاتینلرک
المرنده بولان سيدنا (مریم) علیها السلام حضر تری نک مسکنی
شریقلری دنیلان زیارتگاهه کیدرک اوراده لاتین مناستری رئیس
البسه روحانيه نی لابس اولدینی حالده مشار الیهی استقبال برله
اجرای آیین ایدلد کد نصرکه اقامت بيوره جقلری لاتین مسافر خانه سنه
عودتله دائره مخصوصلرنده استراحت بيوردیلر مذکور کلیسادن
مسافر خانه يه وارنجيه قدر لاتین مکتبی شاگردانی ایکی صف اولدقلری
خالده بر طاقم قصيده لر او قومده ایدیلر .

اقتسام طعامنده کذلک عکا متصرفی سعادتلو احمد پاشا ايله ناصره
قائمقامی رفتلو اسعد افندی وحيفا ایتالیا قونسولوس وکیلی ولاتین

مناسرتی رئیس روحانیسی افندی حاضر بولدقلری کچی سائرلری
دخی ابروجه قوریلان دیگر ایکنجی صفرده تناول طعام ایلدیلر
بعد الطعام بر از استراحت بیوردقدنصرکه لاتین مناسترنده اولجه
ترتیب ایدلمش اولان عربجه وایتالیانجه ایکی عدد قومیده بی
سیر و غاشا ائلك ایچون مناستر مذکوره عزیمت بیوردیلر واول کچه
مسافر اولدقلری محلك جوانب اربعه سی محلی حکومت بلدیسه سی
طرفدن صورت منتظمده ایقاد قنادیل ایله تزیین اولغشیدی .

فرداسی کونی ناصره ده استراحت بیوردقلری جهته برنجی کون
زیارت بیودقلری کلیسادن ماعدا بریسی سیدنا (مریم) علیها السلامه
منسوب ودیکری (یوسف) النجار حضر تترینک محلی دنیلان اوفق
کلیسا شکنده ایکی عدد زیارتگاهه عزیمت وعودتله بعد الظهر برمعناد
آوه تشریف بیوردیلر .

اقشام طعامنده کذلک اولکی کچه مدعو بولنان ذوات محترم حاضر
اولدقلری حالده کال عافیتله تناول طعام بیورهرق بعد الطعام دائره
مخصوصلری سالوننده بر از مصاحبتدنصرکه لاجل الاستراحه یتاق
اوطه لرینه چکلمشلدرد .

— اون برنجی باب —

ناصره دن طبرییه صورت حرکتی متضخندر

ایتالیا دوات فحیمه سی ولی عهدی پرنس (ویقتور امانوئیل)
حضر تلی سوریه ولایت جلیله سی داخلنده عکا سنجاغه تابع ناصره
قصبه سندن پروغرام سیاحت نامه سی موجبجه شهر شباط رومینک اون
اوجنجی جمعه کونی علی الصباح جبل طوره حرکتلی مقرر اولدینی

جهتله اولجه محل مذکوره لازمکلان چادر وسائر مالزمه کوندرلش ایدیسده هوالرک عدم مساعدهسندن ناشی مذکور پروغرام حسب الضروره تغیر ایدرک جبل مذکوره کیتمکدن صرف نظر قلتمش اولغله یوم مذکورده الافراقه ساعت اونبر بحقی که الاتورکه ساعت بش راده لرنده جبل طوری صاغر طرفده ترک ایدرک طوغریجه طبرییه متوجهاً قیام وحرکت اولتمشدر .

ناصره نك بر ساعت ایلروسنده ویولک صول جهتده (کن الجنه) قریه سنه موصلت اولندی مذکور قریه ده حضرت (موسی) صلی اه تعالی علیه الصلاة والسلام افندمن حضرتلرینک معجزه سعادتری اولدینی روایت اولتمکده در .

ساعت التي صولرنده ویولک صاغ جهتده (کفر کنه) قریه سنه کلنوب اشبو قریه ده دخی حضرت (عیسی) صلی اه تعالی علیه الصلاة والسلام افندمن حضرتلرینک معجزه سعادتری روایت صحیحه اوله رق سولتمکده در .

ساعت التي بحقی راده لرنده ویولک صول طرفنده واقع قرآن قریه سندن کچیلرک سهل الویه نامنده بر اووه یه تصادف اولندی که یولمز مذکور اووه دن قطع مراحل الکه باشلدی صول طرفزده واقع جیلک الت طرفلری کاملاً زیتونلکدن عبارت اولدینی کورلدی .

ساعت یدییه چاریک قاله رق ناصره وطبرییه قضالرینک بینلرنده واقع طریقک نصفی وهر ایکی قضانک مفرق حدودی اولوب یولمزک صول طرفنده واقع وطبرییه تابع لوبیه قریه سی اوکندن کچیلرک بر چاریک مسافه قطع ایدلکده طبرییه قضاسی قائمقامی رفعتلو سلیم

افندیله مجلس اداره قضا اعضا لری و ژاندارمه افراد یله صحور الغور و دلا یکه عشیرت لری افراد ی و مشایخ و اختیار لری کمال تعظیم و احترام ایله صفت سته سلام اولدقلری حالد ه مشارالیه حضر ت لری نی استقبال ایشلردر اشبو محلدن قصبه یه قدر لاجل الاستقبال کلش اولان عربان اتلونسک غایت ماهرانه انواع جنبش و لعبیات لری برنس حضر ت لری نیک فوق الغایه محظوظیت لری نی بادی اولمشدر . بو وجهله طبرییه موصلت اولنه رق مملکتک نفوسی نسبتده کی اهالیسی خارج بلده ده احترامات فاظه ایله مشار الیه حضر ت لری نیک استقباله چیقمش اولدقلرندن هر بر لر یی بر درلو التفات ایله تلطیف بیوره رق قلعه قوسندن مملکته دخول و مسافراوله جقلری لاتین مناسرتیه تشریف بیوره رق دائره مخصوصلرنده بر از یورغللق الدقدنصرکه معتاد لری وجهله معیتله آوه چیقمشلردر اقسام طعامنده قضاء مذکور قائممقامی رفعلو سلیم افندیله لاتین مناستری رئیس روحانیسی حاضر اولدقلری حالد ه کمال عافیتله تناول طعام اولنوب بعدالطعام بر از مصاحبتدن صکره دائره مخصوصلری نه چکیله رک استراحت بیورمشلردر .

طبرییه قصبه سنک جهت غریبسنده و اون دقیقه بعد و مسافه سنده و جبلك اتکنده واقع بر تربه دروتنده حضرت (حسین) افندمک کریمه محترمه لری سیده (سکنه) رضی الله تعالی عنها حضر ت لری نیک تربه مخصوصه لری موجود اولوب مرور زمان ایله تربه مذکوره مندرس اولدینی حالد ه سوریه ولایت جلیله سی والی سابق متوفی احمد حمدی پاشا حضر ت لری نیک اثر همت و اقدامیله تعمیر و تجدید ایدلشدر . کذلک قصبه مذکوره نیک جهت غریبسنده و بر چاریک بعد مسافه سنده بری الی کسور سنه اول مرحوم جزار

احمد وديكرى مصرلى ابراهيم باشا لى طرفلارندن بنا ايديلهرك وقف ايدىلىش اولان ايكي قدرت خىامنندن احمد باشانك وقف ايدىلىش اولدىنى حمام غايت حراب اولدىنى جهته متروك بر حالده ايسهده ابراهيم باشانك حمامى اليوم محلى حكومتى طرفندن اداره و ايجار ايدىلمكده در و تحقيقات عاجزى به و كوريلان رسنه نظرا بروسه حاملرى مثللو صورت منتظمه ده مجدداً انشا ايديلهجى اكلاشلىش و بوتصور نافع موقع فعله ايصال ايديله بيلورسه شمدى به قدر تزه و تداوى امراض سبيليله كلكده اولانلرك عددى قات قات ترايد ايدىلرك مملكجه استفاده نك ترقى ايدىلهجى طبعى بولمىشدر .

طبريه قصبه سنك بولدىنى موقع زياده سيله چقور اولمىسى و بوللارىنك غير منتظم بولمىسى جهته عكا و سائر محللاردن كلكده اولان غوافل و سائر زوارك چككمكده اولدقلى زحمت و مشقت بو كره قضاء مذكور قائمقامى رفتلو سليم افدىنك همت و غيرتيله راحته مبدل اولهجى شروع اولنوب درتليك متروسى در دست ختام بولنان شوسه طريقك مشاهده سندن اكلاشلىش و طوغرىسى قائم مقام مومى اليك كرك طريق مذكورده و كرك قصبه دن غور جهته دخى انشاسنه باشلانوب بيك متروسى در دست ختام اولان شوسه طريقك اكملنجيه قصبه نك دروننده منتظم قالدېرم اعمالنده و اكثر قراده باغ و باغچه يتشديرمكده صرف ايدىلكى همت و غيرتى ازهر جهت منافع قصبه نك ترقياتنى و قضا مذكورك معمورىتى مستلزم اولدىنى امر و اشكار بولمىشله غيرتلى شاين تحسین كورلمىشدر .

مشار اليه پرنس حضرتلى فردامى كوفى طبريه ده قلوب استراحت بيورمش اولدقلى جهته اوليله طعامندن صكره كذلك آوه چيقارق

براز وقت بچورد کد نصره عودت واستراحتله اقسام اولدقه کما فی السابق قورنلش اولان صفرده اولکی کچه مدعو اولان ذوات محترمه حاضر اولدقلری حالده کال عافیتله تناول طعام بیوردقد نصره استراحتلرینی المق ایچون دائره مخصوصلرینه چکمشلر و فرداسی کونی علی الصباح شام شریفه کیدملک اوزره جسر یعقوبه طوغری قیام و حرکت بیورمشلردر .

— اون ایکنجی باب —

طبریه دن نهران موقعه صورت حرکت تعریفی بیاننده در
شباطک اون بشنجی بازار کونی هوانک مساعده سندن بالاستفاده علی الصباح الاتورکه ساعت بره مصادف اولان الافراقه ساعت یدیده طبریه دن قیام و حرکت و طبریه کولنک جهت غریسی ساحلندن یوله دوام اولنه رق جهت شمالیده و بر ساعت بعد و مسافده و یولک صول طرفنده واقع مجدل قریه سنه مواصلت اولندی (بو قریه ده حضرت مریم والده مزک رفیقہ لرندن مریم المجدلانیہ متولد ایدوکی مرویدر) محل مذکور دن بالمرور الافراقه ساعت طقوز یعنی الاتورکه ساعت اوچ راده لرنده و یولک جهت غریسنده بیت صید قریه سنه کلند کده طبریه کولنی صاعظرفده ترک ایله جبل اوزرندن یوله دوام اولنه رق الافراقه ساعت اون یحق یعنی الاتورکه ساعت درت یحق صولرنده خان یوسف یاخود خان سنان پاشا دنیلان محله مواصلت اولندی اشبو محله صفد قضا سی قائمقامی ایله معیتی مأمورلری لاجل الاستقبال صف بسته سلام و تعظیم اولدقلری کی ژاندارمه سوارسی ایله اولحوالی عربانی حیوانلرینه راکب اولدقلری حالده

محل مذکور در بر قاج دقیقه اول پرنس حضر تلینک استقباله
 کلمش ایدی بو محله اولجه قورلمش اولان چادرلرده مشار الیه
 حضر تلینک اراده لریله صفد قائمقامی برابر اولدینی حالده او یله
 طعامنی تناول بیوروب بعد الطعام براز استراحتدنصکره حیوانلره
 راکباً خان یوسفدن حرکت اولندی (بوراده خاندن بشقه بیوک بر
 حوض ایله برده صو قیوسی موجودرکه جمله سی سنان پاشا مرحومک
 آثار خیره سندندر) .

الافراقه ساعت ایکی یچق یعنی الاتورکه ساعت سکر یچقده جسر
 بنات یعقوبه موصلت اولندی پرنس حضر تلی کوپرینک
 قارشو یقه سنده وصو کنارنده چنلر اوزرنده اونش دقیقه قدر
 استراحت بیوردیلر محل مذکورده بر خان ایله برده قره غول خانه
 واردر . الافراقه ساعت اوچه چاریک یعنی الاتورکه ساعت طقوزه
 چاریک قاهره مذکور کوپریدن حرکتله ساعت اونده نهران
 موقعنه موصلت اولنمش ایسه ده سهوه مبنی (کامپان) چادرلر
 محل مذکورده قورلیوب نهرانن قرق دقیقه بعد و مسافه ده
 وجهت شمالیده کائن شیخ مرزوق حضر تلینک تر به لری
 جوارنده واقع بر دره نك اوستنده کی میدانده قورلمش اولدینی
 اکلا شلسیله بالضروره محل مذکوره قدر کیدلمش واوراده مشار الیه
 حضر تلی براز استراحت بیوردقندصکره صورت منتظمه ده
 حاضر لنش اولان اقشام طعامنی تناول بیوروب سالون چادرنده
 بش اون دقیقه مصاحتدنصکره چادر مخصوصلرینه چکلمشلردر .

— اون اوچنجی باب —

شیخ مرزوقدن سعهه صورت حرکی متضندر

شباط رومینک اون التجی بازار ایرتسی کون علی الصباح الافراقه
ساعت یدیکه الاتورکه ساعت برده بیتوت اولنان شیخ مرزوقدن قیام
وحرکتله یوله چیقلدی هوالر اجملش ایدیسده برایی کون اول اول
حوالی یه یاغمش اولان وهله اورادن کورینان وجبل الشیخ ذیلان
مرتفع طاغیرک اوزرنده بریکمش اولان قارلر مناسبتیه اورتهلق
زیاده سیله صفوق ایدی هر نه حال ایه بو وجهله یوله دوامله بریجق
ساعت ایلروده ویولک صول طرفنده واقع کفر نفاق قریه سینه
واردی بورادن بر مقدار ایلرویه کیدلد کده قطره قضاسی قائممقامی ایه
معنی مأمورلری واوراده ساکن مهاجرین چراکس نک ایلروکلری
واولجه شام شریفدن کوندرلش اولان اوتوز نفر چرکس ژاندارمه
سوارسی والحوالی عربان اتلوسی مناسب بر موقعده مشار ایه
پرنس حضرتلری کمال احترام واحفال ایه استقبال ایلدکلری ومشار
ایه حضرتلری قائممقام موسی ایه ایه سائره به حرمت مخصوصه سی
بلیان معیت مشار ایه حضرتلری افراد عسکریه سیله چرکس
ژاندارمه سواری اتلوسی کمال انتظام ایه اوک وارقه طرفده اولدقلری
وسائره صاغ وصول طرفده بولندقلری حالده یوله دوامله ساعت
اوج راده لرنده عیون زیوان قریه سی صاغ طرفده ترک ایدیلرک اون
بش دقیقه ایلروسنده کائن قطره قصبه سی یاننده کچلدیکی صره ده
اهالی قصبه مشار ایه حضرتلری نک استقبالی ایچون یول اوزرنده
بر صره اولدقلری حالده کمال تعظیم ایه رسم سلام ایفایه مسارعت

الئش اولدقلری ومشار الیه حضرتلری اوکلرندن کچدکجه هر برلرینه ایلرو ایلرو سلام ویره رک خاطرلرینی تطیب الئش اولدینی وقائمقام ایلله معیت مأمورلری وسائره نک بو رادن عودتلرینه مساعده بیوردقلری جهته چرکس ژاندارمه سوار یلرندن ماعدا دیکرلری اولئان اراده موجبجه عودت الئشلردر .

مشار الیه حضرتلری معیت فحیمانه لریله یوله دوام برله ساعت بش بحقده ارنه قریه سنده اولجه قورلش اولان چادرلرک محله مواصلت و براز استراحت بیوردقد نصکره صورت منتظمه ده تهیه ایدیلان اولیله طعامنی بالعزوالعافیه تناول بیوردقد نصکره براز استراحتله ساعت یدی بی اون کچرک قیام و حرکت بیورمشلردر .

(ارنه قریه سنه اثنای مواصلته قریه نک نفوس نسبتته اولان اهالیسی یولک صول طرفه بر صره دیزلش اولدقلری حاله کمال احترامله پرنس حضرتلرینی استقبال الئش اولدقلری کچی مشار الیه حضرتلری دخی اوکلرندن کچدیکی صره ده هر برلرینه ایلرو ایلرو سلام ویره رک تلطیف بیورمشلردر . قریه مذکورده جسیم بر خان واردرکه بو دخی سنان پاشا مرحومک آثار خیرییه سندندر) . اثنای راهده یولزک صول جهته کی جبل شیخ غایت عالی اولان ذروه سیله دامنلرینی ستر و احاطه ایدن قارلره انعطاف ایدن ضیای شمس اولیله لطیف و دلفریب بر منظره تشکیل ایتش ایدی که او منظره لطافت تصویرری تصورندن زیاده محالدر هله اطرافده کی اووه ده سطح زمیندن ایکی قاریش مقداری چیقمش اولان اکنلر حقیف حقیف اسمکده اولان روزکارک تاثیریه انظار تماشاکرانه عرض ایلدیکی وضع خرامان و توج اولحوالی به بشقه برشوق و بشقه حسن و یرمکه ایدی . ساعت

طقوزده و یولک طاغظرفنده و تقریبا در تیوز مترو بعد و مسافده
 کائن عثمانیه قریه سی او کندن چکیلرک اول کیجه بیتوت اولنه حق
 سعه نام محله قبل المواصله شام شریفدن لاجل الاستقبال کوندرلش
 اولان دیگر اوتوز نفر زاندارمه چرکس سوار یسی صف بسته سلام
 واحترام اولدقلری و معیت مشار الیه حضرتلریله سعه یه مواصلت
 اولدینی صرعه جهت عسکری به و حکومت سنیه طرفندن لاجل
 الاستقبال کلش اولان ردیف میر لواسی سعادتلو مصطفی و زاندارمه
 قوماندانی شاهین پاشا لار مشار الیه حضرتلرینه تقدیم اولدقلرنده
 کمال درجه ممنون اوله رق مومی الیهما یه فوق الغایه الثقات بیوردقلری
 کبی اقسام طعامنده برلکده بولملری ایچون دخی اراده بیور مشلدر .
 بوصرعه شام شریف ایتالیا دولت فحیمه سی قونسوسی ترجانی فرنسیز
 غره افندی دخی ایتالیا دن مورود پوسته و غزته لر ایله مکتوبلری تقدیم
 ایدرک بر از مدت انلرک مطالعه سیله مشغول اولدقنصره صورت
 منتظمه ده تهیه ایدلش اولان اقسام طعامنی ترجان افندی دخی
 برلکده اولدینی حالد تناول بیوروب بعد الطعام سالون چادرنده
 براز مصاحبندنصره چادر مخصوصلرینه چکیلرک استراحتلری
 المشلدر .

— اون دردنجی باب —

سعه دن شام شریفه حرکت بیاننده در

شباط رومینک اون یدنجی صالی کونی علی الصباح ساعت بر یحق
 راده لرنده برنس حضرتلری بیتوت اولنان محله طرف حکومت
 سنیه دن اولجه کوندریلوبده صورت منتظمه ده تهیه و احضار ایدلریش

اولان عربله راکباً وشام شریفه متوجهاً حرکت بیوردیلر .
 سمعه دن ایلروده شام کویلیری و او کوزل منبت باغ و اووه لری
 کورغکه باشلدی ایکی ساعته یقین یول یاپلقدنصکره ارطوس
 دنیلان محله اوله طعامنی تناول بیوره رق بعد الظهر یوله
 چیقیدیلر بر بحق ساعت مسافه قطع ایدلدکنصکره مزه صحراسی
 نامیله بنام اووه ده رکز اولنخ اولان چادرلره مواصلت اولندی .
 پرنس حضرتلرینک اورایه تشریفارندن شامه وصولنه دکن امر
 محافظه سنه مأمور سواریدن مقدار کافی قوه عسکرینه مکمل
 مذکوره مهیا ایدوکی کورلمشدر . مشیر فلاتون تدبیر دولتلو
 حسین فوزی پاشا حضرتلری محل مذکوره تشریف بیورمش
 اولدقلری کبی والی ولایت دولتلو پاشا حضرتلرینک بر
 قاجکوندنبرو مزاج عالیینه عارض اولان انحرافدن طولای محل
 مذکوره کله مامشر ایسه ده نیابتاً معاونلری سعادتلو اشرف پاشا
 حضرتلرینی اعزام بیورمشلردر . جهت عسکری یه دن سعادتلو
 زیور پاشا و ولایت جلیله جانبندن مکتوبی ولایت سعادتلو حلی
 بک افندی ایله امور اجنبیه مدیری عزتلو خلیل افندی خوری
 و مرکز ولایت ترجانی رفعتلو یوسف افندی طنوس و سائر ذوات کرام ایله
 ایتالیا دولت فحیمه سی تبعه سندن برجم غفیر استقبال محله ده بولنمشلردر .
 ایتالیا دولت فحیمه سی شام شریف قونسلوسی موسیور بیودی دخی البسه
 رسمیه سی لابس اولدینی حالد مزه نک بر ساعت ایلر و سنه قدر کله رکه مشار
 الیه پرنس حضرتلرینه ابراز عبودیتدن صکره معیتله برلکده
 استقبال محله کلشدر . بیروته مقیم ایتالیا جنرال قونسلوسی موسیو
 زربونی هر تقدیر یوم مذکوره رسم استقبالده بولنوب پرنس

حضرتلرینه ابراز شکر و محبت ایده مامش ایسه . بونک باشلیجه اسبابی او کونلرده زول ایدن برف و بارانک شدتندنطولای قومانیه عربهلری ایشلامکده بولندیغندن ایلرو ککشدن انجق یول اچلدقدنصکده یعنی صالی کونی اقباشمی شامه مواصلت برله ایرتسی چهارشنبه صباحی مشار الیه حضرتلرینک خاکبای فحامتیناهیلرینه یوزسوره رک تعطفات جلیله یه نائل اولمشلر و شام شریفده بولندقلری مدنجه معیتلرنده قالمشلردر .

مشار الیه حضرتلرینک عربدهن هنگام نزولنده دولتو مشیر پاشا حضرتلرینه سائر ذوات کرام استقبال محله مسارعت بیوروپ محل مخصوصه کتوردیلر و اول امرده مشیر مشار الیه حضرتلری طرفندن احترامات لازمه ادا و ایفا اولندقدنصکده استفسار خاطره مسارعت بیوردیلر . بعده امور اجنبیه مدیری عزتو خلیل اقتدی خوری قدمله محضاً رسم استقبالی ایفا ایچون والی پاشا حضرتلرینک بیروندن شام شریفه تشریف بیوردقلرینی ولکن بو کونلرده کندولرینه عارض اولان انحرافدنطولای بو وظیفه مقدسه یی ایفا ایده مدکلرینی و بو خصوصده پک چوق متأسف بولندقلرینی بیان ایله برابر عرض احترامات لایقه ضحنده نیابتاً معاون پاشابنده لرینک اعزام اولندیقتی عرض وافهام ایدنجه پرنس حضرتلری دخی بوکا بیان تشکرله برابر والی پاشا حضرتلرینک بو بابده کی انحرافلرینه اظهار تأسف ایلدیلر . دولتو مشیر پاشا حضرتلری طرفندن پرنس حضرتلرینک اشبو سیاحترلرنده کی حضور و راحت استفسار بیوریلوب جواباً (طرف سلطنت سنیه دن تعین اولنوبده یافه دن برو برابرمده بولنان رأفت پاشا طرفندن اولنان همت و اقدام

نمره سیله اثنای راهده کمال راحت و یمن ایله وقت کچوردکلرینی کمال
تشکر و محظوظیتله بیان ائلس اولدقلرندن

(متبوع مفخیم طرفندن شرفصادر بیوریلان امر و اراده پادشاهی بی
حرفیاً اجرا ائلکدن بشقه بر شیء یابمد یغمی ومع مافیه حق
عاجزانه مده بو وجهله رایکان بیوریلان لطف فحیمانه لرندن طولای
تشکر ایدرم) جوابیله طرف عاجزیدن مقابله ایدلمشدر . بعده
چادردن قیام برله دوللو مشیر پاشا حضرتلریله سعادتلو معاون پاشا
و مکتوبی ولایت سعادتلو حلی بک افندی ودها سائر ذوات کرام
مشار الیه حضرتلرینی عربیه قدر تشییع بیوردیلر . پرنس
حضرتلری راکب اولدقلری عربیه لرینه دائره لری مدیری قولولنل
موسیو اوزیو ایله شام شریف ایالتیادولتی فحیمه سی قونسوسی موسیو
ریپودی بی و لطفاً عاجزلرینی دخی قبول بیوره رق محل مذکور دن حرکت
ائلمشدر اثنای راهده نیجه عربهلر و سواری مشار الیه حضرتلرینی
تعقیب ایلد کدن ماعدا کذرگاهنک طرفینده نیجه بیکلرجه اهالی پرنس
حضرتلرینی احترامات فاقه ایله استقبال ائلمشدر . بو وجهله کمال
تعظیمات و احترامله کؤک میدانی نام محله موصلتلرنده ایکی باندو
موزیقه ترنما ساز اولدینی حالده اوراده صفتسته سلام و احترام اولان
ایکی طابور عساکر شاهانه طرفندن سلامنه رق و بو ائشاده قلعه دن
یکرمی بر پاره طوب انداخت اولنه رق سوقساروجهیه عزیمت
بیوردیلر . محافظ حجتشریف سعادتلو محمد سعید پاشا حضرتینک
دائره لری قریبنده بولنان ژاندارمه و پولیس افرادی طرفندن دخی
سلامنه رق طوغریجه مذکور دائره یه تشریف و پاشای مومی الیه
حضرتلری کمال تعظیماتله استقباللرینه مسارعت ایلدیلر .

الافرانقه ساعت اوج یعنی الاتورکه ساعت طقوز صولرنده دولتو مشیر
 پاشا حضرتلری رسمی اونیفورمه لریخی لابس اولدقلری ومعیترلرنده
 دفتردار ولایت سعادتلو علی رضا افندی حضرتلریله سعادتلو معاون
 پاشا ومکتوبی ولایت سعادتلو حلی بک افندی واقدمجه استقبال
 محلنده بولنان ذوات کرام اجرای رسم خوش امدی به تشریف
 بیوردیلر . بونی متعاقب بتون قونسولسلر کذا البسه رسمی لریخی
 لابس اوله رق وبرابرلرنده قتولیک بطریق غوریغوریوس افندیله
 سائر ذوات کرام مسیحیه موجود اولدینی حالده خوش امدی بی
 ایفایه مسارعت وبوکا مقابل (پرنس) حضرتلرینک لطف والتفاتلرینه
 نائل اولدیلر .

اعاده وزیته ضمیمه فرداسی چهارشنبه کونی (پرنس) حضرتلری
 معیتده بولنان ذوات کرام ایله دائره مشیری به تشریف
 بیوردقدنصرکه حکومت سراینه عزیمتله اوراده دفتردار سعادتلو
 علی رضا ومکتوبی ولایت حلی بک افندیلر استقبالیلرینه مسارعت
 وتعظیلات لایقه واحترامات فائقه ده بولندیلر . یوم مذکورده مشارالیه
 حضرتلری جامع شریف امویه ایله مشغلات سائرسنی واتصالنده
 واقع (حسن وحسین) رضی الله تعالی عنهما افندیلرمزک مقام
 شریفلریله (سلطان صلاح الدین ایوبینک) تربه سعادتلرینی زیارت
 بیورمشلردر صکره مسافر اولدقلری قوناغه عودتله صورت
 مکملده حاضر ومهیا ایدلش اولان صفرده اوילה طعاضی کمال عافیتله
 تناولدنصرکه موجود معیتله برابر تهیه ایدلش اولان عربله ره راکباً
 شامده انتظام ومکملتیجه کسب شهرت ایتمش اولان بعض وجوه بلده
 خانه لریخی کرمکه چیتمزدن اول دائره لری مدیری قولونل موسیو

اوزیوی استفسار خاطر و بیان تشکرات ضحندہ نامزاج بولنان والی
 پاشا حضرت تلینک دائرہ لرینہ کوندروب قولونل مومی الیہ مشار الیہ
 حضرت تلی طرفدی نائل التفات واحترام اولمشلردر مومی الیہک
 عودتندہ مشار الیہ (پرنس) حضرت تلی عظمی وقوتلی زادہ لر الیہ
 جبران شامیہ افندینک مکمل قوناقلری وموسوی اعیانندن شمعایا
 افندینک کافہ سی منقوش مرمر طاشلر الیہ یالیش وسققی ایشلنش
 التونلر الیہ مزین صالوتی سیر وتماشایورہرق بعد العصر مسافر
 اولدقلری قوناغہ عودتلہ استراحت بیوردیلر .

فرادسی پنجشنبہ کونی علی الصباح الافراقہ ساعت سکر یحی کہ
 الاتورکہ ساعت ایکی یحی رادہ لرندہ مشار الیہ حضرت تلی موجود
 معیتلہ عربہ لرہ راکباً اندلس محاربہ سندہ کسب شہرت ایتمش اولان
 مجاہدین کرامدن (محی الدین العربی) حضرت تلینک تربہ شریفلری
 زیارت ایتمک ایچون صالحیہ حرکت بیوردیلر محل مذکورہ
 مواصلتلرندہ کربک جامع شریفی وکربک تربہ مذکورہ عریض وعمیق
 زیارت بیورمشلردر (مذکور تربہ درونندہ محی الدین عربی
 حضرت تلینک ایکی مخدومیلہ اوتوز سنہ اول عربستان اردوی ہایونی
 مشیری بولنان امین پاشا الیہ جزایرلی امیر عبدالقادرک قبرلری
 وار ایدی) بورادن چیقلدقدہ مسافہ جزئیہ دہ کائن صلحای اکراددن
 پاموق دہدہ نک تربہ سنہ کیدرک اوراسنی دخی زیارت بیورمشلردر .
 بعدہ قوناغہ عودت بیورہرق براز استراحتدنصکرہ کمال عافیتلہ اولیہ
 طعامنی تناول بیوردقدنصکرہ قوناغک بیوک صالونی پیشکاہندہ کی
 محلہ شام شریفک معمولات حریریہ وصدفیہ سیلہ نحاسیہ سندن
 وسائر مصنوعات ذہبیہ واشیای سائرہ سندن برر مقدار اصحابی

طرفلرندن كتوريله زك معرض تماشا به وضع اولنديقي متعاقب
برنس حضرتيله معيتي بر خيلي اشيا ساتون المشلردر بو معرض
اينكي ساغت قدر امتداد اتمشدر . بعده مشار اليه حضرتلري
مولوي دركاه شريفه بالعزيمه تجمع ايتمش اولان مشايخ و درويشانك
حلقه شكلنده طوروب طريقت مولويه اوزره ذكرلريني سير و تماشا
بيوردقدنصكره براز مدت دخي مولوي شيخك او طه سنده استراحت
بيوردقلري صره ده شيخ مومي اليه اظهار ممنونيت ايتمشلردر
اورادن حركتله شام شريفك پانوراماسني يعني منظره عموميه سني
كورمك اوزره جامع الامويه مناره سنه چيقوب اطراف واكنافي
عريض و عميق سير و تماشا بيوردقدنصكره كال خشنوديتله اشاغيه
اينه زك مسافر اولدقلري محله عودت بيورمشلردر .

اقتسام طعامنده امرای عسكري به دن ميرلوا سعادتو زيور و والي
معاوني اشرف پاشا ل ايله مكتوبي ولايت سعادتلو حلي بك افندي
مدعو اولدقلري حالده تناول طعام بيورديلر انناي طعامده عسكري
موزيقي سني عثمانلي و ايتاليا مارشلريني و سائر مارشلري ترنم ايتكده
ايدى بعد الطعام موزيقي ده بر طاقم ناشيده هوالر چالمقده اولديني
كبي قوناغك خارجنده ويك سالونه ناظر صوقا قده شام بلديه سي
طرفندن اولجه ترتيب ايدلمش اولان انواع فشنگلر انداخت ايله
اعلان مسرت قلمشدر .

فرداسي نجمه كوني الافراقه ساعت طقوز بچق كه الاتوركه ساعت
اوچ بچق راده لرنده مشار اليه حضرتلري معيتيله برابر عربيله
راكبا (بلال حبشي) حضرتلرينك تربت سعادتلرينه تشريف
بيوره رق زيارت ايتمشلردر (مذكور تربت دروننده بلال حبشي

حضرتلرندن ، اعدا حضرت (فخر کائنات) اقدمزك كوچك كرمه لری
 حضرت «فاطمه» رضی الله عنها ایله بلال حبشی حضرتلرینك خدمه لری
 واردوی هایون رئیس اسبقی فریق سلیمان پاشانك مدفون اولدقلری
 کورلدی) بعده باب شرقیه کیده جك یولده یزید بن معاویه نك
 قبرینه تصادف اولنمشدرکه محمدیلر بورادن کلوب کچدکده برر
 طاش آتقمده دیرلر بورادن کچدکده باب شرقینك خارچنده و (بولصك)
 دین عیسویه بی قبول ایلدیکی والیوم عیسویلرک قبرستانی اولان محله
 کیدلدی اورادن باب شرقیه کیدیله جك یولك صاغطرفده حضرت
 (محمد) صلی الله تعالی علیه وسلم اقدمز حضرتلرینك صحابه لرندن
 سیند (غیری) حضرتلرینك تربۀ سعادتلی اوکندن کچیلهرک
 ایکسی مسدود و بریسی مفتوح اولان باب شرقیه کیدلمشدرکه
 متقدمینك قولنه کوره حین فحمده عربلر اشبو قبولدن هجوم
 ایله شامه دخول ائلمشدر . مذکور قبودن ایجرویه کیریلهرک
 برنجی دفعه دین عیسوی بی قبول ایدن (خانیا) خانه سنه کیدیلوب
 درت بشن ایاق زردبان ایله انیلور اوفقی بر کلیسیایه تحویل اولنمش محلی
 زیارت بیورمشدرکه اشبو محل (خانیا) طرفدن (بولصك) وافتز
 اولندیغی محلدیر بورادن چیقلدقمده وسط طریقمده سیدنا (علی)
 رضی الله عنه حضرتلری طرفدن غرس ایلدیکی روایت اولنقمده
 اولان بیوک بر اغاج کوریلهرک اورادن طوغریجه قوناغه تشریف
 بیوردیلر او یله طعامنی بعد التناول شام شریف مصنوعاتدن
 اولهرق اصحابی طرفلرندن کتوریلان اشیا واقشه بی صاتون الدیلر
 و اوصرمده دائره لری مدیری قولونل موسیو اوزیو پرنس حضرتلری
 نامنه اولهرق ملل مختلفه رؤسای روحانیه سنه اعاده ویزیمه ایلدیکی کبی
 قونسلوسله دخی برر قارت ویزیت کوندرمشلردر .

شباطك يكرمی برنجی جمعه ایرنسی کونی (پرنس) حضرتلری
 بشامده ایلك مصنوعاتی ایچون قوللانلقده اولان ال ماکینه لری
 معاینه بیورمق اوزره قبل الظهر عربله راکباً محل مخصوصه
 کیدرك عریض و عمیق سیر و تماشا بیوردقدنصکره غایتله تحسین
 بیوره رق عودت و اوپله طعانی بعد التناول مدیر امورلری قولونل
 موسیو اوزیوی نا مزاج بولان ذات عالی و لایتنانهنک استفسار
 مزاجلری ضننده مخصوصاً دولتخانه لرینه کوندرمش و متعاقباً حال
 صحتلرینی استفسار ایتمک ایچون دخی طیب مخصوص اطباءی حاذقه دن
 قولونل موسیو بوقه بی ارسال ایلشدر ذات سائی و لایتناهی دخی
 هر بار مکتوبی و لایت سعادتلو حلی بک افندیله امور اجنبیه مدیری
 عزتلو خلیل خوری افندی بی نزد فحیمانه لرینه ارسال ایله تشکرات
 و احترامات فائقه لرینی بالمقابله تکرار ایلرلردی و بوندن بشقه شام
 شریف معمولاتندن بر عدد صدقلى قولتق صندالیه سیله تبه دلتی
 محمد علی پاشانک تفکرنندن بر عدد قره بنایی دخی مومی ایله حلی
 بک افندی یدیه عرض و تقدیم ایلشدر . قولونل مومی الیهک
 معاودتنده ابو انتیقه نام تجار نزدنده بعض کار قدیم اسلحه و اشپای
 سائرهی کورمک ایچون مشار ایله حضرتلری موجود معیتی ایله
 عربله راکباً تجار مرقومک خانه سنه عزیمت بیوردیلر محل
 مذکورده بر ساعته یقین قاهره بعض اشیا دخی صاتون الدیلر .
 او کون هوانک زیاده سیله صفوق اولسنه مبنی لاجل التزه بر یره
 کیمه رکه قوناقلرینه معاودت بیورمشلردر . اقسام طعاننده مارش
 عثمانی و مارش ایतालایی ایله سائر انواع مارش لری ترنم ایتمکده بولان
 موزیقه عسکری یوز باشیسنی تلطیفاً پرنس حضرتلری طرفدن

اوزری ایٹالیا (قرالی) حضرت تلیرنک علامت مخصوصه یازیلی التون برمدالیون اهدا بیوردلیغنه مقابل تشکرات لازمهده بولنلشدر . اوکجه پرنس حضرت تلیرنی مفارقتدن اول نزول بیوردقلری قوناغک صاحبی بولنان سعادتلو سعید پاشا حضرت تلیرنک فرداسی کونی اوپله طعامنده برلکده بولنقی ارزوسی اکلاشلسی واولباده عاجزلرینه وقوعبولان ارادهلری موجبنجه بالذات پاشای مومی الیه زدینه اوغرائیلهرق تبلیغ کیفیت ایدلشدر .

شباطک یکریمی ایکیجی بازارکونی علی الصباح شتوره طریقیله بعلبکه عزیمت واورادن پیروته عودت بیورمق نیتنده بولنلشدر ایسهده جمعه ایرتسی کونی نزول ایدن برف وباران بوللری قامش اولمسیله شامده قالمشدر وبعلبک زیارتندن صرف نظر بیورمشلردر . یوم مذکور صباحی فرنیسیکان راهلرینک شامدهکی کلیسالرینه کیدرک اجرای آسین بیوردقدنصکره طوغریجه اقامتگاهلرینه عودت بیورهرق هوانک صفوق اولسی و شایان تماشا دها محللر بولنلشدر . جهتیه بریره کیتاماشلردر . اولجه وقوعبولان ارادهلری موجبنجه اوپله طعامنده سعید پاشا حضرت تلیرنی حاضر بولندقلری اجلدن اثنای طعامده مشار الیه پرنس حضرت تلیرنی طرفندن پک زیاده التفاته نائل اولمشلردر . بعد الطعام قولونل موسیو اوزیو نزد عاجزیه کلهرک قوناقدنه پرنس حضرت تلیرنک معیت فخمانه لرنده بولنان ایکیجی و اوچنجی قومیسرلره برر التون ساعت هدیه ایتمک ارزوسنی پرنس حضرت تلیرنی اراده بیوردقلرنی بیان اللمسی اوزرینه تشکرات لازمه بالااجرا مذکور ساعتلر مومی الیهدن اخذ ایدیلهرک درعقب محللرینه ویرلشدر . قولونل مومی الیه بعد الظهر ساعت طقوز صولرنده

رومان الدقلری شفره لی تلفراف مخصوصده عاجز لرینه من غیر
لیاقته ایالتا تاجی نشاننک برنجی رتبه سندن برقطعه سنک احسان
بیورلدیفنک تبشیری (قرال) حضر تلی اراده لری اقتضاسندن ایدوکی افاده
بیورملری اوزرینه فوق العاده تشکرات لازمه اجرا اولنه رق در حال
کیفیتی مرجع مخصوص اولان مشیر پاشا حضر تلرینه با تقریر عرض
وبیان ایلدم مشار الیه حضر تلی دخی عموم سلاح ارقداش لر مزمانه
تشکراتنک پرنس حضر تلرینه عرض وافاده سی ایچون قولونل موسیو
اوزیویه طرف عاجزیدن بیان اولنسی امر اولنخس اولدیفندن اولوجهله
مومی الیه بیان کیفیت ایدلمشدر . اقشام طعامنده چالمقده اولان دیگر
موزیقه نك معلی اولان یوزباشیه دخی پرنس حضر تلی طرفندن
برالتون ساعت اهدا و عنایت بیورلمش اولدیفندن بوکا مقابل لازمکلان
تشکرات لازمه ایفا ایدلمشدر . مشار الیه حضر تلی بالاده بیان
اولدیفنی وجهله هوانك محالفتی سببیه بازار کونی شام شریفندن حرکت
بیورمدقلری کبی بازار ایرنسی کونی دخی هوانك صفوق اولسندن
وشامده شایان غاشا محللر قالماسندن ناشی قوناقلرنده قالدیلر . ایرنسی
صالی کونی صباحلین ساعت درت راده لرنده هنوز احسانه استحقاق کسب
ایتمیان مخدوم چاکری عمر بنده لرینی لطفاً نزد فحامتپناهیلرینه جلب
بیوره رق برالتون مدالیون احسان بیورمشدر .

یوم مذکورده او یله طعمانی تناولدن صکره عربله ره راکباً براز
کز دکنصکره شام شریفده قیو محیلرک چارشوسنی و بزوریه خانسی سیر و عماش
بیور دیلر و براز ده بعض محللری طولاشه رق طوغریجه قوناقلرینه
عودت بیورمشدر . اقشام طعامندن براز اول شامده مقیم ایالتا
دولت فحیمه سی تبه سی (پرنس) حضر تلرینک خاکبایلرینه کلوب کار قدیم

بر عدد اوزری اشله لی قنچ تقدیم ایلدیلر . بعده اقشام طعمانی تناول بیوردیلر اثنای طعامده اولکی کجه لر مثللو بر طرفدن موزیقه عسکری یه ترغساز اولدینی کبی دیگر طرفدن دخی انواع فشکرلر آتیه رق شنک ایدلمکده ایدی .

(مشارالیه بر نس حضر تلیرنک حائر اولدقلر لطف و انسانیت و مکارم اخلاق و الثفات یافته دن برو اوغرا دقلری محللرده هرکی بمنون ایتخس اولدقلری کبی شامشریفده اقامتلی مدتیجه دخی عمومک محبت و ثناسنه مظهر اولشلردر) .

— اون بشنجی باب —

شامشریفدن شتوره یه حرکت بیاننده در

شباطک یکر می بشنجی چهارشنبه کونی مشار الیه حضر تلی علی الصباح الافراقه ساعت سکر یعنی الاتور که ساعت ایکده پیروته کیتمک اوزره شام شریفدن حرکت بیوردیلر . شامدن بر ساعت بعد و مسافه ده کائن دمار نام محله مواصلتلرنده اولجه تهیه ایدلش اولان برکوشکده دولتو مشیر حسین فوزی پاشا حضر تلیله میرلوا سعادتلو زیور و مصطفی پاشا لر و طرف حکومت سنیه دن والی معاونی سعادتلو اشرف پاشا حضر تلیله مکتوبی ولایت سعادتلو حللی بک اقدی و سائر بعض مأمورین کرام ایفای مراسم تشییع ایچون حاضر بولنشلر ایدی محل مذکورده براز مصاحبتد نصکره مشار الیه حضر تلیرنک رسم تشییعی اجرا اولشلردر . مشار الیه حضر تلی اثنای سیاحتده و خصوصیه شام شریفده مظهر اولدینی کمال حرمت و رعایتدنطولایی مشار الیه م حضراته تشکرات مخصوصه سنی ادا و نامزاج اولملری

جهتيله کمال تأسفله مشاهده ایدهمدیکی والی ولایت دولتلو ناشد پاشا
حضر تلیزیه عرض شکران ایلدیکنک ذات دولتریزه تبلیغ الطلری
رجا ایشدر بعده عربله ره را کباً شتوریه طوغری حرکت
بیوردیلر .

شام شریفدن چیقدینی زمان خسته خانه عسکرینک براز ایلرو سنده
یعنی صکوبیه وارلزدن براز اول پولیس وزاندارمه افرادی
طرفلرندن کمال احترام و احتفال ایله مراسم تشییع اجرا اولدینی
کبی قاروسه یولی اوزرنده واقع ججخانه اوکنده موزیقه عسکریه
ترنم ساز اولدینی حالد ایکی طابور عساکر حضرت تاجداری
میرالای عزتلو ممدوح بک افندی قومانده سنده اولدقاری حالد فوق
العاده بر صورتده رسم سلام اجرا ایدلمشدر دمارک ایلرو سنده
کذلک بر بلوک سواری عساکری طرفندن سلاملا مشدر دمارک
بوجاریک بعدنده واقع الهامه قریه سی اوکندن کچیلرک شام شریفدن
ایکی ساعت بعد و مسافده واقع دیماس موقعنه مواصلت اولندی
بوراده حیوانلری دکشدیرمک ایچون براز آرام اولنهرق ساعت
دورت بچقده حرکتله یوله دوام اولندی بر مقدار ایلرویه کیدلد کده
یولک صاغطرفنده وجبک اتکنده دیماس قریه سی کورلدی بورادن
کچلدیکی صرده مشار ایله حضرتلری اولیه طعمانی عربله ایچنده
تناول بیوردیلر ساعت بش بچقده خان میسلونه کلندی بوراده دخی
عربیه حیواناتیله رکابنده کیمکده اولان سواریلر تبدیل ایدلمشدر .
یونک ایچون محل مذکورده اون دقیقه قدر آرام اولنمشدر ایشبو
محلده اولجه کوندریلو بده بکلمکده اولان سواری وزاندارمه افرادی
طرفلرندن کمال احترامله (پرنس) حضرتلری استقبال ایدلمشدر ساعت

التي بي اون دقيقه كجهرك وادى القرنه وساعت يديده جديده به
 مواصلت وحيوانلر دكشدير بلنجه به قدر استراحتله ساعت يدي بي اون
 دقيقه كچرك حركت اولندي ساعت سكرده مصنعه مواصلت اولندي
 اشبو محله واقع درهك قارشوسنده ايكي اوفق تبهك اراسنده
 مجدل غنجه قريه سي كورلدي بوراده حيوانلر تبديل اولندقد نصكره
 قريه مذكوره صول طرفنده ترك ايديلهرك يوله دوام ايديلدي محل
 المذكوره اولجه كوندرلش اولان سواريلر ايله معيت (برنسيده)
 كلش اولان سواريلر دكشديرلشدر يولمرك صول طرفنده واقع
 جيلك اوزريني احاطه ايتش اولان قارلرك بياضليفله اووده كي
 اكترلر زمرد مثالي كورونشي اولحوالي به بر لطافت ويرمكه
 اولديندن بشقه حفف حفيف اسمكه اولان روزكارك تضيقيله
 هر ايكي طرفه بيوك امكه اولان اكترلر ارالرنده يكسديكريني
 متعاقب قريه لر اوكلرنده اوتورارق بر طاقم نعمات عربيه سوللكده
 اولان مخدراتك اينه مثالي اولان يوزلرينه چارميش اولان كونشك
 ضياسنك اكترلر اوزرينه عكس ايتسي حوالى* مذكوره نك منظره سنه
 بشقه جه بر لطافت كسب ايتديرمكه ايدي مصنعك يكرمي بش
 دقيقه ايلروسنده منفرد بر تبهك اوزرنده كاركي بر بنا وار ايديكه
 روايته كوره مقام (نوح) عليه السلامدر . ساعت طقوزه يكرمي
 بش دقيقه قاهره نخل البناتى كپرسندن كچلدي يولك صاغ طرفي
 ايلروسنده واقع زير قريه سنك ارقه سنده وجبك دينده بقاع دنيلان
 معلقه قصبه سي وانك صولنده ودره نك ايچنده زحله قصبه سي
 وار ايدي شام ايله يروت اراسنده كي يولك نصف اولان شتوره
 موقعه لى المواصله جبل لبنان ژاندارمه سندن مقدار كافى سوارى

ایله اولجه مرکز اردوی هایوندن کوندلش اولان سواری
 عساکری صف بسته سلام واحترام اولمش اولدقلری کبی جبل
 مذکور متصرفلی اقلام مدیری سعادتلو کوبلیان بك افندیله زاندارمه
 میرالایی عزتلو سعید بك ومعلقه قائممقامی عزتلو محمود وزحله
 قائممقامی اسکندر افندیلر طرفلرندن بالاستقبال اولجه سوریه ولایت
 جلیلهسی طرفندن استحضار ایدلش اولان لوقانطیه نزول
 بیورمشلردر . اقشام طعمانده مومی ایله کوبلیان افندیله میرالایی
 وقائمقام مومی الهم وسوریه ولایت جلیلهسی نافع سر مهندسینه
 ایتالیا دولت فحیمهسی تبعهسندن طریق قومانیهسی مهندسی موسیو
 فلیب مدعو اولدقلری جهتله صفرده حاضر بولنشلردر اثنای
 طعمانده مشار ایله حضرتلری طرفندن هر بررلری ابرو ابرو
 تلطیف ایدلشدر لوقانطیهك اطراف قنادیل ایله تنویر
 اولنهرق نصف الیله قدر اجرای آهنگ ایدلشدر .
 شتورهك اطراف لطافت تامهسی بولنان غایت واسع اووه ایله انواع
 اشجار مثمره ایله محاط اولدینی کبی جهت غربیسی دخی قار ایله مملو
 جبال ایله مسدود اولدیغندن منظرهسی بشقهجه جالب نظر دقت
 ایدی . معلقه سوریه ولایت جلیلهسی وزحله جبل لبنان متصرفلی
 داخلنده برر قضا مرکزیدر .

— اوز التنجی باب —

شوره دن بیروته صورت حرکت متضندر

شباط رومینك یکر می التنجی کونی علی الصباح الافراقه ساعت یدیکه
 الاتورکه ساعت برده شوره دن حرکت اولدینی صرده (پرنس)

حضرتلرینک راکب اولدقلری لاندویه ایکی حیوان ایله بر عربیه چی
 ودیگر عربیه لره دخی برر حیوان علاوه ایدلش ومعلقه وزحله
 قائممقاملریله لاجل الاستقبال محل مذکوره گلش اولان سائر ذوات
 کرام مشار الیه حضرتلرینک رسم تشییخی اجرا ائللر وعساکر
 حضرت پادشاهی طرفدن دخی رسم تعظیم بعد الاجرا اؤکده
 وارقدده اولدقلری حالد کمال انتظام ایله سوریه ولایتیه لبنان
 متصرفلئک حد فاصلی اولان مریجه قریه سندمکی قره غول خانه یه قدر
 کلوب اوراده بکلمکده اولان عساکر حضرت پادشاهی یه بالتسلیم شام
 شریفه عودت ائللر در .

بورادن اشاعیده واقع اوویه نظر اولدقدده یردن قالقان بخار ایله کویلرک
 بجالردن چقمقده اولان دو مانلرک یکدیگری نه قاریشمسیه حاصل اولان
 الوانه اقدن طلوع ایدوبده هنوز ایکی اوج مزراق بوی یوکسلش
 اولان کونشک ضیاسنک چاریمسی مذکور اووه نک طیبی اولان
 منظره سنه بشقه جه بر لطافت ویرمکده ایدی وجبلده کی قارلرک
 لری یوبده وادیلردن اشاغی یه طوغری کاغذ خانه جاغلیانلری مثللو
 کندو قوتلری نسبتده بر صدا ویره رک اقلری حقیقه انسانه حیات
 تازه بخش ایدر صورتده ایدی هله عربیه لره آهسته آهسته یوقشه
 طرمانلری اطراف واکنافی ایودن ایوسیر وقاشا ایندیرمکه مساعده
 ایدیور ایدی بو وجهله قطع مراحل اوله رق ساعت ایکی یچق
 راده لرندده خان مراده کلندی محل مذکور دن ایلر ویه طوغری یولزی
 تعقیب ایدن تلغراف تلرینک کورلدیسی عربیه لره کورلدیسی اراسنده
 موزیقه نکه نعمات خفیه سی کبی سامعه یی اکلندیرمکه ایدی .
 بورادن اشاعیده کی اوویه نظر اولدقدده اریش اولان قارلردن موقتاً

حاصل اولش اولان منفرد منفرد حوضلرك زمرد مثالی اكنلرك
 ابرالرندن كورنیشی مذكور اوویه تعریفی ناقابل برمنظره ویرمكه
 ایدی وهله افتقه اولان دره نك صولری هبوب ایدن اهویه لطیفه نك
 تضقیله حقیف حقیف موجهلر كو سترمكه وایکی جهنده كه سلسله
 جبال نشاط اشتمالك حلاوتی طویله به جق بدایع فطرتدن اولوب
 الحاصل هر طرفی از سرتاپا اطلس كبود قام اكنسا ایتش بر عروس
 ابتسام غایه بگریور ایدی .

ساعت اوچده مضطه نام دیككر ظهر البیضه دنیلان خانه مواصلت
 وشتورده دن علاوه ایدیلان حیوانلر بوراده ترك ایدیلرك یوله دوام
 و براز قطع مراحل ایدلده دكر كورنگه باشلدی یولك هر ایکی طرفی
 قار ایله مستور اولدیضدن بشقه اسكده اولان شدتلی روزكار حسیله
 زیاده سیله صفوق یاقفده ایدی .

ساعت اوچی اون دقیقه كچرك رأس جیله كلندی بوراده یالكنز
 بر عسكری قوه غول خانه سی وارد برازدها ایلرویه حرکت اولندقدم
 بیروت دخی كورنگه باشلدی بو محله اوچی بیاض واوچی استر
 اولوق اوزره الی حیوان قوشلی دلی ژانسه تصادف اولمشدر كه مذكور
 دلی ژانسه یولك صولطرفده توقف ایدرك مشار الیه حضرتلرینی
 کمال احترام ایله استقبال المشدر اشبو محلدن اشاغی به طوغری یولوز
 اینش اولدیضدن عربلر سرعتله یوله دوام ایتكده ایدی .

ساعت اوچ بچقه و یولك صاغر طرفده اولدجه كنش و متعدد کویلر
 ایله زیتونلك واشجار سازه مثره ایله مغروس وادی حمانیه كلندی
 اشجار مذکوره لطیفه ازلرنده یشیل یشیل چنلر اوزرنده آهنگ
 ایتكده اولان ذكور وانات اهالی (پرنس) حضرتلرینی کمال آداب

ایله استقبال ایدرک مشار ایله حضرتلری ایسه اوکلرندن کچدکجه هر برلرینه ابرو ابرو التفات بیوره رق وادی مذکوری تعقیب اینمکده ایدک .

ساعت اوچ بچقه بش دقیقه قاله رق خان صوقن محله کلندی بوراده بر عدد موزیقه ترغساز اولدینی حالدده اهالی طرفندن مشار ایله حضرتلری کمال تعظیم ایله استقبال ایدلمشدر حتی موزیقه چالانلرک ایچندن بر شخصک بر کاغد اوزرینه ایتالیا نجه یازلمش اولان دعایی قرائتندن دخی (پرنس) حضرتلری ممنون قالمشدردر محل مذکوردن ایلرویه طوغری براز قطع مراحل ایدلکده هر ایکی طرفی زیتونلک وسائر اشجار مثمره ایله مغروس اولدینی کورلدی .

ساعت درت بچقده خان ابو دخان نام موقعه کلندی بوراده دخی عساکر حضرت تاجدارى طرفندن کمال احترام واحفال ایله مشار ایله حضرتلری استقبال ایدلمشدر محل مذکورده اولجه مهیا ایدلمش صفرده (پرنس) حضرتلری کمال عافیتله اوله طعمانی تناول بیوردقدن صکره براز استراحتله ساعت التی بچقی اون دقیقه کچهرک بیروته متوجهاً قیام و حرکت بیوردیلر .

ساعت التی بچقده عالییه نام موقعه مواصلت اولنمشدرکه اشبو موقعه مکتب شاگردانی طرفندن عربی العبارة غایت بلیغ قصیده لر اوقوغنده اولدینی کبی اهالی طرفندن دخی (الله ینصر السلطان) نداسیله مشار ایله حضرتلری استقبال اولنمشدر اشبو محلدن اشاغییه طوغری انیلدیکی صرده اوکزده دکر وصاغمزده کی باغچه لرده صورت منظمده انشا ایتدیرلمش کوشکله ایله اطرافلرنده مغروس انواع اشجار لطافت دثار نوعر وسان نراحت نشان کبی

چیره دستی، حیاط بهار ایله یکی یکی لباس فضاوت استیناس اکتسا
ایتمش صوک بهاردن برو زمزمه سنج انبساط اولمغه حاضرلنمش اولان
کوچک کوچک قوشلر اغصان درختان وچنستان تزهت اقتزان
اوزرنده نعمات محترقه الاکباد ایله چیرنمقده بولنمش اولدقلری
ویرونک ایسه چناق قلعه سندن ایجرویه کیروبده مرمره دن کچهرک
استانبول بوغازینی دوکه جک محله صاغ جهتمه کی اطهار ایله قاضی
کوی وقزقوله سی و بشکطاشده کی سرای هایونک منظره لری کبی بر
منظره لطیفه ویرمکه ایدی هله یولنرک صاغنده کی مرعاده اوت
اوتلامقده بولان قیونلرک بزه باقوبده حزین حزین باغیر شملری
قلوبه تاثیر ایتماک قابل دکلدی .

ساعت یدیه یکرمی دقیقه قاله رق صاغر فده واقع شوباط قریه سی
اوکندن کچلمشدرکه اشبو قریه نک اطرافنده کی جبهه طبیعی بر خریطه
یاثلش کبی صنعی دیوارلر ایله منخیر چوریلرک متعدد باغچه لره تقسیم
اولنمش اولدینی کورلدی .

ساعت یدیده جمهور نام ستاسیون موقعنه کلندی اشبو محله جبل
لبنان متصرفی دوللو واصله پاشا حضرتلریله بیروت ایتالیا دولتی
فحیمه سی جنرال قونسولوسی موسیو زربونی و مشار الیه حضرتلرینک
واپور مخصوصلری برنجی قبودانی و جبل مذکور ترجمانی اولی
اونیفورمه لرینی لابس اولدقلری حالده احترامات فائقه ایله (پرنس)
حضرتلرینی استقبال ایشلردر مشار الیه حضرتلری لطفاعره بولندن
اینه رک بر ایکی دقیقه ایاق اوستنده القاض و داد کارانه جریان
ایله کدنصره یانلرینه واصله پاشا حضرتلریله دائره لری مدیری
موسیو اوزیوبی الهرق و پاشای مشار الیه عربیه سنه و معیتی ایسه

على مرهاتهم ويكر عربله به نهرك يروته متوجهاً حركت بيورديلر .
 يولك طرفينده واقع تارله لرده ايكشر قاريش قدر چيتمش اولان
 اكنلرك حفيف حفيف اسمكده اولان روزكارك تاثيريله صاغه صوله
 طوغري تامل ايديشلىرى ويكي ديكلمش اينجه فدانلرك اوكلرندن
 مشار اليه حضرتلرى كچدكه كويا جانلى ايشلر كي بيوك اكه لرندن
 طولاي قدرت الهيه حيران اولماق الدن كيور ايدى .

ساعت يدى بجق بش كچرك حاذميه موقعه مواصلت اولندقه
 بيروت متصرفى سعادتلو نصوحى بك افنديله موقع قوماندانى
 سعادتلو طيار پاشا وسائر مأمورين عسكريه وملكيه البسة رسميلرينى
 لابس اولدقلى حالده كمال تعظيم واحترام ايله مشار اليه حضرتلرينى
 استقبال العشاردر بو ائنده مكاتب ابتدائيه شاگردانى عربى العبارة
 قصيده لر تقى ايتكمده ايديلر وجيل لبنان ايله بيروت موقعنده
 ارامساز اقبال عساكر حضرت تاجدارى طرفندن احترامات فائقه
 ايله رسم سلام اجرا ايدلديكى كي ايكي عدد موزيعة عسكرى دخى
 غايت مؤثر هوالر چالمقه ايدى . موقع مذكوره مرتفع بر نقطه ده
 (پرنس) حضرتلرينك استقبالى ايچون انتخاب وترتيب اولمش اولان
 محلك اطرافى طرز دلشين اوزوه اغاج يراقليله ودرلو چچكلر ايله
 تزيين قلمش واوكنده اغاج داللرندن مركب قوس ظفرلر وعثمانلى
 وايتاليا بانديرملى ركز ايدلمش وسكر اون اياق نردبان ايله چيقييلور
 كوشكده لازمكلرلر تقديم ايدلكدن وشامپانيه لر ايچلدكن وبر
 مقدار ارام ايدلكدن وجيل ويروت متصرفلى پاشالر حضراتيله
 موقع قوماندانى طيار پاشايه وجييه شكر كذارى بي ايفا وسائر ذواته
 التفات بيوردقه نصكره دولتو واصله پاشا حضرتلرينى كندى عربله رينه

الهرق وسكره اون دقیقه قاله رق بیروت شهرینه طوغری قیام
وحرکت بیوردیلر و فستقلی نام محله وصولارنده ایکی طابور عساکر
نظامیه وژاندارمه شاهانه صف بسته سلام و موزیقه عسکری ترنماز
واحترام اوله رق و تعظیماً عسکری فشه سندن یکریمی بر پاره طوب
انداخت ایدلشدر . (پرنس) حضرتلری طوغریجه اسکله به عزیمت
بیورمغله اوراده دخی مقدار کافی عساکر شاهانه طرفندن رسم سلام
اجرا ایدلشدر مشارالیه حضرتلری جبل لبنان متصرفی دولتو
واصه پاشا و بیروت متصرفی سعادتلو نصوحی بك افندی حضراتیه
موقع قوماندانی سعادتلو طیار پاشا واسکله به قدر کلش اولان سائر
ذوات کرام ایله وداغله رق واپورلرینه کیتشلردر .

یوم مذکورده (پرنس) حضرتلریله برلکده اقشام طعانی واپور
مخصوصلارنده تناوله چاکرلریله رفاقت عاجزیده بولنان قدس شریف
تحریرات باش کاتبی رفعتلو بشاره افندی و بیروت ایالتیا جنرال
قونسولسی موسیو زربونی ایله ویس قونسولسی ویا فهدن برو معیت
فخیمانه لرنده بولنان لاتین راهبرندن وتاریخ شناساندن فلورینی
داثره لری مدیری قولونل موسیو اوزیو واسطه سیله دعوت اوله رق
تعیین اولنان ساعته بر ضابط مخصوص ایله مذکور واپورلرندن
کوندریلان صنداله راکباً کیدیلوب (متبوع مخم شوکتلو سوکیلی
پادشاهیک) پیراغی واپورک اورته دیرکنده چکلیمش اولدینی و واپورک
زردبانی باشنده موزیقه لری ترنماز اولدینی حالده مشارالیه (پرنس)
حضرتلری تنزلاً سالوندن چیقارق کمال لطف ایله بزلی قبول
بیوردقلری عقبنده بالذات چاکرلرینی الوب واپورده ارمسترون
طویلریله اشکال مختلفه ده بولنان مترالیوز طویلرینی کوسستردیکنی

وواپورده کی محل مخصوصلرینی دخی ارانه ایتدیکنی و طعامده چاکرلرینی صاغر طرفده اقعاد ایدوب مدعوین و سائره نک هر بریسی علی حسب درجاتهم ارانه اولسان محللرده اوتوردقلری و طعامک حتامنده صورت زیرده محرر و طرف عاجزیدن قرائت اولسان بر مقاله ایله اظهار مآثر شکرانیت ایتدیکم اوزرینه فوق العاده ممنون اولدقلریله برابر تشکرات متبادله ده بوللادیغی و بعد الطعام برازقالتهرق قرهیه چیقمق استلده کده اسکلهیه وارنجیه قدر واپوردن الکتریق ضیاسی یولوزه عکس ایتدیره رک تشییع اولمشزدر .

(بعد الطعام طرف عاجزیدن قرائت اولتان و داعنامه)

- « متبوع مفخم طرفدن شرفصادر اولان اراده سنیه اوزرینه »
- « معیت فحیمانه لرنده بولتفه مأمور اولمش ایدم اثنای سیاحت »
- « اصیلانه لرنده ذات و موقع فحامتکره لایق اولدیغی صورتده ابراز »
- « خدمت ایتکه موفق اوله مدیغ درکار ایهده طرف عاجزانه مدن »
- « وقوعبولمش اولان قصورلره اصالت و نزاکت فحیمانه لری ایجابجه »
- « لطف ایله مقابله بیوریلهرق حجاب التسه بر اقدم معیت »
- « فحیمانه لرنده کچمش و هربری بر درلو التفات و نوازش فحیمانه لرینه »
- « مدار مظهریت اولمش اولان کونلر عمرم ایچنده الک مسعود عد »
- « ایتدیکم زمانلردن اولمسیله خدمت عاجزانه مک سوریه دن انفکاک »
- « اصیلانه لرلیله برابر حتام بولمسی بنده لری ایچون ضایعات عظیمه دن »
- « معدود و بوشرفک صفای صبح کبی از بر مدت دوام ایتسندن »
- « نه قدر متأسف اولدیغمی حضور فحامتکرده توصیف ایتکه اقتدار »
- « مفعوددر اثنای کشت و کذارده عموم حقنده ابراز بیوریلان »
- « التفات سیاحت فحیمانه لرینی بوحوالیده الی الابد لسان حرمله »

« یاد ایدیلەجك وقایع حسنه عدادینه داخل ایتیش اولدیغنی کمال ،
 « فخر و مسرتله تکرار ایتمک ایسترم جناب حق عمر و اقبال و عافیت ،
 « فحیمانه لرینی مزداد ایلە برابر سیاحت اصیلانه لرینی کمال حضور ،
 « و انشراح درون ایلە قرین ختام بیورسون . »

فرداسی جمعه کونی صباحلین ساعت درتده بیوک اونیفورمه یی
 لابس اولدیغیم حالده (پرنس) حضرتلرینک واپور مخصوصلرینه
 کیدیلوب مسبوق اولان دعوتلری اوزرینه برلکده اویله طعامنی
 تناولدن سکره صورت منتظمده حاضرلش اولان واپور مذکورک
 صندالنه راکباً ساحله چیقیلهرق اسکله باشنده عساکر شاهانه صفبسته
 سلام اولدقلری حالده رسم تعظیم بالا اجرا عربهرله راکباً طوغریجه اییتالیا
 دولت فحیمه سی جنرال قونسلوسی موسیو زربوننک خانه سنه کیدلدیکی
 و خانه مذکوریه وارلمزدن براز اول پول اوزرنده ترتیب اولنان موزیقه
 عسکری ترنم ساز اولدیغنی حالده عساکر حضرت تاجدارى طرفندن
 مراسم استقبال بالا اجرا قونسلوس خانه یه مواصلت واوراده حکومت
 سنیه مأمورانى ایلە جهت عسکریه امرا و ضابطاننک و دول اجنیه
 قونسلوسلریله رؤسای روحانیه نك و اییتالیا تبعه سی معتبراننک
 بریزانته لری اجرا اولدیغنی متعاقب حکومت سنیه یه وجیل لبنان
 متصرفلیقه سوریه ده لاینلرک بیوک رئیس روحانیسنه ویزته
 ویردیکی کبی قشله عسکریه دخی کیدوب موقع قوماندانیله اثنای
 مصاحبتده قائم مقام عزتلو رؤف بکک تحت قوماندانه سنده اولهرق
 عساکر حضرت شهرباری طرفندن قشله نك تعلیم خانه میداننده براییکی
 مانوره یاپلدیغنی ورسم کچید اجرا اولنه جنی اثنائه (پرنس)
 حضرتلری بالذات تعلیم خانه میداننه اینهرک قوماندان میرلوا سعادتلو

طیار پاشانك همت واقع لرندن بیان ممنونیت ایلدکلی و عساکر ملوکانهك مانوره لرده اولان مهارت واستعدادلرینی تقدیر برله قومانده ایتمکده بولنان قائم مقام مومی الیه دخی کال لطف ایله اظهار ممنونیت ایدرک و عربسه بنهرك قوم میداننده واقع ملت باغچه سنی سیر و تماشای نیتله حرکت و باغچه مذکورک اطرافنی طولاشرق و ابورلرینه عودت بیوردقلری صرهدده کذلک اسکله باشنده عساکر شاهانه صف بسته سلام و موزیقه عسکری به ترنم ساز اولمشلردر و اقشام طعامنده چیل لسان متصرفی دولتو و اصف پاشا حضرتلرله بیروت متصرفی سعادتلو نصوحی بك افندی و موقع قوماندانی میرلوا سعادتلو طیار و ژاندارمه قوماندانی شاهین پاشالر ایله چیل مذکور متصرفلنی مدیر اقلامی سعادتلو کوپلیان بك افندی و ولایت امور اجنیه مدیری و چیل ژاندارمه میرالای و عاجزلرینه رفاقت عاجزیده بولنان رفعتلو بشاره افندی و فلوروین مدعو بولنرق بولنرك ایچندن بیروت متصرفی ایله شاهین پاشانك انحراف مزاجلری حمیلله رهین حسن قبول اوله جق صورتده معذرتلرینی بیانله برلکده بولنه مدقلری و بعد الطعام براز استراحت برله مدعوین مشار و مومی الیه طرفندن مراسم وداع بعد الاجرا قرهیه عودت بیورمشلردر فرداسی جمعه ایرتسی کونی (پرنس) حضرتلرله برلکده اوله طعامی و ابور مخصوصلرنده تناول اولدقدنصکره بالذات چاکرلرینی الوب ارمسترون طولبرینک بر ایکی مکمل مانوره سنی یاپدیروب بك زیاده عاجزلرینه حرمت و التفات بیوردیلر . رسم تشییع اجرا اولنه جنی صرهدده فلسطین و سوریه جهتلرنده بولندیفی مدنجه (شوکتلو مهابتلو ولی نعمت یمینتر پادشاه عالمناه افندمن حضرتلرینک کندی

حقارنده رایگان بیوردقلری لطف و عنایتدنطولایی متسدار اولوب
نه یولده اظهار تشکر ایده جکئی بیله مدیکئی بیانه برابر احترامات
فائقه سنک عرض ایدلمسئی) بالذات چاکر لرینه افاده ایدرک مدیر
امور لرندن ویریلان پروغرامه نظراً بو اقسام قبریسه متوجهاً
بیروندن قیامله یارنکی بازار کونی طوزلهیه مواصلت لرنده اوچ درت
ساعت قدر اقامتد نصک ره اوچنجی صالی کونی ردوسه کیده جکلری
واوراده بر قاج ساعت اقامتله چهارشنبه کونی سودا لمانه اوغرایه رق
اوراده دخی بر قاج ساعت قالدقد نصک ره جمعه کونی برندیزییه
مواصلت ایده جکلری اکلاشلمی اوزرینه کیفیت مایین هایون ملوکانه
باش کتابت جلیله سیله مقام جلیل سرعسکرییه و بشنجی اردوی
هایون مشیریت جلیله سه با تلغراف نامه عرض ایدلدیکی کبی ردوس
متصرفلیله کرید قوماندانلغنه دخی تلغرافله بیان معلومات ایدلمشدر .
مشار الیه حضرتلرینک حرکتلریله مأموریت عاجزانه م ختام بولسی
جهتیهل براییک کون بیرونده قالدقد نصک ره شام شریفه عودت
اولمشدر .



معلومات تاريخيه و جغرافيه



حروف حجا ترتيبى اوزره

﴿ معلومات تاريخيه و جغرافيه ﴾

﴿ حرف الف ﴾

« ابراهيم » - عليه السلام بنی سامدن کلدانستانده اقامت ایتمکده اولان (تراح) یاخود (آزر) ك اوغلو اولوب حق تعالی حضرت تیرینك اراده سنه اتباعاً پوت پرستلکه سالک اولمش اولان کلدانیلر ایله حکمدارلری بولنان (نمرودی) طریق هدایتیه دعوت ایچون خیلی اوغراشدق دنصکره مملکتی ترک و پدر و تعلقاتی الهرق ارض کنعانه متوجهاً یوله چیقمشیدی فقط حلب ولایتی داخلنده اورفه سنجاغی ملطقاتندن نفس اورفه نك جهت جنوبیسنده واقع حران شهرنده پدری وفات ایلدیکندن اوراده بر مدت توقف ایتمش ایدی . او صروده ابراهيم عليه السلامه وحی نازل اولهرق (پدرك خانه سنی و مملکتی ترک ایت و کوستره جکم موقعه هجرت ایت سن بیوک بر ذریه صادق صاحبی اوله جقسك) مآلنده اولان امر الهی میلاددن ایکیك طقسان اوج و هجرت نبویه دن ایکیك التیوز یتمش یدی سنه مقدم کلمشدر . ابراهيم عليه السلام اشواراده الهیه یه اتباعاً زوجیه سی ساره ایله برادر زاده سی (لوط) علیه السلام و بندکانیله برابر ارض کنعانه کیمشدر . اولوقت قطعته مذکوره اولاد حامدن کنعانیلر یئنده ایدی . حضرت ابراهيم عليه السلام چوبانلرینك چیقاردقلری بر نزاع اوزرینه حضرت لوطدن ایرلمشدر . ابراهيم عليه السلامه ارض کنعانده تکرار وحی نازل اولهرق ذریته احسان اولنه حق اراضینك ارض کنعان اولدینی بیلدیرلمشدر . محل مذکوره او وقتدنبرو (ارض موعود) یاخود (ارض مقدس) دخی دیرلر . لوط علیه السلام

ابراهيم عليه السلامدن آيرلدق د نصكره شمدىكى بحر لوطك برنده موجود اولان (بلاد سدوم) ده نشر هدايتله مشغول اولمش حضرت ابراهيم ايسه دها جنوبه طوغرى ايلرولمشدر . ابراهيم عليه السلام ارض كنعانك جنوب طرفده واقع چوللرده امتيله برابر كشت وكذار ومأموريت مقدسه سنى ايفايه دوام ايتمكده ايكن فحط ظهور ايدرك مصره هجرت ايتمكه مجبور اولمشدر مصرده زوجه سى ساره حكمدار طرفندن اسير ايدلمش ايسه ده قدرت آلهيه دن اوله رق مصره ده واقع اولان بر طاقم معجزه لر اوزرينه حكمدار ساره نك زوجه اعاده سيله برابر هاجر اسمنده بر جاريه تقديم ايتمشدر . ابراهيم عليه السلام مصر ددن عودت ايتدك د نصكره بر مدت ارض كنعانده وشمدىكى حبرون (خليل الرحمن) نام قريه قربنده كاش (مامبرى) صحرا سنده اقامت ايتمشدر . كنعان اهالي سى ابراهيم (عليه السلامه) چوق رعایت ايدرلر ايدى زيرا حضرت ابراهيمك بر مقتضای نبوت حائز اولدينى قوه قدسيه مغويه دن بشقه قوه عسكريه سى دخی وار ايدى . ابراهيم عليه السلام سكسان ياشنده اولدينى حالده هنوز براولاده نائل اولمديغندن ساره دن رخصت آله رق جاريه سى هاجرى تزوج ايتمشدر . بر سنه صكره هاجر حضرت اسماعيل توليد ايتمشدر وقوعات مذكوره ميلاددن ايكييك اوتوزالتى سنه مقدمدر . اون اوچ سنه صكره ساره دن دخی اسحق عليه السلام تولد ايتمشدر . ساره هاجر ايله اسماعيل عليه السلامه قارشى خصومت اظهار ايتمكه باشلا ديفندن ابراهيم عليه السلام هاجر ايله اسماعيل عليه السلامى خانه سندن اخراج ايدرك عربستان (حجاز) طرفنه ارسال ايتمشدر . حق تعالى حضرتلرى ابراهيم عليه السلامك كنديسنه اولان درجه صداقتى امتحان ايچون مخدومك قربان ايدلمسنى امر بيورمش

و ابراهيم عليه السلام دخی بلا تردد امر آلهی بی اجرایه تشبث
ایتمشد یعنی اولادینی ذبح ایتمک اوزره ایکن من طرف الله
کوندربیلان بر قوچی کشمدر . ابراهيم عليه السلام ارتحال ایتمزدن
اول حجاز طرفلرنده بولنان اسماعیل علیه السلام ایله کورشمک ایچون
اول طرفه عنیمت ایتمش و اسماعیل علیه السلام ایله برابر (کعبه بی)
بنا ایلمشدر . ابراهيم عليه السلام یوز یتیمش یاشنده اولدینی حالد و فاته
ایدوب جبرون (خلیل الرحمن) ده واقع مغاریه دفن اولنمشدر .

« ابراهيم پاشا » - مصر والیسی محمد علی پاشانک اوغلو
و سرعسکریدر میلادک بیک سکزیوز اون سکزی و هجرتک بیک
ایکیوز اوتوز درت تاریخنده حجاز و حرمین الشریفین و حوالیسنی
تهدید ایدن و هایلیری اورالردن دفع ایتمک شرطیله عهده سنه حجاز
و حرمین الشریفین والیکی توجیه بیورلدیغندن مصردن بر مکمل
اردو ایله کیدوب و هایلیری پریشان و درعیه قدر تعقیب ایدرک
رئیسلری (عبدالله) بن مسعودی و درت نفر اوغلاریله بعض
منسوباتی مصر طریقیله در سعاده ارسال ایلدی و میلادک بیک سکزی
یوز یکر می بش و هجرتک بیک ایکیوز قرق بر تاریخنده مصر دونماسیله
موره سفرینه کلوب (مسوئک) یاخود (میسولونکی) محاصره سنده دولت
علیه دونماسنه براز یاردم ایتدیسه ده قبودان دریا بولنان خسرو پاشا ایله
مصر والیسی محمد علی پاشانک بر برلرینه اولان خصومت قدیمه سی جدی
اغانیه میدان بر اقدی و ایکی سنه صکره و قوعیولان ناوارین (آوارون)
وقعه سنده دونماسی دولت علیه دونماسیله برابر محترق اولدیغندن ابراهيم
پاشا عساکر بریه سنی آلوب مصره عودت ایلدی طبریله ده کی معدن
صوبی اوزرینه انشا ایتدیرلمش اولان ابنه ابراهيم پاشانک اثریدر .

« ابو بكر الصديق » رضی الله عنه - خلفای راشدین
 حضراتك برنجيسيدر واسم عاليلى عبد الله بن عثمان القريشى
 كنيه لى بن فحافه موله سنيه لى مكه مكرمه در . مشار اليك نسل
 جليلى سلاله طاهره بنميرى ايله يدنجى بطنده برلشور . قريش
 قبيله سنك برنجى مرتبه اغنياسندن واك ايلرو كلش لرندن ايدى .
 فقط شرف اسلام ايله مشرف اولدقد نصكره كافه اموال واشيانى
 فقرايه اعطا ايدرك مفخرت فقرده حضرت بنمير (صلى الله تعالى عليه
 وسله) امتثال التلى ايدى . حضرت رسول اكرمك تشبثات
 اخيره سندن اولان شام سفرى وفاتلريه كيرو قالمق شويله طورسون
 باليكس حضرت صديق اكا فرض نظريله باقهرق كمال كرميله
 تداركاته دوام ايله بر از مدت ظرفنده اردوى يوله چيقارمشدر .
 اسام بن زيدك سر عسكرلكى دخى تا كيد ايدلمشدر .

اسام ايله روملر ييتنده اسامه نك پدرى زيدك شهيد اولدينى موته
 نام محمله تكرار غزا واقع اولوب بو مصادمه ده دخى ايمپراطور
 اردوسى پريشان اولمش ومجاهدين اسلام بك چوق غنيمت اخذ
 ايتمشلردر . فقط اسامه بو قدر ايله قناعت ايدرك دشخى تعقيب
 ايتكمسزنى عودت ايتمشدر . بدويلردن اون ايكي عشيرت نبوت
 دعواستنده بولنان طليحه نام بر عاصى يه بيعت ايدرك طرف حليفه دن
 كوندريلان زكات مأمورلرينى قبول ايتماشلر ايدى . حضرت
 صديق خالد بن وليدى عاصرك تادينه مأمور ايدرك اوزرلرينه
 سوق ايتمشدر . خالد دخى عاصيلرى قوه قهر يه ايله تحت اطاعت
 آلمش وزكات اعطاسنى تعهد ايتديرمشدر . طليحه دن صكره مسيله
 الكذاب نام بشقه بر نبوت دعواچيسى ظهور ايدرك بيوجك بر

ایتمش وانلر دخی حقیقهٔ ٲك كوزل خدمت و صیانت التلسدر حتی علیه الصلاة والسلام افدمز اظهار دعوت بیوروب خلق اوزرینه هجوم ایتمدیکی زمان ابو طالب یتیشوب تمام قوتیه منع ایلدی بمتك یکر منجی سنه سنده یعنی هجرتك اوج سنه مقدمنده ابو طالب وفات ایدر ایکن علیه الصلاة والسلام افدمز یاننده بولندی ومومی الیهك دوداغنی دٲرتك اسلامی قبول ایلدیکنی حضرت عباس سولسله (الحمد لله الذی هداك یاعم) بیوردی بو قوله ثمانعت ایدنلرده واردر . ابو طالب سکان سنه معمر اولدی .

« ابو عیبه » بن جراح - اصحاب کرامدن وعشرهٔ مبشره دندر ومسقط رأسی مکة مکرمه اسمی عامر بن عبد الله در . بو ذات فرسان اصحاب کرامدن ایدی وهجرت نبویهك اون سکرنجی سنه سنه قدر وقوع بولان غزواتك همان کافه سنده بولندی ورایت اسلامیه ابتدا بونك یدینه تودیع قلندی وٲك چوق خدمت وغیرت ایتمدیکنندن وکریم الخلق وغیر متعصب وحلیم وعاقل ومدبر اولدیغندن علیه الصلاة والسلام افدمز (امین الامة) تسبیح بیوردی بو ذات روم دیارنده حسن شمائل وصدق مقال ایله شهرت بولدیغندن شام مصالحه سنده روملر بونی استشار ایدی کیدوب یاپدیغنی مصالحه الیوم اوروپالیر نزدنده معتبر ومستحسندر . مشار الیه حضرتلری میلادك التیوز اوتوز طقوز وهجرتك اون سکر تاریخده محاربه یه کیدر ایکن رمله ایله بیت المقدس اراسنده برقریه ده ظهور ایدن طاعوندن اجتناب ایدن عسکرینه تسلیت ویرمك ایچون بر یوکسك یره چیقوب (ایها الناس ان هذا الوجع رحمة من ربکم ودعوة من نبیکم وموت الصالحین

قبلکم وان ابی عیبه یسأل الله ان یقسم له منه حظہ) الى اخره
حطبه سنی قرائت وقام ابتدکی آندہ طاعون اصابتله رحلت ایلدی .

« آتور » - سام بن نوح علیه السلامک دردنجی اوغلیدر . بوذات
چین قرقده قیلهسی خلقیله بغدادک اوست طرفلرینه کیدوب توطن
ایلدیهده برزمان صکره بابل اراضیسنده ساکن اولان حامیلر بونلری
استقاله و نزاع وجداله قالمشدقلرندن خلقتک ایکیک طقوز یوز اللی
درت تارینخنده یعنی میلادک ایکیک التیوز قرق یاخود ایکیک طقوز
یوز اون درت سنه مقدمنده دجله کنارینه ودها یوقاریلره چکلمکه
عجیور اولدی و موصل جوارنده مشهور (نینوه) شهرنی بنا و برنجی
آتور دولتی تشکیل ایدوب بالاستقلال حکومه باشلادی . اشوبرنجی
آتور دولتی تشکیل ایدن سامک اوغلی اولیوب انک ینه اونامده
بر اوغلی یاخود حفیدی اولمق احتمالیده واردر و شهر مزبورہ نینوه
نامی صکره دن ویرلمشدر .

« آدم » علیه السلام - ابنای بشرک برنجی پدری ونشئه
عنصریهده انیای کرام علیهم الصلات والسلام حضراتنک اقدمیدر .
هر بر مخلوق ایچون برر ارقداشی - یعنی برر دیشی خلق اولندینی
حاله یالکز حضرت آدم علیه السلام مجرد یرادلشیدی . بر مدت
صکره آدم علیه السلام ایچون ارقداش اولمق اوزره حضرت حوا
علیها السلام خلق اولنشیدی . آدم ایلہ حوا علیهما السلامک ابتدکی
اقامتکلهلری جنت اولوب کندیلرینه جتنده موجود اولان هر
بر نعمتن استفاده یه مساعدہ اولنمش ایدی . شوقدرکه یالکز (شجره
ممنوعه) یه یاقلاشلماسی شدیداً تنبیه ایدلمش ایدی . فقط منبع شر
اولان ابلیس آدم علیه السلامه دسیسه ایلہ مذکور شجره نک میوه سنی

اکل ایندیرمش و حضرت آدم بو وجهله امر الهی به مخالف حرکت
 ایندیکندن جتندن اخراج اولمشدر . روی زمینده بولنان کافه اقوام
 آدم علیه السلامک ذریبدر . حضرت آدمک اول امرده درت نفر
 اولادی دنیاه کلوب ایکسی ارکک وایکسی قیزدر و بر اوغلان و بر قیز
 اولوق اوزره ایکیز طوغمشلردر . مخدوملرندن (هابل) با امر ربانی
 (قابل) ک اوزهمشیره سنی و قابل دخی هابلک همشیره سنی تزوج
 ایدم جکلر ایدی . لکن قابل غایت حسنا بولنان همشیره سنی برادرینه
 ویرمیوب کندوسی ایچون آلق ارزوسنه دوشه رک هابل ایله
 منازعه به قیام و آنی قتل و اعدام ایتمشدر . بونک اوزرینه جناب
 حق حضرتلری دخی قابل ذریبتی بر طاقم فلاکتله اوغراشمشدر .
 قابل ذریتی حق تعالی به قارشی عصیانلر ایله مشهوردر . حضرت
 آدم علیه السلامک سائر اولادندن اولان ذریتلری دخی جناب حقه
 قارشی عصیانده بولنوب بالکز شیت علیه السلامدن حق تعالی
 حضرتلرینه صادق بر قوم ظهور ایتمشدر . حضرت آدمک حین
 ارتحالنده ذریتی قرق بیک نفوسه بالغ اولمشیدی .

« اردن » - قدس شریف جوارنده (وادی الشریعه)
 ویدکلری نهرک اسمیدر ، حضرت موسی علیه السلام آخر عمرنده
 وادی تهندن اشبو نهره قدر حرباً کلوب (بنی مؤاب) و (بنی
 عمون) و (عمالقه) قبیله لرندن آلدینی ممالکی بنی اسرائیله توزیع
 ایتمشدر . بو نهر جبل لبنانن چیقوب بحر لوطه منصب اولمقدهدر .
 بو نام فرانسه ده واقع ایکی سلسله جباله دخی ویرلمش و بو جبال
 شرقی و غربی ناملریله ایکی به منقسم بولنمشدر . بلجیقا حدودی
 اوزرنده بر سنجاعک اسمی دخی (اردن) در حضرت (عیسی)

عليه السلام نبوتی اعلاندن اول حضرت (یحیی) علیه السلامک
دلالتیله بو نهرده غسل ایتمشیدی . اوروبالولر بیننده نهر (ژورددن)
نامیله یاد اولنور ،

« ارض جاسان » - مصر وسطاده نیلک جانب شرقیسندنه
واقع اراضی وسیعنهک نام قدیدر . بنی اسرائیل ارض کنعاندن
مصره کلدیکی زمان یعنی آل یعقوب یوسف علیه السلامک التماس
وفرعونک مساعدیه سیله هجرت ایتدیکی وقت بو اراضیده اسکان
اولنمش ایدی بونلر زمان خروجه دکین بوراده چوغالوب خیلی
شهرلر بنا ایتدیلر وهله مآخراً فرعون رامسک توسیع وترین
ایتدیکی (اون) شهرنده یک چوق جمعیت پیدا ایلدیلر .
بعض تواریخنده جاسانک (جزان) یازلدینی دخی کورلمشدر .

« ارض فلسطین » - شریعه نهرینک غربنده واق دکزک
شرقنده واقع ارض کنعانک اسمیدر . بوراده ابتدا بنی اسرائیلدن
افرایم قبیلهسی ساکن اولور ایدی اصل فلسطین قبیلهسی اوراده
مسکون اولاد کنعاندن اولیوب اولاد حامدن مصره هجرت
ایدن مصرایم نام ذاتک سلالهسندندر بونلر اولوقت یافه دن
غزه یه قدر اولان ممالکده اوتورلر ایدی فلسطینده . قدس .
خلیل الرحمان . غزه . نابلس . عسقلان . حوران دخی داخلدر
عربستان ایله سوریه اراسنده بولنان اشبو فلسطین قطعه سنک نامی
رومالیلر تسمیه وجلیله وسامریه ویهودییه و عبرانیه ناملریله درده
تقسیم ایلدی مؤخر اوجه دخی منقسم اولمشدر . فلسطینلیلر متخادیا
یهودییلر ایله محارباتده بولنه رق خلقتنک درت بیک اوچیوز اوتوزاوج
تاریخنده یعنی میلادک بیک ایکوز التمش برسنه مقدمندن بیک ایکوز

قرق اوج مقدمنه قدر اون سکر سنه یهودیلری زنجیراسارته باغلادیلر .
 مؤخرأ شمسون کلوب یهودیلری مبتلا اولدقلری حال اسارتدن
 تخلص ایلدی شاوول فلسطین اهاالینسی (کاربا اون) قربنده
 مغلوب ایتدیکی کبی حضرت داود دخی بونلری تحت اطاعتنه المنه
 موفق اولدی اهاالی مزبوره متعاقبأ فرسلر وسلوسیدلر واختیرأ
 رومالیرک نفوذلری الله دخی کچمشلردر .

« ارض کنعان » - سوریه ولایت جلیلہ سنک جهت جنوبیسنده
 وعکادن غزیه قدر سکسان کیلو مترو طولنده سواحل ایله کیرولرنده
 اولان اراضی وسیعنه ک اسیدر . بو اراضی مقدما کنعاندن حام
 بن نوح علیه السلامک اونبر اولادینه خیلی زمان وطن اولدیقندن
 بو نامی آلمش ایدی مؤخرأ ارض مذکوره جانب حقدن جناب
 ابراهیم (علیه السلامه) وعد بیورلدیچون بنی اسرائیل (ارض
 مودعود) نامنی ویردیلر ایسده فلسطین قبیلهسی کاه بکاه بنی
 اسرائیلی محکوم ایتسی مناسبتیله نام مذکور تدریجأ اونودیلوب یرینه
 فلسطین نامی قائم اولدی وحدود سابقهسی بر قاج دفعه توسع وتناقص
 ایلدی .

« اریحا » - قدس شریفک شرق شمالیسنده ویکرمی بش کیلو
 مترو بعدنده قدیم بر شهردر . بو شهر وقیله پک معمور ایدی
 حضرت (عیسی) علیه السلام بورایه کلوب بر اعماک کوزینی
 آچدی شمدی الی التمش خانہلی بر قریهدر . واوروپالولر بیننده
 جریقو نامیله مشهوردر .

« استانبول » - دولت علیه عثمانیه نک پای تختیدر بو شهر
 قرق بر درجه عرض شمالی ویکرمی الی درجه طول شرقیده

اولوب اسكدار و غلظه و ايوب و نواحی سائر سنده مسافر لریله
 برابر بر ملیونه قریب اهالی تخمین اولتقدده در . هواسی غایت
 لطیف و خفیف و اطرافنده اولان صحرالری و مسیره لری و از جمله
 اظه لر و قاضی کوی و چاملیجه و بوغاز ایچی کبی ستملری پک کوزل
 و مفر حدر . و موقی ایجا بنجه اکثر طرفلرینک اینیه سی طبقه طبقه
 انشا اولتمش اولدیفندن دکر طرفندن منظره سی غایت یاقشقلیدر
 و قره دکر بوغازی متعدد قلعه لر و طابیه لر ایله مستحکم و لپانی گگیش
 و بتون سواخلی اک بیوک سفینه لر یناشه بیلور صورتده درین
 و صوبی دایما جاری و حیددر . استانبول قره دکره ایشلیان سفاین
 تجاریه نک ممری و ممالک دولت علیه نک برنجی تجارتگاهیدر . بوغاز ایچی
 و اسكدار و قاضی کوی و اطه لر و ایاستفانوس و کوپری اسکله لرینک
 اکثریسنه هر کون شرکت خیره و اداره مخصوصه و ترسانه و اپورلری
 ایشلر . و استانبولدن غلظه طرفنه تمدید اولنان بشیوز اون بش
 و درتیوز یتمش مترو طولنده ایکی عدد تیمور کوپرلردن هر کون
 علی التخمین یتمش سکسان بیک آدم کلور نجر و غلظه قره کوی
 قپوسندن مولو یخانه یه پاییلان طونل واسطه سیله کل یوم تخمینا اون
 بیک آدم اینر چیقار و غلظه یه اوج درت ساعت بعید محللرده دولت
 علیه نک استانبولی پای تحت انخازندن برو یاتلش اولان یدی عدد
 جسیم بندلردن بیوک یولر و کرلر واسطه سیله اعلا ولذید صولر
 کلور . استانبولده موجود اولان آثار عتیقه دن سلطان احمد
 میدانده کی ایکی عدد دیکیلی طاش و تونجیدن معمول بورمه لی دیرک
 و سلطان محمود تر به سی جوارنده کی چنبرلی طاش و قلع جوارنده
 قز طاشی و فضلی باشاده یر التده بیک بر دیرک و ایاصوفیه ده یره بتان

و ميلادك بيك درتيوز قرق الی و هجرتك سكر يوز الی تاريخنده
 جنيوزلرك يابدينی غلظه قلهسی ویدی قله و قز قلهسی و اياصوفي
 و قهریه و فتحیه و زيرك و كل جوامع شريفهسی و اناطولی و روم ايلي
 حصارلری و تکفور سرای شایان تماشادر . استانبول بك چوق
 صدماته اوغراقدنصكره نهايت ميلادك بيك درتيوز الی اوج
 و هجرتك سكر يوز الی یدی تاريخنده سلطان محمد ثاني حضرترلی
 فتحه موفق اولدی .

« اسرائيل » - يعقوب عليه السلامك لقيدر بو لقب مؤخرأ
 مشار اليه دن تولد و تشعب ايدن ايکی سبطه يعنی قبائله نام عمومی
 اولمشدر . اسباط مرقومه خلقي بو نامی ذکر ايله برابر بولندقلری
 سبطك نام مخصوصنی دخی محافظه ايدرلر ایدی . بنی اسرائیلدن
 (سبط قتال) و (سبط يهودا) کي سليمان عليه السلامك وفاقی
 عقينده اون ايکی سبطدن اون سبطی بنی اسرائیلدن آریلوب شخيمده
 (نابلس) بر حکومت تشکيل ايتمش و ايکی سبطی قدس شريفده حضرت
 سليمانك اوغلی تابعينده قالمش ایدی قدسده قالانلرك حكومته
 حكومت يهوديه و شخيمده تشکيل ايدن حكومته حكومت اسرائیلیه
 ديرلر . حكومت يهوديه نك نفوسی حكومت اسرائیلیه نك نفوسندن
 دون ایديسه ده ملتك معتبرانی و بیت مقدس قدسده اولوق ملاپسه سیله
 حكومت يهوديه زنکين و نفوذلی ایدی .

« اسکندر رومی » - بوکا اسکندر يونانی و بيهوك علكساندری
 دخی ديرلر . بو ذات ميلادك اوچينوز طقسان درت و هجرتك طقوز
 يوز ايتمش سكر سنه مقدمده تموزك يدنجی کونی دنيايه کلوب حکيم
 مشهور (آریستو) نك تحت تربيه سنده اون الی ياشنه بالغ اولدقده

پدری ماکدونیا حکمداری (فلیب) ک یزانس (استانبول)
 محاربه سنه عزیمتی مناسبیله یرینه وکیل اولدی و انئای وکالته
 اطرافده اولان بعض اقوام تحت اطاعته آلدی و یکریمی یاشنده ایکن
 پدری (یاوزانیاز) نام بر معیت ضابطی طرفدن قتل اولندیغندن
 تخته جلوس ایلدی . فیلک وفاتی خبری عموم یونانستانک و خصوصیه
 آتنه سروریشی موجب اولمشدر . حتی (ده موستن) کریمه سنک
 وفاتی مناسبیله یاس ایچنده بولندیفی حالده فیللیک قلی خبری اوزرینه
 سیاهلری چیقاروب یرام البسه سنی کیش و شنکر اجرا ایتمشدر .
 یونانیلر وقعه مذکوره بی اعاده استقلال و حریت ایچون فرصت عد
 ایدرک بعض قلعه لرده بولنان ماکدونیا عسکرینی طرد و اعلان
 استقلال ایتمشلردر . اسکندر پدرینک تشبث ایتدیکی عموم محاربه لرده
 بولنمش و لازمکلان مهارت کسب ایتمش اولدیغندن یونانیلرک اشبو
 حرکتلری اوزرینه اصلا تلاش ایتیوب سلاح التده حاضر
 بولنان عساکر ایله کمال سرعت اوزره یونانستانه داخل اولمشدر .
 اسکندرک بو حرکت سریعه سی یونانیلری هر نوع مقاومتدن عاجز
 بر اقدیغندن یونانیلر ماکدونیا نیک هک مونیه سنی تکرار تصدیق
 ایدرک عرض اطاعت ایتکه مجبور اولمشلردر . کویا اسکندرک
 ایلیریا یاخود ایلیریاده (ارناؤدلق) واقع اولان محاربه لرک برنده قتل
 اولندیفی حقنده شایع اولان حوادث اوزرینه یونانستانده ماکدونیا
 علیه نده تکرار نمایشلر ظهور ایتمش و حتی تبده عصیان ایدن اهالی
 ماکدونیا محافظلرینی قتل ایتمشلردر . اسکندر اون اوج کون
 ظرفنده بعوثیه به ورود ایدرک تب شهرینی محاصره ایتمش
 و هر قدر تبیلر جسورانه مقاومت ایتمشلر ایسه ده ثبات

ایده میوب اسکندره تسلیم سلاح ایتمکه مجبور اولمشدر . اسکندر شهر مذکوری کاملاً تخریب و اهالیسنی اسیر ایتمشدر . اسکندر بو وجهله یونانستانک اطاعتی تأمین ایتمکد نصکره ماکیدونیایه عودت ایدرک هجرتک طقوز یوز اللی التی سنه مقدمنده قرق بیک کشیک بر اردو ایله (هلسپونت) یعنی چناق قلعه بوغازینی مرور ایدرک اناطولی قطعه سنه داخل اولمشدر . اسکندر اردوسنده یکریمی بیکدن زیاده ماکیدونیالی یوق ایدی . قصوری یونان و سائر عساکر معاونه سندن عبارت ایدی اسکندر قطعه مذکوره ده واقع ترواً قربنده ایران اردوسنه راست کلهرک واقع اولان محاربه ده مظفر اولمشدر . محاربه مذکوره اولجوارده جریان ایدن کوچک بر نهر حسیله (غرانیک) محاربه سی تسمیه اولمشدر . ایران حکمداری بولان اوچجی دارا جسم اردو ایله اناطولی و سوریه حدودنده اسکندره قارشی چیقمشدر . اسکندرون کورفری ساحلنده واقع ایسوس (آیس) قصبه سی جوارنده بینلرنده وقوعولان محاربه شدیدده دخی اسکندر طرفدن قزالمشدر . دارا ایسه والده سنی وفاملیاسیله برابر خزینه سنی ترک ایدرک رجعت ایتمشدر . اسکندر اسپردوشمش اولان شاه فاملیاسنه فوق العاده حرمت و رعایت ایتمشدرکه او و قتلره کوره بیوک انسانیت دیمکدر . وایکی سنه صکره ارمنستان حکمداری (واخه) نک دارا ایله اتفاقی خبر آلدیغندن اورایی و متعاقباً سوریه و تیریر یاخود تیریات (طبریا) وغزه شهرلرنی استیلا ایلدی وغزه والیسی ایکی آی قدر مقاومت ایتمدیکی جهته بعدالاستیلا مقتولاً وفات المیش اولان والی مومی الیهک جسدینی ایاقلرندن آت قویروغنه یاخود عربیه باغلوب سور کلته رک آخرته کوندردی

وقدس شریفه وارد قدیه یهودیلر بیاض البسه لر وطنطه لرله
استقبال واولجه استدیکی عسکرک کوندریله مامسندن طولای
وقوعولان قصورلرینک عفوینی استرحام ایلدکلرندن عفو ایدوب
مصر یولنی طوتدی ومصریلر ذاتاً ایرانیلرک حمایه سندن ممنون اولدقلری
ایچون اسکندری کوزل قبول ایتدیلر واسکندر مصرده راحت ایتمکده
ایکن ایرانیلرک اربیلده عسکر طویلامقده اولدیغنی خبر آلدیغنی کبی
میلادک اوجوز اوتوز بر وهجرتک طقوز یوز اون بش سنه مقدمده
اورایه دخی یشوب بیچاره دارایی بتون بتون بر باد واسترآباد قدر
تعقیب ایلدی وفرس صدر ابلزندن (بسوس) نامنده بر خائن دارایی
قاچار ایکن باقترانده (بلخ) طوتوب اعدام ایلدیکندن اسکندر اورایه دخی
عزمتله خائن مرقومی اخذ ودارانک ورته سه تسلیم ایلدی . و سمرقند
و حوقند شهرلرینی آلدقنصکره بخارا شاهنک قزیله ازدواج و بخاراده
آرام و بش سنه صکره هندستانک شمال غریبسنده واقع پنجابدن کچرک
هندستان راجه سی (پوراوه) پی حرباً اخذ وینه عفو واحسان ایلدی
وهندستانی دخی ضبط ارزوسنده بولندیسه ده زیاده سیله یورلمش اولان
عسکری پکده موافقت ایتدیکندن واصرار ایده جک اولور ایسه علیهنده
بر اختلال حقیقه جغتی اکلادیقندن دونوب سند و بلوچستان طریقیله
وصوسز وایسز چوللردن درلو مشقتلرله بابه کلدی . و بتون دولتر
طرفندن تبریک مظفریت ایچون کلان سفرا واهالی استقباله چیقدی
لکن بیچاره عشرتله وجودینی خراب ایدرک بر بیوک خسته لغه دوچار
اولدیقندن میلادک اوج یوز یکریمی اوج سنه مقدمده خسته لغنک اون
برنجی کونی غوغای جهانندن قورتلدی .

« اصفهان » — یاخود اصفهان ممالک ایرانیه دن عراق عجم ابائی

داخلند و طهرانك اوچيوز اللى كيلومتر و جنوبند بر شهر د
 بوراسى مقدا بك معمور و ايران شاهلريك مقر سلطنتى ايكن
 ميلادك بيك اوچيوز سكران يدى و هجرتك يديوز سكران طقوز
 تاريخند تيمورلنك و ميلادك بيك يديوز بكرمى ايكي و هجرتك بيك
 يوز او توز بش تاريخند افغانيلر قتل عام و ضبط و تخريب ايلديكندن
 خراب اولدى و يدى سنه صكره نادر شاه افغانيلردن استردلد
 ايلديسده ارتق امنيت ايدمديكندن پاى تختى قالد يروب طهرانه
 كوردى اصفهانك اك معمور زمانند يعنى شاه عباس ثانى وقتند
 نفوس اللى يوز بيك راده سنده ايكن شمعى التمش بيكدن زياده
 دكلدر بعض آثار قديمى كورلمكددر اصفهانده كوزل اسلحه
 و قلع ياپيلور اييك والتون و كموش تلى قاشلر نسج و اعمال
 اولنور .

امويه ۴ - چهاريار كزين رضوان الله تعالى عليهم اجمعين
 حضراتنك خلافت سنه لرندن صكره شام شريفده تشكىل ايدن
 برنجى حكومت اسلاميه در . زمان مشار الهمده شام واليسى
 بولنان (معاويه) حضرتلى خليفه رابع على المرتضى ايله صفين
 محاربه سنى ياپوب عقد مصالحه ايتدكدنصكره سلطنتى قورديسده
 اصل سلطنتى يعنى حكومت مذكوره نك تشكىل درت سنه صكره
 يعنى ميلادك التيوز التمش بر و هجرتك قرق بر تاريخند جناب حسين
 بن على المرتضى نك حق خلافتى معاويه ترك و فراغندن اعتبار
 اولنور . دولت امويه نك طقسان بر سنه دن عبارت اولان مدت
 سلطنتلرنده اون درت پادشاه كلوب ميلادك يديوز قرقى طقوز
 و هجرتك يوز او توز ايكي تاريخند عباسيلر بديله منقرض اولديلر

ایسده عبدالرحمن بن معاویه بن هاشم بن عبدالملك نام قهرمانك
اندلسده تشكيل ایلدیكى حكومت امویه میلادك بیک اوتوز بر
وهجرتك درتیوز یکریمی اوچ تاریخنه قدر دوام ایتشد .

« آمینه » بنت وهب بن عبد مناف - علیه الصلاة والسلام
افدمزك والدۀ محترمه لریدر . جناب حقك احسان بیوردینی جمال
و كاله بناء قومی بینده (حكیمه) لقبیه مشهور ایدی زوجی عبدالله حضرتلری
لاجل التجاره مدینه منوره یه کیتدکلی زمان دار النابه نام محلده
وقات ایلدیکندن مشار الیها هر سنه زیارتنه کیتدیکی کبی ولادت
جناب نبویك بشخی سنه سنده دخی کیدوب عودتنده (ابواء)
نام قریده وفات ایلدی . ملجأ امم افدمزی جدلری عبدالمطلب
حضرتلری بو وقعة مؤله اوزرینه قریه مذکوره دن مکه مکرمه یه
جلب ایتدیرمش ایدی .

« انجیل » - اليوم موجود اولان اناجیل اربعه متی و مرقس
ولوقه و یوحنا معرفتلیله یازیلانلردر بونلردن برنجیسی یکریمی سکر
اینگیسی اون الی اوخنجیسی یکریمی درت دردنجیسی یکریمی بر باب
اوزرینه ترتیب اولنشد . عیسویلك اعتبار ایلدکلی اشبو درت
انجیله کوره (عیسی) علیه السلامك یهودیلر طرفندن قتل و صلب
اولتوب صکره احیا ایله رفع اولندیقی ادعا ایتکده ایسه لرده
مشار الیه حضرتلری قتل و صلب اولتیوب حکمت بالغه ایله اكا
مشابهه یهودیلرك بیوکلرندن (ایشوع) نامنده بر حریفی صلب
ایلدیله . جناب خالق حقیق قرآن کریمده (وما قتلوه وما صلبوه)
بیورمشدر . عیسویلك كرك صلب مسئله سنده و كرك دیگر مسائل
انجیلیده قرآن عظیم الشان انجیل شریفه بکزمیور دیهرك ایتکده

اولدقلری اعتراضلری بتون بتون واهی اولدوق قرآن کریم ایله انجیل شریفک یکدیگرندن هج بر فرقلری یوقدر چونکه بو انجیلردن ماعدا دهاسکی انجیللر واردرکه انلر الیوم وراي ظهوره نزل اولمشلردر اشبو انجیل اربعه نك هج بری عصر اول میلادیده وکذا عصر تانینك نصف اولنده معلوم دکل ایدی . سنت جوستین نامنده اولان عیسوی علامندن اول هج بر علمانك کتابنده نه موعظه سنده نه انجیلدن استشهاداتنده بونلردن برینه اشارت بیله یوق ایدی سنت جوستین ظهورینه دك بر بحق عصر قدر مدته ابا نصرانیت عنوانیله کچن پاپلر بونلردن اصلا بحث ائلامشدر . تاریخلردن اکلاشلدینی اوزره الی دن زیاده انجیل اولوب بونلرک ایچندن بارنا به نك انجیلی ترجمه عیسی علیه السلام وبالجمله نصرانیه دائر حکایاتده قرآن عظیم ایله مطابقدر . بارنا به اصحاب یسوعدن بر محترم ذات اولوب میلادك الشمس اوج تاریخنده قبریسده شهید اولمش حالا عیسویلر هر سه حزرانك اون برنده انك یورطیسنی طوتارلر . یغمبریز علیه السلامك عصر سعادتلرنده ارض حجازده معلوم ومتداول اولان انجیل سنت بارنا به نك انجیلی ایدی بو انجیلده عیسی بی صلب ایتدیگری واکا بکزر برینی صلب ایلدیگری قرأنده کی کبی مذکوردر بو انجیلده (یانی من بعدی اسمع احمد) تبشیری صراحة واحد رسول الله تعریله مذکوردر . بو بارنا به انجیلک اسپانیول لساننده ترجمه اولمش بر نسخه عتیقه سی آفریقا مغربیلرنده حالا موجود بو نسخه ایکوز یکر می ایکی فصلی شامل درت یوز یکر می صحیفه اولوب اوقونه بیله جك درجه ده حسن خط ایله محرردر فقط اسکی اولدیفندن کنارلری اسکیمش پارچه پارچه اولمشدر بو

انجيلك برده ايتالانجه ترجمه سی بك اسكى بر اثر خط اوله رق
(اوژن دو صا و وعا) كتبخانه سنده موجود ايدوكى مرويدر . سنت
بارنابه نك انجيلي روماده پاپا حضرتلري كتبخانه سنده محفوظ و مستور
و مطالعه سی ممنوع ايكن هر نصله (اسلام علماسندن مهتدي
مصطفى) نام ذاتك الله كچمش و دروننده حضرت (محمد) عليه
السلامك بعثي تبشيره دائر آيتلري كورديكى انده در حال شرف
اسلام ايله مشرف اولمشدر . (فارقليط) مباحثه سی حالا عيسويلرك
الرنده موجود اناجيل اربعه نك عباره سی اوزرينده در يوقسه مسئله
تبشير بارنابه انجيلنده مباحثه يه ير و يرميه جك صورتده صريحدر .

« انطاكيه » - حلب ولايت جيله سی داخلنده و نفس حلبك
جهت غريب سنده و يوز يكرمی كيلومترو بعد و مسافه ده در . اليوم اون
اوجيك طقوز يوز يتمش طقوزی اسلام اولوق اوزره اون التي بيك سكر
يوز اون التي نفوس حاوی بر قضا مكر يدر انطاكيه يي مشهور اسكندر
يونانينك كزيده امراسندن اولان (سلفكوس نيقاتور) هجرتدن طقوز
يوز يكرمی ايكي سنه مقدم پدري اندوخيوسى نامنه بنا ائش و وفات ايدن
اسكندر دن صكره تشكيل ايلديكي سلفكيان دولته مركز اتخاذايتمشدر .
حضرت (عمر) رضی الله عنه زماننده يد اسلاميانه كچمش و بر مدت
مصر لولر اداره سنده قالوب ميلادك بيك بشيوز اون التي و هجرتك
طقوز يوز يكرمی ايكي تاريخنده دولت عليه يه انتقال ايتمشدر . انطاكيه
يونانيلر زماننده بر جسامت و مهموريت فوق العاده پيدا ايدرك
يديوز بيك نفوسى حاوی بولنش ايديسه ده ميلادك اون اوج
و هجرتك بشيوز يتمش بر سنه مقدمنده يهودى ملكى بنانه نك
استيلا سنده بر كونده يوز بيك كشي اعدام اولنش و بشيوز يكرمی

التي سنة ميلاديه سنده وقوع بولان حرکت ارضده اوچوز بيلک
 آدمک متواری خاکه هلاک اولمسی و بونلردن بشقه یکر می به قریب زلزله
 و یاقین بلیه لرینه و اولقدرده استیلا صدمه لرینه او غرامسی انطاکیه بی
 خراب ایدرک یالکر یادکار عظمتی اولق اوزره ایکی ساعت دورنده
 بولنان سور قدیمک بر مقدارینی براقه تلشدر . انطاکیه نک آوان
 معموریتده دروننده بر چوق حکمدار سرایلری و کوشکلری سبعة
 سیاره دن مشترینک هیکلی . جسم حاملر . صو بوللری . تیاترولر
 وار ایدی حتی تیاترو اولدرجه ایلرولمش ایدیکه او یونجیلری
 صور ایله پیروتن و خواننده لری بملبکدن کلور ایدی . برده انطاکیه
 رومالولر وقتده یک معمور و مشهور اولمسیله روما ایمپراطورلنک
 روما واسکندریه دن صکره بر اوچجی پای تختی ایدی . انطاکیه
 سلفکلولر زماننده مدینه آلهیه دیمک اولان (توبولی) و رومالولر
 هنکامنده ملکه شرقیه معناسنی تضحن ایدن (رن دی لوریان)
 ناملریله شهرتشاردی و کرک سلفکلولر زماننده و کرک رومالولر
 وقتده انطاکیه ده هر درلو علوم و فنون ولا سیما علم هیئت و آلهی یک
 ایلرولمشیدی . صاییلان شو آثار معموریت و مدنیقی سالف الذکر
 بشیوز یکر می التي حرکت ارضی بتون بتون محو ایلشدر .
 انطاکیه نک موقع حاضری یک دلنشین اولوب غرب جهتدن
 و اوکندن نهر عاصی آقار ارقه جهتده لطیف المنظر بر طاغ اولدینی
 کچی شمال و جنوب جهتلرنده کلیتو لیون و پورتقال و سائر میوه
 باغچهلری اولدیفندن و اوکنده ده واسمجه بر اووه بولندیفندن لطافت
 موقعیه سی بالا تردر . انطاکیه نک ایکی ساعت مقداری جانب
 جنوبیسنده مشهور دفنه شهری موقعی بولتور . موقع مذکور الیوم

(بیت الماء) نامیله مذکور و خاصینک جهت شرقینسده واقعدر دفته یی
سلفکوس نیقاتور انطاکیه ایچون برز هتکاه اولوق اوزره بنا ایلدیکنی
بعض تاریخلر یازیورسده دفته نك بناسی انطاکیه دن مقدم اولوب
بانیسیده (ایدفن) نامنده بر ذاتدر . تاریخلرک قولنج سلفکوس
دفته کوزل سوقاقلر . تیاترولر . مسیره لر تأسیس ایلدی
واوراده سلفکلورلرک معبودی اولان (آپولو) نك (آپولون) اسکی
یونانلورک اعتقادنجه کونش و آیدنلق و صنایع و ادبیات و طبابت
معبودی ایدی و رسمده کندوسی غایت یاقشقلی برارکک چوجنی
اولدینی حالده النده بر اوق طوتار و صاحبلی یره سورینورکی
کوستریلوردی (هیکلی ایله دیگر هیکللر وار ایدی بو برنجی هیکل
بیان سرویسندن معمول و غایت مکلف ایدی . ینه دفته نك بر مقدار
بعنده و باغچه لر اراسنده (اولومیکی) نامنده بر جسم تیاترو
بولوردی بوراسنک حیادت هوا و لطافت موقعیه سی پک بالاثر
ایدوکندن انطاکیه لیلردن پک چوق کسنه لر لاجیل التزه اورایه
کیدرلر ایدی . تاریخ میلادک عصر نالنده استانبول ایمپراطوری
(بولیائوس) هیکل مذکور ی زیارت ایچون دفته یه کله رک اشبو هیکل
حقنده حرمتنزلک مشاهده النسیله دفته خرسیتیانلرینه غضبنک
اوله رق دفته ده کی کلیسای هدم وایچنده مدفون بعض کیکلری
بالاخراج احراق ایتدیردی بو ضررده انطاکیه و دفته ده شدتلی
برقحط و قوعبوله رق اهالی بیتنده اختلال ظهور ایتکله (آپولون)
هیکلی یاقدی مع ما فیه هیکل مذکور بیک یوز یتیش سکز سنه
دائم اولمشدر . میلادک بشیوز یکرمی الی سنه سنده و قوعبولان
حرکت ارضه دفته کلیاً خراب اولمشدر . دفته نك شمذیکی حالده

موقعی ایکی یوکسک تپه لرك اراسنده واقع نیشجه وغربه طوغری
 میلجه بر دیره ایچندن عبارت اولوب اشبو دره نك جبهه سنی تشکیل
 ایدن منظره سی کوزل بر قالغك التسدن و بر قاج موقعدن عظیم
 بر ایکنلی ایله غایت براقی صولر چیقوب چاغلیانلر تشکیل ایده ایده
 وادی عاصییه اقرار کیدر .

« اورفه » - یاخود (رها) یاخود (رافیا) - حلب ولایت
 جلیله سی داخلنده و نفس حلبك شمال شرقیسنده وایکوز اون کیلو
 مترو بعد و مسافه در . الیوم ثلثانی اسلام اولق اوزره اوتوز بیک
 نفوس جامع بر سنجاق مرکزیدر . اورفه شهرینك ابنیه سی اولدجه
 منظم اوله رق دروننده مقام ابراهیم علیه السلام اولان جامع کیر
 واردر . اورفه شهرنده (عین ذلیخا) و (خلیل الرحمن)
 ناملرنده ایکی صو نبعان ایدوب درون شهر ایله شهرک جنوب
 جهته ده (برکه ابراهیم) دنیلان کوچك کوله اقرارلر خلیل الرحمن
 صوبینك سریانیجه اسمی (دمضان) یونانیجه آدی (سکیرتوس) در
 بوزاباد ناحیه سندن ظهور ایدن (کهریز) جای دخی اورفه یه جریان
 ایلر . اورفه یه ناظر طاغك اتکنده بر عتیق قلعه اولوب بو قلعه نك
 شهره حاکم اولان برچی اوزرنده غرودك حضرت ابراهیمی آتسه
 اتق ایچون پایدینی یکدیگرندن تخمینا اون ادم فاصله لی ایکی عدد
 منجیق عمودی و اوزرلرنده حط و نقش اثری واردر . اورفه
 کنارنده حضرت ابراهیمك قدمنهاده عالم وجود اولدقلری مفازه
 موجود و (مولد خلیل) نامیله معروفدر مولد خلیلک نام قدیمی
 (کونا) دراسکی زمانده محوسیلرك الك بیوک اتشکده سی اورفه ده
 ایدی . بو اتشکده نك ایچنده معبودلری اولان شمسى تقدیساً دائماً آتاش

بقارلر وقارشوسنه كجوب عبادت ايندرلر ايلدي برده بومقارهنك ياتنده
 برمقاره دها اولوب والدهلري حضرت ساره مشار اليهي اوراده
 بيوتشدر . مؤرخيندن برطاقلي اورفهنك ميلادك ايكيك سنه مقدمنده
 بابل پادشاهي (راميس) يعني غرود جانبندن و بعضيلريده ميلادك
 درتيوزيل مقدمنده سلفكلولر طرفدن بنايدلديكني ضبط وتحريراتلشدر
 ايسه ده اورفهنك حضرت ابراهيم زماننده موجود وكتب مقدسه ده
 مذكور اولسنه كوره بناسي بك اسكي اولديني دركاردر . ويعقوبيه
 مذهبك محل ظهوري اورفه شهريدر . شهر مذكور مرور اعصار
 ايله سلفكلولرك اجزاي خاندانندن بعضيلرينه ومؤخراً بقار دنيلان
 حكامدارانه مقر حكومت وسكره رومالولره مركز ايلت اولمشيدي
 رومالولر زماننده اورفده برچوق سلاح قابريقلري ، و ديويلري
 وار ايلدي اورفه كيدرك ساسانيلرك وحضرت عمر اقدمزك (رضي
 الله عنه) زمان خلافتلرنده عربلرك صكره سلجوقيلرك اهل صليك
 ومؤخراً تركلرك ايرانيلرك الله كچدكدنصكره ميلادك بشيوز درت
 وهجرتك طقوز يوز تاريخنده اداره عادله عثمانيه انتقال ايلدي .
 شهر مذكوره اوروپاليلر زريسوديرلر .

«ايوبيه» - شام وموصل اتابكي (نور الدين) كبرادر زاده سي
 سلطان (صلاح الدين ايوبي) ميلادك بيك يوز يتمش اوج وهجرتك
 بشيوز التمش طقوز تاريخنده مصرده تشكيل ايلديكي حكومتك اسيدر .
 مشار اليهك اخلافي مصرده وشام وموصل وبلاد سائرده سكرانه
 حكومت سورمش وبرارهلق ارمنستانه دخي ملاك اولمشدر . بونلرك
 مصر وشام جهتلرنده اولان سلطنتي ميلادك بيك ايكوز اللى بر
 وهجرتك التيوز قرق طقوز تاريخندن صكره ملوك اترك يدينه

یکدیسه ده حلب و حما و ارمنستان و بنده کی حکومتی براز ده
امتداد ایشدر .

﴿ حرف با ﴾

« بابل » - بغدادك طقسان اوج كيلومترو اشاغيسنده وجهت
جنوبيسنده و فرات اوزرنده و قتيه دنياك اك مشهور شهر لرندن
بريدر . بوشهرك بولنديني موقعك جوارنده اليوم (حله) شهرى موجود
ايسده حله بابلك بر محلهسى قدر دكلدر . بابلك اولوقكى جسامتى
بولنדרه نك شديكى جسامتدن زياده ايدى . شهر مذكورى برنجى
حكومت بابليه يي تأسيس ايدن (غروت بن كوش) ياپديروب مقر
حكومت اتحاد ايتدى و صكره كلان پادشاهلر تدريجاً توسيع و تزئين
ايدلى . بابلك فقط ايله مزوج طوغلهدن ياتلش برى برى ايچنده
وايكوز الى قدم ارتقاغنده و الى قدم عرضنده ايكى سوري و بو
سورلر ك درت طرفنده تونجبدن معمول يوز عدد قپوسى و فرات
نهرندن صواخذ و املا اولنش جسيم خندقلى و اطرافده ايكوز
الى عدد قلهسى و مملكتى و اطرافده اولان باغ و بوستانلى اروا
ايچون متعدد قناللى وار ايدى . بابلك دروننده سوري ارتفاعه
مساوى برى برى اوزرينه كمرلرله ياتلش واك اوسته قالين طبواق
غرشيله جسيم افاجلر ديكلمش و درلو درلو طرحلر ايله تزئين
اولنش اولان باغچهسى عجائب سبعة عالمندر بوندن بشقه ياپيلان
سرايلر ايله حكمدار مشهور (بلوس) نامنه انشا اولتان معبد
قديم شاين غاشا ابنه جسيه دن ايديسده هچ برينك اثرى قاليوب
يالكر غرود قلهسى دنيلان خرابه مشاهده اولتقنده در . بابل شهرى

اسکندر رومینک زمان استیلا سنه قدر موجود اولوب اندن صکره خرابه یوز طوتدی واهالیسنک کافه سی صابئی المذهب ایدوکی عند المؤرخین تحقیق ایتدی .

« بارنا به » - اصحاب یسوعدن بر محترم ذاندر . حضرت (عیسی) علیه السلامدن صکره بولصک درس شاگردی اولدینی حالده دین عیسی علیه السلامی قبول ومومی الیه ایله سیاحت وبر انجیل تحریر ایدوب میلادک الشمس اوج تاریخنده قبریسنده شهیداً وفات ایلدی . یونک یازدینی انجیل اگرچه اناجیل اربعه موجوده دن دکل ایسنده مندرجاتی قرآن کریمک مزای منیفه سنه مطابقدر ودها برجوق رساله لری وارددر ومومی الیه خرسیتانلر بیتنده ایتالاده کائن میلان کلیساسنک رسولی طانتقمده و بهرسنه جزیرانک اون برنجی کونی یورطیسی طولتقمده در .

« بایدیدی ثانی » - ملوک عثمانیه دن سکرنجی پادشاهدر و فاتح سلطان محمد ثانی حضرتلرینک اوغلو و سلطان سلیم اول حضرتلرینک پدریدر ولادتی میلادک بیک درتیوز قرق یدی وهجرتک سکر یوز الی بر جلوسی میلادک بیک درتیوز سکسان بر وهجرتک سکر یوز سکسان الی وفاتی میلادک بیک بشیوز اون ایکی وهجرتک طقوز یوز اون سکر تاریخنده در مشار الیهک جلوسی سنه سنده برادر سلطان جم قره مان امیرینک اغفال واعانه تیله بروسه اوزرینه کلوب یکیشهرده مغلوب ومصره قدر فراره مجبور اولدی حج شریفدن عودتنده بر کره دها طالعنی دنه مک استه یوب ینه سلطان بایدیدک عسکرینه مغلوب اولدیغندن رودس قوالرلرینه دوشدی واورادن سلطان مشار الیهک التماسیه فرانسویه کوندردلی . میلادک بیک درتیوز سکسان الی وهجرتک

مسكز يوز طقسان بر تاريخنده رمضسان اوغلو ممالكنه تجاوز ايدن
 مصريلري دفع ايجون كوندريلان اوچ قول اردو مرعش حاكي
 ذوالقدر زاده نك وفاسزلي و بعض امرا نك احتياطسزلي و اتقاسزلي
 سبيله منهزم اولوب سردار هر سك زاده احمد بك اسير دوشدي و مجار
 مجار باتندن سكره اشقودده اردوسي دالماجياني و ديكر اردو لهلولري
 تربيه ايدوب استانبول اسير ايله طولدي ميلادك بلك درت يوز طقسان
 طقوز و هجرتك طقوز يوز تمش بش تاريخنده و نديك محاربه سي تجدد ايتدي
 و كفالونيا و مودون و قورون و آوارون (ناوارين) ضبط اولنديغندن
 و نديك جمهوري اوروپالوردن استمداد ايتميه پايا و اسپانيا و فرانسه
 و مجار حكومتري اتفاق ايدرك اق دكره دونما كوندريدلر لكن كال
 رئيسك صولتدن و قورتنه لردن خيلي تلفات و يره رك عودته مجبور
 اولديلر . و ايرانيار طرفندن اهالي اضلال ايجون صوفي ناميله
 كوندريلان منافقك افساديله اناطوليه اولان اهالي عثمانيه نك
 برطاقى عجمستان طرفلر نه چكلمكه باشلا ديفندن چاره سي لدی التامل
 ايجلانده او يوله ميل ايدنلري بالتحقيق موره ممالك مفتوحه سنه نقل
 ابدلدي . و برقاچ يوز كار كير كوپرلر و بنالر يابلدی و ميلادك بلك
 يشيوز سكر و هجرتك طقوز يوز اون درت تاريخنده شاه اسماعيل
 خريوط و مرعشي اوروب ينه كير و چكلدی و بر بيوك زلزله اولوب
 قرق بش كون امتداد ايتدی . و روم ايلنده ادرنيه و اناطوليه
 چورومه قدر شدتي حس اولوب چورومده ايكي محله منخسف
 اولدی و استانبولده يوز طقوز مسجد و بلك تيمش خانه خراب و بشيك
 ذكور و اناث و صبيان تلف اولدی و استانبول سورينك قرق بلك
 اوچ يوز ذراع محلي ييقلدی حاصلی استانبول و يرانيه دونديكندن

زلزله، مذکوره به قیامت صغری نامی ویرلدی و در حال اناتولیدن
 اوتوزیدی بیک وروم اینلندن یکریمی طقوز بیک عمله و اوچیک
 طاشجی و دیوارجی کتوردیلوب و عسکریدن دخی اوچ بیک مسلم
 و سکر بیک یا اایریلوب التمش درت کونده مذکور سور و قزقله سی
 و سلوری و چکجه کوپریری انشا واکال ایدلدی و میلادک بیک
 بشیوز طقوز و هجرتک طقوز یوز اون بش تاریخنده سلطان بایزیدک
 اختیارلنی مناسبتیه اداره سلطنتدن عجزی تحقق ایلدیکندن شهزاده
 کانک جمله سی سلطنت ارزوسنه دوشوب برقاچ سنه دخی بوغانله
 ایله ذهلر مضطرب اولدی و هرکس برطرفه مائل بولندی کی
 یکچیریلر دخی سلطان سلیی استدکلرندن سلطان بایزید ملتزمی اولان
 شهزاده پی براغوب، ناچار سلطان سلیی جلب و سلطنتی اکا تفویض
 ایدرک مشار الیه حضرتلری باقی عمرینی کچورمک اوزره دیتوقه یه
 کیدر ایکن حوصده وفات ایلدی .

«بحر لوط» - ارض فلسطینده و قدس شریفک شرق جنوبی جهته ده
 واقع اولوب طولی یتمش بش و عرض وسطیسی اون بش کیلومتر و در
 وسط بحردن اوچ یوز متر و یعنی اوچ یوز طقسان الی ذراع معماری
 منخط برکولدر اصلا حرکت الندیکی جهته بوکا (بحر میت) دخی
 دیرلر طبریا کولنک ایانی اولوب (اردن) ویا (یوردان) دنیلان
 (واذی الشریعه) نهری بحر مذکوره جریان ایتمکده در و صوینک
 لونی قیج و طعمی غایت طوزلی و کریهدر و دروننده سائر کوللرده
 اولدینی کی بالی بولنر .

بخارای کبیر آسیای وسطی ده و سوغدیان قطعه سی داخلنده خانقلردن
 اک زنکین و کثیر النفوس برخانقلدر مساحه سطحیه سی ایک یوز اوتوز

طقوز بیک کیلو مترو مر بنده واهالیسی ایکی ملیون یوز بیک
 راده سنده در قواعد ما وراء النهر دن بری صاییلان نفس بخاراده
 یوز بیک نفوس تخمین اولمقده در و جله سی اهل اسلام در بخارا
 شهر بیک بر کوزل سوری و اوچیوز التمش عدد جوامع شریفه سی
 تحصیل علوم ایچون التمش عدد مدرسه سی وارد در بخارا حوالیسیله
 برابر هجرتك اللى التی سنه سنده سعید بن عثمان ودها صکر قتیبه بن
 مسلم یدیه فتح اولنوب میلادك بیک اوتوز یدی و هجرتك در تیوز
 یکر می طقوز تاریخده سلجوقلرک و میلادك بیک ایکیوز اون اوج
 و هجرتك التیوز اون تاریخده مغوللرک یدینه کجدی و میلادك بیک
 اوچیوز سکسان اوج و هجرتك یدی یوز سکسان بش تاریخده
 تیمورلنک و میلادك بیک یدی یوز سکسان التی و هجرتك بیک ایکیوز بر
 تاریخده ایکیجی دفعه اوله رق اوز بکلر ضبط و پای تحت اتخاذ ایلدی
 بخاراده و قتیله درت بیک فقها موجود اولدینی حالده مغوللرک هجومی
 مناسبیله جله سی طاغش و مملکت اولکی معموریتنه نسبتله شمعی
 خرابه زار حکمنده بولمشد برش اون سنه دنیرو بخارا و تیمورلنک
 پای تختی اولان سمرقند و طاشکند بعض ملحقاتیله برابر نوعا روسیه
 نظارت و حمایتی التنده در مع مافیه بخارا خانلی اوتوز بیک قدر
 سواری عسکری چقاره بیلور بخارا خانلی توران دنیلان اراضینک
 وسطنده در (بسف) و (ککش) و (قازاب) و (شاش)
 و (تبت) و (شهر سبز) ممالک مشهوره سندن در .

« بخت نصر » - ایکیجی دفعه اوله رق مدیله ایله بالاتفاق
 عصیان ایدن (نابو پولاسار) ایسه کسب استقلالدن صکره چوق
 یشامیوب سلطنتی اوغلو بخت نصره (نابو شود و ناصور) ترک

ایدرك وفات ايتمشدر . آتوريه بي مضمل ايدن عصيانك مديلردن
 زياده بابليسلرك ذى مدخل اولدقلى آتوريه مستملكاندن قسم
 اعظمك بابله كچمسندن آكلاشيله يور . آتوريه دولتك نفوذى
 وپولتيقه سى دخی مستلكاتى ايله برابر مديلره كچميوب بابليسلره
 كچمشدر . آتوريه دولتك پولتيقه سى ايسه بحر سفيد ايله ايران
 بينده ساكن كافه ملل واقوامى يا طوغرىدن طوغرى به تحت
 اداره سنده طوتمق يا خود يالكر تحت نفوذده طوته رق و بركو آلق
 و بناء عليه حوالى مزبوره خارجدن كيمه نك مداخله سنى قبول
 ايتماكدن عبارت ايدى . مثلاً مصريلرك بنى اسرائيلك امور
 داخله سینه مداخله لرى اوزرينه آتوريلر مصريلره اعلان حرب
 ايدرك اسرائيللره معاونت ايتمشدر . فرعون مشهور (نحاو) ك
 بنى اسرائيل امورينه مداخله ايدرك اسرائيله حكمدار بنى قتل ايله
 كنديسنه صادق اولان ديكر بنى حكمدار تعيين ايتمى يعنى
 اسرائيله بنى مصره بند ايتلى اوزرينه بخت نصر دخی بابلك حقوق
 و منافعى وقايه ايدم يورم قوايله ارض مقدس اوزرينه هجوم ايدرك
 نحاوى پریشان و ارض مقدسى لغما و غارت ايتمشدر . بخت نصر
 قدس شريفى بر مدت محاصره دن صكره ضبط و تخریب و بيت المقدسه
 بولسان خزينه ايله سائر ذقيقت اشياى غصب ايتدك نصره
 حكمدار لريله برابر بنى اسرائيلك اك ايلروكلش و معتبر اولانلرينى
 دخی اسيراً بابله كتورمشدر . اشبو وقعه تاريخ مقدسده (اسارت
 بنى اسرائيل) ناميله معروفدر و بو اسارت يمتش سنه ممتد اولمشدر .
 مصريلر بنى اسرائيله امداد ايتك اوزره ارض مقدسه كلوب فراته
 قدر ايلر ايتشدر ايسه ده بخت نصر طرفدن بيوك برهزيمته دوچار

ایدیله‌رك مصره فرار اینمکه مجبور اولمشلردر . بنی اسرائیل (مؤابیلر)
 (عمونیلر) فیکه‌لیلر و مصریلر ایله بالاتفاق بردها قیام ایتمشلر
 ایسه ده مغلوب اوله‌رق قدسه قیامشلردر . بخت نصر دخی دردنجی
 دفعه اولمق اوزره قدس محاصره و اون سکرز آی صکره ضبط ایدرك
 محافظلری قلیچدن کچیرمش و شهری یکیدن احراق و تخریب ائلمشدر .
 بخت نصر فتوحاتدن ما عدا پک چوق آتار ایله نامنی ابقا ائلمشدر .
 مرقوم بابل شهرنی توسیع و تزین ائلمشدر . بخت نصر پک چوق
 جدولر حفر و انشا ایتدیره‌رك چوللری معموره‌له تحویل
 ایتمشدر . بصره کورفرزنده ایلك دفعه دوتما انشا ایدن بخت نصر در .
 یهودیلر شریعت موسویه و اون الی نفرانیای دیشانه ایتدکری
 حرمتسزلیکک و ارتکاب ایتدکری بت پرستلکک جزاسنی کوردیلر
 ایسه ده بخت نصرک ایتدیکی خسارات دخی یانه قالمدی یعنی قرق اوچ
 سنه سلطنت سورد کد نصکره آخر عمرنده علت جنونه مبتلا اوله‌رق
 طاغله دوشوب نیجه محنت و مشقته جان ویردی .

« برده » نه‌ری — شام شریفک یدی ساعت بعد شمال غریبسنده
 (زیدانی) نام قریه جوارنده کائن برمنبعدن ظهور ایله (سوق وادی
 برده) نامیله شهرتشار و لطافت موقعیه و وضعیت طبعیه‌سی
 حیرتفرای عقول ذوی الابصار بر موقع دلکشادن مرور ایدرك
 تقریباً اوچ ساعت مقداری یول قطع ایتدکد نصکره (عین الفیحه)
 نام قریه و واردان عین الفیحه نامیله بنام پیکاردن نبعان ایلیان
 و کندوسنک همان ایکی اوچ منلی جسامته بولتان بر صوایله برلشه‌رك
 (بسیمه) (الهامه) قریه لرندن دمار قریه‌سنه و اصل اولور نه‌رمذکور
 کرچه قریه مزبور مدن شهرک متعدد باغ و باغچه‌لری صولایه‌رق نفس

شام شریفه داخل اولور ایسه ده انجق دځولندن بر ساعت اولجه
یکدیگرینه برر چهاریک بعد و مسافده و بر طاقم مواقع مختلفه ده
مهره مهندسین کار آفرین اعجاز ایدر صورتده الی قوله تقسیم
اولمشدر . انلردن برنجیسی (یزید صوبی) درکه مجراسنی دمار
قریه سی اوکنندن آلهرق (صالحیه فوقانی) یه و (حارت الاکراد)
دروندن بعد المرور (قابون) قریه سی جوارنده آنا صوبی
اولان برده نهرینه منصب اولور ایکنجیسی (تورا) شعبه سیدرکه
دماردن بر چاریک مسافده واقع مصول نام کوپری اوکنندن
آبرلهرق شام شریفک (سوق ساروجه) محله سیله ده بعض مواقع
و محلاتی اسقا ایدر اوچنجیسی (قنات) صوبی اولوب بوده
جسر مذکوردن بر چاریک مسافده واقع بر محلدن بعد الانفراز
قنات محله سیله میدان تحتانی بی و شاغور محله سیله خرسیتان محله سی
اسقا ایلر دردنچینی (دیرانی) صوبیدرکه دمار قریه سیله ربوه
بوغازی نام موقع لطیف آره سندن ایرلدقدنصره شامک جهت
جنوبیسنده کائن (قدم شریف) نام محله داخل اولور . بوراده
ایکی قسمه آبرلهرق بریله میدان فوقانی بی و دیگريله داریا قریه سی اروا
ایدر بشنجیسی بانیاس (بنی الیاس) صوبیدر بوده شامه بر چاریک
مسافده بولنان مار الذکر ربوه بوغازنده آبرلهرق شام شریف
مکتب اعدادیسی داخلدن بالمرور شامک محال و مواقع عدیده سی
اسقا ایلر التجیسی (عقریه) صوبی اولوب بوده مرجه یعنی
کوک میدانی نام موقع مفرح جوارنده و پوسته خانه دازه سی
پیشکاهنده آبریلورکه بوکا شامک میاه مستعمله سی دوکلدیکی جهته
صوبی باغچه صولامقدن بشقه ایشه یزامن بعد مذکور صولرک

جمله سی شامک جهت شرقیسنده کائن باب السلام نام محله نك همان یارم ساعت ایلروسنده بر محله برلشورك (هیجان) بحیره سنه (کولنه) دوکیلور .

« بعلبك » - شام شریفك شمال غربیسنده وسكان كيلومترو بعدننه وسوريه ولايت جليله سی داخلنده بر قضا مركزيدر بو شهرى حضرت سليمان عليه السلام (زوبا) نام محلدن عهده سنه انتقال ایدن اراضى اوزرينه ياپديردينى مرويدر . بوكا (پالوس) ياخود (هيليو پوليس) دخى ديرلر وقيله بك معمور ايدى شمدى اولكى حالنده نسبتاً خراب حكمنده در . واهاليسى اونبر بيك اوچيوز اوتوز اولوب بونلردن ايكييك يدييوز قرق بشى عيسوى ماباقيسى محمديدر اوچييك سكر يوز طقسان خانه ايله يوز يكرمى يدى دكان وبش خان ايله آلتش درت دكرمان ودرت فرون وبر حمام و اوتوز درت جامع ايله يكرمى كليسا واردر . بعلبك ميلادك التيوز اوتوز بش وهجرتك اون درت تاريخنده يعنى حضرت (عمر) رضى الله عنه زماننده سوريه سر عسكرى (ابو عبيده) بن جراح حضرتلرى معرفتيله فتح اولندى وميلادك بيك يدييوز الى طقوز وهجرتك بيك يوز يتش اوج تاريخنده وقوعبولان حركت ارضه خراب اولوب آدن صكره اعمارينه همت اولندى .

« بغداد » - عراق عربده ودجله نهري كنارنده پارس مبدا طولدن اعتباراً قرق درت درجه طولى شرقى ايله اوتوز اوج درجه عرض شمالده ۳۰.۱۶۳ خانىي جامع بر شهر شهيدر بو شهر نهر مذكورك ايكي طرفنده واقع اولديفندن اورته سنده متحرك بر

اخفاب کوريجی اولدینی کجی جوانب اربعه سنده کی قلعہ سی مدحت
 پاشانک والیلکی هنکامنده هدم ایدلشد و سیجانی زیاده اولغله
 اهالی وقت صیفده کوندزلی سرداب تعمیر اولنان و اوچ بش ایاق
 نردبانله انیلان محلرده و کیمجه لری خانه لری اوزرلرنده که سطوح
 تعمیر اولنان داملرده اکنورلریاتورلر لکن بو سیجاققلیلہ برابر هواسی
 يك صاعلدر . بغداد شهری خلفای عباسیہ دن (ابو جعفر
 المنصور) ك امریلہ درت سنهده بنا و میلادك یدییوز النش ایکی
 و هجرتك یوز قرق بش تاریخنده اکال و پای تحت انخاذا اولندی و
 (دار السلام) یاخود (زورا) تسیمه ایدلدی و خلفای مشار
 الیمم حضراتی زیر تصرفلرنده اولان عمالکی بورادن حسن اداره
 ایتمکده ایکن (مستعصم) زماننده یعنی میلادك بیک ایکوز یکر می
 بش و هجرتك التیوز الی الی تاریخنده وزیر (ابن عقیلی) نك
 فسادی اوزرینه و ملوک ایرانیه دن (احمد جلایری) تیمورلنکک
 هجومی مناسبتیلہ مصر حکومتته التجا ایندی . تیمور دخی امیر
 مسعودی بغدادده ترك ایله آسیای صفرا و و سلطانك قامی استیلاسنه
 باشلادی تیمورلنکک مشغولیت دائمه حربیه سندن و حکومت مصریه نك
 اعانه عسکریه سندن بالاستفاده احمد جلایری ینه بغدادده کلوب
 و تیمورک والیسی بولنان مرقوم امیر مسعودی طرد ایدوب اسکی
 حکومتی تکرار اله بیلدی .

تیمورلنک و قعه دن خبر آلمسبله ایکجی دفعه اوله برق بغدادده هجوم ایتمش
 و احمد جلایری ارتق طوره میه برق اولوقت اوروپا و آسیا قطعه لرنده
 توسیع حکومت عثمانیه ایله مشغول اولان یلدریم سلطان بایزید خان
 حضر تلرینه التجا ایلدر

تیمورلنك كندی حفیدی اولان میرزا بکری بغداد و بصره والیکنه تعیین ایتدی ایسهده احمد جلایری تقریبی بولهرق وامرادن قره قیونلی لقیله مشهور اولان قره یوسف ایله اتفاق ایدرك تکرار بغداده کلمشلردر و میرزا بکر و سائر امرای تیموریه ایله متعدد محاربه لر ایدرك نهایت بغداد حکومتی او جیحی دفعه اولق اوزره اله کچورمشلردر .

مؤخرأ حکومت تیموریه نك دوچار ضعف اولسندن بالاستفاده آزار باجاندن دخی تیموریلری چیقارمق فکریله احمد جلایری وقره یوسف پك چوق جالشملردر . نهایت بونرك ایکیسی آراسنده رقابت و عداوت حاصل اولسیله بر محاربه ده احمد جلايرك بوزلمسی واله کچمسی جهتله قره یوسف طرفدن اعدام ایله حکومت ایلخانییه ارتق نهایت ویرلشدر . بغداد حکومتی سکر یوز اون اوچ تاریمخندن سکر یوز یتمش ایکی تاریمخنه قدر قره قیونلیر النده اولدینی حالده تیمورك امراسندن قره عثمانك کوله سی اولوب دیار بکر والیسی بولان واق قیونلی دنیلان اوزون حسنك او زمانلر اسیاده حکمی شدتله اجرا ایدن طوایف ملوکك محاربات و نمازعاتندن بالاستفاده حکومت تیموریه پی وقره قیونلیر حکومتی ضبط واستیلا واق قیونلی حکومتی تاسیس و بنا ایش و بغداد حکومتی سکر یوز یتمش ایکی سنه هجریه سنده دائره سلطنته ادخال ایتمشدر . مؤخرأ بغداد حکومتی طقوز یوز اون درت سنه سنده شاه اسماعیل صفوی طرفندن استیلا و طقوز یوز اوتوز تاریمخنده (موصول) قیله سندن ذوالفقار نام شخصك (کلهر) عشرتندن کوردیکی معاونت اوزرینه ضبط و تسخیر

ایتمش واستقلالیتی محافظه ایتمک ایچون سکه و خطبه بی اعظم سلاطین عثمانیه دن اولان و سلطنت سنیه نك دور استیلاسی تکمیل ایدن (قانون سلطان سلیمان خان) حضرتلری نامه اورمش و اوقوتش در . هجرت نبویه نك طقوز یوز اوتوز الی سینه سنده بغداد شاه طهماسب طرفدن احاطه و محاصره ایدلشدر . ذو الفقارک غیورانه ایتدیکی مقاومت طهماسب ایچون حرکت واقعه سی دائمی ندامت اولمش ایسه ده ذو الفقارک برادرلری اغوا و اطماع ایدیلوب یتاغنده بیجاره بی قتل و اعدام ایتملریله طهماسبک بغدادی استیلا سینه سبب اولشلردر .

وقعه مذکوره سلطان سلیمان خان حضرتلرینک ایران و بغداد سفرینی مستلزم اولشلدر شاه طهماسبک عساکر عثمانیه به مقابله ایده مامسی خجنتیه شمیدیکی کردستان و تبریز جهتلری ممالک عثمانیه به ضمیمه اولدینی کبی بغداد شهری دخی بلا محاربه میلادک بیک بشیوز اوتوز اوج و هجرتک طقوز یوز قرق بر سینه سنده دفعه ثانیه اوله رق ممالک محروسه به علاوه ایدلشدر .

هجرتک بیک اوتوز بر تاریخنده بغداد والیسی بولنان یوسف پاشایه بکر صوباشی تغلب ایدرک والیه مخالفت و نهایت محاربه به مبادرتله شمیدیکی کویری باشند قارشولقلی ایدیلان بر محاربه ده والینک شهید دوشمنسی بکر صوباشینک بغداد حکومتی ضبط و استقلال بولمسه سبب اولشلدر .

تاریخ هجرتک بیک اوتوز اوج سینه سنده بغداد حکومتی ایکجی دفعه اوله رق ایرانیلر الیه یکمشلدر . سلطان مراد خان رابع حضرتلری میلادک بیک التیوز اوتوز یدی و هجرتک بیک قرق یدی تاریخنده

بلفات بغدادی تشریف و قرق کون محاصره ایله ایرانیلردن استرداد
ایلیکه موفق اولشلردر .

« بلخ » - سیاده ترکستان جنوبی ممالکندن بر اسکی و مشهور
ملکتدر . بوراسی ملوک پیشدادیانک برنجیسی اولان (کیومرث)
طرفندن روی ارضه الک اول بنا اولنان شهردر دیو روایت ایدرلر
بلخ و قبیله بک معمور و بعض ترکستان پادشاهلرینک مقر ادارهسی
ایدی صکره خلقتک بشیک ایکوز آلتش بش تاریخنده یعنی میلادک
اوچیوز یکریمی طقوز سنه مقدمنده اسکندر رومی استیلا ایدوب
بر ایکی سنه قالدی و شاهک قزینی تزوج ایتدی و مؤخرأ بلخ و سمرقند
و خوقند ولایاتی سلوسید و افغانیلره وینه ایرانیلره کجوب میلادک
یدیوز یکریمی بش و هجرتک یوزیدی تاریخنده خراسان والیسی
(اسد القری) معرفتله فتح و ممالک اسلامییه ضم اولندی و تدریجاً
کسب معموریت ایدرک بر مدت (ام البلاد) نامیله یاد ایدلنسهده
(جنکیزخان) و تیمورلنک زمانلرنده ودها صکره لرده ینه بر چوق
صدماته اوغرا دیقندن خراب اولوب نفوسی الیوم اوتوز بیسکه تنزل
ایلدی . نام قدیمی (زاریاسپا) اولوب شمعی اوروپالیلر (باقر)
یاخود (باقریان) دیرلر .

« بلقیس » حمیری - یاخود (بلقمة) بن هداد - بوخاتون یمن
ملککسی اولدینی حالد هدهدک حضرت سلیمان اخباری و مشاوالیک
دخی ینه هدهدله نامه کوندروب دعوت ایتمی اوزرینه خلقتک
درتیک التیوز ایکی تاریخنده یعنی میلادک طقوز یوز طقسان
ایکی سنه مقدمنده ابتدا بر چوق هدیلر ایله مندر عمروبی
کوندروب و متعاقباً کندوسی دخی کمال دبدبه ودارات ایله

کلوب بارگاه جناب سلیمانی به یوز سوردی . و بر مدت مسافر
اولوب هایه جناب سلیمانی قبول ابتدی . . بلقیسک ینده پای تخت
اولان حدیده اسکله سنک ایکوز اللی کیلومترو شمال شرقیسنده
کائن صنعانک جهت شرقیسنده و یوز اللی کیلومترو بعد و مسافه سنده که
مأرب یاخود (سیاء) شهرینک ارقه سنه یابدیرمش اولدینی جسم
صو بندی شهر مذکورک کرکی کی معموریتنه سبب اولمش ایدی لکن
بعد زمان اهلینسک طغیاننه مبنی کوستک دنیلان حیوانجقارک ثقب
وتخریبیله ییقیلوب صوشهری باصفله اهالی کاملاً غرق اولمش واشبو
بلیه عظیمه الی یومنا هذا (سیل عرم) نامیله یاد اولنقده بولنخسدر .
حضرت سلیمان علیه السلامک ارتحالندن برقاج عصر صکره (تدمر)
شهرنده بولنان برلوح اوزرنده آتی الذکر کلمات محکوک ایدی دیرلر .
بوندن نجی مشار الیهک بلقیسی اولوقت تزوج بیورمش اولدقلری
اکلاشیلور (هذا مدفن بلقیس الصالحة زوجة سلمان بن داود علیه
السلام اسلمت ليلة عشرين خلت ملكه ودفنت لیلاً تحت حایط بمدينة
تدمر لم یطلع علی دفنها انس ولاجن الا من دفنها) بر روایتده
مومی الیهانک والدهمی طائفه جندن ایدی .

« بلوس » - برنجی آنور دولتی تجدید و جدأ اساسنی وضع
وتعهد ایدن ذاتک اسمیدر بوذات خلقتک درت بیک ایکوز طقسان
درت تاریخنده یعنی میلادک بیک اوج یوز سنه مقدمنده تخته جلوس
وبعض تنظیمات اجرا و احوالی ممالکی اصلاح ایدرک یکرمی بش سنه
سلطنت سوروب وفات ایلدکده اوغلی مشهور (نینوس) پادشاه
اولدی و پای تختی تنظیم و توسیع ایدرک کندونامه نسبتله (نینوه)
تسمیه ایلدی .

« بولس » - حضرت عیسیٰ علیہ السلام سمایه عروج لرنند صکره
 شاگردلرینک آلمش اولدقلری انجیل شریف وعظینه باشلامش لردن
 اولوقدکی یهودیلر مسج علیہ السلام قومنی مسکن ومأوالرندن
 طردله قبل ایدرلرایدی . بو ائناده قدسده (شاوؤل) نام یهودی
 مسیحیلره اولان شدت بغض وعداوتند نطولای شامه کیدوب شهر
 مذکورده بولنان کافه مسیحیونک قتل واعدامی ضمتده قدسده که حاکمدن
 امر استحصا ایلدی . مومی الیه محافظلریله برابر شامه قهرلرنده
 ناکهان بر نور ساطع ظهوریله (ای شاوؤل ای شاوؤل نچون بی
 تعذیب ایتکه کیدیورسن دیهرک غایت مدهش وغخوف بر صورتده
 برس ایشتمکه شاوؤل ایله جماعتی وهله یره قانوب بایلدیلر براز
 مدت صکره کندولرینه کله رک شاوؤلک کوزلری نورک شدت ضیاسندن
 اعمی اولدی بو حالده ای بمله قونوشان کیم سن اولیور دیمسیله بن
 تعذیبنه کتمکده اولدیفک مسج عیسی یم دیمسی اوزرینه شاوؤل
 نه امر ایدرسکزکه یاپیم سؤالنه جواباً طریق مستقیمله شهره داخل
 اول اوراده حنائیا استنده برینی کوررسن سنی کندی خانه سنه کتوریر
 دعا ایلهرک کوزلرک حال اصلینسه کلور ویکا اعتماد ایدر و دین مسیحی
 ایله وعظه باشلارسن دیمسیله یاننده بولنان آدمیر (شاوؤل) ی یردن
 قالدیروب برآت اوزرینه بندیرهرک یوله روان اولدیلر شهرک باب
 شرقی تسیمه اولنان قپوسنه واردقلرنده حنائیای بولدیلر مومی الیه
 شاوؤل قپونک قرینده وصورک شرق جهتنده که صوقاغک
 ایچروسنده واقع خانه سنه کتوروب حضرت مسیحک توصیه سی
 موجبجه مومی الیه دعا ایدرک کوزلری آچلشدر . اوچ کون صکره
 بولس نامنی الهرق مسیحی اولدیغندن انجیل شریف وعظینه مداومت

ایتمشدر . یهودیلرک حاکمیه بالجله اسرائیلیر بو خصوصدن خبردار اوله رق مومی الیهی دردست وایقلرینی پراققه بنسید ایدرک شهرک قبولرندن (باب کیسان) ایله معروف برقبوقربندهکی محبوسخانهیه القا ایلدیلر مومی الیه نصف اللیده ادای صلاة و تسبیحات ایله مشغول ایکن ملائکه روحانیه ظهور برله حضرت عیسی قومندن و جرجس نامندهکی قوجینک موافقتیه مومی الیهک زنجیرلرینی حک و فک و محبوسخانهدن بالاخراج شهرک اطرافی احاطه ایدن دیواری اوزرینه چیقاریلهرق ذکر سبقت ایدن باب کیسان اوزرندهکه کدیک ویا بنجره دن صارق دیلهرق شهرک خارجه چیقارلمش واورادن طوغری قدس شریفه عودت ایتمشدر . ایرتسی کونی محبوسخانهی لیدی التفتیش مومی الیه اوراده بولنماش و باب کیسانک اوزرندهکی بنجره دن فرار ایتمدیکی اکلاشلش اولدیفندن درحال مرقوم قوجی جلب و مومی الیهک صورت فراریتی سؤال اولندقدده بوماده دن اصلا اطلاعی اولمדיغنی صورت قطعیه ده بیان وانکارده اصرار ایتمکله شهر مذکور حاکی شهرک قپوسی قربنده قتل والحالت هذه محلی معلوم اولان تربیه دفن اولنسنه امر ویرمشدر (بولص) ک شهره عزیمتتده یولده ظهور ایدن نورلامی شهرک خارچنده و مسیحیون قبرستانی قربنده مشاهده اتمشدر مومی الیهک فرارینه وسیله اولان کدیک باب کیسان اوستندهکی سورک اوزرنده ایدی . و مدینه قپوجیسی جرجسک قتل اولندیغنی محل ایسه باب کیساندن تقریباً یوز الی خطوه بعدنده در .

« بوناپارت » - فرانسه ده بر کوچک ضابط ایکن ایمپراطورلق مسندینی احراز و بتون اوروپای و بلکه دنیای لرزان ایدن

بيوك نابليون فاملياسنه مخصوص لقبدر . بوناپارت كنجلكي
 آوانده جنراللق رتبهسنه نائل اولدى وميلادك بىك يديوز طقسان
 ۱۷۹۵تى وهجرتك بىك ايكيوز اون بر تاريخنده فرانسده جمهوريت
 معنيله ومفرطه وقراليت طرفدارلرينك چيقاردقلرى احتلال
 انسانسته مداخله ايتك استيان آوروپا دولتلىرینه قارشو بيوك ايشلر
 كوروب اوستريالولرى ويانه جوارينه قدر تعقيب وایتاليا وآلميا
 واسپانيای تهديد ونديكى اوروب دونمالي ريني ياقدى وكليسالي ريني بغما
 ايتدى . وميلادك بىك يديوز طقسان سكر وهجرتك بىك ايكيوز
 لون اوج تاريخنده هندستان طريقتي كشاد وانكليزلى او جهندن
 تضيق ايتك اوزره مصره كوندردليكندن قرق بىك عسكر ايله
 كلوب واسكندريه بي آلوب مشهور اهرام تپهلى عمارتسنى
 قزاندقنصكره مصره دخى كيردى دولت عليه ايله انگليز دونماسى
 متفقاً تعقيب ايلديكنندن فوق الغايه تلاش دوشرك مصريلرى تأمين
 ايجون اميرالحاج كوندردى ومولد شريف اوقودوب قديل دونماسى
 وبن مسلمانم ديمك كبي دسيه لره قالقشديسه ده اهالى بونلرك هج
 برينه سمع واعتبار ايلديكنندن وعثماني وانكليز عسكرلى زياته
 سيقشديرديغندن مصر قطعه سنى ترك ايدرك فرانسيه عودت
 ايتكمك مجبور اولمشدر پارسه وصولنده اوروپا اتفاقه دائماً غلبه
 ايدوب ميلادك بىك سكر يوز طقوز وهجرتك بىك ايكيوز يكرمى
 دوت تاريخنده روسيه دن ماعدا اوروپا دولتلىرى التجي دفعه اوله رق
 تكرار اتفاق وبشيوز بىك عسكر اخراج ايدرك بوناپارتى بوزديلىر
 وكندوسنى طوتوب آلب جزيره سنه طرد ودونماسك نصفى واللى
 اوج قلعه سنى ضبط ايلديلىر لكت بوناپارت برسه صكره جزيره

مذکورہ دن بر تقریب فرار ایلہ پارسہ کلوب تختہ جلوس ایلدیکندن اوروپا دولتری کمال حیرتہ یہ سلاحہ صاریلہرق فوق الغایہ برشدتہ هجومہ باشلادیلر وبوناپارت ارتق ایشک تیجہسی فنیہ وارہ جغتی حسہ ایتمکلہ استغایہ مجبور اولدی ودخالت ایتدیکی برسفینہ ایلہ (سنت الن) جزیرہ سنہ کیدوب میلادک بیک سکر یوز یکر می بر وھرتک بیک ایکوز اوتوز تاریخندہ اورادہ وفات ایلدیکندن نعشی پارسہ کتورلدی وجنازہ الاینده بر ملیون نفوس بولندی .

« بلال » - اسلامده اک اول ایمان ازلیسنی اظهار ایدن ذوات کرامدن بلال حبشی رضی اللہ عنہ مکہ اھالیسندن برینک کولہسی ایدی شرف اسلام ایلہ مشرف اولدیغندن کندوسنہ پک چوق اذا وجفا ایتدیلر وبر دفعہ بوینتہ اب طاقوب اوحنی چوجقارک الارینہ ویروب سوقاق سوقاق کزدیردیلر حضرت مشار الیہ بونجہ حقارتہ تحمل ایدرک و (اللہ بر اللہ بر) دیرک اسلامیتندہ ثبات ایلدی مؤخرأ ابو بکر الصدیق رضی اللہ عنہ حضرتلری صاتون آلوب آزاد ایتسیلہ داخل حضور ینغمبری اولدی وبش وقتدہ اذان محمدی اوقوغسی سنت سنیه اسلامیہ دن اولسنہ قرار ویرلدیکندن طرف عالی حضرت ینغمبریدن مؤذن تعیین بیورلدی وارتحال نبویہ قدر بوخدمت جلیله یی ایفا ایدوب ارتحال حضرت ینغمبری وقوعندہ شام شریفہ ہجرتی تصیم ایتمکلہ حضرت ابو بکر یا بلال بورادہ طوروبدہ زمان سماعتدہ مأمور اولدیفک خدمتی ادا ایتسک اولمازمی دیمسنہ حضرت بلال (سرور کائناتک افتراقہ تحمل ایدہ میورم) جوانی ویروب شامہ عزیمت واورادہ اختیار عزلت بیوردی .

بر مدت صکره رؤیا سنده جانب سرور عالمدن مدینه منوره به دعوت
 بیورلمقله فی القور عودت ایدرک بادی امرده اهل بیت رسول
 الهی سؤال ایدوبده آدینی جوابده نام قاطمه رضی الله عنها یاد
 اولخامسندن اوتوری غایت متأثر اولدینی حالده حسنین افندیلریمز
 راست کلوب انلردن والده لرینک ارتخالی تحقیق ایتکله تأثری
 آرتوب و طوغریجه مشار الیه انک قبر سعادتلرینه واروب یک چوق
 اغلدی واحبانک التماسنه منی صلاة ظهر اذانی اوقومغه شروع
 ایدوب (الله اکبر الله اکبر) دیدیکنده مدینه منوره ایچنده دفعه
 بر فریاد وواویلا قوبدی

(واشهد ان محمداً رسول الله) دیدیکنده هر کسی عصر کزین
 حضرت رسالتی تخطر ایدرک بهوش و سرکردان اولدی و مخدرات
 نسوان کریان و عریان ز قافلره دوشدی صانکه اول کون روز
 قیامتدن بر غونه اولدی و اذانی بتورد کد نصکره خلقه بر چوق
 نصیحتلر ایدوب تکرار شامه کندی و ارتخاله قدر یلده بر کره
 مدینه منوره به واروب مسجد رسول الله اذان اوقومنی عادت
 ایتدی. مشار الیه بر سحر وقتنده نزد حضرت پیغمبری به واروب
 (الصلاة خیر من النوم) دهرک ایقظه مبادرت ایتکله حضرت
 پیغمبر افندمز یا بلال بونه کوزل کلام دیو غایت استحسان ایدوب
 صباح اذانه علاوه سنی امر و فرمان بیورمشدر.

«بیت الله» یاخود کعبه - مکه مکرمه ده اولان مطاف جلیلک
 نام مشهوریدر و قرآن کریمده اوچ درت یرده (بیت الحرام)
 و (بیت العتیق) دیو مذکوردر. آدم علیه السلام روی ارضه
 هبوط بیوردقلرینی متعاقب بر عبادتخانه بناسنی درگاه قاضی الحاجاتدن

تقی اتمکله (ام القراء) ده جبرائیل علیه السلام تعریفی و سائر ملائکه کرامک هماتیله طور سینا و زیتا و حرا و جودی کبی جبالدن نقل ایدیلان طاشلرله برقل انشا و اوزرینه جانب حقدن بیت المعمور اترال وضع بیورلدی و بیت المعمور حضرت آدمک اوتجاندده آسمانه رفیع اولنوب انحق اثری باقی اولدینی حالده (واذ بوأنا لابرهم مکان الیت) نص جلیلندن مستفاد اولدینی وجهله خلقتک بیک بشیوز یتمش درت تاریخنده یعنی هجرت نبویهک التیوز قرق ایکی سنه مقدمنده حضرت ابراهیم علیه السلام اسکی قل اوزرینه بیت الهی انشایه موفق اولدی . بر روایتده اساس مذکورى حضرت ابراهیمه یتک یرنده ارسلان شکلنده کورینان بر بلوط خبر بوبرمش و دیگر روایتده حضرت جبریل کوستر مشدر . بیت شریف مذکوره مؤخرأ بر قاج دفعه سیلاب و سائر کونه آفات اصابت ایلدیکندن هلم تجدید و تعمیر اولندی واک صکره یعنی اونبرنجی دفعه اولقی اوزره میلادک بیک التیوز اون درت و هجرتک بیک اوتوز تاریخنده سلطان مراد خان رابع حضرتلری بالکلیه تجدید ایلدی . حرم بیت مکرمتک یدی عدد مناره سی واون طقوز قیومسی و درت رکنی واردر و طول و عرض یعنی رکنلریک مایینی سکسان ذراع معماری اولقی اوزره مؤسدر . رکنلردن برینه (رکن شرقی) دیگرینه (رکن یمانی) او برینه (رکن شامی) و دردنیمسه (رکن عراقی) دیرلر و رکن شرقیدن ابتدا ایل طواف ایدرلر ، بیت شریف مذکوره اک اول ملوک حمیه دن (کرب اسعد) و (انطاع) و (برود) دنیلان قاشلردن پوشیدملر اورتوب مؤخرأ قریش و ربیعہ قبیله لری یوز

سنه قدر مناوبه تجديد ايلدى وحضرت يىغمبر اقدمزك عم
محتره لمري حضرت عباسك والدهسى (نيله) خاتون حريردن
وحضرت يىغمبر اقدمز (ثوب يمانى) دن وحضرت عمر و عثمان
رضى الله عنهما (بقاء قباطى) دنيلان قاشدن پوشيده لر اورتدى
وعباسيه دن مأمون زماننده رمضانده بياض ورجيده قباطى ويوم
ترويه ده يعنى عرفه كوندن مقدم اولان كونلرده قرمزى قاش پوشيده لر
اكسا ايلدى وملك مصريه زمانلرنده بو صورته تجديد اولنه كلديكى
كچى سلاطين عثمانيه زمانلرنده وخصوصيله صوك زمانلرده حرير
اوزرينه صرمه ايله منسوج و مزين پوشيده لر ارسالى معتاد
اولدى .

« بيت اللحم » - قدس شريف سنجاغى داخلىده واون كيلومترو
جنوبنده ناحيه مركزيدر . ناحيه مذكور اولقدر يوكسك اولميان
برته اوزرنده واقع اولوب كاملاً باغ و زيتون و سائر اشجار مثمه
ايله مستوردر . يدي سكر بىك قدر نفوسى واردر . بوراده صنايعه
دائر زيتون و صدف معمولاتى زياده سيله ايلرولمشر . صندوقلر
طوليلى هر هفته اورويابه كئتكدهدر . حضرت (عيسى) عليه
السلام بوراده دنيايه تشريف بيوردى . وشرق ايمپراطورى بيوك
(قسطنطين) ك والدهسى (آلن) بوراده قرمزى صرمدن بريوك
كليسا ياپدردى و اطرافه سور چكدردى .

« بيت المقدس » - قدس شريفده حضرت (داود)
و (سليمان) عليهما السلامك انشا ايتدردكلرى معبد قديمك
اسميدر . بو معبدك طولى قرق بش و عرض اون بش و ارتفاعى
اوتوز مترو اولوب محرابى اوزرنده زيتون اغاچدن ايكي ملك كروبي

تتالی وسائر محللرنده بر طاقم ملائکه و چچک رسملری وار ایدی
 وقبولریله دیرکلرینه اون بیک قبه کوش و بیک قبه التون قیلاغش
 ایدی بونی ابتدا حضرت داود علیه السلام تاسیس ایدوب حضرت
 سلیمان علیه السلام جلوسندن صکره یدی سنه ده اکال و خلقتک
 درت بیک التیوز اوچ تاریخنده یعنی میلادک طقوز یوز طقسان
 بر سنه مقدمنده رسم کشادینی اجرا ایلدی و (تابوت عهد) ی
 الای والا ایله (صهیون) دن کتوردوب معبد مذکور
 دروننده یاتلش اولان محل مخصوصه قویدردی و تشکرأ یکرمی
 ایکی بیک بقر ویوز یکرمی بیک غنم قربان ایتدیردی . بیت
 مقدسک ایچی اولوقت درت قسمة منقسم اولوب بری لاولردن
 اولان رؤسای روحانییه و دیکری سائر اسباط
 یهوده و بر جسم اورتی ایله تفریق اولنان محلی (تابوت عهد) .
 مخصوص ایدی و بو اورتینک ایچنه اک بیوک بولنان رئیس روحانی
 سنه ده بر دفعه کیره بیلور و بشقه هچ برکسنه کیره مز ایدی . بیت
 مقدس خلقتک بشیک یدی تاریخنده یعنی میلادک بشیوز سکسان
 یدی سنه مقدمنده ایکچی بخت نصر یدیله تخریب ویتش سنه صکره
 کیخسرو معرفتیه مجدداً انشا و خلقتک بشیک بشیوز اللی بش تاریخنده
 یعنی میلادک بشیوز اوتوز سنه مقدمنده بیوک هر دوس معرفتیه تعمیر
 و میلادک یوز اوتوز بش تاریخنده و مالولر یدیله تخریب اولنوب
 صکره بردها انشا اولغندی . و دولت علیه عثمانیه زماننده سلطان
 سلیم خان حضرتلرینک امریله یرینه ایوم موجود اولان جامع
 شریف یاپلادی .

« بیروت » - شام شریفک غرب شمالی جهتهده ویوز یکرمی

كیلو مترو بعدنده وآق دكر ساحلنده جسيم برشهردر تاريخلرك
 بيانانته كوره بوشهرك هواسى رطوبتسز وسجماغه احتياجى اولان
 ضعيف خستهلره نافع اولدينى اكلاشلش ايسهده شهر مذكور كرك
 هواجه وكرك رطوبتجه بيانات مذكوره نك بتون بتون خلافتده اولدينى
 كچي ورم اولان خستهلر ايچون دخی اصلا اليورميه جكي تجارب
 عديده ايله ثابت اولمشدر وشامك اسكلهسى اولديغندن غایت معمور
 ومعتبردر ونفوسى اوتوز بيكه قريب اولوب بونلردن طقوز بيك
 قرق دردى عيسوى واوچيوز ايكيسى موسوى وباقيسى محمديدر .
 بشبك يكرمى اوچ خانه ايله التى بيك يوز التتش دكان وسائر
 ويكرمى ايكي عدد جامع ويكرمى يدي كليسا واوچ حورا واردر
 برقاج سنه مقدم جوارنده اولان (نهر الكلب) دن برقومانيا
 معرفيله صوكتورديلوب بعد التصفيه اهالى يه ساتلديغندن معمورى
 بر قاندها ترايد التمشدر . بوراده بعض اجنييلرك جسيم مكتب
 وخستهخانلرى واردر . يروتده اعلا مازى چيقار وپك كوزل
 اقمشه حريره طوقنور . يروت فنيكه ليلرك اك اسكى مملكتلردن
 اولوب مؤخرأ روما ايبراطورى (اوگست) مهاجرلره تخصيص
 ايتمش وميلادك اوچيوز سكران وبشيوز اللى تاريخلرنده وقوعبولان
 حركت ارضلردن خيلى محلى خراب اولمشدر . بوراده شمس الدين
 وشيخ محمد عراق وشيخ سعيد الجارح وام الحرامك مرقد شريفلىرى
 واردر . واليوم سوريه ولايت جيلهسى داخلنده بر سنجاق
 مركزيدر .

حرف ت

« تابوت عهد » - حضرت موسیٰ علیہ السلامک الواح منزله فی حفظ ایچون شمشاد (چشیر) اغاجندن انشا ایتدیردیکی صندوقه مقدسه نك اسمیدر . بو صندوقه اولوقت بریه سیناده قبه الشهاده دروننده حفظ اولنور ایدی صکره داود علیہ السلام (صهیون) قلعه سنی و سلیمان علیہ السلام دخی بیت مقدس اگال ایتدکدنصکره صهیونندن الای والا ایله بیت مقدسه کتورتدی و او کون تشکراً یکریمی ایکی بیک بقر و یوز یکریمی بیک غنم قربان ایدلدی . بخی اسرائیل محاربه لره کیدرکن استنصار ایچون اشبو تابوت عهدی برابر کتوررلر ایدی حتی ایکی دفعه دخی دشمن الینه دوشوب قورتارلشدر . بوکا (تابوت الشهاده) دخی دینور .

« تب » یاخود (تیوه) - جواهر یونانیه دن ینه بونامله مشهور حکومتک آتیکی (آنه) و (ویوئی) جوارنده مرکز اداره سی اولان شهردر ایچ قلعه سنی خلقتک دوت بیک اون دوت تاربخنده یعنی میلادک بیک بشیوز سکان سنه مقدمنده قادیموس نام حکمدار یایدیرد ییچون اسمی (قادیمه) قالوب مؤخرأ فوق القایه توسیع و تزیین اولمشدر اشبو جمهوریت قومشلیری اولان اسپارتولر ایله چوق زمان اوپوشه میوب بینلرنده محاربات مدیده و شدید و قوعبولدی و تیوه جمهورى بر قاچ دفعه مغلوب و اسپارتولرک حمایه سنی قبوله عجیور اولدیه ده خلقتک بشیک ایکیوز اوتوز ایکی تاربخنده یعنی میلادک اوچیوز الشمس ایکی سنه مقدمنده سرعسکرلری مشهور (آلامینونداس) ک قراندیغی

(لوقتوار) و (ماتینا) عماره‌سی سایه‌سندینه استقلالنی اعاده ایلدی و جواهر یونانیه‌نک برنجیسی اولدی لکن خلقتک بشیک ایکوز اللی الی تاریخده یعنی میلادک اوچوز اوتوز سکر سنه مقدمه ما کیدونیا قرالی فلیک هجومه طاقت کتورمیبوب بریوک انهرامدن سکره تکرار ربقه اسارته بویینی یناشدیردی و قرال موخی الیک اوغلو اسکندرک سلطنتی زماننده بردها قیام و تخلص کرییلن اتمک ایستدیهده مشار الیه سرعتله کیدوب تیومک الی لوستیه کتوردیکندن بودفعه بتون بتون درکه انقراضه دوشدی .

« تبه دئلی علی پاشا » - یانیه و ملحقاتی والیسی ایدی بودات دولت علیه پک چوق خدمت ایندیکی و (بازواند) اوغلی اوزرینه و سائر امر ارلئان محله‌ره مستوفی عسکر ایله کیوب کوزل ایشلو کوردیکی حالده مؤخرأ مرکز سلطنت سنیهده اولان بعضی غیرضکارلرک القائنندن توحش ایدرک کندوسنی چکمکه و قوتلی بولغی ایچسون ایالات مجاورمینی ایدنمکه و لزومندن زیاده عسکر طوبلامغه باشلادیقندن مرکز سلطنت بوکا عصیان معناسی ویره‌رک برحمن صورتله جلبی تداییرینه تثبیت ایلدی و درسعاده کئسی ایچون باب طاییدن و جانب جناب پادشاهیدن کوندریلان امرلر و فرمانلر درجه درجه شدتلندکجه علی پاشا دخی تدارکاتی او نسبتده بیولدوب نهایت میلادک بیک سکر یوز اون طقوز و هجرتک بیک ایکوز اوتوز بشی تاریخده برنجی دفعه یایه‌دن ماعدا مالکدن ال چکوب دیره و ماظ بکریله اوغراشماسی و ایکجی دفعه اولاد و عیالیه تپه‌دله کیدوب اوراده اقلمته ایتمی ایچون فرمان پادشاهی شرفصا‌در اولدینی حالده ایکسینده قولاق ویرمدیکندن او ججی دفعهده اخذ

واعدامی حقنده فرمان جلاذت عنوان صادر اولدی وعسکر ودونما سوق اولوب پارغه وپره وزه واولونیه واینه بختی طویه طوتلدی وعلی پاشا مخدومی ولی پاشا بلا رخصت پره وزه یه کیده کیچون تر حاله دن عزل ووزارتی رفع اولندی . وایرتسی سنه علی پاشا نکیده اداره سنده اولان قلعه لره جمله سی ضبط اولندی و عسکرینک طاغله یفتی کوردیکی کبی درت بیک قدر ارنود وروم عسکر یله یانیه کولنک اورته سنده واقع اطه اوزرنده که لیناریجه وکول قلعه لرینه قبانوپ بر طرفدن مدافعه یه و دیگر طرفدن کندوسنه لزوم کوستروب اوصورتله یقایی قورتاق ایچون علی روایته یونانستانی افساده باشدی وبو حال اوزره برسندها کچوب مومی ایله محاصره یه مأمور اولان خورشید پاشا عفوینه دائر تنظیم ایتدیکی ساخته فرمانی قرعه ایله انتخاب اولتان بر فدایی ضابط واسطه سیله کولک اورته سنده قباغش اولدینی اطیه کوندردی وعلی پاشا دخی صحیح ظنیه قارشولوب تشکر ایدرایکن مرقوم فدایی طبانجه ایله اوروب قفاسنی خورشید پاشایه کتوردی (کانون ثانی سنه ۱۸۲۱) قبری مذکور کولک کنارنده کی جامع شریف خطیره سنده در .

« تدمر » یاخود (پالم) - مستقلاً اداره اولمخده اولان زور قطعه سی داخنده ونفس دیرک غرب جنوبی سنده ایکوز وشام شریفک شرق شمالی سنده کذلک ایکوز کیلومتر و بعد ومسافده الیوم خرابه سی مشهور بر شهر قدیدر بونی حضرت (سلیمان) علیه السلام اولوقت (زوبا) دیسلان اراضی اوزینه بنا ایتدیرمش ایدی دیرلر . اشبو تدمر وقلیه تجارت اوغراغی بر محله واقع اولدیقتدن کرکی کبی معمور واولحوالی حکمدارلرینک مقر سلطنتی ایدی . تدمر ولایتی برچوق زمان استقلاللی محافظه ایدوب صکره رومالورک حمایه سنی

قبوله مجبور اولدیسه ده (زنوبیا) زماننده فوق المامول اقتداره مالک اوله رق سوریه و مصر و اناتولی حوالیسنی تهدیده باشلادیغندن روما دولتی میلادک ایکوزیمش ایکی تاریخنده عسکر کوندردی و تدمر شهرینی ضبط و بر مقدار عساکر اقامه ایدوب قصور عسکرینی کبرویه آلدینی کچی حاکمه سی (زنوبیا) محافظه یه مأمور اولان عساکر مرقومه یی کاملاً اعدام ایتدیردیکی جهته روما دولتی فنا حالده حد تلنوب بر مکمل اردو ده ارسالیله تدمرک التی اوسته کتوردی و ایچنده اولان اهالینک کافه سنی قلیچدن کچوردی تدمر اهالیسنک شمس پرست اولدقلری توارینجده مقید اولدینی کچی خرابه سندن چیقان بعض اثار ایله دخی استدلال اولنجه در . الیوم تدمر خرابه سنده بر سرائیک یوز دیوار یله بر استقامنده یمش سکسان عدد مرمر ستون و اطرافنده واقع طائرک اتکرنده اوچ درت قات اولقی اوزره کار کیردن معمول قهر لک هر قاننده قارشو قلی اوله رق صورت منظمه ده یانلش اولان مستطیل الشکل مرار لک ایچلرینه اول تاریخلرده وفات ایدن انسانلر قولنجه ده اولدینی الیوم درونلرنده موجود اولان انسان قفالریله قول و ایلقی ککیرندن اکلاشلشدر . تدمرک اون دقیقه بعدنده کائن جیلک ایتندن ایلقی بر حالده بر معدن صوبی کلکده درکی اشبو صو وجوده غایت نافع و صوغد قنصکره ایچلمسی غایت لذیذ و طعمای هضم ایتدیرر .

« تیر » - روما ایمپراطورلرنندر . بو ذات ایتدیکی خدمتله مکافه قونسل و تربیونلق مقامنه واصل و میلادک اون درت تاریخنده ایمپراطور لفه نائل اولدی و سلطنته اشتراک و کندوسنی اهلاک املنده ظن ایتدیکی بر طاقم معتبرانی اعدام ایتدیردی و روماده باجمله اهالینک

بفض و عداوتندن قور تلق ایچون (قاپری) اطه سنه چکیلوب اوراده
 ذوق و صفایه طالدی لکن روما اهابلیسی ایچون غدارلقدن هج
 بر وقده کبرو طورمدی . واهالی به عظمت کوسترمک ودهشت
 ویرمک ایچون شریکی متوفانک اولاد و عیالی اعدام ایتدیروب لحم
 پاره لرینی صوقاقلره آصیردی . و کندو غنائی التوندن یادیروب
 قدسه ارسال و یهودیلرک اکاپرستش ایتلرینی امر ایلدیه ده قدس والیسی
 واهالی قبول ایتدکلرندن عسکر کوندروب والی مرقومی اخذ و نفی
 ایلدی . سلطنتی بکرمی اوچ سنه در (تیریات) یعنی طبریا شهری بونک
 نامه یانلش ورومانک کنارندن آقان (تیر) نهرینه دخی بونک نامی
 ویرلمشدر .

« تیمورلنک » - ترکستان پادشاهلرندر . ترکستانده سمرقند
 جوارنده واقع کاش شهرنده دنیایه کلوب سلاله جنکیزیه دن طوغلق
 شاهه قرابتی مناسبتیه بلخ والیسی اولدی و مومی الیهک وفاتند نصکره
 باجناحی یاخود قان پدری امیر حسین ایله برلشهرک میلادک بیک اوچیز
 التمش اوچ و هجرتک یدییوز التمش بش تاریخنده مومی الیهک
 اوغلنی اخذ و قتل ویرینه سلاله مذکوره به منسوب حقان برینی
 اقعاد ایدرک نفوذ دولتی ید اقتدار لرینه آلدیلر و بر مدت صکره
 تیمورلنک امیر حسینی دخی محاربات کثیره ایله تپلیوب میلادک
 بیک اوچیز التمش و هجرتک یدییوز التمش ایکی تاریخنده بلخنده
 استقلالنی اعلان ایلدی و برارالق (خوارزم) و سمرقند و کاشغری
 دخی آلوب میلادک بیک اوچیز التمش الی و هجرتک یدییوز التمش
 سکر تاریخنده پای تختی بلخندن سمرقنده کتوردی و بحر حزرک
 جهت شرقیسنده بولنان خانلرک کافه سنی و تاتارستان حکمداری

(تیمور ملک) که ممالکنی ضبط و ملک مومی الیهی قتل ایلدی و مؤخرأ
 ممالک ایرانیهی و روسیه نک جهت جنویسنی و ازاق حوالسنی بر قاج
 سنه ظرفنده خراب و یغما ایتدکدن و (سرخس) و (فوشخ) شهرلری
 اهلایسنی قتل عام ایدوب قدهار و سیستان یاخود سجستان
 اهلایسنی دیری دیری یره کومد کدنصره احمد جلایرنک بغداد
 تدارکات اوزره اولدیفنی ایشیدوب اورایه دخی یتشدی و مومی الیه
 مصره فرار ایلدیکی جهتله بغداد اهلایسنه شرابلری دوکدروب
 بر جوق امر ونهی اجرا ایتدی و کسدیکی طقسان بیک بغدادلینک
 باشلریله بر علامت رکز ایلدی و علما و مشاهیردن خیلی آدم ایروب
 سمرقنده کوندردی و میلادک بیک اوچیوز طقسان یدی و هجرتک
 سکر یوز تاریخنده هالایه طاغلرخی آشهرق هندستانه کیدوب
 دهلینک دیوارلری دینده محمود شاه رابع ایله غایت خونریزانه
 بر محاربه دن صکره باشند باشه هندستانی دخی قضه تسخیره آلدی
 وانه کچن اسیرلردن یوز بیک آدمی اظهار عظمت ایچون ذبح
 ایتدیردی و میلادک بیک درتیوز و هجرتک سکر یوز اوچ تاریخنده
 احمد جلایری بی المی اوزره مصره توجه و حلب صحراسنده واقع
 (مرج دابق) نام محله حلب و شام عسکرینی و متعاقباً مصر
 حکمدارینک حما و حصده کی بیوک اردوسنی بوزوب و شام شریفی
 تخریب و استیلا ایدوب عسکرینه هر درلو افعال شیعیه اجرا ایتک
 اوزره رخصت و یردی و احمد جلایری مصردن سلطان (بایزید اول)
 حضر تلبینه التجا ایتسی اوزرینه مومی الیهی سلطان مشار الیهدن
 استه یوب و یرمد کیچون میلادک بیک درتیوز بر و هجرتک سکر یوز
 درت تاریخنده انقرده انکله دخی دوکوشدی و عساکر عثمانیه

بعض اغغالاته قاييله رق خيانت ايتديكنه بناء سلطان مشار اليه اسير اولدى و تيمورلنك آيدن ولايته اينهرك ازمير و ادرميدى قوايرلردن آلدقه نصكره اظهار عصيان ايدن كرجستان اهايسنى تاديب ايدرك پاي نخنى اولان سمرقنده واردى و ميلادك بيلك درتيوز درت و هجرتك سكر يوز يدى تاريخنده فقير عامدن بشقه علوفه لى اوله رق يازمش اولدنى ايكوز بيلك سواى ايله چينه طوغرى كيدر ايكن (سيحون) جوارنده وفات ايتمكه نعمتى سمرقنده كتورلدى . مرقوم طويل اولدنى جهتله تيمورلنك ناميله شهرت بولش ايسه ده اصل اسمى (تيموركوركان) در . و كوركان داماد معناسنه هو مرقومك سرخس و فوشخ و قندهار و سيستان و كاشغر و مولتان و لاهور و اصفهان و بغداد و سائر ممالكده قتل عام ايله تلف ايتديكى نفوسك مقدارى ايكي مليونى و محاربه لرده ايكي طرفدن تلف ايتديكى آدمرك مقدارى اوچ مليونى متجاوزدر .

حرف ج

« جبل طور » — طبريا نك غرب جنوبيسنده يكرمى و ناصره نك شرقنده و اون كيلو مترو بعدنده و بيلك مترو ارتفاعنده در . جبل مذكور قدما تزدنده (ايتاپريوس مونس) ناميله و زيتون اغاجلرينك كثريله مشهور ايدى حضرت (عيسى) عليه السلام اكثريا بو طاغده عبادت بيوررلر ايدى حتى معهود (يودا) مشارالهي بوراده عبادتله مشغول ايكن خبر و ير مشيدى .

« جبل لبنان » — لبنان كلمه سى لسان عبراننده بياض ديمكدر سوريه ده بر سلسله جبالدر حلب ولايتك جنوب غربيسندن

وانطاکیه جوارنده عاصی نهرینک صول جناحی قریندن بدأ ایله دمشق و طرابلس شام اراضینی یکدیگردن تفریق و عکاک شمالدن مرور ایدرک صیدایه قریب بر محله ختام بولور . امتداد طولیسی درتیوز الی کیلو مترودر لبنان طاعی ایکی شعبه منقسمدو برنجی شعبه غربیه درکه اصل لبنان ایکجی شعبه شرقیه درکه بوکا جیل شاق دخی دیرلر . لبنانک اک مرتفع تپه لری درت بیک سکنر یوز مترویه قدر واصل اولور بو ایکی شعبه جبال بیتنده کائن وادیلره و قبیلله سلیسیری و یاخود چیقور سوریه دیرلر ایدی بوراسی اولوقت جام اغاجیلله مشهور اولدینی حالده شمعی جزئی مقدرده جام اغاجی اولوب قصوری انجیر . دغه . سروی اغاجلردن عبارتدر .

« جزار احمد پاشا » - بوسنه لیدر میلادک بیک یدیوز یکریمی و هجرتک بیک یوز اوتوز اوچ تاریخده تولد ایدوب میلادک بیک سکنر یوز درت و هجرتک بیک ایکوز اون یدی تاریخده وفات ایلشدر . مومی الیه ابتدا مصر و مؤخرأ بیروت والیسی اولدی . و میلادک بیک یدیوز یتیمش بش و هجرتک یدیوز التمش سکنر تاریخده عکا والیسی بولندینی حالده فرانسه لونک مصری استیلاسی هنگامنده اعلان استقلال ایدوب بوناپارتی عکا پیشکاهنده بوزدی و بوناپارت و ارقوتی پازویه ویره رک عکاک ایچنه کیردیده کوردیکی تضییق اوزرینه چیقوب فنا حالده بر پریشانیتله عودته مجبور اولدی . مومی الیه طبریاده واقع معدن صوینی اوزرینه بر حمام انشا ایتدیره رک وقف ایلش ایسه ده الیوم خراب بر حالده اولدیفندن متروک حکمنه کیرمشدر .

« جزیره العرب » - شمالا آسیای عثمانی و شرقا بصره کورفری

وهرمز بوزازی و جنوباً عمان کورفزی و غرباً بحر احمر ایله محاطدر .
 (اون ایکی درجه قرق دقیقه) ایله (اوتوز اوج درجه قرق بش
 دقیقه) عرض شمالی اراسنده و (اوتوز درجه یکریمی دقیقه)
 ایله (الی یدی درجه قرق دقیقه) طول شرقی میاننده
 واقعدر .

(تیه العرب ونام دیگرله تیه بنی اسرائیل) و (بادیة العرب)
 و (دیار یمن) ناملریله اوج قسمه منقسمدر . اراضیسینک مساحت
 سطحیه سی ایکی میلیون سکر یوز بیک کیلومتر و مربعدن عبارتدر .
 جزیره العربک هر طرفی مسکون و معمور اولیوب غیر مسکون
 بر طاقم صحاری خالیله چوللری دخی شاملدر . غرب جنوبیسنده
 واقع سواحلی کثیر المحصولاتدر .

مقدار نفوس جغرافیا علماسی بینده مختلف فیه ایسهده اکثریسینک
 بیانه نظراً اون میلیون ایله اون ایکی میلیون آره سندهدر . نفوس
 مذکوره نك جزیره العربک قطعات متفرقه سنه نسبة تقسینه کوره
 عمان . مسقط . ده (بر میلیون اوج یوز الی بیک) حضر
 موت . ده (بر میلیون بشیوز الی بیک) بحرین . قطیف .
 احسا . درعیه . ده (ایکی میلیون اوج یوز الی بیک) حجاز .
 عنیزه . تهامة حجاز . بلاد قصم . شحران . وحوالیسنده (اوج
 میلیون ایکوز الی بیک ، نفوس موجود اولدینی کبی یمن و عسیر
 قطعه لرنده دخی تخمیناً ایکی میلیون درت یوز الی ایکی بیک یوز الی
 نفوس موجوددر . بو حسابیه کوره عموم جزیره العربک نفوسی اون
 میلیون طقوز یوز الی ایکی بیک یوز الی اولوق لازم کلیور .

حرف ح

« حام » - حضرت نوح علیه السلامك بشيوز سنه معمر اولدینی روایت قلنان اوخنجی اوغلودرکه میلاددن اوچیک اوچوز طقوز یاخود ایکیک طقوز یوز یدی سنه مقدم اولاد واحفاد ومنسوبات سائرہ سیلہ عراق عربدن مصر وحبس طرفلرینہ هجرت ایتمشیدی .

« حران » - اسپای عثمانیده حلب ولایت داخلنده واورفه شهرینک قرق کیلومترو جنوبنده بر بلدۀ قدیمه در . لاتینلر (قاره) دیرلر . خلقتک بشیک بشیوز قرق بر تاریخنده (غالر) نام روما ایمپراطورلری بوراده مغلوب اولدی وبر جمعیت علیہ اسلامیہ معرفتیلہ روجہ بر چوق آثار فنیہ عربجه نفیل و ترجمه اولندی . حضرت ابراهیم علیہ السلام ارض کلداندن ابتدا بورایه هجرتله بر مدت مسافرت و پدرلری (آزر) بوراده عالم بقایه رحلت ایتمشیدی . حران الیوم رقه قضاسی داخلنده ناحیه مرکزیدر .

« حسن » رضی الله عنه - ائمه اثنا عشرک ایکجیسی وامام (علی) کرم الله وجهه حضرتلرینک مخدرم مکرملری ولقب عالیلری (محبتی) در پدرلرینک شهادتندن صکره کندویه روی اتباع کوسترن کوفه لیلرک تشویقیله بر اردو تدارک ایدرک شاملیلرک اوزرینه کندیسده (انبار) ناحیه سنده شام عسکری قارشولفندن و ذاتاً بو یوزدن بر چوق قان دوکلکه دخی وجدانی راضی اولمادیغندن منبر خطابه چیقوب حق خلافتی بعض شرائط ایله حضرت معاویه به ترک ایلدی ومیلادک التیوز التمش بر وهجرتک

قرق بر تار بخندد بالکز دائره سی خلقیله مدینه منوره به کلوب کوته فراغ و از زوایه چکلدی مؤخرأ زوجه سی (جمعد) هر فصله معاویه نك اوغلی یزید ملعت مزید جانبندن بعضی مواعید کاذبه به قایلیدندن اول کلبن باغ رسالتی قرق التي یاشنه وارمش اولدینی حالده نسیم و بی مجال فقط کندوسی دخی اومدیغه نائل اوله میه رقی از بر مدت ایچنده کال یأس و ملال ایله مقرر اهل ضلاله ارتحال ایلدی .
 « حسین » رضی الله عنه - ائمه اثنی عشرک او چخیسی و امام (علی) کرم الله وجهه حضرتلرینک فرزند عالیسی اولوب لقب شریفلری (سید) و (شهید) در . حضرت مشار الیه معاویه نك و قاتیلہ یرینه اوغلی یزید بیلد جلوس ایلدکده حقلمی اولان خلافتی المکی اوزره کوفه اهاپسنه مراجعت التمش و انلردن دخی اوچ بیک قدر آدم عرض بیعتله ماعداسی کوفه به تشریف بیوردقلری حالده کافه بیعت ایده چکلرینی مشعر مکتوبلر کوندر مشر ایدی . بناء علیه الی التمش نفوس نجیه دن عبارت اولان منسوبات جلیله سبیلہ قالقوب کوفه به توجیه بیوردقلرنده یزید در عقب کیفیت و طوته جنی حرکتی عراق و الیسی عید بن زیاده یازدی کوفه اهاپسیسی دخی بر مقتضای جبلت و یردکلری سوزی کیر و آلوب اول نور دو چشم نبوتی بالکز بر افغله ابن زیاد مؤخرأ کربلا تسیمه قلنان (اسراق) نام محمله یتشوب بر مدت دوام جنک وجدالدن صکره میلادک التیوز سیکسان و هجرتک التمش بر محرمک اوتغی جمعه کوننده والی التي یاشلرنده مشار الیه حضرتلرینی اخذ و شهید و سر سعادت ی الای ایله شامه کوندر و ب بو وجهله قلوب موحدینه التیام قبول یتمز بر یاره القا و تأیید ایلدی .

« حلب » - (اوتوز ایکی اون بر دقیقه) عرض شمالیده و (اوتوز ایکی درجه الی دقیقه) طول شرقیده واقع و در سعادتك بیک دوت یوز کیلو مترو جنوب شرقیسنده و شام شریفک اوچیوز الشمس کیلو مترو شمال شرقیسنده بر ولایت مرکزیدر . حلب شهری کلیس و بابیه اووه لریله جبل سمعانک عارضه لی اراضیسنک نقطه التصاقده و بسطیجه بر موقعده در . شهرک شرق جهتی نیتون و فستق باغلیله و شمال و غرب جهتی یش باغچه لریله محاط اولوب جنوب جهتی اولدچه اچیقه در . و برده شهرک شمال جهتدن باشلایه رق جنوبه طوغری کنارندن (قویق) نامنده بر ایکی دکرمان دوندیر برده نهر جریان ایدر بو نهر حلب ولایت داخلنده عینات قضا سنه تابع (چاغدیفین) قریه سندن ظهور ایله نفس حلبه اوج ساعت مسافده واقع (حیلان) قریه سنه کلدکده بر ثانی مقداری مجرای مخصوص ایله شهره کلور و قصوری حلب باغچه لرینی اسقا ایلدکدن و کندوسنه حلب جوارنده نبهان ایدن (عین التل) و (عین البضا) صولریده قاتلدقد نصرکه شهرک کنارنده و غرب جهته واقع بر ایکی محله نک اراسندن کچهرک جنوبه طوغری اقارکیدر و خانطومانی کچد کند نصرکه عیسی قریه سی ایلروسنده اووه یه یاییله رق بیوجک بر بتاقلق حاصل ایدر کی قیش موسونده بورالردن اصلا کچلمز و بوتاقلق مناسبته بورالرك هواسی و خیم اولوب اهالیسی اکثر اوقاتده صتمه خسته لغندن قورتلزلر اشبو قویق نهرینک اسم قدیمی (شالوس) در . حلبده حال طفولیتده ایکن اهالیده و بر مدت اقامت ایدن غرباده (حبه السنه) دنیلان و بر سنه دوام ایتمکجه ابو اولقی نیلیان قرحه یعنی چیان چیقار واکثرا انسانک مکشوف محالرینه یعنی یوزیله ال وایاقرینه مسلط اولور جسمک اعضای سائرهنده چیمقماز

وحیدنی محل جیفور قالور . حلب شهرینک نفوس التمش سکر بیک
 بشیوز التمش بری اسلام و بکرمی بیک التیوز بکرمی بشی خرستان
 ویدیک سکر یوز اوتوز بشی یهودی وایکیک یدیوز التمش سکر
 یباجی وایکیوز التمش یدیسی اجنبی اولق اوزره یوز بیک قرق التی
 کشیدن عبارتدر . حلب معمولاتی اعلا صر مه و هر نوع ایپکی
 و صر مه لی چار شفلر و کفیه لر و مشط لر چتاری و جانفس و اطلس
 و قطنی کی قاشلر و اوطه دوشمه لر و یو کدن و پامو قدن اوطه
 دوشمه لکری و عجم تقلیدی شالر و شام تقلیدی خرقه لر و باصه مندیلر
 و الاچه لر و کوزل مصر حصیر لر و ما کولاتی اعلا شکر معمولاتی
 طوزلو فستق واکا مائل و صنایعی دخی سراجلق ترزیک قیو جیلق
 مرانقوزلق طاشجیلق صابونجیلق نشاسته جیلق تورجیلک بویاجیلق
 دباغلق قلع جیلق باقر جیلق و امثالی صنعتلردن عبارتدر .

شهرک ابنه و آثار عتیقه و جمیه سندن اک مشهور لر حلب ایچ و طیش
 قلعه لر و جامع کبیر و جامع الحیات ایله عثمانیه و عادلیه و بهرامیه و خسرویه
 جامع لر و قشله هایوندر . ایچ قلعه شهرک و سطنده واقع طیش قلعه ایسه
 شهرک قسم اعظمی محیط اولدینی حالدّه تخمینا بر بچق ساعت دورنده
 اوله رق متعدد برجلری ویدی عدد انتیقه قیوی حاویدر اشبو قلعه لردن
 ایچ قلعه نک واضع اساس سلفه کولور و طیش قلعه نک بانیسی مسلمانلر
 اولوب هر ایکسینک تمدیکی وضعیت و مکملیتده توسیع و تحکیمی
 بشیوز سنه هجریه سندن صکر کلان ملوک سالفه اسلامیه نک اثر
 همته ساحة حصوله کلشدر .

حلبک بانی و تاریخ بناسی حقنده کی روایتلر متعدد ایسه ده بونلرک اقدم
 و احیی حلبی عمالقّه دیلان اولاد حامدن (حلب ابن مهر) کندی

نامنه بنا ایلوب (حلبه) و (حلبون) نامرله شهرت بولسی قضیه سیدر .
 حلب حوالیسینده اک اول توطن ایدنر اولاد حام ایدی . بونلر
 مریش ایل شط العرب ارسنده کی چولرده ساکن و (الکتا) دنیلان
 بر فرقه ممتازه سی حلب . حمص . حما جهتلرند متوطن اولوب
 کندو بناری اولان حلب برخلی مدت اللرنده قالدقدنصره میلاددن
 تخمیناً ایکیک بشیوز یاخود اوج بیک سنه مقدم مصر پادشاهی
 طوقوزیس حلبی حرباً استیلا ایندیهده مؤخرأ یابیلا بر مصالحه
 حلبی بنه بانی و صاحب لرینه اعاده ایلدی حلبی یهودی حکمدار لرندن
 (ارام صوبا) نك بنا و ارام صوبا نسجه ایلدیکی یهودیلرجه ادعا اولغنده
 ایهده ارامك حلیجه اولان موفقیتی بنا اولیوب استیلادن عبارت
 اولدینی و ارامك بنا کرده سی اولان ارام صوبا شهرینك وادی جبول
 جهتده بولندینی بعض توارخ ایله تورات شریف مطالعه سندن
 اکلاشیلور . بناء علیه الکتایلردن صکره اولاد سامدن اولان بنی
 ارام مالک اولوب میلاددن بیک الی سکر سنه مقدم حلب حضرت
 داود علیه السلامک سرداری (ایواب ابن سیروبا) نك یداستیلا سنه
 کچد کدنصره کیدرک بابلولره عجلره انتقال ایلدی مؤخرأ حلبی
 انطاکیهده حکمفرما اولان سلفکیان دولتی هجرتدن یدیوز الی سنه
 مقدم تأسیس و (یرؤیا) نامیله توسیم ایلدیکی روایتنه کوره تاریخلرک
 بیانات سائرده سی حلبک بالکز ایچ قلعه سنک سلفکه لولر طرفدن مجدأ
 بنا و شهره جهده نصفی راده سنده تعمیرات و توسیعات اجرا ایلدیکنی
 کوستریورکه بو صورت تمامیه مقرون مختدر

حضرت (عمر) بن الخطاب اقدمزک عهد جلیل خلافتلرنده ابو (عبدۀ)
 بن جراح و (خالد) بن ولید حضراتنک قوماندلری تحتده کی غزات

مسلمین میلادك التیوز اوتوز درت و هجرتك اون التی تازبخنده
 قنسرینی صلأ آلدقنصكره عزم فتح حلب بیوردیلر اولوقت حلب
 (یوقنا) و (یوحنا) ناملرنده ایکی بك زادهك تحت تملكنده اولدیقدن
 بولردن یوقنا اون ایکی بك زدهلی و بك چوق سبكار عسکر
 استصحابله قنسرینه طوغری یوریدی واشبو ایکی سردار نامداره
 سدراه اولق استدی ایسهده كمب بن حمزه قومانداسیله كوندریلان
 بك نفر اسلام سواریسك سطوت غضنفرانه لری الجاسیله ومعافیه
 غیابنده برادری یوحنا ایله ابو عییده بن الجراح حضرتلری بینده
 مکالمات صلیه جریان ایتكده اولدیقی ایشتمسیه کریسی کریه
 دوندن و برادری یوحنایی اولدیردی بو صرهده فرقه ناجیه غزا
 حله كلوب انطاکیه قوسندن ایچرو کیرهك اردو قوردیلر و ابو
 عییدهك امریله اول بول اوراده بر مسجد یابلدی لکن حلب
 اهالیسی ایچ قلعیه قانوب شدتله مدافعهیه قیام ایتمسیه مدت
 محاصره درت آی قدر سوردیکندن و بنا برین دسائس حربیه
 استعمالنه لزوم کوردیکندن (دامس) نامنده کی بر سرکرده
 غازیانك رأی و تصویب اوزرینه اردو مایوساً رجعت ایدیورمش
 کی صنعی بر رجعت قهقرییه ایله چکیلوب کتدی و نظرلرك تعلق
 ایدمه چکی بر وادیده توقف و اختفا ایله منتظر اشارت اولدی
 بری طرفدن دامس انتخاب ایلدیکی اوتوز نفر فداایلرله اردونك
 چکلبدیکی کیچه طیشارودن طرمانه طرمانه ایچ قلعیه چقبوب اردونك
 چکلمسی جهتیله کندیلرینی بر عالم فراغ و استراحتده بولندیران
 محافظلری قتل ایله قلعه قبولرینی آچدی و کوندردیکی خبر اوزرینه
 اردو یلدرملر کی هجوم ایدوب قلعه بی الدی بالاخره شهر مذکور

مصر لیلره کچمش ایسه ده مصرده اجرای حکومت ایدن دولت چراکسه نك فردوس آشیان فاتح (سلطان محمد خان ثانی) حضرت تلیرنک دورندن برو دولت علیه عثمانیه نك مصافات مشروعه سی خلافتده اوله رق کوستره کلدیکی عداوتکارانه و متحکمانه اطوار و حرکاتی علماء رومک و یردیکی قنوا اوزرینه جنتمکان یاوز سلطان (سایم خان اول) حضرت تلیرینه مصر سفرینی اچدیردیفندن سلطان مشارالیه معیتده سکسان بیک عسکر و سکر یوز طوب اولدینی حالده اناطولی اوزرندن اشوب الحاله هذه کلیس قضاسی داخلنده بولنان (مرج دابق) نام محله کلدی اوته طرفدن مصر سلطانی غوری عربان طاقندن وقوه موجوده عسکریه سندن ماعدا کندو بدندن اشترا و تسلیج ایشلش اولدینی اون اوج بیک نفر جنگنجی کوله ایله سلطان سلیم خان حضرت تلیرینی قارشوایه رق اولدقلری محله ایکی طرف عسکری نظام حرب وضعیتی اخذ ایتشلردر . سلطان سلیم حضرت تلیرنک برابرده کتومش اولدینی طوبلرک ایکوز عددی غایت جسم اولوب اوتوز قرق بارکیر ایله چکیلور و دیکرلری (ضربه زن) دنیلان و یکر می بش قاریش طوانده بولنان صحرا طوبلری اولوب نقلی ایچون دردر حیوان قوشیلور ایدی عساکر عثمانیه نك یکر می بیک قدری سواری ایدی واللرنده قرمز ی صاری یراقلره مزین مزراقلر وار ایدی و مهترخانه (چالقی طاقمی) پادشاهی دخی برلکده ایدی سلطان مشارالیه حضرت تلیری طوبلری زنجیر ایله بربرینه ربط و اوکنه پیاده وضعیله ستر ایشلش ایدی مصر اردوسنده بولنان قوماندانلردن بشقه ده ا یکر میدن زیاده سردار اولوب عسکرلری غایتله مسلح و مزین و یالکر سلطان غوری اوجینک التونلق لباس سلطنتی لابس ایدی سلطان غوری اردوینی نصف

دائره شكندده ترتيب ايتمش وصف حربنك بر اوجى مرج دابقدن باشلايهرق اعزازده منتهى اولمش ايدى . ميلادك بيك بشيوز اون التى وهجرتك طقوز يوز يكرى ايكى سنهسى شهر رجبنك يكرى اوجنجى بازار كوفى كونش طوغار طوغماز سوارى چرخه جيلرينك سبييتيله حربه باشلانلدى ايلك حملهده مصر ايلر عثمانلى اردوسنى صارمغه باشلاديلر ايسهده سلطان (سليم) حضرتلرينك يد هايونلرنده (عمر) بن الخطاب افدمنز حضرتلرينك سيف مقدسلى اولدينى حالده بالذات ميدان وغانه آت سوروب وبر مدت صكره ساحته بر رجعت كوستروب مصر ليلرى پياده ايله مستور طوپلرك اوكنه چكرك شدتله آتسه باشلاديفندن مصر ليلر درحال بوزلدى وغورى ده عدم آباده كتدى . فرداسى كوفى سلطان (سليم) حضرتلرى حلبك جهت شماليسنده واقع قشله عسكرينك شمال شرقى جهتنده وشهر ك اتصالنده ونهر قويقك ساحل شرقيسنده كى كوك ميداننده حلب اهالىسى طرفندن باكال حرمت واطاعت استقبال اولتهرق شهره كيرديلر . غورينك كندوسنى بو مصيبت كرفتار ايدن كال غمرورى ساقه سيله استانبولك ضبطى ايجون حلب قلعه سنده ادخار ايلديكى ايكى مليون اشرفى مصر التونى ايله ايكوز قيه التون كوچمى وسائر مهمات حريمه جانب بيت المال ايجون ضبط اولندى سلطان سليم حضرتلرى حلبده اون سكر كون اقامتله شام ومصر ك فحقى ايجون جانب شامه عزيمت بيورديلر جناب شاهى ايلك دفعه اولهرق حلبده ادا بيوردقلى جمعه نمازنده خطيب طرفندن (خادم الحرمين الشريفين) عبارة جيلهسى علاوه خطبة ظفر ايدلدى .

« ح ا » - سوریه ولایت جلیله‌سی داخلنده و نفس شامک
جهت شمالیسند و ایکوز کیلومتر و بعد و مسافده طقوز بیک سکر
یوز التمش طقوزی اسلام باقیسی خرسنیاں اولاق اوزره اون بیک
طقوز یوز التمش ایکی نفوسی شامل بر سنجاق مرکبدر . حاقصبه‌سی
اک اسکی شهرلردن اولوب مؤرخ شهیر (یوسفوس) یهودینک
قولنه کوره کنعانیلر زمانندن بری موجوددر قصبه مذکوره‌بی
قدیماً محیط اولان سور خراب اوله‌رق شدیکی حالده بعض انقاض
کوریه بیلکده در قصبه مذکوره بر چوق مشاهیر علما و شعرائک
منسقط رأسی اولغله دخی مشهوردر عاصی نه‌ری حمانک و سطندن
مرور ایدرک قصبه‌بی ایکی قسمه تفریق ایدر و کذرکاهنده تماشایی
لطافت بخش انظار اوله‌جق صورتده متعدد حدایق و بساتیانی
اروا ایلر .

نفس قصبه‌ده آثار اسلامیه دن بر چوق تأسیسات مهمه وار ایدی
فقط میلادک بیک ایکوز یکرمی التی و هجرتک التی یوز اللی اوج
سنه‌سند و وقوع بولان حرکت ارضده قصبه‌کیا خراب اولغله تأسیسات
مذکوره دخی منهدم اوله‌رق اثری قالمشدر .

رومالیلر طرفندن جوار قصبه‌ده انشا ایدلش اولان قلعه‌نک خرابه‌سی
الآن مشهوردر . نفس حاقصبه‌سند حامدیه دنیلان اثواباق قماش
حمام طاقی و متنوع الاجه واقشه سازه نسج اولنور . قصبه مذکوره
ملوک ایوبیه دن بر فرعک مقر امارتی اولمشیدی نام قدیمی یونانیلرجه
(ایقانی) لاتینلرجه (آمات) در

« حص » نام قدیمی (امز) - سوریه ولایت جلیله‌سی
داخلنده حاسنجاغه تابع و شامک جهت شمالیسندن یوز التمش و حمانک

جهت جنوبیستند فرق کیلومترو بعد ومسافه ده اون درت بیک بشیوز
 اوتوز طقوزی اسلام وباقیسی خرسیان اولق اوزره اون سکر بیک
 یدیوز اوتوز بر نفوسی شامل بر قضا مرکزیدر ازمنه قدیمهده
 مستقل کوچک برقرالیتک مقر حکومتی ایکن سوریه حکمداری
 ورومالورک الیه دوشوب تاریخ میلاد (عیسی) علیه السلامدن التیوز
 فرق بر سنه صکره (خلد) بن الولیدو (ابوعبد) بن الجراح حضراتی
 طرفلرندن قح واک صکره دولت عثمانیه نک قبضه تسخیرینه یکمشدر .
 او وقلترده اهالیسی سعادن دوشدیکنی ظن ایلدکری مخروطی الشکل
 و سیاه کونش رسنده بر طاشه تعبد ایدوب بوکا (آله الاغبال دیرلر
 ایدی . (هه لیو غبال) نام کاهین بوراده ایمراطور غسوانی آلوب
 کندوسه وحصه اهمیت ویردی . اون ایکی عصرده وقوعبولان
 بر حرکت ارضدن ناشی منهدم اولان ابنیه سنک الان خرابه سی
 کورلمکدهدر . منسوجات قطنیه وحریریه سی وصابونی وحب وشام
 ایله تجارتی رواجده اولوب مشهور عاصی نهری جبل لسانه تابع
 هممل طاغندن نبعان ایدرک حصص قربندن جریان ایدر قصبه ایله
 جوارنده نهر عاصیدن بشقه نبعان وجریلن ایدر صو اولمدیفندن
 حصص اهالیسی محتاج اولدقلری صوی نهر عاصیدن آلورلر عاصی
 صوی هرملدن نبعان ایله یارم ساعت امد مسافهده رومالیر طرفندن
 تکلفات عظیمه ایله انشا ایدیلان جسیم دیوارلرک تشکیل ایندیکی
 برحوض واسعه طه پلانور واطرافندن کلان دیگر صولرایله کسب
 جسامت ایندکدنصکره دیوارلرده موجود اولان مقسقلردن مجرای
 مخصوصه آقار تورائنده مذکور اولان (ربه) قریه سی حصص
 جوارندهدر منبع عاصی اولان جبل هرملک ذروه سنده (قاموع

هرمل (ناميله بر بنای قدیم موجود واحجاری صور متعدده ايله منقوشدر . مصرلی ابراهیم پاشا میلادک بیک سکر یوز اوتوز ایکی وهجرتک بیک ایکوز قرق سکر تاریخنده شام شریفی آلدقنصکره حسین پاشا اردوسنی بوزوب بوراسنی دخی آلمش ومیلادک بیک سکر یوز قرق وهجرتک بیک ایکوز الی الی سنه سنده دخی انکلیزلر طرفدن اشغال ایدلمش ایدی .

حرف خ

« خالد » بن ولید رضی الله عنه - صحابه کرامدن واشراف قریشدندر . زمان سعادت ضحان جناب یغمبریده وقوعبولان غزالک هر برنده ابراز مآثر دلبری وجلادت ایتمکله (سیف الله) عنوان جلیله شایان اولمشدر . میلادک التیوز قرق بر وهجرتک یکرمی بر تاریخچه حص محاربه سنده بر چوق یرندن زخمدار اوله رفی شهیداً وفات ایدر ایکن (شمعی به قدر یوزدن زیاده جنکه کیردم ووجودمده یارمسز بر یر براقدم حمد اولسون اشته شمیدیه اعلائی کلمه الله اوغرنندن دوکوشه دوکوشه تسلیم روح ایدیوروم) بیورمشدر .

« خدیجه الکبری » - حرم هایون جناب سید المرسلین درکه اشراف قریشدن (خویلد بن اسد بن عبدالمزی بن قصی) کریمه سیدر والدلری عامر بن اؤی اولادندن (فاطمه) بنت زائده الاحمدر آوان جاهلیه ده نسوان قریش ایچنده طاهره دیو یاد اولتور ایدی اقدمز حضر تدرینه قبل البعثه زوجه اولمشلر وکافه کرامت سنیه و(قلم) و(طاهره) و(طیب) نام انجال نبویه بی طوغر مشارددر زوجات طاهره اتک

اول وافضلی اولدینی متفق علیهدر سید الثقلین حضرت تلبه اقرانی
 جله دن اول اولدینی کبی نبوت و وحدانیتہ ایمانی دخی هر کس دن
 اقدمدر یکر می دوت سنه و بر قاج ای جناب شفاعتآب افندمن
 ایله بولنوب بعده یعنی هجرت سنیه نبویه دن اوچ سنه مقدمنده التمش بش
 یاشنده اولدقلری حالده مکّه مکرّمه ده واصل دار النعم اولمشلردر
 عاقله و اهل تمکین و مالدار برخاتون ایدی حق علیالزنده (خدینجه خیر
 نساء عالمها) بیورلمشدر .

حرف د

« داود » - حضرت داود علیه السلام ابتداری شموئل
 علیه السلامک توضیه سیله طالوتک معینه التمش ایدی . بدایه طالوت
 حضرت داود علیه السلامی چوق سور ایدیسه ده بر مدت صکره
 حضرت داود علیه السلامک شان و شهرته حسد ایدرک چکه مامکه
 باشلامشدر . طالوت فلسطین قبیله سیله محارب اولوب ایکی طرفک
 اردولری بر برینه قارشو اردوگاه قوره رق اقامت ایتکده ایکن
 عاد جنسندن اولوب فلسطینده امیر بولنان جالوت نام بر شخص ایکی
 اردونک اورته سنه چیقوب اسرائیلیری تحقیر ایتکه باشلامش
 وایچلرندن بریخی کندیسيله محاربه ده دعوت التمشدر . بنی اسرائیل
 ایچنده بالذات جالوتک قارشوسنه چیقمغه کیمسه جسارت ایده مدیکندن
 طالوتک فوق العاده جانی صیقلش ایدی . حتی جالوتی قتل ایدنه
 کریمه سنی وعد التمشدر نهایت داود علیه السلام جالوته قارشو
 چیقمغه طالب اولمش ایه ده طالوت مشار الیهک کنجلمکنه ووجودینک
 ضعیفانکه بناء جالوت ایله باشه چیقمغه جانی قولیه رضا کوسترماش

ایسته داود علیه السلام اصراری اوزرینه مساعده ایشدر .
 داود علیه السلام یالکز بر الینه عصا دیگر الینه صبان آلهرق جالوته
 یاقلاشد قدده مذکور صانله آتش اولدینی طاشله قفاسنی یارمش
 و جالوتک بینی بوزندن آفرق حیوانندن دوشمنی اوزرینه اسرائیل
 عسکری هجوم ایله باشنی کیشلدر . اشیو وقعه دخی بنی اسرائیلک
 مظفریتی موجب اولمشدر بو وقعه دنصکره بنی اسرائیل داود
 علیه السلامه زیاده سیله توجه و محبت اظهار ایتمک باشلادیغندن
 طالوت خوف و حسدندن داود علیه السلامی اعدام ایتمک قصد
 ایتمش ایسته موفق اوله مامشدر . چونکه داود علیه السلامک
 زوجہ سی بولتان طالوتک قیزی پدرینک قصدندن خبردار اولهرق
 داود علیه السلامی (نوبه) شهرنده بولتان رئیس روحانی جانبہ
 عزیمته تشویق ایتمشدر . نوبه اہالیسی حضرت داودی حسن
 صورتله قبول ایتمش اولدقلرندن طالوت اردو ایله کلوب مذکور
 شهری تخریب ایتمش و بیوک کاهنله کافہ اہالیسنی قلیچدن کچیرمش
 فقط داود علیه السلامی در دست ایده مامشدر . داود علیه السلام
 طالوتک سوء قصدینه قارشو فوق العادہ عالیجنابلق اظهار ایتمشدر
 حتی بر ایکی کرہ طالوتی او یقوده بولوب اعدام ایتمک فرصته نائل
 اولدینی حالده بر قتالک ایتمکدن بشقہ (پادشاہکری لایقہلہ محافظہ
 ایتمہ یورسکز دیہرک معینتی تکدیر ایشدر) حضرت داودہ قارشنی
 اظهار اولتان حقسزاق ایله نوبہ قتالی اوزرینه بنی اسرائیل طالوتدن
 یک دلکبر اولمش اولدیغندن فلسطین قومنک طالوت اوزرینه حین
 هجوملرندہ طالوتہ معاونت ایتمہ شلدر . بناء علیہ طالوت دخی مغلوب
 اولوب کندخی تلف ایتمشدر . طالوتک وفاتی اوزرینه یہودا سبطی

داود عليه السلامه بيعت ايتش ايسهده اسباط سائره طالوتك اوغلنه عرض واطاعت التشلردر . اشبو وقعه بنی اسرائيل تاريخنده پك مهم اولدینی کبی بنی اسرائيل انقراضك دخی مقدمه سی اولمشدر . حضرت داودك سلطتی قرق سنه امتداد التشلدر . مشار الیه حضرت تلرینك اواخر سلطتبنده بعض اختلالات ظهور ایدرك حكومت اینجه انقراضه یوز طوتمشیدی . داود علیه السلامك بر حیات اوله رق ایکی مخیدومی اولوب کوچکی حضرت سلیمان علیه السلام ایدی . بیوك اوغلندن خوشنود اولدیقدن ده اکندی حیاتنده تختی ترك ايله حضرت سلیمانی اجلاس التشلدر .

ح ر

« رمله » - مستقلا اداره اولنقده بولان قدس شریف سنجانلی داخلنده یافه قضاسنه تابع بشیك نفوسی حاوی ونفس یافه نك جنوب شرقیسنده واون بش کیلومترو بعد ومسافهده کائن ناحیه صرکزیدر . رمله وقیله مشهور بر شهر ایدی . حضرت (ابوعبده) بن الجراح شام شریفك فتحه کیدر ایکن حضرت (شرحیلی) اون بیک سلاحشور ايله رمله پیشکاهنده براقشدرکه رمله قلعه سی دروننده سکان بیک روم عسکری وار ایدی . حضرت مشار الیه شام شریفی فتح ایلد کد نصکره یزید بن ابوسفیانی والی نصب ایدرك ومعیته بشیك کسی آله رق حضرت شرحیل ايله برلشك اوزره رمله یه عودت بیوردیلر مشار الیه حضرتلری شرحیل ايله برلشهرك لازمکلان ترتیبات عسکریه یی اجرا ایتك اوزره ایکن قلعه دروننده محصورتلان روم عسکرلری کیچه نك برنده قلعه قبولریخی آچهرق اینجه بر بولدن

محاصرین اسلام اوزرینه هجوم و نصف الیله قدره قوعبولان محاربه ده مغلوبیدن بشقه برشی قزانه مدقلندن رجعت مجبور اولمشلر و عساکر اسلامیہ دخی قلعه دروننه دخول ایدرک رمله بی فتح ایشلردر . بونک اوزرینه ناصره و طبریه اهایسی دخی صلحا تسلیم و لشلردر . اشبو قحلقرک جمله سی حضرت ابو عیده طرفدن حضرت عمر رضی الله عنه حضرت تهرینه بیلدیرلشدر .

« روما » - ایتالیا دولت فحیمه منک کرسی اداره سیدر اشبو شهر (تیر) نهرینک هر ایکی جهتی اوزرنده واقع و اخذیلر داخل حساب اولقسزین 'یکی یوز بیک فوسی جامدر شهرک موقی اونی طبی بشی صسعی اون بش تپه یی اشغال ایدر دوری اون سکر کیلومترو ایسه ده جمله سی مسکون اولیوب همان الیوم مسکون اولان محلی قدیم رومانک جهت شمایسیدر (لاترانک) و (سنت انژ) نامنده سرایلری و شمالا بر رمله داخایی و متعدد کلیساری اولوب بونلرک الک مشهوری (سن پترو) (سن ژان) (سنت ماری مائور) (سن پول) کلیسایلر بدرکه بونلر دنیاده بولتان ابنیه منک الک اعلاسی صاییلورلر بونلردن ماعدا اوج یوز باب کلیسانی دها واردر و (سن پیر) و اسپانیا میدانلری مشهور و اکثریسی ترازان و انتونین عمودلری و قدیم دیکلی طاشلر ایله مزیندر . روماده (سایه ترا) و (غره غوریانه) ناملریله ایکی دارالفنونی و دارالفنونک ایکنجی درجه سنده ژزویتلر طرفسندن تائیس اولنش روما مکتبی و (پروباغداندا) مکتبی و سائرله ایله بر مدرسه رهبانیه و صاغر و دلزلرله مخصوص تعلیم خانه و صنایع فنیسه تعلیمی ایچون متعدد مکتبلر و رصد و تاریخ طبیی درسخانهلری و نباتات باغچهلری و موزمخانه و متعدد مطبعه لری

یونانور فرانسه انگلتره و اوستریا انجلیری صنایع نفیسه تحصیلچون رومایه
کیدرلر متعدد هیئات علیه و کتبخانه لری دخی مکمل اولوب یونلر ال
یازولی کتابلرله مالا مالدر . روما شهرنده صنایعه دائر غاز شرید
اطلس صنعی چیچک چوقه عطریات و موزیقه آلاتی چیقار . هوا سی
قشیک صاغلام یازین یونک عکسنه در جنوب شرقی طرفندن هبوب
ایدن روزگار اکثریا علل ساریه شدیدیه باعث اولور .

روما خلقتک درتیک سکر پوز قرق بر تاریخنده یعنی میلادک بدییوز
اللی اوج سنه مقدمنده تأسیس اولوب بو تاریخندن اعتباراً ایکوز
قرق درت سنه ظرفنده (رومولوس) والی نفر اخلاقی طرفندن
هرکر قرالیت اتخاذ ایدلدیکی حالده خلقتک بشییک سکسان بش
تاریخنده یعنی میلادک بشیوز طقوز سنه مقدمنده تارکنلرک مظالمی
قرالغه نهایت ویرمکه جمهوریه تحویل اوله رق سنه بسنه انتخاب
اولان قونسالر معرفتله اداره ایدلدی مؤخرأ (پاتریسیه ن)
(پله بین) نام ایکی صنف اهالی بیننده متحدت نزاع و مقاتلات
متمادیه رومانک ضعف اقبالی تمام برعصر تمید ایدوب خلقتک
بشییک ایکوز بش تاریخنده دخی غولار طرفندن ضبط
و تخریبنه آز برشی قالمشکن (مانلیوس) ک ثمره غیرتی ایله قورتلدی
و قرق اتی سنه صکره باشلایان (سامنیت) محاربه سی ایسه بتون
ایتالیایه دهشت انداز سرایت اوله رق ایتالیایی وسطی و جنوبینک
رومایه التحاقله نهایت بولدی و خلقتک بشییک اوجیوز اوتوزدن
بشییک اوجیوز اللی اوج تاریخنده قدر متحد اولان برنجی یونیق
محاربه سنده سجلیای غربی و ساردنیا و مؤخرأ سجلیای شرقی و اسپانیا
ودها صکره ماکیدونیا رومایه کجوب خلقتک بشییک دتیوز قرق

سکنر تاریخده یعنی میلادک یوز فرق اتی سنه مقدمنده روما جمهوریه یونان دولتی دخی محو ونابیدد وقارتاجلولره غلبه چالوب سلوسیدری آسیای صغرادن (تورس) ک اوته سنه قدر طرد وتبعید ایلدی لکن صکره لری روماده اصول حکومت بوزیلوب بر آره اقی (سیللا) ظهور ایدرک دیکتاتورلنی غصب وفوق الغایه شدتله معامله ایدوب ومؤخرأ (اوکتاو) قرال اولوب ایکی سنه صکره اوغوست وایمپراطور عنوانلری آلدی وایمپراطور بیوک قسطنطین زماننده یعنی میلادک اوچوز اوتوز تاریخده پای تخت سلطنت استانبوله نقل اولندی .

بوندن صکره دخی روما برطاقم تقلبات جدیدیه اوغرایوب هروللرک قرالی اولان (اودوآقر) زماننده آروجه بر قرالیت ومؤخرأ روما دوقه اتی نامیله خصوصی بر دوقه لقی تشکیل اولندی وبعده میلادک یدییوز اوتوز وهجرتک یوز اون ایکی تاریخنه طوغری پایلر طرفندن اداره و (شارلمان) دورنده فرانسه حایه سنه ادخال ایدیلوب اوتجی عصر میلادیده مازوری قاملیاسنک زیر حکمنه کبردی ومیلادک بیک درتیوز طقسای بش وهجرتک طقوز یوز بر تاریخنده نابولی فتحه کیدن یدنجی شارل ومؤخرأ دهها بشقه ذوات طرفلرندن ضبط ومیلادک بیک سکنر یوز بر وهجرتک بیک ایکوز اون اتی تاریخنده لونه ویل معاهده سی موجبجه پایا یدنجی (پن) یه اعاده اولندیسده یدی سنه صکره نابولیون روما ودولت رهبانیه نک اک بیوک قسمنی فرانسه یه کچوروب میلادک بیک سکنر یوز اون درت وهجرتک بیک ایکوز اوتوز تاریخی حادثاتی پایایی تکرار مسند اقتداره کتوردی . خلاصه کلام روما شهری تاسیسی تاریخندن خلقتک بشیک سکسان

بش تاریخچه یعنی میلادك بشبوز طقوز سنه مقدمه دكین قرالار
واندن صكره قونسلر و امپراطورلر ومؤخراً هرولار وغونلر ودها
صكره (راوهن) اقزارخولربنه تابع دوقلر وپالار طرفلرندن اداره
ایدیلوب نهایت ایتالیا دولتك تحت اداره سنه كچمش ودول مشارالها
طرفندن پای تحت اتخاذ اولمشدر .

حرف ز

« زکریا » علیه السلام - انبیای کرامدندر . حضرت یحیی
علیه السلامك پدری و حضرت (مرتك) تیزه سی ایشاغ نام خاتونك
زوجی ایدی مشار الیه یهودیلرك حضرت مریدن طولای حقه
سوء ظنه دوشهرك شكایت ایتدكلرینی یاخود حاکم هر دوسی بر
مسئله دن طولای کوجندیردیکچون مشار الیه حضرتلرینك ابتدا
کندوسی صكره اوغلی یحیی علیه السلامی اعدامه قرار ویردیکنی خبر
آلدفنه بناء براغاچك ایچنه ازوا بیورمشلر ایدی خائنلر اوراده
بولوب اغاجی یحیی ایله کسهرك طقسان بش یاشنده شهید ایتدیلر .
قبر شریفی الآن حلبده جامع کیر دروننده زیارتگاه انامدر .
تورات شریفده اسمی (زفریا) یازیلبور جناب حق زکریا علیه
السلامه یحیی علیه السلامی حال شیخوخته احسان بیورمشدر . بر
روایتده ذوالکفل بودر . یهودا ملکی (یواش) زماننده دخی
بونامده بر ینغمبر ظهور ایدرك مومی الیه یواشی بر طاقم نصایح
دینه ایله اصلاحه چاشمش ایسهده (الحق مر) مفهومجه نصایح
مذکوره یواشك طبع ناملاینه پك سرت کلدیکندن مشار الیه
بیت مقدس حولبسنده طاشلر ایله اعدام ایتدیرمشدر لکن بر سنه

صکرة جناب حق سوریه ملکنی اوزرینه تسلیط ایدوب فلسطین ودها بر چوق مالکی مستولی و خراب اولدینی کبی کندوسی دخی یتاغنده اوشاقلری طرفندن قتل ایدلدی و جنازه سی صهیون (داود) شهرینه کتورلدیسهده حکمداران مزارینه قولتی شرفندن محروم اولدی .

حرف س

« سام » بن نوح علیه السلام - ابو العرب کینه سیله مشهوردره اولاد نوحك ساکن اولدقلری عراق عربدن اطرافه طاغدلقلری ائناده یعنی خلقتك ایکیك ایکوز سکسان بش یاخود ایکیك سکسان الی تاریخنده بو دخی اولاد واحفاد ومنسوباتیه جزیره العرب و سوریه طرفلرینه هجرت و توطن ایدلدی ارفخشد و عیلام و لاووز و آثور و ارم اوغللریدر بونلرک هربری بر بیوک قومک پدری اولدی و حضرت (ابراهیم) علیه السلام دخی ارفخشد سلاله سندن کلدی سامک التیوز سنه معمر اولدینی مرویدر اسوج نوروج قطعه سنک شمال جهتده مسکون بدوی (لاپون) لره دخی سام تعبیر اولنور .

« سامری » - آثوریلر خلقتك درت بیک سکز یوز سکسان تاریخنده یعنی میلادک یدیوز اون درت سنه مقدمنده ودها صکرة ممالک اسرائیلیه دن آثوریاه طرد و تبعید ایلدکلری سامریه لیلره عودت لرنده ویریلان اسمدر بونلر آثوریاده یتیم سکسان ییل قالب نسل ولسان و اعتقادلری بوزلدیفندن مملکتلرینه عودت لرنده قدس یهودیلری طرفندن تحقیر اولدیلر . و تأسیس و تعمیر معابد

ومبرات کچی امور خیریه و مصالح ملتہ قارشیدرلمدیلر بناء علیه سامریلر دخی قدسلیلرله الفتی قطع و آیین وعادات دینه اجراسی ضمتده قدسه عزیزی ترک ایدوب بیت مقدسه بدل غار یزیم طاعی اوزرنده بر معبد بنا ایلدیلر بو خصوصده آئوریلر طرفندن سامریه والیسی بولنان کمنه نك تشویقی دخی تفرقیه سبب مستقیل اولمشیدی . سامریلر توراتك بش کتابی معناسنی افاده ایدن (پنته پون) نام کتاب ایله عمل ایدرلر و کتب مقدسه لرینی عبرانی لسان قدیمی اوزره و سریانی یه مشابه سامری حروفی ایله یازارلر ایدی اشبو یازی شمدی اك قدیم عد ایدیلان آئاردندر . ایلوم نابلسده مسکون اولان سامریلرک چورالرنده ایکی بیک سنه لك بر تورات شریف موجود اولدینی رای العین مشاهده اولمشدر .

« سامریه » یاخود (سبات) - ارض فلسطینده بر شهردرکه ماناسه غربی نصف سبطنده و افراثم سبطنك حدودی اوزرنده واقع ایدی نابلسدن صکره حکومت اسرائیلیه نك کرسی اداره سی اولدی اشبو شهر خلقتك درت بیک التیوز سکسان ایکی تاریخنده یعنی میلادك طقوز یوز اون ایکی سنه مقدمنده حکمدار یهودا (عمری) طرفندن تأسیس اولنوب خلقتك درت بیک سکر یوز سکسان تاریخنده یعنی میلادك یدییوز اون درت سنه مقدمنده شما نصر طرفندن ضبط و اهالیسی فراتك اوتیه قه سنه طرد ایدیلرک آئوریده کوتا شهرینك اهالیسی ایله اسکان و میلادك التیوز یتش ایکی سنه مقدمنده اسار خادون واسطه سیله مجدداً اعمار ایدندی سامریه خلقتك بشیک اوج یوز طقسان بر تاریخنده یعنی میلادك

ایکوز اوج سنه مقدمنده بیوک انئی یوخوس طرفدن دخی استیلا و نهایت رومالور زماننده یهودیلرک بر اختلالی ائناسنده ضبط و صوک دفعه و قطعی صورتده اوله رق تخریب اولندی .

« سیده سکینه » بنت حسن بن علی رضی الله تعالی عنهم -
 مشار الیهانک تربۀ شریفه لری سوریه ولایت جلیله سی داخلنده کائن
 عکا سنجاغنه تابع طبریا قضاسنک مرکزی اولان نفس طبریانک جهت
 غریبسنده و اون دقیقه بعد و مسافه سنده و جیلک اتکنده واقعدر .
 تربۀ مذکوره مرور و زمانله مندرس اولدینی حالده کچلرده یعنی
 بوندن ایکی سنه مقدم سوریه والی سابق متوفی احمد حمدی پاشانک
 اثر و اقدامیله تعمیر و تجدید ایدلمشدر . مذکور تربۀ دروننده کی
 مرمر طاش اوزرنده عربی العبارة یازلمش و محلی حکومتی اوقاف
 قلنده مقید بولنش اولان اوقاف و قتیله پک مضبوط یانلش ایسه ده
 بو کونکی کونده جمله سی آخرک یدمأ کلرینه کچمش اولدیغندن
 تربۀ مذکوره بو سببدن ناشی الیوم معموریتدن محروم
 قالمشدر .

« سدوم » - ارض کنعانده (عدور) یاخود (عمور) نام
 اراضی وسیعنه ک حاوی اولدینی بش ناحیه در . بو ناحیه لر قرآن
 کریمده (مؤتفکات) لفظیله مذکور اولوب اسملری سدوم و بارع
 و سیاء و ادوم و صاعیردر . حضرت (لوط) علیه السلام خلقتک
 اوچیک بشیوز الی سکر تاریخنده یعنی میلادک ایکیک اوتوز الی
 سنه مقدمندن صکره نواحی مذکوره اهالیسنه مبعوث اولدیسه ده
 اهالی مرقومه مرتکب اولدقلری فحشیاتدن واز کچمدکلری جهته
 غضب الهی یه اوغرایوب مملکتلری خراب و کندولری کاملاً

هلاک اولدیلر . بو مملکتلر الیوم بحر لوط دنیسلان کولک اولدینی
 یرده ایدی ادمیلرک عقبه نام اسکله یه قدر متصرف اولدقلرینه
 وتجارت بحریه ایله ده مألوف بولندقلرینه نظراً مذکور سدوم
 اراضیسینک بحرا حمره قدر ممتد اولدینی حس اولنیور .

« سلیمان » علیه السلام - انبیای عظام بنی اسرائیلدندو
 پدرلری داود علیه السلام ووالده لری انبیای عظام نسلندن
 تسایعدر خلقتک درتیک بشیوز طقسان اوج تاریخنده یعنی میلادک
 بیک بر سنه مقدمنده کوشه ازوایه چکیلوب حکومتی کندولرینه
 ترک ایلدیکندن قرق سنه کمال عدل و داد ایله شرفبخش سریر سلطنت
 اولمش و بو مدت ظرفنده پالمیر (تدمر) و پالوس (بعلبک) شهرلرینی
 بنا و مشهور حیات قبیله سنی اسکان و حوران شهرینی تعمیر و دائرة
 ممالکنی مصر دن فرات نهرینه قدر توسیع بیوروب بحر احمرده اولان
 دونماسیله دخی هند و صوماتره و جاوه سواحلندن بالدفعات غنایم
 کثیره آلمشدر . مشار الیه مصر حکمدارینک کریمه سی و علی روایته
 حمایه سنه دخالت ایچون کلان یمن ملکهمسی (بلقیس) ی تزوج
 بیوردی . بیت مقدسک انشاسی خلقتک درت بیک التیوز اوج
 تاریخنده یعنی میلادک طقوز یوز طقسان بر سنه مقدمنده نهایت
 بولدقده حضرت سلیمان (تابوت عهد) ی آلا ی و آلا ایله صهیوندن
 کتوروب دروننه وضع و تشکراً یکریمی ایکی بیک بقر و یوز یکریمی
 بیک غنم قربان آلمشدر .

« سلیم خان » اول - ملوک عثمانیه دن طقوزنجی پادشاهدر .
 و سلطان بایزید خان ثانینک اوغلی و سلطان سلیمان خان اولک پدری
 اولوب (یاوز) لقبیله ملقبدر . سلطان مشار الیه حضرتلری ده

گنجلکنند و جنکاور لکله شهرت بولش اولدیغندن جلوسیه برابر
 هاهه نك و علی الخصوص عساكر شاهانه لرینك افکاری محاربه ایتمك
 ایچون حاضرلق کورلك طرفنده ایدی میلادك بیک بشیوز اون
 درت و هجرتك طقوز یوز یکر می تاریخنده عجم سفینه کیدوب
 (چالدران) محاربه مشهوره سنی قزاندی و (خوی) و (تبریز) قدر
 ایلر و لیوب حسب الایجاب عودت لری لازمکمله اثنای راهده (بابورد)
 و (کیفی) و (کاج) قلعه لرینی فتح ایدرک درسعاده آمنأ و سالمأ تشریف
 بیوردیلر . و مشهور (ادریس بدلیس) حضرت لرینك واسطه سیله
 کردستان بکلرینك اکثریننی تحت حمایه دولت علیه الی و میلادك
 بیک بشیوز اون الی و هجرتك طقوز یوز یکر می ایکی تاریخنده مصر
 اوزرینه یوریوب حلبده مشهور (مرج دابق) مظفریتنه ناغل اولدقدن
 و (ملاطیه) و (دارنده) و (دوریک) و (عینتاب) و (انطاکیه) و (سیس)
 و (ماردین) و (سنجار) و (اورفه) و (سیوه رك) و (یره جك)
 و (البستان) و (اطنه) و (طرسوس) و (طرابلس شام) و (قدس) کی یوزدن
 زیاده ممالك استیلا ایلد کدن صکره (مصر) ی دخی تسخیره موفق اولدی .
 و قدس شریفده حضرت (داود) و (سلیمان) علیهما السلام طرفلرندن انشا
 ایتدیر یلوب الك صوك دفعه رومالیر طرفدن تخریب ایدیلوبده خراب برحاله
 قالمش اولان معبد قدیمك محله جامع شریف بنا ایتدیر مشلردر .
 مصر محاربه بسنده (مصر حکمداری قانصو و طومانباي ايله
 سرعسکری جانبرد غزالینك غیرت و شجاعتلری دخی انکار اولنه من)
 اولوقت خلفای عباسیه دن اوله رق مصرده بولان ذاتی درسعاده
 کتوروب ایا صوفیه ده رسماً ترك خلافت ایتدیردیکنه و شرفای
 هاشمیه دن بیعت آندیغنه بناءً (خادم الحرمین الشریفین) و (سلطان

الروم والعرب) عنوان مفخرت نشاننه مظهر اولدی اولوقلارده قبضه تسخیرینه کچردیکی یرلردن بریده (جبل لبنان) ایدی . شام شریفک مصالحنی تنظیم صره سنده هجرتک طقوز یوز یکریمی درت سنه سنده (صالحیه) ده مدفون (شیخ اکبر) حضرتلرینک مدفن شریفلرینی بولوب اوزرینه برقه وبرجامع شریف انشا ایتدیرمش وبالذات بر جمعه نمازی قیلدیرمشدر نهایت میلادک بیک بشیوز اون طقوز وهجرتک طقوز یوز یکریمی الی تاریخنده مجارستان سفرینه کیدر ایکن شیر بنجه دن چورلیده متوجه سفر آخرت اولدی سلطان مشار الیه حضرتلری سکر یوز یتمش درت سنه سی صفرینک اون سکرزنده قدمهاده عالم وجود و سعود اوله رق وجلوس هایونلری طقوز یوز اون سکر سنه سی شوال شریفک طقوززنده وارتحاللری طقوز یوز یکریمی الیده وقوعبولوب الی ایکی سنه عمر وسکر سنه طقوز ای سلطنت سورمشلردر . جامع شریفلری جوازنده مدفوندر .

« سلیمان خان » اولدولت عثمانیه دن اوننجی پادشاهدر و سلطان سلیم خان اولک اوغلی و سلیم خان ثانینک پدری در . مدت سلطنتی اولان قرق سکر سنه ظرفنده اون اوچ دفعه بالذات سفره کیدوب زماننده بلغراد و استانکوی وغروس واردین (واردین) و بودین و بغداد و اولونیه و دلولیه و وان و طمشوار و اکری و شهرزور و تونس و ساقز و سکتوار (ژیژت) و زمون و خرسوه کچی اوچیوزدن متجاوز ممالک و قلاع مهمه فتح و استرداد اولندی . و میلادک بیک بشیوز یکریمی الی وهجرتک طقوز یوز اوتوز اوچ تاریخنده یوز الی بیک کشیک مجار اردوسنی مشهور مهاج اووه سنده بوزوب مجارستانی زیر حایه سنه آلدی (بو محاربده .

بخارستان و بوهیاقراالی ایکنجی لوی آخرته عزم راه ایشلدر) و میلادك بیک بشیوز یکر می طقوز و هجرتك طقوز یوز اوتوز الی تاریخنده دخی و یانه بی تحت محاصره یه آلوب ینه ترك ایلدی دیگر طرفدن همیشه بنی و عصیان ییشه ایدن خطه یمانیه اهالیسی حمایه دولت علیه یه کیردی و جزایر امیری (خیر الدین) بك معرفتیه طوغریدن طوغری یه ممالك عثمانیه یه الحاق ایلدی بونلرله برابر برطاقم قوانین و تأسیسات نافع و وجوده کتوریلوب از جمله یکجیری موظف پیاده عسکری اول وقت قانونه باغلانندی . و سلیمانیه جامع شریفی میلادك بیک بشیوز الی و هجرتك طقوز یوز الی یدی تاریخنده بدا ایله سکر سنه ده یابلدی . الحاصل سلطان مشار الیه حضرت تلیرتك عصر فیوضاتنده کوریلان فتوحات هج بر حکمدار زماننده وقوع بولامش بر نصرت بالله ایدی ولادتی هجرتك طقوز یوز جلوسی میلادك بیک بشیوز اون طقوز و هجرتك طقوز یوز یکر می الی وفاتی هجرتك طقوز یوز یتیمش درت تاریخلرنده در .

« سمرقند » یاخود (ماراقاند) ترکستان مستقلده بر شهر در . بو شهر زرافشان نهری قریبنده بخارا خانلقنك ایکنجی شهری اولوب بخارانك ایکیوز کیلومترو بعد شرقیسنده بولنور اون ایکیك نفوسی و برطاقم جوامع و مساجد و مکاتب و بر عدد اسکی سرای ایله تیمورلنك مزارین شاملدر و قیله بوراده (اولغ) بلك یاپدیردینی رصد خانه حالا مشاهده ایدلمکده در . حریرلی کاغد و اقمشه قطنیه و حریریه و معمولات سائره سی بولندینی کبی تجارتی دخی غایت ایشلکدر . سمرقند خلقنك بشیک یوز یکر می طقوز تاریخنده یعنی میلادك در تیوز آتمش بش یاخود سکر یوز سنه مقدمنده ملوک تباعه دن (شمر مرعش)

نام حکمدار معرفتیه بعد التخریب مجدداً انشا اولنه رقی (شمر) نسیه
 اولنوب صکره شین سینه تحویل و (کند) علاوه و کند دخی قنده
 تبدیل اولنخله (سمرقند) نامیله شهرت بولمشدر اشبو انشا اولنان
 شهرک یرنده دها اول (صفد) یاخود (صفدیان) شهری وار ایدی
 بو نام بعضاً ولایتک عمومیه دخی اطلاق اولنور. بوراسی میلادک
 یدییوز اونبر و هجرتک طقسان اوچ تاریخنده امویه امراسندن مشهور
 (قتیه) نام قهرمان فتح ایتدی و بوفتحده ید اسلامه بک چوق غنیمت
 کیردی و میلادک بیک ایکوز یکریمی و هجرتک التیوز اون یدی
 تاریخنده دخی جنکیز خان ضبط ایدوب قتل عام اجرا ایلدی
 و مشهور تیمورلنک زماننده کرسی اداره اتخاذا اولندی اولوقت
 سمرقند هر طرفه کونش کی شعشعه اقبال و شوکتی لامع و یوز
 الی بیکی متجاوز نفوس ایله اوچپوزدن زیاده معابدی جامع ایدی
 مؤخرأ انقلابات چرخ بقرار ایله اون التجی عصردن برو بلای
 انحطاطه کرتار اولمشدر.

« سنان پاشا » - دولت علیه و زراسندن سلطان (سلیمان اول)
 زماننده قبودان دریا اولمش و (سلیم) و (مراد ثالث) و (محمد ثانی)
 زمانلرنده بش دفعه مسند صدارتی احراز ایتمش بر ذاتدر. میلادک
 بیک بشیوز الی بر و هجرتک طقوز یوز الی طقوز تاریخنده
 طرابلس و رفع لوای عصیان ایدن عین و تونس تولیتی تحت اطاعته
 الهرق اهلیت و لیاقتی ارائه و ابراز ایلدی و فاتی میلادک بیک بشیوز طقسان
 بش و هجرتک بیک درت تاریخنده و تربسی در سعادتده صد فیلر
 ایچنده در مشار الیه جداً شجیع و جنکاور اولدینی کی امور ادارهده
 دخی ماهر ایدی مصر و سوریه و اناطولیده و یمنده متعدد جوامع

وخته خانه لری و حمام لری و چارشولری و کارگیر کوپرلر و خانلر و قبولر و درونلرینه سکر اون ایاق زردبان ایله انیلور کیر حوضلری و در سعادته لطفی پاشا و دباغ یونس محله لرنده ایکی مسجد و بشکطاشده بر جامع شریفی واردر مشار الیه حضرت تهرینه قوجه سنان پاشا دخی دیرلر سلطان (سلیمان خان) حضرت لری بو ذاته کریمه سی (مهرماه) سلطانی تزویج بیورمش ایدی .

« سینا » - بحر قلزمك (بحر احمر) جهت شمالیسنده و عقبه و سویش کورفلری بیننده برشیه جزیره در بوکا اراضی* (تیه) و اراضی* (عریش) و اراضی* (سین) دخی دیرلر جبل (طور) بووادیك اوزرنده و اقدر بو طاغك ایکی تیه سی اولوب اك یوکیکی ایکیك سکر یوز اون درت مترو ارتفاعده درکه جوارنده اولان صخره لر بی اسرائیلک بر طاقم اسکی یازولریله منقوش کورینور حضرت (موسی) علیه السلام مصردن چیقده نصرکه قومیه برابر اوتوز سنه بووادیده آرام ایتش و (جناب حق) حضرت مشار الیهی جبل مذکور اوزرنده قرق کون شرف خطاب ایله کامیاب بیورمش ایدی .

حرف ش

« شام » - سوریه ولایت جلیله سنك مرکز اداره سیدر بو شهر (برده) نهری اوزرنده و استانبولك جنوب شرقیسندن بیک بشیوز کیلومترو مسافده واقع اوله رق اوتوز بیک عیسوی بش بیک موسوی و قصوری اسلام اولق اوزره ایکوز بیک نفوسی جامعدر . داخل و خارجی غایت کوزل اولوب بر چوق چشمه و منتظم قالدیرملری کوچك و بیوك ایکوز اوتوز طقوز جامع و اون تکیه

و او تونز مدرسه ویکرمی الٹی کلیسا ایله حورا و چارشولری والی
 سکر قدر حاملری و غایت جسم و اروشلری وارد و قتیله چلیک
 و قلیچ و سلاح فابریقه لری مشهور انام ایدیسه ده تیمورلنک چلیک
 اعمال ایدن عمله یی بخارایه قالدیردیغندن اعمالات مذکوره سی
 بالآخره سکنته دار اولدی . الیوم صدقلی طوغرمه جی ایشلری
 واقشه حریره و قطنبه سی و کشمیر وکل یاغی و عطریات سائره سی
 معتبر اولوب اهالی یو یوزدن مطلوب وجهله تجارت ایتکده و مکه
 و بغداد جهتلرینه جسم کاربانلر کلوب کیتکده در . شام غایت قدیم
 بر شهر اولوب و درون و بیرونی لایعه مراقده انیا و اولیای حای
 اولغله مشهور در . جوامع شریفه ایچنده وسعت و انتظامی جهتیله
 اک زیاده شهر تشعار اولان جامع امویه نک شرفنده کائن مناره یه
 آخر زمانده (عیسی) علیه السلام نازل اوله جفی اعتقاد ایدلمکده و مناره
 مذکوره نزدنده بولنان بر طاش دخی (موسی) علیه السلام عصاصیله
 ضرب ایدوب بطریق المعجزه کندوسندن اون ایکی کوز صو نبغان
 ایدن طاشک بر پارچه سی اولدینی روایت اولغنده در . جامع
 مزبورک باب الساعات تسخیه اولنان قیوسی جوارنده بر صخره عظیمه
 وارد روایت کوره قدیمده صخره مزبوره اوزرینه ذبح ایدیلان
 قراین وضع اولنوب مظهر مقبولیت ایسه سمدن بر آتش اینه رک
 احراق ایدر ایدی . شامده جبل قاسیون (صالحیه) دنیلان طاغده
 هابل بن (آدم) علیه السلام موضع دمی اولق اوزره طانتش اولان
 مغاره اهالی شام عندنده طلب حاجات و دعوات ایچون غایت متین
 و مجرب در و فی الواقع محل مذکور لطیف و شریف و هیبت و جلالتله
 مشحون بر زیارتگاهدر (یحیی) بن (زکریا) علیهما السلام و والده سی

بوراده قرق سنه اوتورمشلر و (عیسی) علیه السلام وحواریون اوراده عبادت بیورمشلردر جبل مذکورک اتکنده واقع نهر یزید نام ایرماخی یزید بن (معاویه) بن ابی سفیان حفر ایتدیردی . شامده آثار قدیمه دن اولمق اوزره صالحیه ده (برزه) نام محله منشق بر موقع اولوب حضرت (ابراهیم) علیه السلامک شام ملک غرودک لندن بوراده احتفا بیوردینی منقولدر .

« شعیب » علیه السلام - اصحاب ایکه دنیلان (مدین) اهالیسنه مبعوث بر یشمیر دیشاندر نسب عالیرلی حقنده اختلاف و قوعبولوب بعضیلر شعیب بن صفوان بن غابر بن ثابت بن مدین بن ابراهیم دیهرک نسبی حضرت ابراهیم علیه السلامه ایصال و بعضیلری دخی ابراهیم اولادندن اولیوب مشار الیه ایمان وائنائی هجرتده مرافقت ایدنلردن بر ذاتک نسلی اولدیغنی روایت ایدرلر . (خاتم النبیین) افندمر حضرت شعیب حقنده (خطیب الانبیاء) بیوررلر ایدی تورات شریفده اسمی (یثرون) لقبی (میکائیل) در موسی علیه السلام مصردن (مدین) هجرتلری زماننده مشار الیهک کریمه سی (صفورا) یی تزوج بیوروب مدت مدیده برلکده بولنشلردر . حضرت شعیب قومی اولان اصحاب ایکه پت پرستلکه موصوف و دائماً قطع طریق ونهب غارتله مالوف اولدقلرینه مبنی (فاسقط علینا کسفاً) آیت کریمه سی مدلولنجه خلقتک اوچییک طقوز یوز اوتوز طقوز یاخود اوچییک سکر یوز اون ایکی تاریخنجه یعنی میلادک بیک التیوز الی بش سنه مقدمنده حرارت شمس و جرکت ارض ایله هلاک اولدیلر .

« شمسون » - شبعان بنی اسرائیلدن بر مشهور کیمسه درکه

بهاردرلنی سایه‌سندم قومی فلسطین حکومتک قرق سنه دوام ایدن
 بلیه طاقتکدار حکم واسارتدن وارسته انلش و بنا برین خلقتک
 درت بیک اوچوز سکسان ایکی یاخود درت بیک درتیوز یکرمی
 اوج تاریخنده یعنی میلادک بیک ایکوز اون ایکی سنه مقدمده
 عتاکش اشهب ریاست اوله‌رق وفلسطینیلرله ده‌بر چوق زمان
 میدان حرب ووغاده یاریش ایدرک اکثرنده حائر قصب السبق
 اولش ایسه‌ده اک صکره آجدینی بر محاربه‌ده حریت ملیت اغورینه
 اسیر دوششدر . مومی الیه اول وقت (شمسون الحیار) دیتمکله
 کسب اشتهار ایتشیدی . مدت حکم و ریاستی یکرمی سنه‌یه منتهی
 اولدینی منقولدر .

« شموئیل » علیه السلام - انبیای بنی اسرائیلدندر خلقتک
 درتیک بشیوز ایکی تاریخنده یعنی میلادک طقسان ایکی سنه مقدمده
 جمهور بنی اسرائیل ریاستی عهدۀ استیالنه آووب اون اوج سنه ضبط
 وربط اموره بذل همت ایلدیسده بنی اسرائیل ارتق ادره
 جمهوریه دن اوصاندقلرینی بیانله ایچلرندن برینک ملک انتخابی رجا
 ایلدکلرندن مشار الیه با وحی آلهی شاوول یعنی (طالوت) ی
 انتخاب واجلاس ایدوب فقط شاوول بر مدت صکره مشار الیهک
 رأی وتدیر ونصایحنی عدم اصغایه باشلادیغنه بناء کزلیجه (داود)
 علیه السلامی یرینه انتخاب وشاوولک عمالقه محاربه‌سندم مقتولاً
 وقوع وفاتی اوزرینه سریر شاهی‌یه اقعاد ایلدی . شموئیل علیه
 السلام سبط نبوت لاویدن (حنا) اسخنده بر خاتوندن زیو و آرای
 مهد وجود اوله‌رق قرق یاشنده سلك جلیل انبیایه التحاق ایشدر .
 نام عالی‌ری بعضاً الف الیه (اشموئیل) دخی یازیلور مدفن شریفلوی

ارض فلسطينده قدس شريفك طرف شماليسنده واون يدي بچق
كيلومترو بعد و مسافه سنده كائن بيتن قريه سي جوارنده در .

ح ر ف ص

« صالح » عليه السلام - قوم غوده مبعوث انبياي عظامندور
نسب شريفلى اوتيجى بطنده (نوح) عليه السلامه واصل اولور قومي
استدكلى معجزه يي كوردكلى حالده انكارلرنده اصرار ايلدكلرندن
دوچار غضب آلهى اولديلر بنا برين اولجه كندوسنه عرض ايمان
واتقياد ايتمش اولان (جندع) قيله سي خلق و سائر مؤمنين ايله
قالقوب حضرموته هجرت ومؤخرأ (مكة مكرمه) عودت ايدرك
خلفتك اوج بيك ايكوز اللى اوج تاريخنده يعنى ميلادك ايكيك
اوجيوز قرق برسه مقدمنده اوراده دار بقايه رحلت بيور مشلره در .
بر روايتده قبرى فلسطينده در . مشار ايله صبح الوجه متاسب
الاعضا و فصيح اللسان بر ذات ايدى . بو عالمده ايكوز سكسان سنه
معمر اولدينى حالده بر معمور مقامده اوتور مامشدر . شريعتى
حضرت (نوح) عليه السلامك شريعتنه موافقدر . صنعتى تجارت اولوب
عبادتدن فارغ اولدقجه انكله اشتغال بيورر ايدى .

« صخرة الله » - قدس شريفده زيارتگاهدر (داود) عليه السلام
شرف نبوت و منصب خلافت ايله مشرف اولدقده بنى اسرائيلك
قبة الشهادة و تابوت عهدى بيت مقدسه نقل و برخيمه مخصوصه اعمال
ايدوب صخرة اللهك اوزرينه قويدى وقبة مذكوره كالاول قبله
اتخاذ اولندى بعده حضرت داود صخرة اللهك اوزرينه مسجد
بناسنه باشليوب اوغلى حضرت (سليمان) تكميل ايلدى ومؤخرأ

بخت نصر مسجد مزبورى هدم ايدوب بنى اسرائيلك اطلاق
اعاده سندن صكره حضرت (عزيز) معرفتيله ينه انشا اولندى ورومالير
معرفتيله بردها تخریب اولوب دين مسج تقرر ايدنجيه قدرگاه تعظيم وگاه
ترك ايدلدى وایمپراطور بيوك (قسطنطين) زماننده دين مسج دين رسمى
حكمنه كيرد كده ایمپراطور مشار اليك والده سى (آلن) ميلادك
اوچيوز اون درت تاريخنده قدس شريفه عزيمتله صليبي طبراق
ايچنده بولدى چيقاردى و حضرت مسيحك قبرى اولمق زعيميله اورايه
قيامه كليسا سنى بنا ايتد كد نصكره بنى اسرائيل وقتنده مبنى اولان
عمارت يتدن بولدينى بنايى تخریب و ذكر اولان طبراق و انقاض
صخرة الله اوزرينه دو كديره رك مكاتى ستر ايلديسه ده حضرت
(عمر) رضى الله عنه فتح بيت المقدس ايچون بالذات سفر وعقيب
فتحه صخره ي سؤال ايدوب خبر ويرد كرنده در حال تطهيرى
واوزرينه بر مسجد بناسنى امر ايلدى .

« صفين » - اورفه شهرينك يوز اوتوز كيلومتر و جنوب
شرقيسنده و فراك شرق جهتده واقع (دير) شهريله طوزله
آراسنده بر موقعك اسميدر ميلادك التيوز اللى يدى و هجرتك اوتوز
يدى تاريخنده امام (على) كرم الله وجهه حضرتلى ايله شام واليسى
حضرت (معاويه) بيننده اولان محاربه مشهوره بوراده وقوع بولمغله
تاريخچه بعض مرتبه اهميت قزانشدر .

« صنعا » - جانب شرق جوييسنده (جبل نفم) وجهت
غربيه سنده (عصر عقبه سى) اولدينى حالده جنوبدن شماله طوغرى
متد اولان بر اووه نك وسطنده واقع بر شهر قديمدر (اون بش
درجه يكرمى ايكي دقيقه) عرض شماليده و (اوتوز ايكي درجه قرق

درت دقیقه (طول شرقیده در . بیک ایکوز سکان سکر سال
رومیی نساننک اون اوچنی بنجشنه کونی اهلینک دعوت
واستقبالی اوزرینه غازی (احمد مختار) پاشا حضرتلری بلا حرب
صنعايه کیرمشدر .

تاریخلرک روایتنه نظراً طوفاندن صکره نوح علیه السلامک اوغلی
سام صنعایی بنا ایتمک ایستیوب موقع حاضرینه قریب (الضبر) نام
محل تنسیب و مساحه سی طرح و تقسیم اولنش ایسه ده مؤخرأ صرف
نظر اولنورق شمدیکی محله ده بنا اولنش وابتدا صنعانک وسطنده
واقع (بئر سام) حفر و آنی متعاقب (قصر غمدان) بنا ایدلمشدر .
قصر غمداندن الیوم بر اثر اولیوب یالکر خرابه جسیه سی التده
تملرینک موجود اولدیقی روایت ایدیورلر . صنعانک اسمی
(وقت جاهلیت) ده سام بن (یقطنک) اوغلو (ازال) ک اسمنه
منسوباً (ازال) ایدی . صنعا تسیمه اولنسی وقت جاهلیتدن صکره در
جمله سی کار کیر اولمق اوزره بشیک قدر خانه یی مشتملدر . شکل
خارجیلری مزین و مکمل کورینورسه ده تقسیمات داخله لری اولقدر
منتظم دکلدر .

داترا مادار سور و برجلر ایله محاطدر . تخمینا یکرمی ایکی بیک
نفوس اسلامیه یی وایکی بیک قدر موسوی یی جامعدر . وحوالیسند
موسم شتاده صولر انجماد ایدر . صنعاده فواکه و بساتین کثردر .
اوزوم . ایوا . شفتالی . ارمود . آکشی لیون . طاتلی لیون . اغاج
قاوونی . تورنج . قارپوز . قانون . انجیر . نار . توت . اریک .
زردالی . الما . بادام . قایسی . جویز . وسائر فواکه وهر نوع
(سبزه وات) بولنور .

وسطنندن (غیل الاسود) نامنده بر صو جریان ایدر . سکنه سی
 بو صودن ایچمیبوب قیو صوی ایچرلر . قیو صولرینک اک طاتلیسی
 (سنان) پاشا قیوسنک صوییدر . چارشوسی غایت بیوکدر . جسم
 خانلر . اوتوز قدر بیوک کوچک جامع شریف . یکر می قدر حمام .
 موجوددر .

اشبو جامعلردن (جامع کیر) مسما سنه مطابق اوله رق جسم و منتظم
 اولان جامع شریفدر که روایت کوره خلفای عباسیه جانبندن ینده عامل
 بولنان (محمد بن یعفر) ایفای فریضه حج ایچون (مکه مکرمه) یدوب
 بعد الحج صنعایه کلد کده (حرم شریف) طرز و شکنده اوله رق
 هجرتک ایکیوز اتیش بش تاریخنده بنا وانشا ایتدیرمشدر . تاریخلرده
 مقید اولدینی اوزره بولردن بعض جوامع و مدارس ایله بر بیوک
 حمام هجرتک طقوز یوز قرق سکر و طقوز یوز طقسان سکر
 تاریخلرنده ینه کیش اولان عثمانلیلر طرفندن بنا وانشا ایتدیرلمشدر .
 صنعایه اوچ چاریک مسافده واقع (روضه) وایکی بیق ساعت
 مسافده کائن (وادی ظهر) و بر بیق ساعت اوزاقلغده
 (حده) نام قریه لر صنعانک تفرجکاهییدر . اهالیدن ثروت
 و سامان صاحبی اولانلر موسم صیفده قرای مذکوره دهکی
 صیفه لرینه نقل ایدرلر .

« صور » - فیکه ده ایکی شهرک اسمی اولوب بریسی صیدانک
 ساحل جنوبیسی اوزرنده دیکری جوارنده واقع جزیره ده بولنور
 برنجیسی میلاددن بیك طقوز یوز سنه مقدم تأسیس اولنوب میلادک
 بشیوز یتیش ایکی تاریخنده بخت نصر طرفندن تخریب اولنش
 وایکجهیسی مملکتلرینک دوچار اولدینی یغما و قتل نفوسدن ده

بولق اوزره جزیره مزبوریه التجا ایدن سورلیلر طرفندن انشا
 قلنشدور . سورک شمالاً صیدایه وجوباً مصره متوجه ایکی لیانی وار
 وسورلری غایت مستحکمدور . جزیره یی قره دن تفریق ایدن بوغازک
 عرضی تقریباً اوچ کیلومترو اولدیفندن ضبط ممتعدور . بوراسی
 وقته اکه زنکین بر دولت طرفندن تشکیل اوله رق قوهٔ بحریه جه
 دخی فوق الغایه ایلرولدیکندن (مملکه البحور) نامی ایله شهرتشار
 اولمش ایدی اول وقت تجارتی دخی بحر اطلاسی به قدر ممتد اوله رق
 دنیاده کوچک بیوک هر بر غوایلدن وارسته بولنشدی باخصوص
 قرالری بیننده معروف اولان (حیرام) نام قرال حضرت سلیمان
 ذیقیمت کراسته اعطا و (اورشلیده) یعنی (قدس) شریفده بولنان
 معبدک انشاسیچون کافی درجه عمله اسرا ائلشدور . سورک میلادک
 بشیوز یتمش ایکیدن بشیوز الی درت سنه مقدمنه دکی اولان
 مدتدن ماعدا وقلرده شکل وحکومتی مستقل ایدی . آتور حکمداری
 اولان صلا نازاره قارشو صوری مظفرانه وقایه ایدن (رالیله)
 واون اوچ سنه محاصره دن صکره بخت نصر طرفندن ضبط ایدلدیکی
 ائنهاده حکمدار اولان ایکنجی (اینوبال) سورک اکه مشهور
 حکمدارلرندن ایدی . صوری یدی آی محاصره دن صکره ضبط
 ایدن مشهور اسکندر دخی غایت بیوک بر بند ایله جزیره یی قره یه
 وصل ایلدی . برچوق سنه لردن صکره دیمتریوس پولیقرنک پدری
 اولان (انتیفون) زماننده اون درت آی قدر بر محاصره ده
 کوره رک اول وقتدن برو سوریه یه التحاق ایتدی خلقتک بشیک درتیوز
 التمش طقوز تاریخنده یعنی میلادک یوز یکر می سنه مقدمنده سورلیلر
 بالنفس قانونلری واسطه سیله اداره اولنلق مآذونیتی سوریه

حکمدار لرندن تحصیل ایلدیلر بوزمان سوریه ده مستعمل اولان تاریخه صور تاریخی دنیلور ایدی بوشهر سوریه ایله برابر رومالوره کچوب مؤخرأ عربلر و صکره میلادک بیک بشیوز اون یدی و هجرتک طقوز یوز یکریمی اوج تاریخنده دولت علیه عثمانیه طرفندن ضبط اولندی . الیوم سوریه ولایت جلیله سی داخلنده بیروت سنجاغه تابع ونفس بیروتک جنوبنده ویتش کیلومترو بعد و مسافه ده اونر بیک یتش سکزی اسلام باقیسی خرستیان اولق اوزره اون اوج بیک یتش درت نفوسی شامل بر قضا مرکزیدر .

« ضهیون » یاخود (سییون) - سوریه ولایت جلیله سی داخلنده لاذقیه سنجاغه تابع ونفس لاذقیه نک اوتوز کیلومترو بعد شرقیسنده واقع اوله رق وضعیت و جسامتی جهتیله مناعتی قابل تعریف اولیان بر قیا اوزرینه منی بولنان قلعه سی تقسیماتجه واجب الزیاره در . الیوم یدی بیک یوز اون سکزی اسلام ودرت یوز التمش بری خرستیان اولق اوزره یدی بیک بشیوز یتش طقوز نفوس شامل بر قضا مرکزیدر . (داود) علیه السلام ایام حکومتده (تابوت عهد) ی یعرم قریه سندن بو قلعه یه کتوروب حفظ ایلش و صکره مخدوملری حضرت (سلیمان) علیه السلام بیت مقدسی اکالدن صکره اورایه نقل ایتش ایدی . بوراسی اولوقت کبرای بنی اسرائیلک مدفن اولق حسبیله حضرت (سلیمان) علیه السلام دخی بورایه دفن اولنمشدر . بوکا شهر (داود) دخی دنیلور .

« صلاح الدین » ایوبی - دولت ایوبیه مؤسس ابو المظفر (یوسف) نام جلا دتسماتدر . مصرده ملوک فاطمیونک آخری بولنان سلطان (عاضد الدین الله) طرفندن وزیر انتخاب اولنش و ذریت

براقفسزين وفات ايدن عاضددن صكره بالفعل جالس مسند حكمداري
اوله رق كندو نامنه دولت ايوبيه يي تشكيل انلش ومصر قطعه سي
ايرانيلرك اداره سندن مشار اليه انتقال ايتشدر . ديكر
طرفدن بوانئاده وفات ايدن سلطان (نورالدينك) مخدومي وولى عهدى
ملك (صالح اسماعيل) دها صبي بولنديفندن (صلاح الدين) وصى
صفتيله . شام . وموصل سلطانلقرينى دخى يد اداره سنه ايتشدر .
سلطان (صلاح الدين) بو وجهله حكومتى تحكيم وتامين انلش واون
بش سنه اهل صليب ايله پياي محاربه لر ايدرك حلب . حما . حمص
. طبريه . لازقيه وميلادك بيك يوز سكران يدى وهجرتك بشيوز
سكران اوچ تاريخنده قدس قراليتى اوزرينه هجوم ونائل اولدينى
متعدد مظفريتلردن صكره قدس شريفى دخى فتح ايدرك قدس
قراليتى اورته دن قالديرمشدر . صلاح الدين مظفراً قدسه داخل
اولدينى وقت خرستيانلره امتثالاً قتل عام اجرا ايتيوب بالعكس
على العموم خرستيانلره وخصوصيله اسير ايديلان قدس قرالى
(نغوى ده لوزينيان) ايله سائرلرينه بك زياده حرمت ورعايت ايتشدر .
قدس خرستيانلرى مؤخرأ مسلمانلر عليه عروق اهل صليبي تحريك
وقدسى تخليص امنيه سيله حضرت (عيسى) عليه السلامك بر عرب
النده دو كيلور كچي شان مليه كران كله جك بعض فساد آميز
رسملريني چيقاره رق اوروپايه كوندربلرى اوزرينه عموم عيسويلر
ياس وكدر ايچنده قاله رق هپ براغزدن براهل صليب دها طلب ايتكه
باشلامشلردر . بونك اوزرينه فرانسه . انگلتره . المانيا بررجسيم
اردو ايله قدسى قورتارمغه كلديلسده محضا مشار اليه صلاح الدينك
غره حسن تدبير وغيرتى اوله رق هچ بر ايش كوره مبوب كلدكلى

کبی کتیدیلر . صلاح الدین مؤخرأ یمن ونوبه طرفلریخی دخی
بالاستیلا اولخوالیده تشکیل ایلدیکی بنی ایوب حکومتته امناسندن
برینی وکالتله کوندرمشدر وفاتی میلادک بیک یوز طقسان اوچ
وهجرتک بشیوز سکسان طقوز تاریخنده وقبری شام شریفده جامع
اموییه قریبنده کائن تربه مخصوصنده در .

﴿ حرف ط ﴾

« طبریه » - طبریه کولتک ساحل غریسی اوزرنده وشامک
یوز بش کیلومترو جهت غرب جنوبیسنده وعکانک قرق بش کیلومترو
شرق جنوبیسنده والیوم سوریه ولایت جبلهسی داخنده کائن عکا
سنجاغنه تابع بر قضا مرکزیدر . شهر مذکورده اوچ بیک التیوز
سکسان دردی اسلام ویوز طقسان بشی خرسیان والتیوز طقسائی
یهودی اولق اوزره درت بیک بشیوز التمش طقوز نفوس ایله
بیوک وکوجک اونبر جامع وبش کلیسا و اوچ حورا واردر جوانب
اربعمسی عتیق بر سور ایله محاطدر . جوارنده بر طاقم معدن
صولری واردر . طبریه میلادک اوتوز درت تاریخنده روما
ایمپراطوری (تیسر) نامنه اولق اوزره قدس شریف حاکمی (آتی
پاتری) طرفندن تأسیس ایدلمشیدی . میلادک یتمش تاریخنده
قدس شریفک خرابیتی اوزرینه موسویلر (میسشینا) بی تحریر
ایدن مشهور بر جمعیت علیه بی بوراده تشکیل ایلدیله (قسطنطین)
زماننده بسقیوسلغه تحویل اولندی . میلادک بیک یوز سکسان یدی
وهجرتک بشیوز سکسان اوچ تاریخنده سلطان (صلاح الدین ایوبی)
(لوزینیان) نام قدس شریف قرالتیه بوراده غلبه ایدوب قدسی

ضبط ایلدی اردن نه‌ری شمالدن جنوبه طوغری بوملکتک اوکندن کچر
طبریه کولی طولایکرمی و عرضاً اون کیلومترو وسعتده اولوب
مقدما نامنه (ژنه‌زاردن) دینور ایدی حضرت (عیسی) علیه
السلام اکثر معجزاتی بو کول جوارنده اجرا بیورمشلردر .
طبریه‌ده (شعیب) علیه السلام و (سیده سکینه) و (معاذ ابن
جبل) و (نصرالدین طیار) حضرتک مقامات عالیله‌ری
واردر .

﴿ حرف ع ﴾

« عاد » - عوض بن ارم بن سامک اوغلیدر قبیله‌سی دخی
بو نامله یعنی عاد اولی نامیله شهرت بولدیسه‌ده کندوسنک نسلی
منقطعدر . اشبو عاد اولی قومی جزیره العربده حضر موت
وشحر وبلاد احقافده متوطن وقر پرست ایدیلر . ابتدای
ظهورلری خلقتک ایکیییک بشیوز تاریخی یعنی میلادک اوچییک
سنه مقدمی ظن اولنیور . مبعوث الیهلری اولان (هود) نبی علیه
السلامی انواع جور و جفایه دوچار و معجزات علیه‌لرینی رد وانکاره
اجتسار ایلدکلرندن حکمدارلری شداد زماننده خلقتک اوچییکه
قرق درت تاریخنده یعنی میلادک ایکیییک بشیوز الی سنه مقدمند
اون اوچ قبیله خلقی کاملاً غضب آلهی‌یه کرفتار و حیاتده قالان سائر
قبائل ایسه باجمعهم تار ومار اولدیلر . مؤخرأ اشبو قبائل متفرقه‌دن
اقبال عین ظهوره کلوب اکرچه بونلر بر مدت مصر طرفلرنده
دخی اجرای حکومت ایلدیلر سده چوق سورمیوب اورالردنده
دفع وطرده اولندیلر .

« عباسیه » - میلادک یدیوز قرق و هجرتک یوز اوتوز ایکی تاریخنده دولت امویه نك انقراضیله یرینه قائم اولان دولت جدیده اسلامییه نك نامیدرکه مؤسس ابا مسلم خراسانی نام قهرمان شها متغواندر . بو قهرمان دولت اموییه یی محو و منقرض ایتدکن صکره عم رسول حضرت (عباس) سلاله سندن ابو العباس (سفاح) ی عراقده سریر خلافته اجلاس الیشیدی . دولت عباسیه دن کلان خلفا الی الی نفر ذواتدن عبارت اولوب بونلردن اوتوز یدی نفری تاریخ مذکوردن میلادک بیک ایکوز الی سکر و هجرتک التیوز الی الی الی تاریخه قدر عراقده و اون طقوزی هجرتک التیوز الی طقوز سنه سندن میلادک بیک بشیوز اون یدی و هجرتک طقوز یوز یکر می اوج سنه سنه دکی ن مصرده متعاقباً جالس تحت سلطنت اولمشلردر . (راضی بالله) دن صکره کلان بغداد خلفاسنک سلطنتی اگرچه بعض امرا و افراد عسکریه تغلیله همحال انقراض اولدیسده اقتدار روحانیلری زوال بولیوب ینه رسماً تحت اجلاس اولنورلر و امیر الامرا طرفندن منصوب ولاتی حضورلرینه قبول ایدرلر و حمایه ده اولان حکومات متجاوریه یازیلان فرمانلری امضالارلر ایدی .

« عبدالرحمن » ثالث بن محمد المقتول - اندلس مشاهیر ملوکندندر میلادک طقوز یوز اون ایکی و هجرتک اوجیوز تاریخنده جلوس و میلادک طقوز یوز التمش بر و هجرتک اوجیوز الی تاریخنده وفات ایلدی غایت عاقل و فاضل دلاور تبعه پرور بر پادشاه معارف اکتناه ایدی مدت سلطنتی اولان الی سنه ظرفنده داخلا و خارجا هر بر غوائل سلب و رفع و انواع وسائل اسایش و مدینتی بمالکنه

جلب و جمع ایله حطه انداسی طرف طرف شمشه پاش انوار فیض و شرف ایلدی .

چین وفاتنده جندن چیقان بر ور قپاره ده کندو خط دستيله (بن الی سنه حکومت سوردم وهر تشبنا تمده نائلیت وهر مقاصدمده موفقیت کوردم لکن بو مدت ایچنده غائله سز کچن عمرم یالکر اون درت کوندن عبارتدر) .

کلام رقت انجاسی محرر بولندیفندن هر کس اوقویوب انکشت بر دهان حیرت اولمشدر . غرناطه ده التیوز بیک کتابی جامع اولان مشهور کتبخانه ایله مدینه الزهرا نامنده بر قصر دلارا یابدیرمیشیدی که حقیقه هر ایکسی ده نوادر روزکار اطلاقنه سزاوار آئاردن ایدی . اشبو قصر درت بیک اوج یوز عدد ملون هر مرستون اوزرینه مؤسس اولوب یدی بحق ملیون دینار صرفيله بش سنه ده اکمال اولندیفی و مشار الیهک وفاتند نصکره خزینه سنده بر مليار التون بولندیفی توارینخده مقیددر .

« عبد القادر » - جزایر ده اوران ولایتده (ماسقاره) قبیله سی شیخی ایکن عربلربونی متصف اولدیفی شہامت و شجاعتنه مبنی کندلروینه امیر نصب ایتمشدر در فرانسزلرک جزایری استیلا سندن صکره کلیتو عسکر ایله کلوب فرانسزلی کرکی کبی پریشان واون درت سنه قدر کمال جلادت و مظفریتله اعلائی ناموشان ایلدیکی حالده میلادک بیک سکر یوز اوتوز بش و هجرتک بیک ایکوز الی بر تاریخده فرانسز جزالرنندن مشهور (لامورسز) یديله جربا طوتیلوب ایکی سنه صکره (تافنا) معاهده سی موجبجینه امارتنده ابقا اولندیسه ده درت سنه صکره تکرار اخذ و گرفت

وفرانسده بش سنه توقیف اولندی ومؤخراً یعنی میلادک بیک سکر یوز قرق یدی وهجرتک بیک ایکوز الشمس درت تاریخده طلیله ممالک دولت علیه کوندریلوب براز مدت بروسده و صکره شام شریفده اقامت ایدلدی . وشامده اجل موعودیله وفات ایدرک صالحیهده محی الدین عربی حضرتلرینک یانلرینه دفن ایدلمشدر .

« عبد المطلب » بن هاشم — جد امجد جناب پیغمبری اولوب اسمی شیه الحمددر یونام حین ولادتده وسط رأسده کوریلان بریاضغه مبنی ویرلمشدی مکده بشیوز بیلدن بری مدفون اولان ماء زمزمی اظهاره مظهر اولدی و درون بژده مکنوز دقاین جرهمی چیقاروب باب کعبهیه صرف ایدلدی . اون ایکی اوغلی والی قزی اولمشدر اکبر ابناسی واصغری جناب (عبدالله) که پدرعالیقدر حضرت نبویدر . مدت عمری یوز قرق سنهیه بالغ اولوب سن نبوی سکرده ایکن وفات ایدلدی کینهسی ابوالحارث و ابو البطحادر .

« عبرانی » — جزیره دن فراتی عبور ایدن اولاد سام یعنی بنی اسرائیل نام مخصوص اولمشدر حضرت (نوح) ک اولاد واحفادی تکثر وتفرق ایندکلی زمان بر طاقی دخی مصر قطعهنه کلوب نیل نهری کنارنده اسکان وعبری تکلم ایدیلر . لسان عبرانینک (عابر) بن (شالح) علیه السلام لسانی اولمسی دخی مأمولدر . سلطنت عبرانیه حکام بنی اسرائیل ودولت اسرائیلیه ویهودیه وبنی حشمانی وهرادسه فاملریله بر قاج سلاله اوله رق بیک یدیوز سنه قدر امتداد ایتمش واک صکره رومالولرک ایقاع ایلدکلی محاربات متوالیه سببیه منقرض اولمشدر . بر روایتده قبائل عربانندن وقتیه یئنده ساکن اولان جرهم قبیلهسی دخی لسان عبرانی اوزره تکلم ایدرلر ایدلی .

« عزیر » علیه السلام - نبوتی مختلف فیہ فضلای بنی اسرائیلندرد بایله نفی اولنان معتبران قدس ایله برابر کیدوب خلقتک بشیک یوز یکر می طقوز تاریخنده یعنی میلادک درتیوز التمش بش سنه مقدمده بقیه بنی اسرائیل ایله قدسه عودت ایلدی یهودیلر بایلدی ایکن خط کلدانی یه الیشوب خط عبرانی بی فراموش و نسخ توراتی ضایع ایندکلرندن مشارالیه حضرتلری تورات شریفی حفظندن قرآنله یهودیلره بیلدکلری خط کلدانی ایله ضبط و تحریر ایندیردی . و صکره حضرت (شعیا) نک کندی دست خطیله یازلمش اولان توراتی مسجد اقصی ده بر دیره کک التنده واقع صندوق درونندن چیقاروب تطبیق ایندیردکده یهودیلر هیچ برفرق کوره مدکلری جهتله حضرت عزیرک بو وجهله توراتی اونونقایشنه کمال تعجیلرندن (هذا ابن الله) دیدیلر و کافر اولدیلر .

« عسقلان » - قدس شریف سنجاغی داخلنده یافه قضا سنک الی کیلومترو مسافه سنده و غرب جنوبیسنده و ساحل بخرده بر شهر در . بوراسی وقتیه فیکه لولرک باشلیجه شهرلرندن ایکن یهودیلره کچوب (هراقلیوس) معرفتیه توسیع اولمش و معموریتجه اینکی درجه ده بولنان قصبه لر صره سنه کتورلمش ایدی . صکره لر ی یعنی میلادک بیک یوز یتمش التی و هجرتک بشیوز یتمش ایکی سنه سنده سلطان (صلاح الدین ایوبی) و (اهل صلیب) محاربه لرنده ضبط و استرداد یوللو کشن مکشن تقبانه اوغرامغله بسبتون خرابه یوز طوغش و شمعی بر ناحیه حکمنده قالمشدر .

« عکا » - قدس شریفک یوز قرق و یافه نک یوز یکر می کیلومترو غرب شمالیسنده و ساحل بخرده یکر می یدی بیک نفوسی وایکیبیک

یوز التمش خانه و طقوز یوز طقسان دکان و خان و مغازه و سائر کوچک و بیوک اونیبر جامع ایله الی کلیسا و ایکی حورا واردر . شهر مذکور الیوم سوریه ولایت جلیله سی داخلنده بر سنجاق مرکزیدر . و قنیه قلعہ سی کبی لیمانی دخی مشهور ایدیسده صکره دن طولش اولدیفندن مخالف هواده سفینه لر حیف اؤکنده و خلی آچقده طور لرر . عکا صلیون محاربه لرنده پک چوق هجومه مقاومت ایتش و میلادک بیک اون درت و هجرتک درتیوز بش تاریخنده اجنیلر الیه کچوب ینه استرداد اولمشدر متعلبه مصریه دن طاهر و عمر و جزار نام ذوات بر مدت معینه ونیم استقلال ایله بوراده اداره حکومت ایلدیلر . و میلادک بیک یدیوز طقسان سکر و هجرتک بیک ایکوز اون اوج تاریخنده فرانسه جنرالی (بوناپارت) التمش درت کون محاصره ایدرک بیهوده بر چوق تلفات ویردکنصکره ضبط ایلدیسده درون شهرده طورهمدی و میلادک بیک سکر یوز قرق و هجرتک بیک ایکوز الی الی تاریخنده دولت علیه مخلفنده بولنان مصر و الیسی (محمد علی) پاشا یدندن قور تارلمق اوزره انکلیرلر طرفندن طوبه طوتیلوب بر جهتی منهدم اولدینی حالده اخذ و تعمیر ایلدی . بوراده (صالح) علیه السلام و (ابو عتیه) رضی الله عنها حضراتنک مقامات عالیه لری واردر .

« علی » - بن ابو طالب رضی الله عنه خاتم خلفای راشدین و داماد جناب سید المرسلیندر حضرت (عثمان) رضی الله عنهمک وقوع شهادتی عقینده یعنی میلادک التیوز الی بش و هجرتک اتوز تاریخنده بالانتخاب جالس اورنک خلافت اولدی فقط ام المؤمنین جناب (عایشه) و بعض اعیان صحابه قتله عثمانی قصاصده مساحه سی

وقوع بولدی ظنیه بیعت ایتیموب ایچلرندن بعضیلری شهید مشار
 الیه قانلی اتواییله شام وایلسی حضرت (معاویه) به وبر طاقلری
 مکه مکرمه دن حضرت عایشه یی استحبابه خصوص مذکوری
 اجرابه طرفدار بولق ایچون بصره عزیمت ایتدیلر . حضرت علی
 بو تشبثاتی ایشندکده منع ایچون پک چوق نصیحت آمیز مکتوبلر
 یازمش و مخصوصاً آدمیر کوندرمش ایسه ده مائر اولدینی جهتله عسکر
 جمعیله فرقه مخالفه یی تأدیه قرار ویرمشدر بونک اوزرینه حضرت
 (خالد) خلیفه نک حضورینه کلوب سفک دمان صرف نظر اولنمش
 استرحام ائلس ایسه ده بونک دخی ثمره سی کورلما مشدر . حضرت
 خلیفه ایله مخالفلر طرفدن جمع اولنان اردولر بصره قربنده تلاق
 ایدرک (جل محاربه سی) اسمیله مشهور اولان محاربه وقوعولمش
 وطلحه وزیر حضراتی شهید واردولری پریشان اولمشدر . حضرت
 عایشه دخی موقع محاربه دن چیقاریله رق حضور خلیفه یه کتورلمشدر
 حضرت علی عایشه صدیقه حقنده حرمت و رعایت ایدرک مکیه
 کوندرلمشدر حضرت علی کوفه شهرینی مقر حکومت انخاذ ایدرک
 خلقه دین احمدیه یی تلقین ائلکده اولدینی حالده چوق وقت کچمکسزین
 یعنی میلادک التیوز الشمس و هجرتک قرق تاریخنده عبدالرحمن بن ملجم
 نام بر خارجی طرفدن کوفه ده صباح نمازینی ادا ضمتنده جامع
 شریفه کیدر ایکن شهید ایتمشدر .

« عمالقه » - عمیق بن لاوذ بن سام اولادلرندر . اشبو
 عمیق ابتدا ینده (جو) نام محله توطن ومنسوباته اثنای
 ریاستنده زیاده سیله غشیاته انهماک ایلدیکنندن (عملاق) تسمیه
 اولندی . بونلر غایت آزعین و فسق و فجور و قطع طریقه مائل

بر قوم اولدقلرندن ملوک حمیریه طرفندن طرد و دفع اولندقلرینه بناء یئندن اطراف بلاده طاغدیله . اهل مشرق و عمان و بحرین و حجاز و فراغه مصریه و کنعانین دینکله مشهور اولان جابره شام هب بونلردن ایدی امم مرقومه نک بحرین و عمان و مدینه ده ساکن اولنلرینه (جاسم) دینلشدرکه (بنی لف) و (بنی سعید بن هذال) و (بنی مطر) و (بنی الازرق) مدینه منوره ده اولان اشبوامت جاسمدهن ایدی بدیل وارمل و غفار قبیله لری عمالقه دن اولان بنی ارقم ارض حجازدن تیمیه دکن تمتد اولان نفوذی التده یعنی نجدده توطن ایتدکری ایچون ملکری (ارقم) اسمیه مسمی اولمشدر . عمالقه طائفه سنک مصره هجرتلری خلقتک اوجیک اوجیوز سکسان تاریخنده یعنی میلادک ایکی بیک ایکبوز اون درت سنه مقدمنده در . اول وقت اون ایتکنجی سلاله فراغنه پی منقرض ایدوب اون اوجنجی سلاله پی تشکیل و مصری وسطی و سفلا ده بر قاج یوز سنه حکومت ایلدیله . عمالقیار خلقتک درت بیک اوتوز سکر تاریخنده آثور یاده دخی بر قاج یوز سنه سلطنت سورمشله . و سکره انقلابات روزکار ایله تدریجاً طاغیلوب سائر اقوام عربیه قارشمشلدر .

« عمر » بن الخطاب رضی الله عنه - حضرت ابوبکر الصدیق رضی الله عنک و فاتند نصکره ناس حضرت عمر الفاروقه بیعت ایدوب امیر المؤمنین تسمیه ایتمشلدر . حضرت فاروقک ابتدای خلافت سنیه لری اولان میلادک التیوز اوتوز درت و هجرتک اون تاریخنده خالد بن ولیدی سرعسکر لکدن عزل و ابوعبیده بن الجراحى سرعسکر و شام و الیسی نصب و تعیین و خلقی عراق و فارس سفرلرینه

دعوت ایتک ماده سی اولشدر . شام اردوسنه یکی تعین اولتان ابو عیبه قلعده محصور قالان روملر ایله مذاکراته تشبث ایدرک تسلیه راضی ایدوب شهرک بر قبوسندن صلحاً داخل اولمقده ایکن خالد بن ولید دیگر طرفدن حرب ایله کیرمشدر هجرتک اون بشنجی سنه سنده حضرت فاروق سرعسکر ابو عیبه بی عجم اوزرینه سوق ایتش ایدی لکن ابو عیبه واقع اولان محاربهده بر فیک ایاغی التده شهید اولمش ایسهده امداد کوندریلان سعید بن ابی وقاصک عسکری دخی منظم اوله رق عساکر اسلامیه کوفه جوارنده وقوعبولان قادیسیه محاربه خوزیزانه سنده عجملری فنا حالده بوزمشلردر حتی مقدس طوتدقلری و (درفش کاویانی) نامیله مشهور اولان سنجاق دخی غازیلرک الله دوشمشدر . حضرت فاروق اون التی سنه التی ای خلافت ایتدکدنصرکه التمش اوج یاشنده اولدینی حالده صباح غازی ادا ایدر ایکن فیروز لؤلؤ نام بر مجوسینک سم آلود خنجر غدریله شهید اولمشدر .

« عیسی » - مولد عیسی علیه السلام - حضرت عیسی رسول الله افدمزک والدۀ محترمه لری حضرت (مریم) رضی الله تعالی عنها داود علیه السلامک نسلندن امام القوم عالم ملت (عمران) قزیدر عمرانک زوجه سی (حنه) نک دار دنیا به هیچ بر اولادی کلمدیکی اجلدن اگر جناب حق بزه بر اولاد احسان بیورر ایسه بیت المقدس خدمته تعین ایدرم دیمش وحق تعالی حضرتلری حضرت مریمی احسان بیوردیسهده عمران وفات ایتدیکندن والدہ سی حضرت مریمی کتوروب اخباردن حضرت (ذکریا) به تسلیم واودخی بیودوب درون مسجدده بر حجره یه اسکان

و حجره سعادتك مفتاحی كندو یاننده بر افرق كل يوم حضرت
 مریمك لوازمات بیتہ سنی كتوره رك و تورات شریفی تدریس
 ایتدیره رك قویی قبا یوب كیدر ایدی حضرت مریمك پدری
 عمرانك برادر ی یعقوبك اوغلی (یوسف) نجار حضرتلری دخی طبق
 حضرت مریم كی مسجد سعادته تسلیم ایدلمش و كوزل دولكارلق
 صنعتی دخی او كرشمش اولسی حسیله بهر كون مملكت دروننده
 چالشوب هر قاچ غروش قزانور ایسه اقشاملری مسجد سعادته
 خدمه لرینه تقسیم ایدر ایدی یوسف نجار حضرت مریمك تعلقاتندن
 اولسی اجلدن حضرت ذكر یانك پك زیاده ایثی اولوبده كله مدیكی
 حالده حضرت مریمك او كونكی خدمتده یوسف نجار حضرتلری
 بولنور ایدیكه بوده ایكی دفعه و قوعبولمشدر . حضرت مریم اون
 اوج یاشنه كیرنجیه قدر اوراده عبادتله مشغول ایدی مشار الیها
 حضرتلری او چنجی دفعه اوله رق حیض كوروب مدت حیض
 ختامنده بر دستی صو كتورده رك بولدینی حجره سعادتك كوشه
 ناظر اولان طرفنده غسل ایتكده ایكن (فاتخذت من دونهم حجاباً)
 خطاب عزت كلور كلز علی العجله غسلی بیتروب البسه سنی كیركیمز
 حضرت یوسف نجار قیاقتده جبریل امین حجره سعادتك قپوسی
 قبالو اولدینی حالده ایجرویه كیردیكنی حضرت مریم كورنجه حقیقده
 یوسف ظن ایلدیكندن زیاده سیله خوف و تلاشه دوشه رك (اعوذ
 بالرحمن منك ان كنت ققیاً) یعنی بن سندن الله تعالی حضرتلرینه
 صفنورم اكر جناب خالق حقیقیدن قورقار ایسك یانمدن كیدیکز
 دیسمی اوزرینه جبرائیل علیه السلام حضرت مریم رضی الله تعالی
 عنهانك قورقدیغنی كوردكده (انما انا رسول ربك لاهب لك غلاماً

زکیاً) یعنی تحقیق بن الله تعالینک رسولیم بنم مأموریم ایسه اتاسز اوله رق هوای لطیفدن ارادات آلهی به موجبنه سکا بر پاک اولاد ویرمکدر . حضرت مریم جبرائیل علیه السلامک بو سوزلرینی ایشندکده بنی آدم اولمدیغنه قائل اوله رق قلباً امنیت حاصل ایتمکله جبرائیل علیه السلامه خطاباً (انی یکون لی غلام ولم یسنی بشر ولم اک بغیاً) یعنی حلالدن و حرامدن انکمه هیچ برکمنه یا بشمامش اولدینی حالده بندن فصل چوجق کلور دیمسیه جبریل امین (قال كذلك قال ربك هو على هین ولنجمله آیه للناس ورحمة منا وكان امراً مقضیاً) یعنی کرچه سنک اتکنه هیچ برکمه یا بشمامشدر اما جناب حق قدرت بالغه سیه حضرت آدم علیه السلام اتاسز و باباسز طویراقدن فصل خلق اولنش ایسه سندن کله جک چوجقک دخی باباسز اوله رق خلق اولنسی اراده آلهیه اقتضاسندر وکله جک چوجقک ایکی اسندن بری عیسی دیکری مسیحر اول چوجق قدرت آلهیه ایله دنیایه کلدیکی وقت اشبو استلرک وضع و تسیمه ایدلمسینی حضرت مریمه توصیه ائلمشدر نتم قرآن کریمده (ان الله یشرک بکلمة منه اسمه المسیح) یعنی حق تعالی حضرتلری سکا براوغلان بشارت ایدرکه اول اوغلانک اسمی مسیحر . جبرائیل علیه السلام یوسف صورتنده کلدیکی ایچون یهودیلر مریمک یانه کلان جبرائیل اولیوب یوسفک کندوسیدر وعینی یوسفدر دیهرک معاذ الله تعالی کفره کیره رک بر طاقم مفتریاتده بولندقلری جهنمه جناب رب العالمین قراکنده (الی احصنت فرجها) بیوردینی اجلدن حضرت مریم یهودیلرک ایتمش اولدینی مفتریاتدن تبریه ذمت ائلمشدر الحاصل حضرت مریمک وقتی تمام اولمغله بولندینی

حجره سعادتن چيقوب بر صحرايه طوغرى كيتكده ايكن اهريسي
 طوغمه باشلاديغندن قارشوسنه تصادف ايدن واليوم (بيت اللحم) تسيمه
 اولنان قريه نك محلنده كي برقورى خورما اغاجنك الله كيدرك
 خلقتك بشييك بشيوز طقسان درت سنه سي كانون اولك يكرمي
 بشنجي كوني بيك درلو زحمت ومشقله حملني وضع الماش ايسده
 كرك چكمش اولديني مشقتدن وكر كسه خلقدن حجابندن (ياليني
 مت قبل هذا وكنت نسياً منسيا) يعنى نه اوليديكي بوندن اول اولمش
 اولدم شمدى يه قدر اونودلمش اولور ايدم ديمسيله جبريل امين امر
 الهى اوزره كلوب يا مريم متأسف اولمه جناب حق سبحانه وتعالى
 حضرتلري كندو قدرتندن اياغك الله برايرماق اقتشدر اندن
 ايچ وياننده بولنديفك خورما اغاجني دخي صالله واندن دو كيله جك
 خورمادن اكل ايله كي وجودينه سمن كلسون ديمسيله مشار اليها
 حضرتلري برده اياغك الله نظر ايلديكه حقيقه يردن قاينان
 برصويك افقده اولديغني كورنجه غايت دلشاد اولوب درحال كندوسى
 يقانديني كي حضرت (عيسى) عليه السلامي دخي ييقادى وخورما
 اغاجني صاللامه سيله من طرف الله يشروب بر چوق خورمالر
 دوكله باشلاديغندن حضرت مريم اول دو كيلان خورمالردن يمكه
 وصولدن ايجمكه باشلانجه ضعيفلش اولان وجودي اسكي حاله
 كلديكي جهته جناب واجب الوجود حضرتلرينه عبادت ايدرك
 احسان بيورمش اولديني نعمت عظمادن طولاي تشكريني عرض
 ايلر ايدى بعده حضرت مريم حضرت عيسى رسول الله افندمزى
 آلوب مسجد سعاده كلديكنده بتون خلق باشنه بريكوب تحيرده
 قاله قلرندن حضرت ذكر ياه خطاباً بويله سلاه سي پاك و طاهر اولان

بر قزی نصل یالکز براقده باباسز اوله رق زنا یوزندن
 قزائش اولدینی بو اوغلانی کترشدر دیملری اوزرینه
 حضرت (ذکریا) بو قز دخی سلاله سی کبی پاک و طاهر در
 و هیچ برکسنه یانه کیرماشدر بو جوجق ایسه حکمت آلهییه ایله
 اناسی رحنه دوشمشدر دیرک ودها بر طاقم ادله لر ایله مقابله الیش ایسه ده
 اهالی اصلا اورالر یناشیموب حضرت مریمه خطاباً یا مریم (لقد
 جئت شیئاً فریاً) یعنی بونکر نسنه یی نصل ایشلرین سؤالرینه اصلا
 عطف نظر بیورمیوب (عیسی) علیه السلام طرفه اشارت الیلری
 اوزرینه یا (مریم) یکی طوغمش بر جوجق بزم ایله نصل تکلم
 ایده ییلورکه سن اول طرفه اشارت ایدیورسن حقیقت حالی بیان
 ایله دیلرله من طرف الله حضرت (عیسی) لسانه کلوب بن جناب
 خالق حقیقنک قدرت آلهیه سیله باباسز اوله رق انا رحنه دوشدم
 وطقوز آی ایچنده والدم جناب کبریاه صلا و سلامی ادا ایدر ایکن
 بن دخی تسج چکر ایدم انجیل و توراتی انامک قارنده جناب حق
 بکا تعلیم ایتدیرر ایدی و بی سزه حق ینغمبر کوندردی دیمسیله خلق
 متخیر اوله رق هربری بر طرفه طاغلوب کتشلدر .

« عیسی » هجرت مریم با عیسی علیهما السلام - شام ملکی
 (هر دوس) عیسی علیه السلامکدها طفولیتی آواننده بعض احوال
 غریبه سنی ایشتدیکندن بیودیکنده بیت المقدسی ضبط ایدرک
 کند و سنک سلطنتی لندن الور مطالعه سیله بیت الحمده تقدیر ارکک
 جوجق وار ایسه عمومک قتل ایچون مأمور مخصوص کوندرمش
 ایسه ده حضرت (مریم) رضی الله تعالی عنها بو ایشی اولجه خبر آلمش
 اولدیفندن و بر مرکبدن غیری هیچ بر نسنه مالک اولدیفندن

حضرت (يعقوب) كه او غلى حضرت (يوسف) نجارى كند يسنه رفيق ايدرك
 و مركبه بنهرك حضرت عيسى عليه السلامى آلوب مصر ولايته
 عنزم راه الخش ايدى مأمور موسى اليه بيت اللحمه وصولنده حضرت
 (مريم) كه (يوسف) نجارى رفيق ايدرك حضرت (عيسى) عليه السلامى
 آلوب مصره هجرت الخش اولدينى مسجوعى اولغله مأمولته موفق
 اوله مديغندن زياده سيله مأيوس اولمش ايدى . حضرت (مريم) ايسه
 مصر كويلرندن بر كويده مسكن طوتهرق و فقر حالى هيچ بر كسنه
 آجيهرق حضرت (عيسى) عليه السلام ارقه سنده بغلى اولدينى حاله
 كل يوم حضرت (نجار) ايله اكين ترلارندن بشاق طوليلهرق تعيش
 ايدرلر ايدى و مصر طرفلارنده بولندقلرى كويدن ماعدا نعمتى چوق
 و صوبي بول كوى يوق ايدى و بولندقلرى كويك ايلرو كلنلرندن
 بر ذات حضرت (مريم) كه حاله مرحمة كندى ياننه آلوب و حكم
 آلهيه واقف اولمديغندن حضرت (عيسى) يتدر ديهرك هرآن وزمان
 لطيف ايله معامله ايلر ايدى . حضرت (عيسى) عليه السلام اوتوز
 ياشنه كيرنجيه قدر والده سيله موسى اليهك خانه سنده قالوب و بو مدت
 ايچنده قدرت آلهيه ايله (عيسى) عليه السلام بر قاج معجزه اظهار
 ايتمشدر . حضرت (عيسى) عليه السلام مقتضاي اراده آلهيه اوزرينه
 تكرار بيت المقدسه عودتله نبوتى اظهار ايدرك خلقى انجيل شريفك
 احكام شرعيه سنه اطاعت و دين عيسويه دعوت ائلكه باشلدى .

« عيسى » نبوت عيسى عليه السلام - حضرت (عيسى) عليه
 السلام بامر الهى بيت المقدسه عودتله مسجد سعادتده انجيل شريفك
 احكام شرعيه سنه بيان ايدرك خلقى دين عيسويه دعوت ايتمكله
 مشغول ايكن طائفة بنى اسرائيل حضور سعادتله كلهرك حق ييغمبر

اولدیفنه بزه بر معجزه کوستر کوره لم دیملریله (عیسی) علیه السلام
 (انی اخلق لکم من الطین کهیئة الطیر فانفخ فیہ فیکون طیراً باذن الله)
 یعنی بنم ینغمبر لکم علامت اولدرکه چاموردن یا بلش قوش شکلنده
 بر حیوانه اوفلدیکم انده بقدرت الله تعالی اول حیوان اوچر دیهرک
 کوزلری اوکنده معجزه نبوتی کوستردیکه اشبو قوش بین المفسرین
 (یراسه) اولدینی روایت اولنقدده در حضرت (عیسی) علیه السلام بنی
 اسرائیلدها بر طاقم معجزه لر کوستر مش ایهده طاقه بنی اسرائیل
 غیری بر معجزه کوستر کوره لم دیملریله (واحی الموتی باذن الله)
 یعنی الله تعالی و تقدس حضرتلرینک اذنیله موتایی دیرلترم
 بیورملریله بنی اسرائیل ینلرنده بعد المشاوره تورات شریفده
 مذکور اولدینی اوزره بیت المقدس طاغلرینک آراسنده واقع درده
 مدفون (ابراهیم) علیه السلام پدری (سام) بن (نوح) علیه السلامی
 درلکه اولوقت حق ینغمبر اولدیفنه اینانه لم (عیسی) علیه السلام بنی
 اسرائیل ایلده دره نک بر اوجنه واروب (یاسام بن نوح قم باذن الله)
 دیو بیورمسيله قدرت آلهیه ایلده ارض ایکی شق اوله رق (سام) بن (نوح) اول
 یاریلان محلدن چیقوب طور دی و حضرت (عیسی) علیه السلام سن
 کیمسک سؤالنه (نوح) اوغلی سام یا بن کیم دیمسیله سن حق تعالی
 حضرتلرینک حق ینغمبری (عیسی) علیه السلام دیمسی اوزرینه حضرت
 (عیسی) بتکرار یا سام اولدیکن وقت صقالین سیاه ایدی شمعی نندن
 بیاضلندی سؤالنه واقماً اولدیکم وقت صقال سیاه ایدی لکن بنی
 چاغردیغن وقت صاندکه صور اسرافیلدر قیامت هیئتدن شمعی
 آغز مشدر دیمسی اوزرینه حضرت (عیسی) رسول الله افندمز یا (سام)
 دها بر جوق زمان دنیاده یشامقلق ایسترایسک سنک ایچون جناب

رب العالمیندن دعا ایدیم دیو بیور مسیله یا نبی الله نه فائده وار نقدر
 یا شاسم یننه اوله جک دکلیم هنوز اولکی اولک آجینسی اونو تقدیم سن دعا
 ایلکه یننه مقامده اوله یم حضرت (عیسی) جناب رب العزتدن دعا ایدرک
 سام بن نوح تکرار کلدیکی یرک الله کوروب اول یر دخی اسکی حاله
 کلدی (عیسی) علیه السلام بنی اسرائیله خطاباً ایشنه کوردیکریا انجیل
 شریفک احکام شرعیه سنی کو سترمک ایچون حق تعالی حضرتلری
 بنی سزه حق ینغمبر کوندردی کرچه (موسی) شریعتی دخی
 حقدر لکن بنم زماغده انک احکامی قیام اولدیغندن اول شریعتده
 حرام اولنلرک نیجه سنی حلال ایدرم واتده نیجه مشکل اولان نسللری
 اسان ایدرم دیدی . از جمله مذهب موسوی یهده ایچ یاغی حرام
 اولدینی حالده حضرت (عیسی) مذهبی حکمنجه حلال اولمشدر . جناب
 واجب الوجود حضرتلرینک قدرت بالغه سیله اون سنه مدت ایچنده
 کوسترمش اولدینی بو قدر معجزه اوزرینه طاققه بنی اسرائیل
 عنادلرنده اصرار ایدرک دین عیسویه بی قبول ایلدکلرندن اون ایکی
 کشیدن عبارت اولان حواریونی برابرنده آله رقی بیت المقدسدن
 چیقوب شام وحجاز ومصر و دیار مغربی شهر بشهر کوی بکوی
 کزدرک خلقی دینه دعوت ایلر ایدی . هیچ بر ینغمبره ییعمبرک قیام
 اولدی انجیق قومنه (محمد مصطفی) صلی الله تعالی علیه وسلم بشارت
 ایتمنجه شکم قرآن کریمده (ومبشراً برسول یأتی من بعد اسمعه
 احمد) بیوردی اشبو آیت کریمه نکه مضموتی حضرت (عیسی) دخی
 امتلرینه تبشیر ائلمشدر .

« عیسی » رفع عیسی علیه السلام الی السماء - عیسی علیه
 السلام امر الهی اوزره بیت المقدسه عودتله مسجد سعادتده انجیل شریفک

احكام شرعيه سنی بیان ایدرك خلق دین عيسويه دعوت ایتمکه
مشغول ایکن طاقه یهود بر محله تجمع ایدرك حاشا حضرت (عیسی)
علیه السلامك سحر بازلیله خاقی فساد ویرمکه اولدیفندن
وجودینك اورته دن قالدیرلمسی لزومندن بحث ایله اعدامنه قرار
ویرمشلردر . شام ملکی هر دوس الاصر هر قدر یونانیلردن
ایدیسه ده طاقه یهود هر دوسی کندولرینه اوید ویرمش اولدقلرندن
کیفیتی اکا بیان ایدرك اول دخی موافقت ایلد کدن ماعدا بر دار
اغاچه صلب ایدلمسی و بو مناسبتله وجودینك اورته دن قالدیرلدیغی
بتون خلقك کورمسی لازمکه جکندن هان ایجاب سریعه سنه بالقسی
ایچون ویرمش اولدیغی امر اوزرینه طاقه یهود بردار اغاچی تدارك
ایلد کدن صکره طرف طرف حضرت عیسی علیه السلامی آرامنه
چیقديلر مشار الیه حضرتلری هر فصله کیفیه واقف اولدیفندن
بر خانه یه کیزلرک کچه وکوندوز حواریون ایله عبادته مشغول
اولوب کچه نك برنده حوارییونه خطاباً بو کچه صباحه قدر اوتوریلوب
جناب رب العزتہ دعا الکر لازمکلور دیسیله حوارییون یا عیسی
هیچ بر کچه بویله اولدیغمز یوغیدی بو کچه اویقو کوزیزدن آقیور
هیچ بر ساعت اوتورمغه مجالز قالدی دیلر یله سز بنی دشمن الینه
ویرمک استیورسکز و بندن یزار اولیورسکز دشمنلری بزم اوزریمه
کتورمک و اوجوز بهایه صائق استیورسکز دیسیله حواریون
بو کلامی ایشدکلرنده جمله سی ملول و مکدر اوله رق یا (عیسی) بو فصل
کلامدر بز سنك حق میغمبر اولدیغه ایناندق وجافزی یولنه فدا
ایلدک دیواغشتمغه باشلایلر صباح اولنجہ بر مصلحت ضننده حواریوندن
(بتروس) توارنج اسلامیه ده (سیمون) و (شمعون الصفا)

عبرانیلرجه (سه قاسی) اوروپالولرجه (سن پیر) دیرلر طشره
 چیقوب محله آراسندن کیدر ایکن یهودیلر بونی کوردکلرنده اوزرینه
 هجوم ایدرک یا پتروس سن عیسی نك رفقاسندن بری اولدیفندن
 البته اول سحر بازك اولدینی محلی بیلورسن اگر کوستر ایسن
 الیزدن قورتیلورسن یوغیسه سنی اولدیریرز دیلریله پتروس سیزه
 عیسی نك اولدینی محلی کوستر ایسم بکا نه ویرسکز دیمسیله درحال
 الینه اوتوز اچمه ویردکلرنده اول دخی عیسی نك اولدینی محلی
 کوستردی یهودیلر (عیسی) علیه السلامی کورنجه اوزرینه هجوم ایدرک
 براب ایله محکمجه اللری وایاقلری بغلیوب صباحه قدر بکلدیلر
 حواریون بو حالی کورنجه بعضیلری عیسی دن یوز چویردیلر صباح
 اولنجه (عیسی) علیه السلامک بالکر اللری بغلو اولدینی حالد اولجه
 حاضرلش اولان دار اغاجی یانته کتوردیلر اشته ییغمبرم دیو سحر
 بازقله خلقی افساد ایتک هنر دکلر اگر حق ییغمبر ایسک الیزدن
 قورتل دیهرک نه یولده اولدیرلمسی لازمکله جکنه دائر مشاوره
 ایتکده لر ایکن بقدرت الله تعالی حضرت (عیسی) علیه السلام افدنر
 بونلرک اورتلرندن نا بدید اولمقله جمله سی متحیر قالدقده عیسی ینه
 سحر ایدرک نا بدید اولمش ایسه ده سحرک مدتی از اوله جفندن شمدی
 میدان چیقار دیو تسلی بولهرق بکلمکده اولدقلری حالد یهودیلرک
 بیوکلرندن (ایشوع) نامنده برحرفی جناب واجب الوجود حضرتلری
 حضرت عیسی قیافته قویهرق یهودیلر بونی کوردکلرنده ایشته
 سحرک مدتی تمام اولدیفندن عیسی ینه میدان چیقدی دیهرک
 وایشوعک فریادینه باقیهرق مذکور دار اغاجنه بوغازندن آصدیلر
 بمنده ایشوعی بوله مدقلری جهته بعضیلری آصلان ایشوعدر

وبعضیاری عیسی در دبرك شبهه ده قالدیلر ننتكم قرآن عظیم الشانده
 (وما قتلوه وما صلیوه ولكن شبه لهم) بیورمشدر . ایشوع یدی
 کون یدی کیجه بو وجهله دار افاجنده اصلی قالب بو مدت ایچنده
 حضرت عیسی نك والده محترمه لری حضرت (مریم) ایله اولجه مجنونه
 اولوب حضرت عیسی نك دعاسی برکاتيله افافت بولش اولان بر
 خاتون دار افاجنك قارشوسنه کلهرك لیل ونهار اغلقده ایکن سكرنجی
 کیجه حضرت (عیسی) والده لری حضرت مریمك یانسه کلدکده مریم غایت
 دلشاد اوله رق اصلان حضرت عیسی نك غیری بر کمنه اولدیفقی
 اکلا دی حضرت عیسی علیه السلام افندمز حواریوندن کندوسنه
 تابع قائلری نزد سعادتلرینه جلب بیوره رق حضرت یحیی یی یرینه
 خلیفه و حواریوندن (یاقوس) ی توارینج اسلامیه ده یعقوب دیرلر
 کندینه معلون وبرهرك بیت المقدسه دیکر لرینی دخی دنیانك هر
 بر طرفنه تقسیم ایدرك و کندولرینه خلیفه اولدق لرینی تبشیر
 بیوره رق خلق انجیل شریفك احکام شرعیه سنه دعوت انجیلرینی
 توصیه بیوردیلر . وصباحه یقین والده لر یله وداعلشهرق وجناب «الله»
 عظیم الشانده دعا ایدرك ینه سحایه چکلدیلر صباح اولنجه حواریون
 حضرت عیسی علیه السلامك امری اوزرینه خلق انجیل شریفك
 احکام جلیله سنه دعوت انلكه باشلا دیلر وبویوزدن طائفه یهوددن
 کورمش اولدق لری اذا وجفانك جمله سنه تحمل وصبر ایلدیلر .

﴿ حرف غ ﴾

« غزنه » - افغانستانده بر شهر در کابلک جنوب غریبسنده
 و یوز کیلومترو بعدنده وسند نهری شعبه غریبسی اوزرنده بولنور

و نقوسی اونی ایکی بیک تخمین اولنور . و قتیله اهمیت فوق العاده یی
 حائر اولان بوشهر غزنویلرک پای تختی اولوب نامنی غزنه ویلره
 اعطا المیشیدی جوارنده سلاله غزنهویه نك اك بیوک اولان سلطان
 محمود سبکتکینک تره سی ایوم کورلمکده درکه زیارتنه برچوق زوار
 کلورلر . غزنه میلادک بیک یوز اونی الی و هجرتک بشیوز اونی
 تاریخنده ایرانیلره و میلادک بیک یوز الی سکر و هجرتک بشیوز الی
 دوت تاریخنده اهالیسنی قتل عام ایدن غور پادشاهی (علاء الدین)
 طرفندن ضبط اولنوب میلادک بیک یدییوز اوتوز طقوز و هجرتک
 بیک ایکیوز الی بش تاریخندن برو انکلیزلرک تحت نظارتنده
 بولمقده در . تاتار جنسندن اولان ملوک غزنویه عجمستان و هندستانک
 قسم اعظمی اوزرنده ایکیوز اونی دوت سنه سلطنت سوردیلر بونلرک
 برنجیسلی اولان (آب تکیں) غزنه ده هوایق نام ترک قومندن
 نشئت ایش و ملوک سامانیه طرفندن خراسان والیسی اولدینی
 حالده غلو ایدرک سامانیلرک حکومتی صارصوب میلادک طقوز یوز
 التمش و هجرتک اوچیوز قرق طقوز تاریخنده کندو سلاله سنی
 تأسیس المیشیدی آب نکندن صکره قانی سبکتین میلادک طقوز یوز
 یتمش بش تاریخنده تخنه کچوب بونی متعاقب میلادک طقوز یوز
 طقسان یدی و هجرتک اوچیوز سکسان سکر تاریخنده سلطان عنوانی
 آلان اوغلی یمین الدوله (محمود) جلوس و عجمستان و هندستانک قسم
 اعظمی فتح و تسخیر و ملکنی بحر حزردن (غانر) علیایه قدر توسیع
 ایلدی (غانر هندستانده بر بیوک نهردر تبت ده هالایه طاغلرینک
 دوت بیک مترو مرتفع محلازدن نشئت ایدوب (دیوا پرایاغا) ده
 الاقاننده نهرینی آلدقده تصکره (غبروال) ده غانزه نامنی اخذ ایدر

بونك وفاتند نصكره غزنه ويلر خيليدن خيلي قوتلريني غيب اينديلر
ايسه ده خلفلرندن مسعود ومودود وشيرزاد وبهرامشاه وساثرلري
ميلادك بيسك بوز الله سكر تاريخنه دكين ينه سلطنتلريني محافظه
ايدم بيلديلر . اندن صكره يعني تاريخ مزبورده بهرامشاه غوريلر
سلاسه سندن اولان علاء الدين غزنه يي تركه مجبور اولدى .
وغزنه ويلردن خسرو شاه وخسرو ملك نامنده ايكي ذات لاهور
ولايتده برمدت دها حكومت سورديلر سه ده ميلادك بيسك يوزسكان
طقوز وهجرتك بشيوزسكان بش تاريخندن ايلرو كدمه مديلر .

« غزنه » - مستقلا اداره اولمقده بولنان (قدس) شريف
متصرفلني داخلمده وغرب جنوبي جهتمده يتمش بش كيلومترو
وياقنهك جنوبنده والتش سكر كيلومترو بعد ومسافه ده كاثن اولوب
بش بيسك نفوسى شامل بر قضا مر كزيدر . اسرائيلياندن اوله رق
(نهمسون جبار) وقيله بو مملكتك قولريني قالد يروب دروننده بولنان
بر معبدى خراب اينديكي صره ده معبد مذكور ايچنده بولنان اوچ بيسك
آدمى ازمشدر . خلقتك بش بيسك ايكيوزالتش اوچ تاريخنده يعني
ميلادك اوچيوز اوتوز ايكي سنه مقدمنده بيوك اسكندر ك هجومى
اشاعنده دارانك اصدقاى مأمورينندن واصحاب شجاعندن غزنه
واليسى اولان (باتيز) نام طواشانك اطرفدن طوپلاديني عرباني
عسكرينه علاوه ايله مقاومت داعيه سنده اولمش ايسه ده اسكندر
اظهار مكانت واثناى محاصره ده اوموزندن ياره لنش ايكن ينه ثبات
وغيرت ايدرك اوراسنى دخى شدتلى بر هجوم ايله ضبط واستيلا
وكندولرينه تسليم اولمقندن امتناع كوسترن عساكر مستحفظه يي جمله
قتل واقفا اشلشدر والى شهر باتيز دخى او صره ده مقتول اولديغندن

اسکندر جدی (اکیلفس) . تقلید آمومی الیهک جسدینی بحاقلرندن
بر آت قویروغنه یاخود عربیه ربط ایله شهرک دیوارلری اطرافده
سورکلهدهدک تشهر ایلدیکنی بعض مؤرخین روایت ایتمش ایسهده
بعضیلری اشبور وایتک عدم صحتی ادعا ایشلردر . غزه شهری اولوقتر
بر تجارتگاه جسیم اولدیغندن وهر نوع امتعه و اشیا کثرت اوزره بولندیغندن
اسکندر شهری تماشا ایدرایکن بر طرفده کلیتلو کونلک وسائر جنس بخورات
موجود اولدیغنی کورمش و اوآن صباوتنده بر کون بر آووج کونلکی عبادت
خانهده آتسه آندیغنی مرپسی (له او ناتوس) کوروب بونی اسرافدن عدايله
(نوقت بخوراتی چوق مملکتلری ضبط ایدر ایسهک اولوقت استدیکنک قدر
کونلک اسراف ایده بیلورسن لکن شمعی قاعده تصرف رعایت ایتلیسن' دیو
کندوسنه معرض عتاده خطاب ایلدیکی خاطرینه کلش اولدیغندن بعد ازی
حین عبادتده کونلکجه سماحت ایتسنه دائر یازدیغنی مکتوب ایله مومی
الیه بر قاج طوبره کونلک کوندروب مقام لطیفهده ماجرای مسبق
اخطار ایلدیکی نکاشته صحایفدر . پتوله مه و سلوکوس اتی غونی
بوراده بوزدی و مؤخرأ یهودیلرک محاربات داخلیه سی ائنده شهر
خراب اولوب (غابینوس) طرفندن مجدداً انشا ایلدی و میلادک
بیک یدی یوزطقسان طقوز و هجرتک بیک ایکوز اون درت تاریخنجه
فرانسزلر آلوب ینه رد ایلدی جد رسول اکرم (هاشم) بن
عبد منافک مدفن و امام شافعی حضرتلرینک مولدی بوراسیدر .

﴿ حرف ق ﴾

« قابل » - حضرت آدم علیه السلامک برنجی اوغلیدر . تورات
شریفده (قاین) تحریر اولنور . کندیسيله توأم طوغان قز قرنداشی

(اقلیا) بی حضرت آدم دیگر اوغلی (هابل) ویره جکنی ایشندیکی ایچون
 هابی طاش ایله اعدام ایلدی و قزی آلوب عدن یاخود عین جانبه
 قرار واوراده پدرینک مسلك دیانتنه مخالف حرکات مبتدعانه ایله
 اسرار لیل ونهار ایلدی قابلك ولادتق ابوینک ایکنجی سال
 ملاقاتنده وقرنداشنی قتل ایله فراری یوز یکر می یدی یاشنده
 وقوعبولدینی مرویدر .

« قادیسه » - ایرانك قدیم پای تخی اولوب مداین شهرینك
 جانب غریبسنده وكوفه قربنده بر شهردر . حضرت ابراهیم علیه
 السلام بورایه اوغرا دقلری صروده رأس سعادتلرینی بری غسل
 ایدوب (قدست من ارض) بیورملریله قادیسه تسبیح اولندینی
 مرویدر . قادیسه محبت نبویهك اون درت ویا اون بش یاخود اون
 التی سنه سی شوالنده جانب جانب (عمر) یدن سعد ابن ابی وقاص
 رضی الله عنهما معرفتیه فتح اولغشدر . و محاربه ده عجملك
 سرکرده سی اولان (رستم) اصحاب کرامدن عمرو بن معدی
 کوب الله تلف اوله رق اهل اسلام بر چوق اموال و اشیا
 اغتنام الیغشدر . موسی الیه رستم اولجه فن نجوم واسطه سیله
 استیلای امت محمدیه بی کشف ایلدیکندن عربله جنکه راضی اولدینی
 حالده کویاشاه یزد جردك ابرامی کندوسنی بیله بیله بو مهلكیه
 سوقشدر .

« قبة الشهادة » - حضرت (موسی) علیه السلامك اجرای
 مراسم عبادت وتلقی وحی الوهیت ایچون بریه سیناده شمشاد اغاجی
 وقیون بوگیله حیوانات دریلرندن یابدیردینی متحرک بر معبدك اسیدر .
 « مبد مذکورك ایچی التون وایپکمرله وملكه » کروین صورتلریله

ترین اولنش و دروننه برطاقم دفلر والتون وکوشدن معمول چارپاره لر
 وینه التوندن مصنوع برقرار آملش ایدی دیرلر . حضرت (موسی)
 هر قننی بر زمان قبه یه کیره بی اسرائیل اطرافنه طوبیلا نوب عبادت
 و دروننده اولان تابوت عهدی زیارت ایدرلر ایدی .

« قبریس » - قدما نژدنده سیروس در بحر سفیده بر اطه
 اولوب سوریه ایله آسیای صغری بیننده واقع ایکوز کیلومترو
 طولی و سکسان کیلومترو عرضی اوله رق یوز بیک نفوس جامعدر
 و غایت مرتفع بر سلسله جبالی وارددر . اراضیسی مثبت اولوب بغدادی
 پاموق . توتون . کوك بويا . انجیر و فواکه سائره یتشدر بر مقدمه
 غایت معمور و مشهور ایدی . خلقتک در تیک طقوز یوز یتمش درت
 تاریخنده یعنی میلادک التیوز بکرهی سنه مقدمنده فنیکه لیلره و یتمش
 سنه صکره مصر لیلره و ایرانیلره کجدی و میلاددن درت عصر اول
 بوراده طقوز نفر کیمه صندالی نشین حکومت اولدی که الک
 مشهورلری (سالامین) نام حکمدار ایدی مؤخرأ اسکندر یونانی یه
 کجوب بونک و فاتند نصکره اخلاقی زماننده مصر و سوریه حکمدارلری
 بیننده متازع فیه قالدی و برادره لق پتولمه فامیلیاسنه مخصوص بر قرالیت
 تشکیل ایلدیه ده خلقتک بشیک بشیوز اوتوز التی تاریخنده (قاتون)
 نامنده بری رومالیر نامه ضبط ایدوب اخیرأ روم ایمپراطورلری
 زماننده اسلام طرفندن فتح اولندی بونک اوزرینه ینه بر طاقم
 مختلف متبوعلره کجکد نصکره میلادک بیک یوز طقسنان ایکی
 و هجرتک بشیوز سکسان سکر تاریخنده قبریس قرالیتی تشکیل ایدن
 فرانسز دره بکلرندن (کوییدی لیزونیان) هانتقال و اخلاقی بر چوق
 مصر لر حکومت ایدی و مؤخرأ بر سلاله دن اولان (قترین تورنارو)

قبرسی و ندیکلوره ساتوب نهایت میلادک بیک بشیوز یتمش و هجرتک
طقوز یوز یتمش سکر تاریخندن عثمانلیلر طرفندن بر مدت محاصره
و بر چوق تلفات ایله ضبط اولندی . اک صوک دفعه محاصره ایدیلان
مشهور (ماوسه) قلعه سی بر سه قدر طیاغش و یوروش ائساننده
اعدا طرفندن آتش ایدیلان لثم اکثریسی ضابط اولق اوزره اوچ
بیک اسلامی دفعه بر هوا یتمش ودها پک چوق آدم جام شهادتی
نوش الشدر قلعه مذکوره ختدقلرینک عرضی یوز بکرمی و عمقی
اون طقوز وداخلی الی بیک ایکوز قرق ذراع و دروننده یوز
التمش عدد طوب موجود اولدینی و بعد الفتح دروننده بولنان
درتیک جنگی و ندیک عسکرینک ایتالیا سواحلنه کوندرلدیکی
تواریخده مقیددر .

« قدس » یاخود (اورشلیم) - قدس شریف ارض فلسطینده
دائره سی داخلده واقع یافه نك جنوب شرقیسنده قرق و بحر لوطک
شمال غریبسنده و زوردن نهرینک منصبندن اوتوز کیلومتر و مسافه ده
قدیم بر شهر اولوب قرق بش بیک نفوسی و بر طاقم جوامع
و کنایس و حورا و خیراتی شاملدر قدس شریف درت محله یه تقسیم
اولنور شویله که (سیون) تپه سنک جهت غریبسنده یهودیلر (یوتیه نك)
جهت شرقیسنده ارمنیلر (وافر) تپه سی خوالیسنده خرسیتیانلر
(موری) طاغی او زرنده مسلمانلر اقامت ایتکده ایسه لرده کوندن کونه
تکثر نفوس حسیله بو قدر خلقی درون قلعه استیعاب ایده مدیکندن
ملکتنک جهت غریبسنده و قلعه نك خارجنده کائن اراضی خالییه
مکمل ابنه لر انشاسیله محله لر تشکیل اولدینی کبی دها بر پاندن
مجدداً ابنه لر انشا اولغده اولدینی نظر ممنوئته کورامشدر . و قبیله

سیون تپه سنک برجهتده شهر (داود) و موزیا او زرنده حضرت (سلیمان) علیه السلام اکال ایلدیکی معبد وار ایدی . قدس شریفک اطرافنده آرمه لقلی بدن شکنده قله لرایله تحکیم و تزیین اولنش بر سور موجوددر . بیوک قسطنطینک والده سی سنت (آلن) طرفندن انشا اولنش اولان قیامه کلیساه سیله (مسجد اقصی) قدسک الک مشهور ابنه لرندر . قدس شریف و قنیه عموم یهودی پادشاهلرینک مقر حکومتی ایکن حضرت (سلیمان) علیه السلام وفاتی عقینده یعنی اوغلی رخمیم زماننده اسباط بنی اسرائیلدن اون سبط خلقی اعتزال و دولت اسرائیلیه نامیله بشقه جه بر حکومت تشکیل ایتلرله مومی الیه تابع اوله رق قدسه قالان ایکی سبط خلقنه دولت یهودیه دنیلدی قدس شریف بر برینی متعاقب اوغرا دینی مهاجمات سببیه بر طاقم اللره کچمش و مؤخرأ میلادک التیوز اون درت تاریخنده عجملر آلوب تاریخ مذکوردن یکریمی درت سنه صکره یعنی میلادک التیوز اتوز سکر و هجرتک اون یدی تاریخنده حضرت (عمر) رضی الله عنه بعض شرائطه ضبط ایلدی و میلادک بیک یتیش الی تاریخنده سلجوقلره و تاریخ مذکوردن اون بر سنه صکره ایوبیلره کچوب میلادک بیک بشیوز اون الی و هجرتک طقوز یوز یکریمی ایکی تاریخنه قدر مصر حکومت اداره سنده قالدقن صکره مصر ایله برابر دولت علیه عثمانیه به انتقال ایدوب الحالت هذه مستقل متصرفلق اولدینی حالده اداره اولنقده در .

« قیامه » - بیوک قسطنطینک والده سی (سنت آلن) نک میلادک اوچیوز اون درت تاریخنده قدس شریفده حضرت (عیسی) نک صلب اولندینی روایت اولنان محله یاپدی ردینی مشهور کلیسانک اسحدر

بوکلیسای ملوک فاطمیه دن حاکم بامر الله میلادک بیک طقوز و هجرتک درتیوز تاریخنده هدم ایندیرمش و هجرتک درتیوز یکریمی طقوز سنه سنده روملرک التامی اوزرینه مصر حکمداری (مستصر) بشیک مسلمان اسپرخی استرداد شرطیله تکرار یابدیرمشدر . بونک سنداتی حضرت عمر زماننده روملره عائد ایکن میلادک بیک الی یوز طقوز و هجرتک بیک یوز ایکی تاریخنده روسیه نک ایندیکی نقض عهد و فرانسزلرک کوستردیکی مخالفت و صداقته بناءً فرانسرلره یئی قوتلکله ویرلش و مؤخرآینه روملره کجوب میلادک بیک سکر یوز الی ایکی و هجرتک بیک ایکوز التمش طقوز تاریخنده قوتلکلر دعوای تصرفه قالمشلیله بو دفعه دخی انلره اعطا اولنش ایسه ده بو خصوص روسیه دولته اغر کلدیکندن بر سنه صکره دولت علیه بی تضییقه باشلادی و دولت علیه دخی اوروپا دولترلیله محابره و اتفاق ایدرک جواب رد و یروب ایکی طرفدن اعلان حرب و قوعبولدی و محابره ایکی سنه سوردی .

« قوصوه محراسی » - پرشته قصبه سنک جهت جنوبیسنده و (اسقویا) و (قوبانیق) بیننده اولوب اوزرنده و قوعبولان ایکی قطعی محابره ایله شهرت بولمشدر برنجیسی میلادک بیک اوچیوز سکسان طقوز و هجرتک یدییوز طقسان بر تاریخنده صریلیرک مغلوبیتی و سلطان (مراد) اولک شهادتی ایله ختام و اینکنجیسی میلادک بیک درتیوز قرق سکر و هجرتک سکر یوز الی ایکی تاریخنده محارلر بوهمیالر المانلر اولاحلردن متشکل بر فرقه جسیه یه قومانداییدن (ژان هونیادی) یه سلطان (مراد) ثانی حضرتلرینک غایه سیله کذلک سر حد اختتام اولمشدر .

﴿ حرف ك ﴾

« کابل » - سیاده کابل ایالتک وبالجمله افغانستانک مرکز اداره سی اولوب پیشاور نهری اوزرنده وغزنه نك جانب شمالیسنده یعنی قوش طاغنك انكنده واقع الشمس بیک نفوسی جامع باغلق وبانچه لك بر شهر لطیفدر . طوغله دن معمول غایت مستحکم سوری وحکمدارانه مخصوص بر قلعه داخلیمی وکار قدیم سرای وابنه لری ومتعدد جامع ومکتبلری واردر . یدنجی عصرده بر هند پادشاهلنك مقری ایدی میلادك بیک یدیوز اوتوز طقوز وهجرتك بیک یوز الی ایکی تاریخنده (نادر) شاه ضبط وینما ومیلادك بیک یدیوز یتش دوت تاریخنده (تیمور) شاه افغانستانک کورسی اداره سی اتخاذ ایلدی ومیلادك بیک ستر یوز قرق ایکی تاریخنده انکلیزر تخریب ایتشلره . کابل ایالتی شمالا ترکستان شرقا لوغمان وجلال آباد جنوبا غزنه غربا خراسان ایله تحدید اولنور اون الی بیک مربع کیلومترو اتساعی ونا متساهی چوللری وبر طاقم وادیة منتهی واردر . التون وکوش وباقر مثللو معدنلری بولنور صناعتی پاموق وخالی ومشین اعمالاتندن عبارتدر .

« کشمیر » - نام قدیمی (سیریناغور) که بلدة السعاده دیکدر سیاده مولتان شهرینك جهت شمالیسنده وفرات نهری جسامتنده اولان جمله نهری اوزرنده ودال کولی قربنده واقع وکشمیر ایالتک کرسی اداره سی اولوب الشمس بیک نفوسی جامعدر قلعه داخلیمی ومتعدد حاملری واردر افغانیلردن اول صناعتی ترقیده ایدی . کشمیر ایالتی لاهور حکومتده بر ایالت اولوب

طولی غربدن شرقه ایکیوز و عرضی جنوبدن شماله یوز کیلومترو
گشملکننده قسم اعظمی دوز صحرا اولوب ایکیک قدر قریه‌ی مشتلدر
بو صحرا ریاض (باغچه‌لر) و حیاض (حوضلر) و ازهار (چیچکلر) و انهار
و اشجار ايله بر مرته لطیف و مزیندر کی جمله‌سی کویا بر حدیقه جنت آسا
مفرح و دلکشادر . آب و هوا سنک لطافت مناسبتله انسانلرینک
کوزلری حسن رخسار و لطف شمایلده ضرب مثل اولمیرینه باعث
اولشددر مقدما اهالیسی سکر یوز بیک راده‌سنده ایکن میلادک
بیک سکر یوز اوتوز الی و هجرتک بیک ایکیوز الی تاریخنده قولرا
و خطدن یاری یاری به تزل ابتدی قارلر ايله مستور جبال مرتفعه‌سی
و لطیف هوا و غایت منبت اراضیسی و سلاح بیحاق کاغد و با خصوص
نال اعمالاتندن عبارت صناعتی وارددر اشبو شالر تیت‌ده کچی
یوکلرندن یاللقده و آورپاچه آراغنده در . اهالی اکثریا اسلام و بعضاً
بوده مذهبده درلر . سانسقری لسانندن مشتق بر خصوصی
لسانلری اولوب فارسجه دخی تکلم ایدرلر . میلادک بیک اوچیوز
التمش درت و هجرتک یدیوز التمش الی تاریخنده اهل اسلامک
فتحده قدر کشمیر یرلی حکمدارلر اداره‌سنده ایدی تاریخ مذکوردن
میلادک بیک بشیوز سکسان الی و هجرتک طقوز یوز طقسان بش
تاریخده قدر اسلام پادشاهلرینه مخصوص بر حکومت مستقله اداره‌سنده
قالوب مؤخرأ مغول ایمپراطورلقنه التحاق و میلادک بیک یدیوز
قرق سکر تاریخنده افغانیلره و بر مدت صکره شیخلره و میلادک بیک
سکر یوز قرق بش یاخود بیک سکر یوز الی یدی و هجرتک بیک
یوز یتمش درت تاریخنده دخی حاکی اولان ذاتک و فاتی اوزرینه
لاهور حاکی (کلاب سنک) انکلیرله مقاوله‌سی موجبجه انکلیر

هایه سنده اولقی اوزره و صورتا متوفانك چوجقلى بیونجه به قدر وکالت ایتك اوزره کلاب مرقومه انتقال ایتدی وکلاب لاهوری انکلیزلره ترکله کشمیره کلوب اوتوردقدن صکره چوجقلى بومباه دفع ایدوب حکمدارلى قزاندى .

« کلدانى » - فرات و عربستان و بصره کورفرى بیتنده مسكون اهالىنك نام عمومیسیدر بونلری بابیلردن عد ایدنلر وارسده تحریات جدیده موجنجه سیقت جنسندن آیری بر قوم اولدقلى ظن اولنور اليوم آسیای علیادن آسیای صغرای تفریق ایدن طاغرده قبائل اکراد اره سنده خلی کلدانى واردر کلدانیلر و قبیله علوم ریاضیه و فلیکیده اقوام سائره به تقدم ایتشلر ایدی حتی سنه ۳۶۰ ابتدا کون ۶ ساعت ۱۱ دقیقه به تقسیم ایدن و منطقه البروجی طانیان بونلر ایدی خلقتك بشیك ایکی یوز یکرى طقوز تاریخنده یعنی میلادك اوچوز الشمس بش سنه مقدمنده کلان (غالیستن) نام راصدك کلدانیلر كندوسندن بیک طقوز یوز سنه مقدمنه قدر بر سلسله رصداتی بولوب ارسطویه کوندرمش اولدینی توارینجده محرردر .

« کنعان » - حام بن نوحك دردنجی اوغلیدر اثنای تفرقده متعلقاتیلر برابر عکادن غزه به قدر اولان ارض کنعانه کیدوب توطن ایتشیدی صکره بونلر اون بر یاخود طقوز قبیله به تفرع ایلدیلر فنیکیلر انلردندرلر و اوزالره ارض کنعان نامی بونلر بر ایشلردر .

« کوفه » - قدیمه بورییادی نورایدی آسیای عثمانیده و عراق عربده بر شهردر بغدادك جنوبندن یوز اوتوز طقوز کیلومترو بعد و مسافه ده

و فراتدن ایریلان هندی به نهرینک صاغ جهتده واقع اولوب کربلا سنجاغی داخلته نجف قائم مقاملیغنه تابع ناحیه مرکز یدر . میلادک التیوزاوتوزالتی و هجرتک اون بش تاریخده حضرت (عمر) زمانده عراق والیسی سعد بن وقاص رضی الله عنهما معرفتیه تاسیس اولندی . بغداددن اول برچوق اسلام حکمدارلرینه مقر اولوب خیلی زمان آسیاده اک مهم مالکدن بری اولدینی حالده یدنجی عصر هجریده تدریجاً ملوک جلا یریه دن شیخ حسن کبیر زمانندن صکره اهاالیسی طاغیلوب خرابه زار حکمنه کیرمشر .

« کی خسرو » - والده لری مدیا یا خود مادی حکمداری (استیاغ) ک کریمه سی (مندانه) و یدر لری فارس تان بکمرندن (قاقیز) یعنی کی کاووس در استیاغ قزی مندانه حقنده عجیب رؤیا لر کورمش اولدیفندن منجمله مراجعت ایتش و منجملر طرفندن (مندانه) جهانگیر اوله جق و استیاغک صاغلقنده حکومت دعواسنه قیام ایده جک بر مخدوم تولید ایده جکی) مألنده و یریلان جوابدن بر طاقم اوهامه دوچار اوله رق کریمه سنی مدیه خاندانندن برینه و یره جکی برده رحایلندن بولنان کی کاوسه تزوج ایله مدیه دن تبعید الیشدر چونکه استیاغ فارس لیرک اک کباری مدیلرک اک عادی نفرندن آلجق اولدینی فکرنده اولوب بویله برعادی آدمدن ظهور ایده جک اولان چوجنک دخی حکومت و جهانگیرک دعواسنده بولنه میه جفته حکم ایدرک بوحرکنده بولنش ایدی . فقط مندانه نک حامله اولدیفنی ایشیدنجه یکیدن خوف وتلاشه دوشه رک انی کیری جلب ایتمشدر . مندانه وضع حمل ایدنجه استیاغ چوجوغنی اعدام اولنق اوزره هارباغ نام روزیره تسلیم الیشدر . هارباغ ایسه بوجناتی بالذات اجرا ایتکه جرأت ایده مدیکندن استیاغک چوبانلرندن برینی جلب و استیاغک امرینی تکرار ایله

چو جنى تسليم ايتمىدۇر چوبان دىخى تردد ايچىندە قالوب چو جوغى
 اعدام ايتىزدن اول استشاره ايچون زوجەسى يانە كىتىش وزوجەسىنى
 وضع حمل ايدر ايكن بولمىدۇر چوبانك چو جنى ايسە تصادف اولەرقى
 جانىز طوغمىشدر . چوبان ايله زوجەسى اشبو كىفئى مەبودك
 حكمت مخصوصەسى مقامندە بىلەرك كندى چو جقلىرى ھارباغك
 امرى و جھلە طاغ باشندە براقشلىر ومندانەنك اوغلى كندى
 اولادلىرى يرندە بىلەمشلردر . كى خسرو بو و جھلە چوبانك
 قەلەبىندە اون ايكى ياشنە واصل اولمىدۇر چوبانك خانەسى حكمدار
 ايله ارکان دولتك ياز موسمى كچىزدكلىرى صيفىدە اولوب كى خسرو
 بوسايەدە دائىما بابالرىلە صيفىيە كلش اولان كنى زادەلر ايله احتلاطدە
 بولنور ايدى . بركون قريە چو جقلىرى او يون اتناسندە كى خسروى
 زادكان چو جقلىرىنە ترجىج ايدرك پادشاه انتخاب ايتمىش ايدى كى خسرو
 بو خصوصەدە عقل و درايەت اظهار ايتدىكىندن دائىما او يونلردە
 پادشاه انتخاب اولغفە باشلامىدۇر . كى خسرو دىخى چو جقلىرىدن
 كندوسنە و كلا و ماينىغىلر و خدمە نصب ايدر ايدى . مدىيە
 خاندانلردن (عارقبارس) ك اوغلى چوبانك اوغلنە اطاعت ايتمىكى
 كبرىنە صيفدىرە ماديغىندن كى خسروك امرىنى ايھا ايتامش وبونك
 اوزرىنە كى خسرو طرفىدن يرە ياتىرىلوب ضرب و تاديب اولمىشدر .
 چو جق عارقبارسە عارقبارس دىخى استياغە شكايە كيدرك چوبانك
 اوغلىدن كوريلان بو حقارتى هضم ايدەمىيە جكلىرىنى بيان ايتمىش
 اولدقلىرىدن استياغەدە كنى زادەلرە ترجىج اولنان چوبان اوغلىنى
 كورمك ارزوسنە دوشەرك كى خسروى حضورىنە جلب ايتمىشدر
 استياغ كى خسروە خطاباً (بر اصل زادەيە قارشى دكنك ايله

معامله ایتمك سنك حدكمی دوشمش (دیمسی اوزرینه کی خسرو دخی
 (اقدام بنده كز انجق عدالت وحقانیت اوزره حرکت ایتدم .
 عارقمبارس زاده ایله بتون قریه چوجقلى بالاتفاق قولكزى پادشاه
 انتخاب ایتدیلر . حقانیتدن آیرلمدیمدن هرکس دخی بنده كزدن
 خشنود ایدی و جمله سی هر امریه اطاعت ایدرلر ایدی . يالـكـز
 عارقمبارسك اوغلی پادشاهنه یاقیشیر معامله ده قصور ایتدیکندن بشقه
 اوامر قطعه مه دخی اطاعت ایتمك ایسته مدی . بونك ایچون بنده كز
 دخی تأدیب ایتمكه مجبور اولدم . اگر حکمدار صفتده بولنان بنده كزك
 بو خصوصده قباحتم وار ایسه جزاسنی کورمكه شمدی حاضر م)
 دیمشدر کی خسروك جوابنه استیاغ پك زیاده حیرت ایتمشدر .
 جسورانه وعاقلا نه ویریلان جواب ایله چوجفك مندانه به مشابهی
 کی خسروك قتل اولق اوزره هارپاغه تسلیم اولتان چوجق اولدیغه
 هیچ شبهه بر اقامشدر بونك اوزرینه استیاغ چوجفك کیم اولدیغی
 چوباندن تحقیق ایتدکدنصكره هارپاغ حضورینه جلب وکیفیتی بیان
 ایتمشدر . استیاغ کویا کندوسنك چوجق حقنده ویردیکی
 مطالعه سز امرندن طولای چوقدن بری وجدانجه راحتسز اولدیغی
 اکلاتش و صكره هارپاغه تشکر ایله برابر کی خسروك فیما بعد
 سرایده اقامت ایده جـكـنی بیلدیرمشدر . فضله اوله رق استیاغ
 کی خسروك معیت ورفاقته ویره جکئی بیان ایله هارپاغه اوغلنك همان
 اوکیجه سرایه کوندولسنی و کندوسنك دخی اقشام طعامنده پادشاه
 صفیره سنده حاضر بولننی امر و افاده ایتمشدر . هارپاغ نتیجه خیری به
 ایله اشبو فوق العاده التفاتدن نهایت درجه ده مسرور اوله رق
 مخدومنی سرایه كـونـدرش و کندوسی اقشام طعامنده حاضر

بولشدر . هارباغك اوغلي ايسه استياغك امريله كسيلوب پيشريلهرك
اقتام طعامنده پدرينك اوكنه قوغشدر . استياغ يك اناسنده
هارباغدن يكمك لذتي صورمش و هارباغ ايسه نفيس اولديغني بيان
ايتدكدنصره اوكنده اوغلنك پاشي و قوللريني بولشدر . هارباغ
ايشي غاميله اكلامش ايسده كندني ضبط ايدوب هج استيفي
بوزمامش واستياغك (يديكنك نه حيوان اولديغني و بر پادشاهك
بنده سي حقنده مخصوصاً بو قدر نادر يك حاضرلق كي بسوك
التفات و توجهنه نه ديه جكني سؤال ايتسي اوزرينه جواب اولهرق
) افندم يديكمك نه حيوان اولديغني اكلام . داتما پادشاهك هر بر
حركا تي عين كرامت بيلديكمدن اشو عنايت مخصوصه حقنده دخی
فضله بر شي ديكدن عاجزم) ديشدر . فقط ايجندن اخذ انتقام
ايتكي قورمشدر . استياغ منجملري جمع ايدرك اسكي كورديكی
رويالرينك تعيرلريني وكي خسروك صورت ظهوريني بيان ايتدكن
سكره افكارلرينك نه اولديغني صورمشدر . منجملر ايسه كي خسروك
قریه چوجقلى طرفدن پادشاه انتخاب اولنسيله حكم رؤيا حصوله
كلش اولديغندن مراق و تلاشه محل قالمديغني عرض ايتمشلدر .
استياغ بو جوابدن ممنون قالمش ايسده كي خسروي كندی ياننده
طوغنه جسارت ايدمه يوب فارستانده بولنان پدر و والده سنك ياننه
كوندرمشدر . كي خسرو اقرانلرينك ايجنده اك كوزل واك شجيع
اولدقن بشقه عقيل و درايجه دخی جله يه فائق ايدى بو
سپيدن اولهرق فارسيلرك محبتي قزانش ايدى و هارباغك
تشويقي اوزرينه مديرك بيونديريني تحتدن قورتلق ايجون
فرصت بكممكده اولان فارستان اهالي سني استياغ عليه

عصیانہ تشویق ایتشدر . استیغ مجملرک ویردیکی جوابک
یاکلش اولدیفنه و حکومتی طورونی یوزندن غائب ایدہ جکنہ
ذاہب اولہرق فوق العادہ تلاشہ دوچار اولمشدر .
بونکئہ برابر اردولر جمع ایتش وانلری ہارباغک قومانداسنہ
ویرہرک کی خسروہ قارشى سوق ائلمشدر . لکن اردونک قسم
اعظمی ہارباغ ایلہ برابر کی خسرو طرفہ کچمشدر . بودفعہ استیغ
الی سلاح طوتار مدیلرک کافہسنی طوبلایوب کی خسروہ قارشى
چقمش ایسہدہ اردوسی پریشان وکندیسی دخی اسیر اولمشدر .
ہارباغ اسیر دوشش اولان استیغک اوکنہ چیقوب (اوغلی
بالاعدام اتی ییدیردیکزوقت بکا لذتی سورہش ایدیکز بوکون
بن دخی مساعدہ کر اولور ایسہ شمدیکی حالکڑک طادینی سؤال
ایدہیم) دیمشدر . استیغ ہارباغک دشمن طرفہ کچدیکنک صحیح
اولوب اولدیفنی صوروب کندی اغزندن تصدیق جوابی آلدقن
وکی خسروک مدخی ایشندکدنصرہ (سن دنیادہ اک حیتسز بر آدم
ایمشک . حیتسزسک - چونکہ نفسنہ مخصوص بر ایشک انتقامنی
آلق ایچون وطنک و ہمشہر یلرینہ اجنبی بیوندروغی طاقلمسنى ارتکاب
ایدہ یورسن) دیمشدر . بونک اوزرینہ ہارباغ دخی (حقکز وار
افقندم . فقط ارتکاب ایتدیکم حیتسزک اعتراضی شویلہ طورسون
حضورلرندہ جزونی مطالعہ بی دخی چکہ مہیان ظالم حکمدارلرک
کاریدر . انک ایچون شکایتہ حقکز یوقدر) سوزیلہ مقابلہ ایتمشدر .
کی خسرو استیغ حقندہ بد معاملہ ایتامش واولنجہ یہ قدر سرایندہ
شاہانہ بلمشدر کی خسرو دہا نیجہ نیجہ قنوحاتدن صکرہ
(تومیریس) ایلہ ایتدیکی ماساجت محاربہ سندنہ کی خسروک اردرسنی

طارومار و کندوسنی دخی اسیر طوتوب اوغلنی اولدیرمش اولدینی
جهتله لاجل الانتقام اعدام المشیدی (ایرودوتس) نام مؤرخ
مشهورک روایتیه نظراً حاکمه مومی الیها کینسروک باشنی
کسیدردکن صکره قان طولو برطولوم ایچنه باتیروب (ایشته تشنه لب
اولدیفک قانی بوراده ایچده طوی) دیمشدر بوکا سیروز دخی دیرلر
قبری ایرانده اسطخر شهری جوارنده در .

﴿ حرف ل ﴾

« لاهور » - هندستانده زاوه نهری اوزرنده لاهور ایالتک
مقری برشهر اولوب قالكوتهك شمال غریبسندن ایکی بیک بشیوز
کیلومتر و بند و مسافه ده طقسان بش بیک نفوسی جامعدر . اشیو
شهر مقدملری غایت معمور اولدینی حالده ایوم آثار خرایبسی
زیاده جه کورینور مع مافیه اسلحه و اقشہ حریری و قطنی و سائر
کارخانلر واردر (جهانگیر) خان ایله (نورجهان) نام زوجه سنک
ترپلری شهرک اطرافنده کورنمکده در . اسکندر رومی زماننده
تأسیس اولنش اولان قدیم ساغالا شهری بوراسی اولدینی ظن
ایدیلور . خیلی زمان مغول ایمراطورلغک مقری ایدی . برچوق
تبدلاتدن صکره میلادک بیک یدیوز سکسان یدی و هجرتک بیک
ایکیوز اوچ تاریخنده رؤسای قبائلک و میلادک بیک سکر یوز قرق
یدی و هجرتک بیک ایکیوز التمش درت تاریخنده انکلیزلرک یدینه
دوشمشدر .

« لوط » - علیه السلام - حضرت ابراهیم علیه السلامک
برادر زاده سیدر مشار الیه برلکده ممالک کلدانیه دن فلسطینه

محرّت ایدوب فقط اورانك اراضیسی موجود دواب و مواشی به غیر کافی اولدیفندن ماءدا چوبانلرینك چیقارمش اولدقلری تزاغه مبنی خلقتك اوچيك بش یوز الی سكر تاریخنده یعنی میلادك ایکییك اوتوز الی سنه مقدمده عم اکر می طرفندن سدوم اراضیسنه کوندرلش ومؤخرأ سدوم نواحیسی اهالیسنه بنمبر بعث بیورلمشیدی . اهای مرقومه مشار الیهك دعوت و وعظ و نصیحتی عدم اصغادن بشقه بیک درلو معاصی و مناهی به جرات ایلدکلرندن (فامطرنا علیهم) الی اخره آیت کریمه سی منطوق و منینی وجهله غضب الیهی به اوغرایوب خلقتك اوچيك بشیوز یتمش بش تاریخنده یعنی میلادك ایکی بیک اون طقوز سنه مقدمده زیر و زبر اولدیلر . مشار الیه اشبو وقعه هائلدن بر از اولجه حضرت ابراهیم زردینه معاودت بیوروب سکان یاشنده ترك عالم فنا اللشدر .

« لوقه » - اناجیل اربعه صاحبزندن بری اولوب اوخنجی انجیلی یازمشدر اصلی انطاکیه لی ایدی . حضرت (عیسی) نك رفعندن صکره (بولص) واسطه سیله خرسیتیانلنی قبول ایلدیکی ظن اولنیور وعظ ایچون میلادك الی الی تاریخنده یونانستانده واقع قورینت شهرینه کیدوب التمش برده بولصك روماده اسارتنه حصه دار اولدی صکره بر چوق مملکتلری طولاشه رق سکان دوت یاشنده اولدینی حالد یونانستانده آقابی شهرنده قتل اولندی . بهر سنه تشرین اولك اون سکرنجی کونی یورطیسی طولتقدده در .

﴿ حرف م ﴾

« مارسابا » - قدس شریفك شرق جنوبی جهتنده ویکرمی بش کیلومترو بعد و مسافه سننده در . بوراده یکدیگرینه مقابل ایکی

عدد کلیسادن ماعدا هج بر شی یوقدر . اطراف کاملاً طاغلقدر ، محل مذکورک جهت شمالیستند و اتصائنده کائن بر قوری دره نك کنارنده و کلیسا دیوارینك دینده بر قیناق صو وار ایسه ده بوده منزویلرک اداره لرینه غیری کافی اولدیفندن و داملری ایسه جزئی میلده اوله رق بر سطح مائل شکنده یالیش و اوزرلری عربستان ابنه لری اصولی اوزره ذریقه لیش بولندیفندن نزول ایدن بارانك بوریلر واسطه سیله زیر زمینده منتظم یالیش اولان صهرنجلره آتدیریلان صولر واسطه سیله اداره اولنقده دیرلر اولنان تحقیقاته کوره بو کلیسالره طائفه نسانك دخولری ممنوع ایش .

« متی » - خوار یوندن طبریه ده تولد ایش و انجیلی جمع الیش بر ذاتدر اوائل سائنده روما حکومتی نامنه ویرکو تحصیلدارلی ایدر ایکن (عیسی) علیه السلامك دعوتنه اجابت و خدمت عالیرینه ملازمت ایدوب طبریه و عکا طرفلرنده و مؤخرأ ایران طبراغنده نشر دین و آیین ایتدیکی عصرده عجملر طرفندن قتل اولنشد . مومی الیهك كلدانی لسانی اوزره عروجدن سكر سنه صكره جمع ایتدیکی انجیل اناجیل اربعه نك اك قدیمیدر بو انجیل مؤخرأ رومجه به ترجمه اولندیقی خالده نسخه اصلیه سی حالا مفقوددر .

« محمد » مولد محمد علیه السلام - پیغمبریمز محمد مصطفی صلی الله تعالی علیه وسلم افندمن حضر تلری (ولدت فی زمن ملك عادل وهو نوسروان) یعنی بن بر عادل پادشاه زماننده دنیا به کلدیمکه اول دخی نوسرواندر دیو بیورمشلردر : نجی سنهی آخر الزمان و رسول مطلق انس و جان و قطب وجود و مدار عالم شهود اولمقله مظهر اسم اعظم یعنی اسم رحماندر قول مشهور اوزره سلسله نسب شریفلری

(محمد بن عبد الله بن عبد المطلب بن هاشم بن عبد مناف بن قصی بن كلاب بن مره بن كعب بن لوی بن غالب بن فهر بن مالك بن نضر بن کنانة بن خزیمه بن مدركه بن الیاس بن مضر بن نزار بن معد بن عدنان) اولوب بوندن اوتومسی بین المؤرخین مختلف فیه در ووالده محترمه لری ایسه بنی ذهره قبیله سندن عبد العزناك اوغلو وهبك کریمه سی حضرت (آمینہ) رضی الله تعالی عنها اولوب مشار الیه حضرت لرندن بشقه نه قیز ونه اركك هج بر مولود دنیایه كتورمدی حضرت فخر کائنات خلقتك التي بيك يوز الشمس درت وميلادك بشيوز يتمش سنه سی ربيع الاولك اون ايكنجي بازار ايرتسی گيجه سی مکه مكرمه ده كان ابن يوسف خانه سی ديمكله مشهور والده لرینك خانه سعادت لرنده شرف بخش صفحه عالم وجود اولدی (حضرت عیسی علیه السلام افدمزك هنوز طوغمش بر طفل شیر خواره ایکن تکلمی کبی) خورشید وجودی مطلع سعادتدن طوغار طوغماز مبارك قم عالی لرندن کوش لطافت منکوش مادره درر (صلاة وسلام) شرف صادر اولدی ، فخر کائنات افدمزك دنیایه تشریف لرینه یقین بر زمانده جمله مخلوقك اولوسی اولوب وآخر زمان بیغمبری اولدینی واسمه (محمد) تسمیه ایدلمسی والده لری معناسنده کوردکلری کبی دنیایه تشریف لری کونی دخی بر یوزینه کوکدن اینان بر نور واسطه سیله جوانب اربعه سی کاملا نور ایچنده قالدینی عبد المطلبه بیان الکلکه درحال اسمنه (محمد) تسمیه ایدلدی . حضرت (محمد) كه هنوز اناسی رحمتدن دنیایه تشریف بیورملرینه یدی ماه اون کون یاخود برماه اون کون قالدینی بر زمانده پدر لری عبدالله لاجل التجاره مدینه منوره یه کیمشی ایسه ده عمری تمام اولسی مناسبتیه

یگر می بش یاشنده وفات ایدرك (دار النافه) نام محله دفن
ایدلشدر . حضرت (محمد) ك انا رحمنده او كسوز قالسی مناسبتیه
دنیا به تشریفارنده بیوك پدرلری عبد المطلب بائقده ایدی . مكّه
مكرمه نك هواسی زیاده سیله وخیم اولدیفندن یكی طوغان چوجقلری
مكه نك ایكی كونلك بعد ومسافه سنده واقع اولوب سنده بركره
مكه به كلكدده اولان بنی سعید قبیله سی خاتونلرینه اجرت مقطوعه
ایله باقدیرمق عادت بلده حكمنده اولدیفندن وقیله مذكوره خلقنك
ایسه كللرینه درت ماه قالمش بولنه یفندن اشو مدت ایچنده حضرت
(محمد) بیوك پدرلری عبدالمطلب جاریه لرندن مسروحه نامنده کی
خاتون بائقده ایدی وقتاكه بنی سعید قبیله سنك كللری زمانی
حلول الماش ایسه ده اول سنه قتلق اولسی مناسبتیه حاللری زیاده سیله
مضطرب اولدیفندن سائر سنه لرذن زیاده غلبه لق اولدقلری حالده
مكه به كلكه حاضر لئقده ایدیلر حتی قبیله مذكوره اهالیسنندن حارث
نامنده اولان برذات دخی قتلق مناسبتیه حاللرینك زیاده پریشانیتدن
ناشی مكّه چوجقلرندن بردانه سی آلوب بو یوزدن اله جقلری اجرته
معیشتلرینی تأمین مقصدیه قیونلریله بری آیه دیگرى خدیجه نامنده
ایكی کریمه سی بیوك اوغلنه براقه رق كوچك اوغلیله زوجیه سی
حلیمینی بر دیشی مرکهبه وکندیسى دخی بر دیشی دوه به بنه رك
قبیله خلقیله برابر مكّه مكرمه جهته عزیم راه ایدیلر . حارث ذاتاً
فقیر اولوب قتلق مناسبتیه بتون بتون حاللری پریشان اولدیفندن
دكل حیوانلرینی کندولرینی بیله بسلكه اقتدارى مفقود ایدی
بو حال ایله قافله نك برخیلی مسافه اوقه لرندده اولدقلری حالده یوله
دوامله اقشاملری دوه دن صاعمقه اولدقلری بر مقدار سوددن

کندیسیله زوجہ سی ایچہ رک بو وجهله مکہ واصل اولشلردر قیلہ مذکورہ خاتونلرینک هر بری بر جوجق آلدقلى صرہده مقتضای طالی حلیہ نك حصہ سنہ دخی حضرت رسالت پناه اقدمز اصاب ایتمکله مومی الیها مرکبہ بنہ رک بر طرفہ حضرت (محمد) ی دیگر طرفہ کندی جوجقنی آله رق محللرینہ عودتہ شتاب اولشلردر انشای راہده حلیہ نك مرکبی جملہ خلقک مرکبندن زیاده یوریمک وایلووده کتیمک باشلیجه قیلہ مذکورہ خلقی مکہ مکرمہ یه کیدر ایکن سنک مرکبک جملہ مزک مرکبندن کیرو قالدینی حالدہ عودتمزده ایلرویه کیتمی اسبابی حلیہ دن سؤال ایلدکلرنده کندوسی دخی بو حالدن متحیر اولدیفندن کرامتک آلمش اولدینی جوجقده اولدینی مع التشر بیان ایلدی قوناق محلته واردقلرنده هنوز برشی یماش اولدینی حالدہ ایکی مہسی چشمه مثالی طولی اولدینی کورنجه کرک (محمد) ی وکرگه کندی جوجقنی دویرمش و بوانتاده زوجی حارث دخی دومینی صاغدقده امثالی کورلماش سود کلدیکنی کورنجه کیفیتی زوجہ سی حلیہ یه افاده اول دخی مہسندن کلش اولان سودی حکایه ایتمکله قطعاً کرامتک جوجقده اولدینی اکلاملریله حضرت (محمد) قلباً محبت حاصل ایدرک جان کوکلدن باقغه حصر نفس اولشلردر اشته بو حال ایله خانہ لرینہ عودت و اوچ بش سنہ ایچنده بو جوجق یوزندن نہایت درجہده صاحب ثروت اولشلردر . حضرت فخر کائناتک اعادہ سی زمانی کلدکده ناچار جوجقنی والدہ سی آمینہ یه تسلیم اولشلردر . فخر کائنات اقدمز بش یاشنه کیردکده والدہ لريله برابر پدرلری عبد اللہک قبرینی زیارت ایتک ایچون عبد المطلبدن استحصال زخست ایدرک مدینہ منورہ یه حرکت

و اوراده بر سنه قالدقد نصكره تكرار مكه مكرمه به عودت بيور مشلر
ایسه ده اثنای راهده والدله لری دخی خسته له رق (ابواء) نام محله
وفات ایتکله نعتی مکه مكرمه به کتوردیله رك محل مخصوصه دفن
ایدلش و کروان صاحبی حضرت (محمد) ی دخی مکه مكرمه به کتوره رك
بیوک پدر لری عبد المطلبه تسلیم اللشدر حضرت (محمد) سکر یاشنه
کیرنجیه به قدر عبد المطلبك نزدنده بولنش ایسه ده مومی الیهك دخی
عمری تمام اولمقله حضرت (محمد) ی ابو طالبه وصیت ایدرك
وفات اللش واشتبو وصیت اوزرینه ابو طالب فخر کائنات افندمه
کمال درجه حرمت ایدرك باقشدر حضرت رسول الله افندمك سن
شریقلری اون ایکی به بالغ اولدقده لاجل التجاره شام شریفه عزیمت
ایدن ابو طالب مشار الیه حضرتلری دخی برابر آلمش ایدی چونکه
نبی ذیشان حضرتلرینك سیاحته پك چوق مراقلری وار ایدی فقط
اثنای راهده کفر نام موقعده مسافر اولدقلری قریه ده موسویلر
معبنده بولنان (بحیره) نام راهب خاتم الانبیا صلی الله علیه وسلم
حقده کتب مقدسه کوردیکی بعضی علامات و اوصافی حضرت
(محمد) علیه السلامده مشاهده ایلدیکنده شام شریفه عزیمتلرینك
تهلکدن خالی اولمديقتی بیان اللسی اوزرینه ابو طالب دخی امتعه سنی
یوله فروخت ایدرك مکه مكرمه به عودت بیور مشدر حضرت
رسول محترم صلی الله علیه وسلم اعلان نبوت بیورمزدن اول دخی
عمومك محبت و حسن توجهنه مظهر اولمشیدی زیرا عربلر غندنه
اك مقبول اولان خصائل جميله و اخلاقي حميدهك جمله سی ذات
رسالتنا هیلرنده جمع اولمش و درایت و فطانت و استقامتله شهرت
قزاقش ایدی حتی بوسیدن کندینه امین لقبی ویرلشدر حضرت

(خدیجه) دخی ثروت و سامانی استقامتی حسیله تماماً یدینه تسلیم
ایتمیدی . حضرت پیغمبر ذیشان علیه السلام یکر می دوت یاشنده
ایکن حضرت خدیجه ایله تزوج الملشد رکه حضرت خدیجه اولزمان
قرق یاشنده ایدی . عموم قریش قبیله سنی تشویق ایدرک کبه یی
مجدداً سنا و تعمیر ایندیکی وقت سن شریفلری اوتوز بش ایدی .

« محمد ، نبوت محمد علیه الصلاة والسلام - محمد علیه الصلاة
والسلام اقدمن حضرتلری قرق یاشنه واصل اولدقلرنده التی ای
قدر رؤیا ایله مظهر وحی الهمی اولوب اندن صکره اده صره مزوی
اولدقلری جبل حراده رمضان شریفک اون یدنجی بازار ایرتسی
کونی جبریل امین حضرتلری طرفدن فرمان رسالت کترمش
و (اقرأ باسم ربک) الح آیت کریمه سی نازل اولمشدر . ویردن
بر پونار حاصل اولوب رسم طهارت و آبدست وایکی رکعت غار اجرا
و تعلیم قلمشدر و جبریل امین امامت الملشددر . رسول الله صلی
الله تعالی علیه وسلم جبل حرادن طوغری خانه سعادتلرینه عودت
بیووه رق ما وقع حضرت خدیجه یه نقل و حکایه ایدنجه حضرت
خدیجه درحال تصدیق و ایمان الملشددر . متعاقباً حضرت ابو بکر
الصديق و حضرت علی المرتضا بن ابی طالب انلردن صکره سائر
اصحاب کرام اظهار ایمان ایتمشدر . حضرت رسالتیناه اقدمن اظهار نبوت
و رسالت بیوردقلری آنده محابه کرام ایله برابر شعائر اسلامییه یی
خفياً اجرا ایدرلر ایدی ، فقط (فاصدع بما تؤمر) آیت کریمه سی
نازل اولدقدن صکره خلقی علناً اسلامه دعوت ایتمکه باشلامشدر
اول امرده کافه اهل قریش حضرت پیغمبرک سوزینی رد ایتمامشدر
ایسه ده انلرک بوتلرینی تعیب ایتمی اوزرینه جمله سی مخالفت

وعداوتہ قیام و اتفاق التشلردر ، حتی اهل قریشدن ماعدا حضرت رسولک بتون اقربا و تعلقاتیلہ عشیرتی خلقی بیلہ حضرت پیغمبرہ و دین مین احمدی بی قبول ایدن اهل اسلامه پک چوق اذا و جفا ایتشلردر . بتون اہالی مکہ و قبیلہ قریش حق عالی نبویلرندہ ابو لہب (وکعب) ہ ہمکب اولدیلر و کیندکجہ اذابی ارتیروب بعض اسلامه کلنلری تهدیدہ و بعضیلرینی اشکنجہ و اعدامہ قالقشیدیلر نہایت اهل اسلام رخصت نبوی ایلہ حبش جہتہ ہجرتہ بحیور اولدیلر بو ہجرت بعتک بشنجی سنہ سی رجیندہ وقوعبولشدر مکہ لیلر حبش نجاشینہ دخی عرض شکایتلہ اسلامک مملکتہ عدم قبولی رجا ایلدیلر ایسہدہ نجاشی کاردان اول امردہ ایشی اکلامق ایچون مسافرین مومی الہمی حضورندہ و رہایین و امراسی مواجہہ سندہ زیور مجلس امتحان ایدوب کیفیت اسلامدن و من قبل الرحمن نازل اولان کلام عظمت اتسامدن سؤالہ باشلادقدہ اجوبہ لایقہ ایرادندن صکرہ ایچلرندن دادر عالیقدر حیدر کرار جعفر طیار حضرتلری سورۃ شریفہ (کہیص) ی تشنیفساز مسامع حضار ایلدی و نجاشی کمال تأثیرندن آغلیہرق (واللہ بو کلام ایلہ حضرت عیسی یہ نازل اولان کلام ایکسی بر طبراغک نوریدر) دیوب جملہ اهل اسلامی زیر حمایہ و صحابتہ آلدی صکرہ اسلامدہ حضرت عمر ظہورہ کلکلہ فرقہ بوحیدین قوت بولدیسہدہ غلوی اربابنک تعاندی دخی او نسبتدہ اثرغای تزايد اولدی اشبو تعاند ایسہ حضرت فخر کائناتک خاق دین اسلامہ دعوتنہ اصلاخلل ویرمدی . بعتک طقوزنجی سنہ سندہ انشقاق قر معجزہ سی اوننجی سنہ سندہ حضرت خدیجہ ایلہ ابو طالبک و فائزلی اون ایکنجی سنہ سندہ معراج

شریف وقوعبولش ومعراجده مسلمانره بش وقت غاز فرض اولمشدر .

« محمد » هجرت رسول الله صلى الله تعالى عليه وسلم - مدينه منوره اهالي سي شرف قدوم مسعد تلموزوم جناب رسالت پناه يه ازل جان تحسّر وارزو اولدقلرندن برآن اول مدينه منوره يه كلري ايجون طرفلرندن كوندرمش اولدقلري بر طاقم مبعوثلر مكه مكرمه يه مواصلتلرنده حضور يغمبري يه يوز سورمك شرفه نائل اولدقلرنده اهالي مدينه نك درت كوزله ذات رسالت پناه يي بكمكده اولدقلري عرض ايله برابر (حضور يغمبريده دين مابين احمدي يي) قبول ايلديلر . و طرف رسالت پناهيدن كندولرينه قرآن كريم تلاوت اولندي يي كي ده ا بعض اسلاميته عائد شيلر تعليم ايتديلدي وكيفيتي عمي زاده سي حضرت (عباس) رضی الله تعالى عنه بيان ايدرك بعد المشاوره اول باول طرف يغمبريدن بر خليفه كوندرلمسنه قرار وپردكلري جهتله مصعب بن عمود مبعوثلر ايله مدينه منوره يه كوندرلدي مومي اليه مدينه ده مبعوثلردن سعيد بن زراره نك خانه سنه مسافر اوله رق قرآن كريم الشانك احكام جليله سني خلقه بيان ايلكله بك چوق كشيلر شرف اسلام ايله مشرف اولديلر . مدينه منوره نك اك بيوك بنو سهل محله سي كبراسندن (سعيد بن معاذ) « الم تشرح لك » سوره سني اوقودقه زياده سي له تاثير ايتكله مومي اليه سعيد بن معاذ اول انده مسلمان اولمشدر . فخر عالم افندمز دخي بعثتك اون اوچنجي سنه سي ربيع الاولنده حضرت (ابو بكر الصديق) ايله برابر (مكه مكرمه) دن (مدينه منوره يه) هجرت ايلشدر . ارکان قریش حضرت نبي ذیشان حقده

سوء قصد نیتده اولوب بر فرصت بکلمکده اولدقلرندن هجرت خبری کندیلرینه فناخالده تأثیری موجب اولمش وهان رسول الله افدمزی تعقیب التلشدر . حضرت رسول الله افدمز دفعاتله بیوک تهلکهره دوچار اولدینی حالده صحابت مستقله الهیه سایه سنده اله کچماشدر ، اشبو هجرت وقعه سی امت محمد طرفندن رأس تاریخ اتخاذ اولنشدر میلادک التیوز یکر می ایکی سنه سی تموزک اون یدنجی کونی حضرت رسول اکرم صلی الله وسلم افدمز مدینه منوره ده حضرت ابی ایوب الانصارینک خانه سنه مسافر اولشدر . مدینه اهالیسی حضرت یغمبری حسن قبول ایله خلیبی شرف اسلام ایله مشرف اولمشدر . هجرتک ایکنجی سنه سنه کنجیه قدر مسلمانلر غازلرینی بیت المقدسه (قدس شریف) متوجهاً ادا ایتمکده ایدیلر فقط سنه مذکورده نازل اولان آیت کریمه معلومه امتثالاً قبله قدس شریفدن (بیت الله الحرام) یعنی کعبه یه تحویل اولنشدر .

« محمد » وفات محمد علیه الصلاة والسلام — یغمبرمن صلی الله تعالی علیه وسلم افدمز حضرتلری هجرتک اوننجی سنه سی ذی الحجه آینه ده حجة الوداع ابتد کد نصکره مدینه منوره یه عودت بیسوره رق خسته لشمش اولدیفندن خلق ایسه نبی عالی شان مشار الیهک بوخسته لفی یول یورغلنندن ایلرو کلش اولدیفنه ذاهب اوله رق اولقدر متأثر اولما مشلدر . هجرتک اون برنجی سنه سی محرمنده حضرت رسالتک خسته لفی مشدت اولوب کنندی حالیه مشغول ایکن طاقه رومک کلیتو عسکر ایله سرحدده تجمع ایلدکری واصل مع حضرت رسالتناهی اولمسيله مشار الیه حضرتلری خسته لغیله برابر اصحاب کرامی جمع ایدرک و (واسامة بن زید) رضی الله تعالی عنهی رئیس

نصب ایدرك لاجل الفزاکلتلو عسکر ايله شام شریفه حرکتلرینی
امر وفرمان بیورمشلردر اسامه بن زید بووجهله حاضرلق کورمکده
ایکن حضرت (محمد) ک خسته لغنک کسب شدت التلی و دیسکر
طرفدن بعض منافقلرک یشمبیرک دعواسیله میدانه چیقمیلری بوسفرک
تأخیرینه سیبیت ویرمش ایدی . حضرت فخر کائنات بر پارچه
کندوسنده ابولک حس التملکه مسجد سعادت کلهرک خلقه بعض
نصیحتلردن سکره اولومک حق اولدینی وجله جهان خلقنه آندن
قورتلغه چاره اولدینی و آخرتده بر کون واردرکه اول کون عدالت
کونی اولوب هرکس حقوقی امر الهمی موجبجه آخردن آلمسی مقرر
اولدیفندن بناءً علیه بنده اولان حقوقکری شحیدن حلال ایتکری
و آخرت عذابندن تخلیص کریبان ایتکلکم ایچون شاید سزه برید
مامله ایتش ایسم بکا مقابله التلکری رجا ایدرم دیمسی اوزرینه جمله
خلق آغله شرق یارسلو الله بزم ذات رسالتناهیملری اوزرنده هیچ
بر حقمنز یوقدر بزدن یانه حلال اولسون سزک دخی اوزریمزده اولان
حق رسالت پناهیلریکری حلال التلکری استرحام و غنی ایدرز دیملریله
حضرت (عکاش بن محسن القزاری) ایاغه قالقوب یارسلو الله
تلتزمیسنکه بوندن مقدم دوه می ذات رسالتکرتک دوه سی یانه
صالیویردیکم صروده الیکزده که قیرباجی دوه کزه اورمق ایچون
قالدیردینکرت وقت بنم اومزیمه راست کلش ایدی حالا آجیسی
کنمیدی بونک ایچون حقمی المفسزین سزه حالالق دیلیه،م دیسیله
حضرت فخر کائنات یاعکاش کل حقنی آل دیو امر بیورمش
ایسهده حضرت عکاش اول قیرباجی طلب ایلدیکنندن نجی ذیشان
مشار الیه کریمه لری حضرت (فاطمه) خبردار اولمفسزین مذکور

قیر باجک خانه سندن کتورمسنی حضرت بلاله امر بیورمشلردر .
 حضرت بلال دخی امر پیغمبری اوزرینه قیر باجی کتوردیکنده
 حضرت علی ایاغه قالقوب یا عکاش فخر کائنات خسته در اکا
 اورم جنک بر قاجی به بدل بکا یوز قاجی اور دیرک رجا ایلدیکی کبی
 سائرلری دخی بوکا مائل پک چوق رجا ایشلر ایسه ده اصلا تاثیر
 ایتیمه رک وخلق ایسه ایشک حقیقته هنوز مطلع اولمقلرندن حضرت
 عکاشدن دلکبر اولمشلردر . حضرت عکاش ایاغه قالقوب قاجی بی
 رسول اللهک النذن آلوب فخر عالم صلی الله علیه وسلم افندمیزک امریله
 یقینه واروب طوردی حضرت رسالتناهی یا عکاش خسته یم چوق
 اورمه که طاقت کتورمه یم دیسیله عموم خلق فریاد ایدرک اغلاشفه
 باشلادیلر حضرت عکاش ایسه بونلرک فریادینه اصلا سمع و اعتبار
 ایتیمه رک یار رسول الله بو قاجی بکا تصادف ایلدیکی وقت بن چلاق
 ایدم شمدی ایسه ذات رسالتکز جبه کیمش سکر دیسیله حضرت
 فخر کائنات در حال جبه سنی چیتارمشدر حضرت عکاش بو حالی
 کورر کورمز الله کی قاجی بی یره آتهرق یوزینی حضرت (محمد) ک
 مبارک تی اوزرینه براقهرق فریاد و فغان ایله آغلغه باشلادی حضرت
 (محمد) ک دخی کوزلرندن یاش کلهرک و جمله خلق بو حالدن متأثر
 اولهرق آغلاشفه باشلادیلر کویا اول کون آخر قیامت کونی ایمش
 کبی صدالری آسمانه چیقمقده ایدی . حضرت عکاش بر وقت یوزینی
 حضرت (محمد) ک مبارک وجود سعادندن آیرما مشدر .
 پیغمبریز افندمز صلی الله تعالی حضرتلری یا عکاش نیچون بویله ایتدک
 دیو بیورمسیله عکاش یار رسول الله قورقدمه کن و بو خلق بوندن صکره
 ذات رسالتکزی کورمه جکر بو کون ذات نبوتکزه وداع ایدرم

و یوزی مبارک وجود سعادتمکره سوردمکه آخر قیامتده بنم وجود مدخی
 نار عذابدن قور تلسون دیمشدر. حضرت رسول الله دها بر طاقم نصیحتلر
 ویرد کدنه سکره خانه سنه عودت بیوردیلر. شار الیه حضرت تلیزینک خسته لغی
 کوندن کونه کسب شدت ایتمسبله ارادات الهیه موجنبه ربیع الاول
 آینک اون ایکنجی بازار ایرتسی کونی مرغ روح رسالتنهای قفس
 تندن پرواز وروضه بهشته لانه ساز اولمشدر. اصحاب کرام حضراتی
 فخر کائنات افندمک قنی محله دفن اولغسی مناسب اوله جفته دایر
 مذاکره ایتمکده لر ایکن ابو بکر الصدیق رضی الله تعالی عنه
 حضرت تلیز (الانبیاء یدفنون حیث یموتون) حدیث شریفی حضرت
 رسول اللهدن ایتمش اولدیغی بیان ایتمسبله حضرت (محمد) پی
 وفات ایلدیکی محله دفن اولمشدر. محمد مصطفی صلی الله تعالی علیه
 وسلم بازار ایرتسی کونی قشلق وقتنده وفات ایدوب صالی کونی
 دفن اولمشدر. ذات رسالتنهای به قرق یاشنده نبوب کلوب اون
 اوچ سنه مکّه مکرمه ده واون سنه مدینه منوره ده قلوب التمش اوچ
 یاشنده اولدقلری حالدده وفات اولمشدر که بالاده ذکر اولندیغی وجهله
 دنیا به تشریفلریله حجر اسودی مبارک ید سعادتلریله کعبه ده کی محلنه
 وضع اوللری و مکّه مکرمه دن مدینه منوره به هجرتلری وشهر
 مذکورده مواصلتلری و آخرته تشریفلری یوم مذکورده وقوعبولمشدر
 حضرت فخر کائناتک توصیه سی اوزرینه (ابو بکر الصدیق) رضی الله
 تعالی عنه حضرت تلیز خلافته کچرک جملله خلق اکا بیعت ایلدیلر.
 حضرت رسولک امری یرینی بولق ایچون حضرت اسامه پی شام
 حدودینه سوق ایلدی اول دخی عسکرله برابر ابو بکر ایله
 وداعلاشه رق مدینه دن چیقدی اولا اها لیبی مرقد اولمش اولان

قضاعه بی اوره رق بر خلی غنیت ایتد کد نصکره شام حدودینه
مواصلت ایلدی (بوراده بدرلری حضرت فخر کائناتک ازادلو
کوله لرندن زید بن حارث رضی الله عنه شهید اولمش ایلدی)
اورالری یتکرار فتح ایلد کد نصکره کمال موفقیتله قرقچی کونی مدینه
منوره یه عودت بیوز مشلردر .

« محمد ثانی ، ابو الفتح - کریدکان سلاطین عثمانیانک یدنجیسی
اولوب سلطان مراد ثانی حضرتلرینک مخدوم سعادت موسوملری
وسلطان بایزید ثانینک پدریدر . ولادتق میلادک بیک درتیوز یکریمی
طبقوز وهجرتک سکر یوز اوتوز اوج سنه سی رجینک یکریمی التجی
کونی قدمهاده مهد شهود اولوب ایکنجی جلوسی میلادک بیک
درتیوز الی بر وهجرتک سکر یوز الی بش وفاتی میلادک بیک
درتیوز سکسان بر وهجرتک سکر یوز سکسان الی سنه سی ربع
الاولنک دردنجی کونی اولوب تربه علیالری استانبولده جامع
شریفلری پیشکاهنده در .

افق سلطنت شرف قدومیله مطلع انوار سعادت اولدقده دولت علیه
علیهنه اتفاق ایدن قرمان و کرمان و آیدین و منتشا اوغللرینی
صدمه کذار بنجه غالیت ایدوب قونیه بی آلدی بعده ایکوز بیک
عسکرله ادرنه دن در سعاده کلوب برأ و بحرأ الی درت کون
محاصره دن صکره میلادک بیک درتیوز الی اوج وهجرتک سکر یوز
الی یدی تاریخنده فتح استانبول دولت جهان مشعوله نائل اولدی .
استانبولک فتحندن اسایشک اعاده سندن وبر عفو عمومی اعلانندن
صکره خاقان مشار الیه بر دیوان انعقادینی امر ایدوب بو دیوانه
روم بطریقینی دخی دعوت ایلدی حتی وکلاسنی بطریقک استقباله

گوئدردی او زمان حضرت پادشاه کیم اولور ایسه اولسون هیچ
 بر شخص ایچون ایاغه قالمیدینی کبی کندینه تبعیت ایتیش بر ملئک
 رئیس روحانینه قیام ایتمامکده دخی حق درکار ایدی لکن خاقان
 مشارالیه بودفعه قانونی تغییر ایدوب مقامندن قیامله بطریق طوغری
 اون قدم ایلریلدی و بو ذاتک الدن طوتوب تزدینه اقعاد ایلدی
 پادشاه مشار الیه متعاقباً حکومت روحانیه سنک تجدیدینه علامت
 اولق اوزره مشار الیه بر عصا ویرمشدرکه حالا بوکون مراسم
 عظیمده بر پاپاس بطریقک اوکندن کوتورمکده درلر . اشبو مظفریت
 جسیه عقیبنده اینوز و طاشوز و سماردک ونوه برده کبی بر چوق
 قلاع متینه بی دخی الده ایتیمی اوزرینه میلادک بیک درتیوز
 الی درت و هجرتک سکر یوز التمش تاریخنده یوز الی بیک عسکرایله
 بلغراد فتحه کیدوب محارلری مهم بر صورتده مغلوب ایدرک ایکی
 سه صکره آتیهی استرداد و بعض موره مالکنی تهدیدایله صربستانده
 واقع سمندره قلعه سنی فتح و کشاد ایلدی و کرجستان و ایران
 حکمداری اوزون حسنه غلبه سندن صکره یعنی میلادک بیک درتیوز
 الی سکر و هجرتک سکر یوز التمش درت تاریخنده طریزون و سینوب
 و قسطنیونی و متعاقباً مدلولو و بوسنده بعض قلاع ایله هر سک
 قطعه سنی ضبط و تسخیر و بوراده بر قاج دفعه ارناودلی تهدید ایتدی .
 اخیراً یعنی میلادک بیک درتیوز یتیش اوچ و هجرتک سکر یوز یتیش
 سکر تاریخنده اوزون حسنک ایکنجی دفعه اچدینی محاربه بی بعدالمغلوبیه
 قزانمغه اجرای شهر آیین ایتدیردی و اهاالسنک طلب و استدعاسنه
 بناء قریم ضمیمه مالک و کدک احمد پاشا واسطه سیله ارنوودلغه و خلی
 کفتلرله اشقودره یه دخی مالک اولدی . درسمعادتده نام نامیرینه

منسوب جامع شریفی میلادك بیک در تیوز التمش ایکی و هجرتك سكر
یوز التمش تاریخنده بنا ایتدیر مشدر .

« محمد علی پاشا » - میلادك بیک یدییوز التمش طقوز و هجرتك
بیک یوز سكرسان تاریخنده قواله ده تولد ایتمشدر . اوائل حالده
بیایغی بر اصناف ایکن خدمت عسکریه کیره رك بر مدت بیرقدارلق
ایله تپه ده لئی علی پاشایه خدمت ومؤخرأ طایفه سیله مصره عزیمت
ایدوب میلادك بیک یدییوز طقسان طقوز و هجرتك بیک ایکیوز
اون درت تاریخنده فرانسزلرله وقوعبولان ابو قیر محاربه سنده ایجه
ایش کورمش و مصرجه خیلی نام المشدر . موخی ایله میلادك بیک
سكر یوز بش و هجرتك بیک ایکیوز اون طقوز تاریخنده مصر
والیسی خسرو پاشا علیه کولنلرله اتفاق ایدوب پاشایی مصردن
دفعه موفق اولدی و متعاقباً کولنلری دخی رئیسلری علیه تحریک
ایله برابر هر فصل ایتدیسسه ایدوب مصر والیککی مقامنه اوتوردی
ووالیککی دولته تصدیق ایتدیرد کدنصکره دخی کولنلری دائره
اطاعته آلفه چال دیسه ده ممکن اوله مدیفندن الی سنه صکره بردیسسه
ایله سرایه جلب و قتل عام ایدوب تعرضلرندن قورتلدی و بووقوعاتك
عقینده مصر علیایی دخی زیر اداره سنه آلدی و بعده امر جناب
پادشاهی ایله بر قاچ بیل و هابیسر ایله اوغراشوب اوغلی (ابراهیم)
پاشانك همتیله خطه حجازیه بی لوٹ وجودلرندن تطهیر ایلدی و دیگر
اوغلو (اسماعیل) پاشا دخی نوبه قطعه سنه واروب دقله و شنندی
وسنار و قوردوفان ولایتلرخی آلدی . وروم قزینك تسکینی امرنده
دولت علیه عرض دست هارنت ایدوب اوغلی (ابراهیم) پاشایی
دوتما ایله موریه کوندردی (ابراهیم) پاشا دخی میلادك بیک سكر

یوز بکرمی بش و هجرتك بیک ایکوز قرق بر تاریخنندن اعتباراً اوچ
 سنه روملر ایله اوغراشدی ایسه ده فرانسه و انکلتزه و روسیه
 دوتنملری ناوارنده (آوین) دوتنمسانی دولت علیه دوتنماسیله
 برابر احراق ایلدکلرندن عساکر بریه سیله دونوب مصره کندی
 و محمد علی پاشا موره ده ایتدیکی معاونته مکافات اولمق اوزره سوریه نك
 دخی اداره سنه ویرلمسنى التماس ایدوب اسعاف اولندیقنى کورنجه
 اوغلی ابراهیم پاشا قومانداسیله بر جسم اردو کوندره رك سوریه نی جبراً
 الدی واردوسی در سعادته طوغری یوریمکده اولدینی حالده بتون اوروپا
 دولترینك توسطیله سوریه واطنه ولایاتی زیر اداره سنده قالمق
 اوزره میلادك بیک سکز یوز اوتوز بش و هجرتك بیک ایکوز
 اللى بر تاریخننده کوتاهیده بر مصالحه عقد اولندی و مؤخرأ
 میلادك بیک سکز یوز اوتوز طقوز و هجرتك بیک ایکوز اللى بش
 تاریخننده اردوسی تزیب محاربه سنى دخی قزانیدسه بونلردن بر
 فائده کوره میوب عاقبت اوروپا دولترینك الحاحیه سوریه و حجاز
 واطنه وکرید و مصره التحاق ایدن دوتنمای همایونك اعاده واستردادینه
 مجبور اولدی فقط بوکا بدل مصر والیكنك اولادینه مشروطیتی
 امتیازینی قزاندى و تشکراً در سعادته کلوب کتدکدنصکره ایکی سنه
 مختل الشعور یشایوب میلادك بیک سکز یوز قرق طقوز و هجرتك
 بیک ایکوز الشمس بش تاریخننده غوغای جهانندن قورتلدى . مشار
 الیه هج بر موانع و مزاحمه التفات ایتیه رك مصر اردوسنى اوروپا اصول
 و نظاماتنه توفیقاً تنسیقه تشیر ساعد همت و زراعت و تجارت و صناعتك
 ترقیسنه و عسکری و طبى مكاتب و علوم و معارفك ترقی و انتشارینه صرف
 همت ایتش و کندوسى دخی قرق یاشندن صکره او قویوب یازمغه
 باشلا یه رق بیاغی مباحنه ایدمك قدر اقتداره مالك اولمشدر .

« محی الدین » العربی - شیخ الامام المحقق رأس اجلاء
 العارفين والمقرین ابو عبدالله محمد بن علی بن احمد العربی المغربي
 الطائی الحاتمی الاندلسی درکه علوم ظاهره و باطنه ده بد بیضا صاحبی
 اولوب (شیخ الاکبر) عنوانیله یاد ایدلمکده در میلادک بیک یوز
 التمش درت و هجرتک بشیوز التمش تاریخنده مرسیه ده تولد و میلادک
 بیک ایکوز قرق و هجرتک التیوز اوتوز سکر تاریخنده شامده وفات
 ایدوب جبل قایسون اتکنده یعنی (صالحیه) ده آرایش لحد
 غفران اولدی . مشار الیه حضرتلری وحدت وجوده قائل اولنلرک
 قدوه سنی اولوب محققون جمیع علومده جلالت قدرینی تصدیق
 ایتمشلردر حق عالیرنده بعض منکرلر وار ایسه ده انلرده شیخ
 حضرتلرینک دقت کلامندن و یاخود کندولرینک طریق ریاضتده
 عدم وقوفلرندن ناشی مرامنی اکلاویه مدقلرندن عوارض شهادتن
 محافظه ایچون اعتراض ایتمشلردر محی الدین عربی حضرتلرینک
 تصوفده طوطش اولدینی موقع جلیله کیمسه واصل اوله مامشدر
 شعر و ادبیاتده مهارتی ایسه حائز اولدینی مقام عالی ایله متناسب
 بر صورتده در تألیفات جلیله سی بشیوزدن متکثر و قسم اعظمی تصوفه
 دائر اولوب بونلرک ایچنده اک زیاده دقیق (فصوص الحکم) در .
 مشار الیه حضرتلرینک کلامده وسعت و ذکاء و قوه حافظه سی
 دخی بشقه جه شایان حیرتدر اولا میلادک بیک یوز یتمش ایکی
 و هجرتک بشیوز التمش سکر تاریخنده وطنی اولان مرسیه دن اشبیلیه
 انتقال ایدوب اوراده میلادک بیک ایکوز ایکی و هجرتک بشیوز
 طقسان سکر تاریخنده قدر اوتوردق نصرکه مشرق جانبنه توجیه وجهه
 اترحال ایدرک مصر . حجاز . بغداد . موصل بلده لرینی زیارت و برمدت

دخی قونیه ده طرح بساط آرام ایله نهایت شامده اختیار اقامت
ایلدی وقونیه ده اقامتی اناسنده مشاهیر علمادن شیخ (صدرالدین)
قوی حضرتلرینک والده لرینی تزوج ایتدی و مشار الیه خلافت
ویردی (شیخ الاکبر) حضرتلرینک طریقت صوفیه ده منسوب
الیهی بر واسطه ایله عبدالقادر کیلانی حضرتلریدر . شامده
اوتوردینی مدتیجه بر چوق مال و منال وآقچه هدیه ایتدکلری
حالد بر جهسنی ادخاره رغبت ایتیبوب جمله سنی محتاجینه
ایثار و تصدق ایدر ایدی . اکثر مصنفاتی مکاشفات و اشانی
نومده وقوعبولان الهامات اثری اولدیقی بر کتایبده بیان
بیورمشلردر .

« مدین » - بحر احمرک شمال شرقیسنده وعقبه کورفرزی
نهایتده عربستانک اک قدیم برشهریدر . شمدیکی خالد برینه عقبه
قصبه سی قائم اولمشدر . (صالح) و (شعیب) علیهما السلام حضراتی
بو شهره مبعوث اولمشلر ایدی . حضرت (موسی) علیه السلام
شهر مذکورده قائن پدرلری (شعیب) علیه السلام ایله قرق سنه ساکن
اولمشلردر .

« مدینه » منوره - یثرب . اثرب . ارض الله . مدینه
الرسول دخی دینور قبله قباثل اسلام اولان مکه مکرمه نك شمال
جهتده ودرتیوز کیلومترو بعدنده اولوب (یکریمی بش درجه بش
دقیقه) عرض شمالی ایله (یکریمی درجه اوج دقیقه) طول شرقیه
واقدر . مدینه منوره شهرینک بانسی ملوک حیریه دن (ملک تبع)
اولدینی جمله روایات تاریخیه دن ایسه ده مبدأ شهرت و معموریتی دار
الهمجرة حضرت رسالتناهی اولسی تاریخندن معتبر وبالاخره جسد

اسعد جناب نبوی بی سنیه احترامه چکمله حائر شرف دیکرد
 (مدینه منوره) حرم ثانی اولوب دوز بر اووه در شمالی احد طاعی
 جنوبی نیر طاعی احاطه ایدوب طرف شرقی آققدز شهر
 مذکور الیوم اوتوز بشیک نفوسی حاوی اولوب قرق قلهلی وجیل
 احد طرفی اوتوز وقصور طرفلری دها نقصان مترو ارتفاعنده
 بر سور ایله احاطه اولنشدر . بو سوری میلادک طقوز یوز یتیش
 سکر و هجرتک اوچیوز التمش سکر تاریخنده عضد الدوله بنا التمش
 ایسه ده هجرتک طقوز یوز قرق ایکی تاریخنده قانونی سلطان (سلیمان خان)
 حضرتلری تجدید و هجرتک بیک یوز التمش ایکی تاریخنده سلطان
 (محمود خان) اول حضرتلری تعمیر بیور مشلدر مدینه منوره نك
 باب القبله الیوم (باب مجیدی) (باب المصر) (باب الشام) (باب الجمعه)
 ناملرنده درت قبوسی اولوب حرم شریف نبوی مملکتک قبلکاهنده
 واقعدر . حرم مزبوره عمر بن عبدالعزیز درت مناره احدات
 ایلدیه ده مؤخرأ سلیمان بن عبدالملک بونلردن بری (مروانک
 خانه سی جهته دوشمن دیو) هدم و سکره مصر ملکی محمد بن
 قلاون تکرار انشا ایتدیردی . بشیخی مناره سلیمانی دخی الیوم
 (مجیدی) نامیله یاد اولنور . درون حرم شریفده برده محرابی
 سلیمانی واردر . مدینه منوره نك هواسی غایت لطیف و معتدل اولوب
 لذتده نظیری نایاب و (عین زرقا) نامیله شهرتصاب اولان ایرماغی
 ایسه بوکا بر قاتدها آب وناب ویرمکده در (نهر مذکورک مجراسی
 اشاعی اولدینی ایچون کنارینه نردبان ایله اینیلور بو صوبی حضرت
 معاویه نك امریله مروان اجرا ایتدیرمشیدی) خورماتی فوق الغایه
 نفیس و سبزه . نار . قاوون . قارپوز . اوزوم . ترنج . شفتالو

انجیر و فواکه سائرہ دخی اعلا ولذیذر . خارج قعله ده بقیع شریف
 دنیلان محله آل واصحاب وشهدا وسائر صالحین وصالحاتک مراقده
 منوره لری موجود اولدیغندن محل مزبور ایله بر ساعت مسافده
 وجیل احد قربنده عم رسول جناب (حمزه) و قبله جهتده واقع
 (مسجد قبا) زیارتگاه عشاق عرفادر . مسجد شریف مذکورک
 اساسنی علیه الصلاة والسلام اقدم من اصحاب کرامیله برابر وضع
 بیورمشلردر .

« مراد خان ثانی » — دولت علیه عثمانیه ده التجی پادشاه اولوب چلی
 سلطان (محمد خان) ک اوغلی ابوالفتح سلطان (محمد خان ثانی) حضرت تلیزینک
 پدریدر ولادی میلادک بیک درتیوز اوچ و هجرتک سکر یوز الی
 جلوسی میلادک بیک درتیوز یکرمی بر و هجرتک سکر یوز یکرمی درت
 فاغی میلادک بیک درتیوز قرق اوچ و هجرتک سکر یوز قرق یدی
 دفعه ثانیه ده جلوسی میلادک بیک درتیوز قرق درت و هجرتک سکر
 یوز قرق سکر و فاتی میلادک بیک درتیوز الی و هجرتک سکر یوز
 الی بش سنه سی محرمنک بشنجی کونی عازم کلشن سرای آخرت
 اولملریله بروسه ده جامع شریفلری پیشکاهنده واقع تربته مخصوصه لرینه
 دفن اولمشدر ومدت سلطنتلری اوتوز سنه الی ماهدن عبارتدر
 اوائل سلطنت سنیه لرنده امرای عثمانیه دن اورانوس بک زاده لرله ده
 سائر بر چوق کیمه لر مقدما غیوبت ایدن شهزاده — مصطفی چلی بنم
 دیرک استانبول ایمراطورینک دسیسه سیله میدان چقاریلان شخصک
 باشنه طویلانوب عادتاروم ایلی بی اسنیلا ایلد کد نصرکه اناطولی به
 یوریدیلر ایسه ده شاه مشار الیهک حسن تدبیریه جمعیتلری بریشان
 و کردنکشی اطاعت اولان برادرینی ازینقده طوتوب قتل وبی نشان

ایلدیکی کبی ازمیر و منتشا حاکم لرینی اورتهدن رفع و نابدید و سلا نیک و کوتاهی و قونی و قره حصار و دیگر بر اردو واسطه سیله دخی صربلوری بوزوب قروشوات (الاجه حصار) سنجاغی و بزرن سنجاغی داخنده نوه برده (کیلان) و نیکولی و سمدره بی قح و افلاق و صوا نهرینک اوته طرفنی بالدفسات تهدید ایلدی . مؤخرأ بحار لر ایله افلاقلور دولت علیه علیه اتفاق ایتکله بونلره دخی ایکی دفعه بیوک غلبه چالدی . اورنک نشین سلطنت عثمانی مشار الیه سلطان (مراد خان ثانی) حضرتلری میلادک بیک درتیوز قرق اوچ و هجرتک سکر یوز قرق یدی تاریخده تخت حکومتی اوغلو سلطان (محمد خان) فارغ اولدقلرینی متعاقب لهستان و صرب و بحار و افلاق عساکر متفقه سی قره مان اوغلتک و (پاپا) حضرتلرینک تشویقوله وارنه اوزرینه یوریدکلرنده کار آشنایان امرای عثمانیه اعدانک بولکیشنی بکنمیوب و پادشاه نوجاهک تجربه سزلکنی دوشینوب هر حالده پدر سلطان (مراد خان ثانی) نک ینه جلب و اجلاسندن بشقه چاره اولمدیقنی اکلادقلرندن درحال لوغلی طرفندن دعوتنامه لر ارسالیله جلب و اجلاس و اولدم اوله سی به اعدانک اوزرینه هجوم ایدرک جمله سنی فنا حالده پریشان ایلدیلر روایت کوره اعدانک بوسفر اوچوز بیکدن متجاوز اولدیقنی و سکیان بیک زرهلی ایدوکی و هر طرفده شهر آیینلر اجرا اولندیقنی تاریخده مقیددر . مشار الیه موره ده کرمه (پاتراس) و (بالیادره) پاخود (پادره) بی دخی اخذ و تسخیر و آرداودلنی تهدید ایتدیک کبی میلادک بیک درتیوز قرق سکر و هجرتک سکر یوز الی ایکی تاریخده وارنه مغلوبیتک آجینسی چقارمق اوزره کلان عساکر متفقه بی دخی قوصوده اوتوز ساعت دوام ایدن بر بیوک محاربه تیجه سنده پریشان

ایلدی شیخ الاسلام نصی سلطان مشار الیه زمانندن بدأ ایلر .
بروسهده بر جامع شریفی واردر .

• مرادخان رابع ، - سلطان (مرادخان رابع) سلطان (احمدخان اول) ك اوغلو و سلطان (ابراهيم) ك برادریدر ولادق میلادك بیک التیوز طقوز و هجرتك بیک اون سكر سنه سی جاذی الاولیسك یكرمی سكرنجی كونی متولد اولوب جلوسی میلادك بیک التیوز یكرمی ایکی و هجرتك بیک اوتوز ایکی سنه سی ذی القعدة سنك اون بشنجی كونی عم مكرملری سلطان (مصطفی خان) حضرتلرینك ایكنجی فراغنده جالس تحت عثمانی اولمش وفاتی میلادك بیک التیوز اوتوز درت و هجرتك بیک قرق درت تاریخنده در . والده سی (ماهییكر) سلطانك تدایر حكیمانه سیله هرایش باشنه اولدقجه مناسب آدملر تعین و عراق سردارینه امداد تسیر قلندی برسنه صكره حافظ پاشا بغدادی آلمه مقتدر اوله مدیننی جهته بغداد سر چشمه سی بكر صوباشی به طرف سلطانیدن ایالت منشوری كوندردلده اول جیله كار ایرانلوی دعوت ایلدیكنه ندامتله اظهار خصومت ایلدیكندن شاه (عباس) غیظ و غضبه قوشوب شهری محاصره ایدرك بكر صوباشینك اوغلی محمدك خیانتیله بغدادی اوج آیدن صكره آلدی و اوتوز بیک قدر نفوسی قلیچدن كچروب یرلرینه ایرانی اقامه ایتدكده موصل جانبنه یوریدی سلطان مشار الیه برقاج سنه صكره بالذات كیدوب شهر مذكوری قرق كون قدر محاصره ایله استرداد ایلدی و عجملردن بعض فسیاد حسن ایلدیكندن متجاسر لرینی شدیداً تأدیب ایلشدر .

• مرقص ، یاخود (سن مارق) - ایوم خرسیتیانلرجه معتبر طوتیلان اناجیل اربعه دن برینك مؤلفیدر مولدی طرابلس غرب

اولوب کنج یاشنده سن پترویه ملاقی ورومایه هنریمتده رفیق و ترجمانی اولدی و انجیلی وعظ ایچون سیره نایق و مصر بمالکنی طولاشه رق میلادک الی ایکی تاریخنده اسکندریه کلیسانی تأسیس ایتدکن صکره میلادک التمش سکر تاریخنده مصرده بت پرستلر طرفدن اعدام ایدلدی . مومی الیهک صورت مثالیه سی قنادلی ارسلاندر وهرسه شباطک یکر می بشنجی کونلرنده یورطیسی طو تلقده در . انجیلنی رفع جناب (عیسی) علیه السلامدن اون سنه صکره پترو ایله ایتدیکی مکله قوتیله ولسان یونانی اوزره یازم شیدی که (ماتیوس) ک یازدینی انجیلک مختصری دیمک اولور . وندیکلور میلادک سکر یوز اون بش و هجرتک ایک یوز یاخود میلادک سکر یوز یکر می یدی تاریخنده جسدینی مصر نواچیسندن (معره) ده مکشوف بر قبردن چیقاروب وندیکه کتور مشلر واوراده اوزرینه (سنت مرقوس) نام جسم کلیسایی یامیشلردر . وندیک جمهوریتی و قتیله (سن مارق) ک صورت مثالیه سی اولان قنادلی ارسلانه نسبت ایدیلور ایدی حتی بر تصویر یی الیوم وندیک چارشوسنده بر عمود اوزرنده موجوددر .

« مریم » - حضرت (عیسی) علیه السلام افندمزک والدۀ محترمه لری اولوب (داود) علیه السلام نسلدن امام القوم عالم ملت (عمران) ک قزیدر . عمرانک زوجه سی (حنه) نک دار دنیا به هج بر اولادی کلدیکی اجلدن اگر جناب حق بزه بر اولاد احسان بیورر ایسه بیت المقدس خدمته تعین ایدرم دیمش و حق تعالی حضرت مریمی احسان بیوردیسه ده عمران وفات ایتدیکنندن والدیه سی حضرت مریمی کوتوروب احباردن حضرت (زکریا) به تسلیم وادخی بیودوب درون مسجدده بر حجره به اسکان ایشیدی مشار الیها

اوراده عبادتله مشغول ایکن بقدرت الله تعالی حضرت (عیسی) علیه السلام اقدمنه حامله اولوب دنیایه کتردی . شام ملکی (مردوس) (عیسی) علیه السلام ده طفلیتی آوانده بعض احوال غریبه سنی ایشدیکندن بیودیکنده باشمزه برایش آچار مطالعه سیله بیت الحمدیه کی ارکک چو جقاری قتل عام ایچون بر مأمور کوندر دیسه ده مشار الیها مخدومیه برابر اولجه مصره هجرت انلس اولدیفندن مأمولنه موفق اوله مدی ونهایت مصرده برخیلی مدت قالدقدن یعنی حضرت (عیسی) علیه السلام اوتوز یاشنه کیردکده مقتضای اراده الهیه اوزرینه تکرار بیت المقدسه عودت ایدوب بعد الرفع ناصریه عزیمت ایدرک میلادک اوتوز طقوز تاریخنده وفات ایلدی .

« مصر » - آفریقا قطعه سنک شمال شرقیسنده (یکرمی اوج درجه یکرمی اوج دقیقه) دن (اوتوز بر درجه اوتوز یدی دقیقه) قدر عرض شمالی ایله (یکرمی ایکی درجه اون دقیقه) دن (اوتوز بر درجه یکرمی بر دقیقه) قدر طول شرقی اراسنده واقع و شمالاً بحر سفید و جنوباً نوبه قطعه سی و غرباً لیبی صحراسی و شرقاً بحر احمر ایله محدود و بمالک ممتازة دولت علیه دن معدود بر قطعه مشهوره و معموره در و تقریباً ایکی ییحق میلیون قدر نفوسی حاوی و مقر خدیویتی (قاهره) شهر شهزیدر و اراضیسی قسماً طاعلق و قسماً مستوی اولوب و سطندن (نیل) نهری جریان ایدر . هواسی حار و ینموری نادر ایسنده کیجه لوی چو قجه (چیک) دوشمکله براز رطوبت اولور و فصول اربعه دن فصل بهار کانون ثانی ابتدا سندن بدأ ایله شباط نهایته قدر ممتد اولوب ختباقی اون آی مدته فصل صیف اجرای احکام ایلر و چول طرفندن هبوب ایدن و (حامسین) ذیلان روزکار چیمک علنی و ستمه

و کوز خسته لغری تولید ایدر وادی نیل غایت منبت و محصوله ادر در
و محصوله لاک وجوده کلسی ایسه انقلاب صیفی ایله اعتدال ربیعی ارا سنده
نهر نیلک مطلوب در جهده فیضان ایتمسه متوققدر . نهر مزبورک فیضانی
تقدیرنده فوق العاده بر صورته مصر بغدادی . برنج . شکر قامشی .
پنبوق . کنویر . کتان . قهوه . توتون . گوگ بویا حصوله کلور .
حیوانات اهلیه دن اسب . استر . حماریتشدریلور و حیوانات وحشیه دن
ارسلان و چقال و نیله مخصوص تساح و آبی بالی بولنور . معادن مفقود
حکمنده اولوب انحق قایقان و مرمرطاش او جاقلری موجوددر . صنایع
همان یوق ذیلله جک راده بی بولمشیکن والی (محمد علی) باشا دورنده تکرار
وجود بولمغه باشلادی و باشلیجه شهرلرده ایپلک و شکر فابریقه لری
وسائر صنایع دستکاهلری تأسیس و نقلیات تسهیل ایدلدی .
مصر افریقای وسطی و عربستان ایله هندک انباری حکمنده در .
مصر از قدیم اسپادن معدود و ذرونده شمیدیکنک ایکی قات نفوسی
موجود ایدی (سیزوستریس) نام فرعون مصری اوتوز الی
رقعه آیزه رق اساس اداره قویش ایکن صکره دن قرق قسه ابلاغ
اولئیدی . مصر قطعه سی جنوب حدودنده نیل اوزرنده کائن
(سیه) شلاله سندن بحر سفیده قدر و بحر احمر دن برقه ولاوی
چوللریته قدر متمددر . مصر عمومیتله اوج قطعه یه منقسمدر که
بونلردن برنجیسی (مصر علیا) ایتکیسی (مصر وسطی)
اوچنجیسی (مصر سفلا) در مصر علیا (سیه) شلاله سندن
هر موبولسی یعنی اشونین شهرینه قدر . مصر وسطی اشونین
شهرندن نیلک ایکی قوله تقسیم اولندینی نقطه یه قدر مصر سفلا دخی
نیلک منصبنه قدر در . مصر علیا سطح دریادن بر آز مر تقبجه اولوب

طغیان هر وقت کفایت ایتمیکندن صنی جدولره محتاجدر .
 مصر وسطی ایله سفلائك ايسه بو خصوصده احتیاجلری یوقدر
 مصر سفلاده نیل مبارک متعدد قوللره تقسیم اولنوب بر طاقم آطالر
 تشکیل ایلدیکی کبی بر طاقم مضر بطاقلقلر حاصل ایتمشدر . مصر
 سفلائك اوائلده موجود اولدیفنه یعنی یرنده دکر بولندیفنه دخی
 شبهه یوق کیدر . مصر تاریخنه باقیلیر ايسه ازمئه مقدمهده مصر
 حکومتی یالکز مصر علیادن عبارت ایدی . وقت مزبورده مصر
 وسطی دخی باتاق ایدی . مصر سفلا ايسه هج یوق ایدی بوکاده
 بر درجهیه قدر اعتماد آیمک لازمدر . چونکه نیل مبارک
 بوکونکی کونده دخی دکردن سنده اوج مترو قدر یر ضبط ایتمکدهدر .
 قدیم مصر یونک مذهبی قوای طبیعی نك هر برینی تشخیص و تألیهیدن
 عبارت بر نوع بت پرستك ایدی . بعض محللرنده اینك و تمساح
 کبی حیواناتی و بعض حضروانی دخی معبود انخاذا ایدرلر ایدی
 و روحك بقاسنه قائل اولدقلری ایچون موتایه غایت رعایت ایدوب
 تحیط و حفظ ایلرلر ایدی . ابنای بشرک مصرده نه وقت ونه
 صورثله انتشار ایلدیکی تاریخچه پك ده مضبوط دکل ايسه ده اهرام
 و دیکیلی طاش کبی بعض آثاره نظراً حضرت (موسی) علیه السلام
 اقدمزك زماننده غرق اولان فرعون (آمنوفیس) ك وقتنده
 کسب تمدن ایتمش اولدینی اکلاشیلور . مصری خلقتك بشیك
 قرق اوج تاریخنده یعنی میلادك بشیوز الی بر سنه مقدمنده عجملر
 و اوچیوز اوتوز ایکی سنه مقدمنده اسکندر رومی ضبط ایدوب
 اسکندریه شهرینی تأسیس ایتمش و مؤخرأ اسکندرک جنراللرندن
 (بنوله) یعنی بطلیوس و احفادینه انتقال ایدوب مؤخرأ شرق

ایمپراطورانی زیر حکمنه و تکرار مجمله بکهرک هجرتک اون طقوز
تاریخنده عساگر اسلامیہ طرفندن فتح اولغش و مؤخرأ ملوک امویہ
وعباسیہ وفاطمیہ وایوبیہ وغلایمان اتراک وچراکسہ کچی بر جوق
حکمداران اسلامیہ نوبت بنوبت اجرای حکومت ایدوب نهایت
سلطان (سلیم خان اول) حضرتلری زمان سلطنتلرنده دولت علیه
عثمانیہ به انتقال ائش و میلادک بیک سکر یوز قرق بر وهجرتک
بیک ایکوز الی یدی تاریخنده بر جوق قبل وقال ومحاربات
نتیجہ سی اولهرق بعض امتیازه نائل اولمشدر . مصرک مبدأ
علوم ومدنیت ومنشأ فنون وصنعت اولدینی جملہ نک معلومی
اولدینندن بو بابده تفصیلاته حاجت یوقدر . ابو المؤرخین
(هردوت) بیلہ زماننده مصری مدح وثنا ابتدکی صرہده (بن
مصر قدر عجایب وغرائبی چوق مملکت کورمدم . یونانیلرک
کیدوب کلوب طورملری سیسز دکل ایش هر نقدر سیسام وافس
معبدلری بر شهرت جسمیہ مالک ایسلرده مصرک آثاری یاننده
هیچ مثابه سنده قالور وعلما سنک معارفده اقتدارلری تدریسيله
مشغول اولدقلری (مجموعه هر مزیه) نام کتابلرندن پک قولای
اکلاشیلور) دیدی .

« مصرایم » - حام بن نوحک ایکنجی اوغلیدر . نام دیکرله
(مه نس) دخی دیرلر . حین تفرقده منسوباتيله حبشستان ایچندن
مصره کیدوب نیلک جهت شرقیسنده (منفس) شهرینی تأسیس ایله
مصر حکومت قدیمه سنک برنجی سلاله سنی تشکیل ائش و بناء علیه
مصر خطه سنه مشار الیهک نامنه نسبتله مصر دئشدر هیقوسلرک
مصری استیلا ابتدکلری زمانه دکین مرور ایدن بیک یکرمی سکر

سنه ظرفنده اشبو حكومت قديمه مصريه ده اون ايكي سلاله دن يوز طقسان طقوز حكمدار كلديسه ده اكثريسنك احوالى معلوم دكلدر . روايته كوره خاقتك ايكييك ايكيوز طقسان سكر تاريخنده يعنى ميلادك اوج بيك ايكيوز طقسان التي سنه مقدمنده نوبه به قدر اقليم مصر ك سكه قديمه سى مشار الهدن نشئت الئشدر . عبرانيلىر نيل نهرينه دخى مصرايم ديرلى ايدى .

« معاويه » بن ابو سفيان - امجادن وبغى اميه سلاله سندن اولوب دولت امويه نك مؤسسيدر شام واليسى ايكن سلاله مذكوره دن ثالث خلفا راشدين حضرت (عثمان) رضى الله عنك وقوع شهادتى اوزرينه خلقى اخذ انتقامه تحريص ايدوب ميلادك التيوز اللى يدى وهجرتك اوتوز يدى تاريخنده مصرى والى سابقى عمرو بن العاص مرقيله حرباً تسخير وخليفه مسلمين حضرت (على) طرفندن منصوب والى يى احراقه عدم آباده تسير ايله كدنسكره عساكر كليه ايله خليفه مشار اليه اوزرينه خروجه مبادرت و حضرت (على) رضى الله عنه دخى بالمقابله كوفه دن حركت ايتكله صفينده تلاقى طرفين ايله يوز اون كون ظرفنده طقسان درت دفعه علولان آتش جنگ وجدالده هر ايكي طرف يتمش بيك كشى تلفات ويرمش ونهايت طرفين مرخصلرندن مركب عقد اولتان مجلسده دسيسه لى برنعااهده ايله حضرت معاويه نك شام والىلكى تصديق اولئشدر . اول و آخر يكرمى سنه شام والىلكى ايدوب ميلادك التيوز يتمش طقوز وهجرتك التتمش تاريخنده سكسان ايكي ياشنده اولدينى حالده وفات ايلدى . اسلامك ابتدا اوغله خلقى بيعت ايتديرن وبريد وضع ايدن ومسجوده مقصوره بيان و اوتوردى يى رده خطبه اوقويان وزنادن ثبوت نسنه

حکم ایدن و حرمده طواشی قوللان و دیوانده خاتم اتحاد ایلین
معاویه در .

« مکة ، مکرمه - بحر قلزمک (بحر احمر) شرق جنوبیسنده
واقع جده اسکله سندن دوه ایغی طفسان کیلو مترو یعنی اون سکر
ساعت و مدینه منوره دن در تیوز کیلو مترو یعنی سکسان ساعت بعد
و مسافه ده اوتوز بیک خانه و یوز اون بیک نفوسی جامع بر شهر
شهر سعادت قریر اولوب سوراق و خانه لری منتظم و سرتسر تجلیزار
انوار خدا و جلوه گاه انیا و اولیا اولغله مشهور در حراری زائد
یوستی غالب ایسه ده هواسی غایه الغایه صاعلامدر . شهر شهر (مکة
مشرقه شرفها الله تعالی) الی یوم القیامه (یکر می بر درجه یکر می
سکر دقیقه) عرض شمالیده و (قرق یدی درجه الی دوت دقیقه)
طول شرقیده واقع اولوب سطح بگردن ایکی یوز الشمس ایکی مترو
یو کسکدر . شهر مذکورک اطرافنده کی قلعه لردن حرم شریفه ناظر
خراب بر حالد بولنان قل قل قلعه سی غیرت قشله سی نامیله و ایکی
بیک لیرا اعانه اچمه سیله و شجمان عساکر عثمانیه نک غیرت و اقدام لری
ثمره سیله مجدداً انشا ایدلمش اولدینی کبی ینه حرم شریفه ناظر یوز
الی بر یچق مترو یعنی اکیوز ذراع مر بونده سورله محاط اولوب
درونده کائن متعدد خرابه زار سرا بلری بولنان جهاد قلعه سنک
اطراف سورلری هیئت اصلیه سی اوزره مکمل صورتده تعمیر
و خرابه لری کافه سی هدم و تطهیر ایدلدکن صکره خزینة جلیله
بار اولق سزین اصحاب حمیت طرفندن ویریلان اعانه اچمه سیله و عساکر
حضرت شهریارینک غیرت و اقدام لری ثمره سیله اوج سنه ظرفنده
کارگیر اولق اوزره صورت مکمله ده بر طابور اوق قشله ایله بر جخانه

و بر حبسخانه عمومی و متعدد دیوایل ایل جهاد میداننده مجدداً برده
طوبچی قشله سی انشا ایدلشدر . بر ایکی سنه به کلنجیه قنبر حجاز
ولایتی مرکز سلطنتله پوسته واسطه سیله مخبره ایتکده اولدینی حالده
له الحمد والته مخبره مذکوره سایه معموریتوایه حضرت سلطان
(عبد الحمید خان ثانیه) طاقندن مکه مکرمه به واورادن جده به قدر
ایصال وجده دن قابلو طریق واسطه سیله سواکنه ربط ایدیلان
تلغراف خطی واسطه سیله مخبره مذکوره تحت تأمینہ التمشدر و بونک
ایچون باب ابراهیمده حکومت قونانی قارشوسنده مجدداً برده
تلغرافخانه یایدیرلشدر . حرم شریف دروننده جنتکان (سلطان
سلیم خان) حضر تریک آثار خیریه سندن اولوب اون بش بیک لیرا
قیتمده اولان کتبخانه هر فصله بر مختصر طرفندن ملک ایدلدیکی
اکلاشلی اوزرینه کتبخانه مذکور اصول دائره سنده مختصر هر قوم
یدندن تخلص ایدیلهرک بر طرفه کاف السابقی کتبخانه و دیگر طرفه
بر عدد مکتب رشديه عسکری به انشا ایدلشدرکه بوکونکی کونده
سایه طوباویه حضرت شهریاریده طقسان شاگرد تحصیل علوم
ایلمکده در . اشته بالاده تعداد اولنان انشا آتدن بشقه باب ابراهیمده
حرم شریف داخلنده مکمل بر عدد موقت خانه ایله حکومت قونانی
داخلنده برده منتظم مطبعه یایدیرلشدرکه طبعی لازمکلان برطاقم
کتابلری طبع ایتدیرمک ایچون بر جوق پاره صرفیله اصحابی مصره
کیتک کلفتدن قورتولشدر در و خرابه یوز چویرمش اولان حکومت
قونانی صورت مکملده تعمیر و ترمیم ایدیلهرک مفروشانکی کلاملا
هنددن جلب ایدلشدر . مدینه منوره نك اسکله سی اولان بنع
البحر ده کائن قلعه نك خراب اولان سورینک صورت مکملده تعمیر

و ترميله بر طابور استيعابه كافى مجدداً اوج عدد قره غول خانه انشا
اولندينى كې رايع و طائف و بونله مائل سائر محالرده دخی برچوق
انشاآتك بويه آز وقت ايچنده ساحه حصوله كلمى اسبق حجاز ولايتى
واليسى دولتو (عثمان نوري) پاشا حضرتلرينك (ترقي ملك ايله امت
و ملتك سعادت و سلامتى اغورنده جوهر كرانبهاى حياتلرينى بذل
و ايتار بيورمقده اولان ولى نعمت يىمتمز شوكتلو پادشاه عالمناه
اقتدمز حضرتلرى طرفدن شرفريز صدور اولان امر و فرمان
هايونك احكام جليله سنه توفيق حركتله) ليل و نهار سى و اقداملى
سايه سنده اولدينى اول طرفدن كلان محب ملت و وطن بعض ذوات
محترمه نك افاده لرندن اكلاشلس اولمغه مشار اليه حضرتلرينك
بويايده واقع اولان هممات جليله لرى و معيتلىرى بولان ميرلوا سعادتلو
محمد لطفى پاشا ايله انشاآت مذكوره سرمهندسى ازكان حربه
مير الايلرندن عزتو محمد صادق بكك غيرتلى جداً شايدان تقدير
كورلمشدر .

اصل نظر دقته الهحق نقطه شورا سيدر كه مكه مكرمه نك شرق
شماليسنده كائن جده شهرينك اداره شرييه سى اوچيوز قدر متعفن
صهرنج صولرينه منحصر اولمغه برابر شهرك تنظيماتنه دقت اولندينى
زمانلرده (مد) بر اقديسى اولان بطاقلقرك انضمام عفونتيه
جده نك حياتت هوا سى خلابذير اولمقده ايديسه ده بوندن براكى
سنه مقدم سايه معموريت وايه حضرت پادشاهيده مشار اليه
حضرتلرى جده نك ايكي ساعت بعد و مسافه سنده واقع واديلردن
مكمل طوللر واسطه سيله جده نك اون دقيقه خارچنده كائن معهود
صهرنجلك ياننه قدر كتوروب صوبى سطح ارضه چيقارمش ايسه ده

او صرہ دہ انفصالی وقو عبولغلہ خلفارنی دولتو (جیل) پاشا حاضر تری
اولجہ حاضر ومہا ایدلش اولان تیمور بوریلر ایلہ مملکت ایجنہ
کنوردوب محلاتہ تقسیمی مراد ایش ایسہدہ مشارالہ دخی انفصال
ایتمکلہ الیوم حجاز ولایتی والیسی بولنان دولتو (صفوت) پاشا
حضر تری اتمامہ موفق اولمشدر مذکور صوبہ عین (حمدیہ)
نامی ویریلہ رک داخل بلدیہ اجرا وموقعا وعددا احتیاجاتہ کافی
چشمہ لراشاسی کرک برلی اہالینک وگرگسہ بہرسنہ بیکلر جہ کلکمدہ
اولان حجاج مسلمینک میاہ متعفنہ ایچمک محذور ومجبوریتی بر طرف
الشددر . مذکور عینک جدمہ اجراسی ولایہ سابقہ طرفدن
در خاطر ایدلش وحی عصرینک اک برنجی متفند وشمولی اولان
قرہ مصطفی پاشا ہجرت نبویہ نک بیک طقسان اوج تاریخندہ تیشہ زن
تثبت ایش ایسہدہ (جناب موفق الامور حضر تری ترقی ملک
مدار اولان فیوضات مدنیہ نک اسباب حصولی عصر مسعدت حصر
حضر ت خلافتناہیہ تعلیق بیورمش اولمشندنرکہ تصور وتشبت
نتیجہ بخش موقیت اولہ مامشدر) . شہر مذکورک وسطندہ طولاً
در تیوز وعرضا اوجیوز درت ذراع وسعتندہ اولان (حرم شریف)
کائندرکہ او دخی بشقہ جہ قبلہ لہ مستور اولدینی خالدہ (بیت اللہ
الحرام) انک اورتہ سندہ واقع اولمشدر . (مکہ مکرمہ) دہ بیت
مشارالہدن بشقہ مقام (جبریل) و (ابراہیم) و (حجر اسماعیل)
علہم السلام کی مقامات جلیلہ (مولد جناب نبوی) و (خدیجہ
الکبری) و (فاطمہ الزہرا) رضی اللہ عنہما وجیل (عرفات)
وقیس کہ (یا ایہا النبی حسبک اللہ) آیت کریمہ سی اورادہ
شرفبازل اولدی وعلی روایہ حضرت (آدم) بو طاعتدہ دفن

اولندی و جیل نور یا خود جیل حراده (که نبوت مآب افندمن
قبل البعثه اوراده اتروا بیوردیلر (الم تشرح لك) سورة جلیله سنك
محل نزول و شوق صدر قمر معجزه سنك موقع حصولی دخی بورا سیدر)
اشبو وصف و تعداد اولنان محال مبارکه مك اكثریسنه مؤخرأ قبلر
و جوار لر نده مسجد لر بنا اولمشدر . (مكه مكرمه) نك الی ساعت
ایلو رسنده اولان جیل (عرفات) حجاجك وقفه یه طور دقلری محل
اولوب اورادن ایکی ساعت بروده (مزدلفه) و مزدلفه ایله (مكه
مكرمه) ییتنده (منا) قصبه سی موجود در كه بوراده حجاج اوج
كون اقامتله دونما ایدر و قربان كسر لر . مناده واقع مسجد (آدم)
دخی مشعر الحرام دندر . مار الذکر عرفاتده (هارون الرشید) ك
زوجه محترمه لری (زبیده) سلطان هجرت نبویه نك ایكوز اون سكر
تاریخنده مبالغ كثیره صرفیله (مكه مكرمه) یه اوج كونلك مسافدن
طاغلر دویره رك (عین خنین) نامنده کی صوبی مكیبه كتورمك
استخس ایسه ده عمری وفا ایتدیكندن صو انجق عرفاته قدر كله بیلش
ایدی بنابرین اشبو اثر خیر سلطان (سلیمان خان) قانونی زمانه
قدر او یله جه نا تمام قالمش ایدی مشار الیهك دختر سعاد اختر لری
(مهر ماه) سلطان صرف تقدینه همت ایدوب صوبی عرفاتدن
جلب ایله مكیبه اجرا و مواقع لازمه ده چشه لر انشا ایتدیردیلر عین
مذكورك یوللری بوزلدجه سلاطین عظام حضراتی طرفلرندن تعمیر
اولدینی کبی هجرت نبویه نك بیک ایكوز طقسان الی سنه سنده
عجرای عین ینه بوزلمش اولدیغندن ابوالحیرات اطلاق مابه الاستحقاق
اولان خلیفه مشروعه (فخر المرسلین) شوكتآب افندمن حضر تلی
عجرای عینك احتیاجات زمانیه نسبتنده تعمیرنی فرمان بیورمش

اولدقلرندن سنه مرقومهده در سعادتنن مکه یه بر هیئت فیه کوندربلوب کرك طرف دولت علیه دن احسان بیوریلان و كرك اقطار اسلامیه دن اعانه وارد اولان سكان بيك لیرا ایله سایه حضرت ظل اللهیده عينك مجراسنك تطهيرينه مباشرت اولنمش ايسهده مشار اليه (عثمان نوری) پاشا حضرتلری او صروده (با اراده حضرت شهریارى) فریقلق رتبه جلیله سیله حجاز عموم قوماندانلغنه تعین بیوریلهرق (مکه مکرمه) یه مواصلتلیله عین مذکورک تطهیری ایچون التی کشیدن مرکب معاشلی اولهرق تشکیل اولنمش اولان قومیسون معرفتیه یکر می بیك لیرا صرف ایدلمش اولدینی حالدہ تعمیراتدن هیچ بر اثر کوریلهمامسی مسجوع عالیلری اولدقدہ در حال امیر مکه ایله والی ولایتہ بالمراجعہ قومیسون مذکور ریاستی در عہدہ بیورهرق ومذکور قومیسون طاغدارق فخری اولهرق اون ایکی کشیدن مرکب یکیدن بر قومیسون تشکیل وباقی التمش بيك لیرا ایله سایه کردون پایه شاهانہده عین مذکورک بدایتی اولان عرفاتدن نہایتی اولان حرم شریفک (باب الوداع) نام محکمہ قدر التی ساعت طولنده اولان طوللرینی صورت مکملہده تعمیر وتطهیر وباب الوداعدن شیخ محمودہ قدر تمديد یعنی اوج بيك مترو طولنده مجدداً طوللر انشاسیله مکه مکرمه یی صو احتیاجندن بسبتون قورتارارق وبوریلر واسطه سیله اماکن میریه یه صو اجرا ایتدیرهرک ومملکت داخلندہ متعدد چادروانلر ایله چشمه یاپدیرارق بو یوزدن بهر سنه بیکلرجه کلکده اولان حجاج مسلمینی نیجه بيك مشقتله بر ابریق صوبی یکر می پاره یه آلق کلفتندن قورتارمشلردر . مکه مکرمه دین مبین اسلامک کهواره انتشاریدر ایکی جهان سروری

فخر کائنات افدمن اڌ اول بوراده تبليغ احکام رسالته مأمور
 بیوریلوب اظهار اسلامه باشلا دقلرنده اون سنه قدر علی التوالی
 وقوعات طاققرسای اعدایه سنه کذار تحمل اوله رق نهایت
 وقوعبولان دعوتلری اوزرینه میلادک التیوز یکریمی تاریخنده اسلامه
 کلنلر ایله مدینه منوره یه هجرت بیورمشلر ومکه لیلر بوراده دخی
 راحت ویرموب آره صره مقاتله دخی ایلدیلر سده کون بکون اکتساب
 فروتاب اینمکده اولان جمعیت مقدسه اسلامیه یه قارشو اولکی کبی
 بر ضرر ایقاعنه قدرتیاب اوله مدقلرندن ناچار مصالحه ایتشلر ایدی
 میلادک التیوز یکریمی یدی یعنی هجرت نبویه نک التنجی سنه سنده
 (فخر کائنات) افدمن حضرتلری زیارت حج شریف ایچون بیک
 درتیوز اصحابله جوار مکه یه قدر تشریف آور اولدقلرندن لاجل
 التأمین حضرت (عثمان) رضی الله عنہی ایلرو کوندروب فقط
 مکه لیلر مشار الیهی حبس ایتدکلرندن افدمن تحت شجره ده اصحاب
 کرامیله بعد المشاوره درون شهره حرباً کیرلسنه قرار ویرملری
 اوزرینه مکه اهاالیسی انجام حاله عطف نظرله هزار اعتذارده
 بولنه رق تجدید مصالحه یه رغبت کوستردیلر انحق ایکی سنه صکره
 یعنی میلادک التیوز یکریمی طقوز وهجرتک سکر تاریخنده تکرار نقض
 عهدہ اجتناسار التلریله حضرت رسالتناه افدمن اون بیک کشیله
 عزیمت ایدوب ویردکلری تأمینات شفقتپرورانه اوزرینه جزئی
 بر محاربه ایله مکه یه داخل اولدیلر . حرمین شریفین خدمت مفتخره سی
 دولت علیه عثمانیه یه میلادک بیک بشیوز اون یدی وهجرتک طقوز
 یوز اوتوز اوچ تاریخنده سلطان (سلیم خان) حضرتلری زماننده
 انتقال ایتشد .

« موسى ، مولد موسى عليه الصلاة والسلام - موسى عليه السلام لاوى ذريتدن ظهور ايدوب پدرلىرى عمران بن بصهر ووالده لرى لوخا خودبو خيذبت هانه در فرعون بنى اسرائيل ذريتدن بريغمبر يديله هلاك اوله جفتى كاهن و منجملرندن خبر المسى اوزرينه يكي طوغان بنى اسرائيل اولادلىرىك اعدامنى امر ايلديكي بر زمانده يعنى ميلادك بىك يديوز يكرمى بش سنه مقدمده ارض جاسانده (تائيس) قصبه سنده دنيايه كلوب والده لرى بر مدت كيزلش ايسه ده شايد ايلروده فرعون خبردار اولورده بر مضرت طوقور خوفندن ناشى چوجنك حفظ آلهى به تسليتى دها اولى بوله رق نيله آتمغه قرار و ير مشدر نتكم حق تعالى بيورير » فاذا خفت عليه فالقيه فى اليم ، يعنى قورقديغك وقت انى دكره آت بوراده دكردن مراد نهر نيلدر اشبو قرار اوزرينه (موسى) عليه السلامك والده لرى قبطى بر نجار يانه كيدرك بنى اسرائيل ظنيله كيفيتى تفصيلاً افاده و بيان ايدوب بر محكم صندوق مبايعه ايلد كد نصكره خانه سنه عودتله چوجفى بو صندوق ايچنه وضع ايله نيل مبارك آقديسنه صاليو ير مشدر . (قبطى نجار بو حالى خبر و ير مك ايچون در حال دكاننى قبايه رق فرعونك موكلارينه كيدوب مسئله يى حكايه ايده حكى صره ده من طرف الله دلى طوتلش اولديغندن مرامنى اكلاده ميه رق مايوساً عودت ايتلش ولسانى دوزلش اولمغله تكرار فرعونك موكللى نزدينه كيتش ايسه ده بو سفرده لسانيه برابر كوزلى دخی كور اولش اولديغندن هېچ بر وجهله مرامنى اكلا تمغه موفق اوله مدينى جهته بتون بتون مايوس قاله رق عودت و يولده بر دريه دوشرك لسانيه كوزلى آچلش اولمغله بو حالدن متخير قاله رق فرعونك

هلاكنه سبب اوله حق بو اوغلان (موسى) عليه السلام اولديفنه
عين القين حكم ايتكله هان مذكور درده جناب كبرياه سجده
شكران ايدرك حضرت (موسى) عليه الصلاة والسلامك نبوت
زماننده كندوسنه ايمان ايله خدمتنده بولتخلق شرفه نائل اولسنى
نياز واسترحام اللشدر نيكم قرآن عظيم الشانده و قال رجل مؤمن
من آل فرعون ، بيورمشدر .)

او ائنانده فرعونك زوجهى آسيه ايله كريمهى وبر طاقم جاريه لر
نيك كنارنده يقانمقده وفرعون دخى تحتده بولرى سير ايتكمده
ايكن اوزاقدن بر صندوق كلور اولديفى كوردكلرنده قايقار واسطه سيله
مذكور صندينى نيلدن چيقاردوب قباغنى آچدكلرنده درونسنده قر
مثالى حضرت (موسى) عليه السلامى كوردكلرى آنده من طرف الله
جهلهسى بردن قلباً محبت حاصل ايدرك وصندوقدن چيقاره رق فرعون
سراينه كتورديلر (موسى) عليه السلام بو وجهله فرعون سراينده
بيومشدر لكن والدهسى لوخاهر نصلسه سود آنا صفتيله حضرت (موسى)
عليه السلامه باققده اولديفندن عن اصل هانكى ملته منسوب اولديفى
اوكرغشيدى بنى اسرائيلك مصريلردن چكدكلرى اذا وجفادن
نائى بك زياده مضطرب اولوب حتى بر كون بر اسرائيلى بي تحقيق
ايدن بر مصرى بي قتل اللش ايدى (موسى) عليه السلامك بو
مئللو طور وحركاتى فرعون سراينده كاهنرك شهبه لرينى دعوت
اللش اولديفندن ارتق مصرده دورمهسى جائز اوله ميه جفى
يقيناً يلكله (مدين) طرفلرينه عزيزته قرار ويره رك هجرت
اللشدر .

« موسى » هجرت موسى عليه الصلاة والسلام - موسى عليه

السلام افدمز حضرتلری عن اصل بنی اسرائیل طائفه سندن اولدیفندن فرعون ومصریلرک بنی اسرائیله ایتمکده اولدقلری اذا وجفایه صبر وتحملی قالیوب وفرعونه ایسه بنی اسرائیلدن اولدیغی بیلدیرمک ایسته مدیکندن آچقندن آچقه طائفه اسرائیلیه یاردم ایتمکدن عاجز قالمشیدی . حضرت (موسی) علیه الصلاة والسلام افدمز حضرتلری بر کون فرعونک سراینه کله رک سؤال ایلدکده ایکی فرسخ بعد ومسافه ده کائن(منفس) شهرینه عزیمت ائتیش اولدیغی خبر المسیله آتیه بنوب شهر مذکوره عزم راه ایلدی اولیه وقتی شهره دخول ائتیش ایسه ده عادت بلده ایجا بنجه اهالی بلده وقت مذکورده خانه لرینه چکیله رک بر ایکی ساعت استراحت لرله مشغول اولدقلرندن هیچ بر کسنه یه تصادف ایتیموب یالکز بر قبطینک طائفه اسرائیلدن برینی جبراً ایش ایشلمک سوق ایلدیکنی کوردکده واسرائیلی ایسه حضرت موسی دن مدد طلب ائلمک باشلا دیغنده (موسی) علیه السلام اسرائیلک صالیورلمسنی قبطییه اخطار ائتیش ایسه ده مرقوم اصلاً اصفا ائلمدیکندن حضرت (موسی) درت پرمغیله قبطینک کوکسندن درتمسیله اول انده بره دوشرک جان ویرمش اولغله اسرائیلی بو یوزدن قورتلوب کئمشدر . حضرت (موسی) علیه السلام بر جهندن اسرائیلک بو بلیه دن قورتلدیغنه ممنون قالمش ایسه ده دیگر جهندن قبطی بی اولدیردیکنه نادم ویشیان اولدیفندن جناب رب العالمیندن استیغای قصور ایتمشدر . بو حال فرعونه خبر ویرلمسیله قبطی بی اولدیرانی آرایوب بولقی ولایمکلان جزایی ویرمک ایچون فرعون طرفندن صادر اولان

امر موجبہ مملکتک ہر طرفہ عسکر چقارلش ایسہدہ قبطینک
قاتلی بولہ مامشدر . فرداسی کون اولکی کون قورتارمش
اولدینی اسرائیلی دیگر بر قبطینک ایش ایشتمکے کتورمک ایچون
ضرب وتنکیل ایدر اولدینی کورنجہ حدتہ کلہرک اسرائیلی بہ
خطاباً سن نصل آدمک دونکی کون سنی قورتارمق ایچون قضاء
بر قبطی بی اولدیرمش ایدم دیسملہ اسرائیلی دونکی کون اولدیرمش
اولدینک قبطی کبی بو کوندہ بنی اولدیرہ جکسن انسانلرہ لازمکلان
تألیف ین ایتمکدر بو سوزی قبطی ایشدکدہ دونکی اولان قبطی بی
(موسی) علیہ السلام اولدیرمش اولدینی اکلامغلہ اورادہ
اسرائیلی بی ترک ایدرک کیفیتی خبر ویرمک ایچون در حال فرعون
تزدینہ کتمشدر فرعون بو حالدن خبردار اولنجہ (موسی) علیہ
السلامک اطوار وحرکاتیلہ کاهن ومجملرک ویرمش اولدقلری
معلوماتدن ذاتاً نمون قالمدینی جہتلہ بونی وسیلہ عد ایدرک
وجودینک اورتہدن قالدیرلسی ایچون ویرمش اولدینی امر شدید
اوزینہ طرف طرف حضرت (موسی) علیہ السلامی آرامقدہ
اولدقلری واولجہ حضرت (موسی) نک نبوت زمانندہ اکا ایمان
ایتمک وخدمتندہ بولنق شرفہ نائل اولمق ایچون درہ ایچندہ جناب
واجب الوجود حضر تلرندن استرحام ایتمش اولان قبطی بوایشہ
خبردار اولور اولمز (موسی) علیہ السلامی بولوب کیفیتی بیان
ومصدر دن هجرت الہی لزومنی در میان ایتمککہ حضرت (موسی)
علیہ السلام کمال درجہ خوفندن شہرہ اوغرامقسزین منفسدن
حیقوب خالق حقیقی بہ صفہرق حیوانتی چولک بر طرفندہ واقع
اورمانک ایچندن کیدن یولہ طوغری تہرک حرکت التمشدرک

اشبو کیندیکی یول حضرت (شعیب) علیه الصلاة والسلام اقد مزك بولندی (مدین) یولدر . (موسی) علیه السلام بو وجهه یوله دوام ایدرك مدین مملکته مواصلت و (شعیب) علیه السلام ایله ملاقات بیوردقدن وارادن بر از مدت کچد کدنصره مقتضای اراده الهیه حضرت (شعیب) علیه السلام بیوک کریه لری (صافورا) بی تزوج ایدرك داماد اولدقدن و قرق سنه برلکده آرام بیوردقدنصره خلقتک اوجیک طقوز یوز قرق طقوز تاریخنده یعنی میلادک بیک التیوز قرق بش سنه مقدمه آبا واجدادینی کورمک اوزره قاین پدرلری (شعیب) علیه الصلاة والسلام حضرتلردن استحصال رخصت ایدرك و اهلیله قیونلرینی آلهرق مصر طرفه عودت بیورمشلردر .

«موسی» نبوت موسی علیه السلام - موسی علیه السلام قاین پدرلری (شعیب) علیه السلام ایله قرق سنه برلکده قالدقدنصره ابوینی کورمک اوزره استحصال رخصته اهلی و قیونلرینی آلوب مصرجهته حرکت ائلشدر محل مذکوردن بش کون آیرلقدنصره اقسام اوزری طوری سینانک اتکنه مواصلت ایدرك اولکجه بی اوراده کچورمک اوزره چادرلرینی قورمش ایدی هوانک غایت صغوق اولسی مناسبله آتش یاقوب ایصنق اوزره هرقدر چاقنی چاقش ایسه ده بر درلو آتش آلدیغدن زیاده سیله جانی صقیلهرق ملول و مکدر اولهرق اشاغی و یوقاری طولاشقده اولدینی حالده طاغدن یانه نظر ایله کده کجه اولسی مناسبله اولطرفه یانقده اولان بر آتشک علوینی کوردکده زوجه مطهره لری صافورایه خطاباً شو طاغده بر آتش کوردم هم براز آتش کتوریم و همده اول آتشک یاننده بولانلردن یولی سؤال

ایدهیم دهرک وعصاسنی الیه آلهرق طاغه چیمغه باشلدی آتسه
 یقلاشجه ظن ایلدیکی کی آتش اولیوب بر اغاجک رأسندن چیقان
 بر علو اولدیغی کورمکله (روایتہ نظراً اشبو اغاج بوکرتلن
 اغاجیدر) قلبه دهشتلی بر قورقو کلمکله کلدیکی محله عودت بیورمق
 اوزره ایکن (یاموسی انی انا الله رب العالمین) خطاب عزتی
 (موسی) علیه السلام ایشیدنجه وحی الہی اولدیغی اکلامغله درحال
 سجده شکران ایدرک جناب واجب الوجود حضرتلرینه تشکراتی عرض
 ایلکه باشلدی (بولدینی محله طورسیناده جبل حوریب) دیرلر
 بو وجهله محل مذکورده خطاب عزت شرفه نائل اولهرق طرف
 باریدن کندوسنه نبوت وحین حاجتده استعمال اولنق اوزره بر قاج
 معجزه دخی احسان بیورلمشدر . (موسی) علیه السلام حدید المزاج
 و بلتک اولدیغندن حدتنک صبره ولساننک فصیح الکلام اولهرق تکلم الہسنی
 حق سبحانه و تعالی حضرتلرندن استرحام ایتمکله مشار الیه حضرتلرینک
 اشبو استرحامی واجب الوجود حضرتلری تزدنده مظهر قبول
 بیورلدینی کی فصاحت و بلاغته شان و شرف قزاغش اولان برادری
 (هارون) علیه السلام دخی طرف الہیدن منصب جلیل نبوت ایلہ
 رفاقتہ تعین بیورلمشدر (موسی) علیه السلام عزت و برکتله اول محل
 مبارکدن عودتله سحر وقتی اولدقلری محله کلدکده هنوز اویومیوب
 بکلمکده اولان حرم محترملری صافورا حضرت (موسی) علیه
 السلامی کوردیکنده شمدی به قدر زرده قالدیغی و نیچون آتش
 کتورمدیکنی سؤال ایدنجه مشار الیه حضرتلری سکا نار یرینه نور
 کتوردم دهرک کیفیتی بر تفصیل صافورایه بیان ایتمکله جله سی دلشاد
 اولدیلر . صباح اولنجه اهلای و قویونلرینی قائن پدرلری (شمیب) علیه

السلام زدينه کوندرديکي کي کسندولري دخي امر الهيهي يرينه
کتورمک اوزره مصره عزيت بيورديلر حضرت (موسى)
عليه الصلاة والسلام ابتدا خانه سنه کيدرك پدرندن ماعداسني
حياتده بولش ايسهده مصردن انفکاکي بر خيلي زمان اولديني
ايچون والده سيله همشيره سي وقرنداشي هارون (موسى) عليه
السلام طايه مدقلى اجلدن اول امرده مسافر نظريله باقهرق
بالاخره کلانندن حضرت (موسى) اولديني اکلامش اولدقلرندن
جهل سي دلشاد اوله رق بو قدر زماندر ديار غريته قالديفنک اسباب
موجه سني مشار اليه حضرتلرندن سؤال ائلريله اول دخي ماجراي
تفصيلاً حکايه و طرف الهيدن کندوسنه وقرنداشي (هارون)
عليه السلامه نبوت احسان بيورديني تبشير ايتمکله حضرت
(هارون) کال درجه ممنون اوله رق سمعنا واطعنا ديه رک علي
الصباح ايکيسي بردن فرعون ومصريلره تورات شريفک احکام
شرعيه سني تبليغ ايله خلقي دين موسويه دعوت ائلکه مباشرت ايلديلر
حضرت (موسى) عليه السلام فرعونه بر مدت تلقين دين وپک چوق
معجزات کوستردیکی حالده اهالي قديمه دن برى نسا وديکري (موسى)
عليه السلامک صنديني اعمال ايدن قبطي نجاردن ماعدانه فرعون
ونه مصريلره ايمان نصيب اولمديفنسن واهالي مذکوره نک بنى
اسرائيل اوزرينه ظلملري کونندن کونه ترايد ايلديکندن امر الهي
ايله برکجه کافه بنى اسرائيل خفيف اشيا لري يانلرنده وحمير تکنلري
صرتلرنده اولديني حالده قالد يروب برادر (هارون) عليه السلام ايله شرق
جنوبي جهته توجيه ايلدي بحر قلزمى نامى قديمي (سينوس عرابيکوس)
يعني بحرا حمري نام قديمي (ماره روسو) ايکي ساعتده کچدکلرنده بنى

اسرائیل را غرزدن جناب حقہ تشکر ایلدیلر مشارالیه حضرتلری امتنک
دها ایلرویه کتیب فرعونک و مصریلرک حالدرینی کورملری ایچون
طورملرینی امر الیسی اوزرینه طاقه اسرائیل وجه مشروح اوزره
حرکت ایدرک فرعون و مصریلرک حرکتلرینه انتظار ایتمکده لرایکن
فرعون ارقلرندن عساکر کلیه ایله یتشهرک اون ایکی بلوک اوله رق
دیوار شکندده بحر قلزمک آیرلش اولدیفنی کورنجه کندوسنه
بردهشت کلهرک دورمش و بواشه متحیر قالمش اولدیغدن یانده
بولتان ندیملرندن هامان نام خیت حاشا موسی سحر بازلیله بودرده دن
کچدیکی حالده تکریمکله ندن کچه میورسن دیمسبله فرعونه جسارت
کلهرک و حیوانی بحره طوغری سوردهرک معنی موجودیله بحر
مذکورک اوته باشندن حقیقه جفی انشاده بحکمة الله تعالی بحر قلزم اسکی
حاله عودتله جمله سی بردن غرق و تلف اولملارد .

« موسی » وفات موسی علیه السلام - بحکمة الله تعالی
(موسی) علیه السلام قومی و برادر (هارون) علیه السلام ایله
وادی کنعان حدودی جوارنده صحرای تهده قالملری لازمکلیکنندن
محل مذکورده اقامت بیوردقلری مدته قومی غزایه دعوت ایدرک
ارض کنعانی ضبطه تشویق ایدوب جوارنده اولان عمور و پاتی
اراضیسندن برخی یئرلر آدی و صکر (نبو) طاعی اوزرینه چیقوب
ارض کنعانی تماشایلدی مدت اقامتلرینک یکریمی یدنجی سنه سی
برادر (هارون) علیه السلام و اوتونجی سنه سی (موسی) علیه
السلام (یوشع) علیه السلامی رینه خلیفه تعین ایتدکده نصکره وفات
ایدوب نعشی (قاعوره) یه نقل و دفن اولندی بر روایتده حضرت
(موسی) نک زرده اولدیفنی مجهولدر . هجرت نبویه دن ایکینک

ایکیوزیدی سنه مقدم بنی اسرائیل قومی اوکلرنده ملت قهسیله
 سائر علامات مقدسه اولدینی حالده (یوشع) علیه السلامک تحت
 امرنده اولهرق اردن نه رینه موصلتلرنده مذکور نه رک صوبی
 چکیلوب بنی اسرائیل قومی ارض کنعانه یا بلشلردر وادی کنعانه
 داخل اولمز اول بنی اسرائیل اردن نه رینک شرق طرفنده
 بولسان مملکتلری دخی فتح ایدرک اک زیاده وادی موعوده کیرمک
 ایچون تشویق ایتمکده بولتان (روبیل) و (جاد) سبطلریله (مناساه)
 سبطنک نصفنه ترک ایتشلردر . اردن نه رینی تجاوز ایدوب ارض
 کنعانه ایاق باصلدینی کون سحادن نازل اولان مائده کسلمشدر .
 بو وجهله ارض مقدسه داخل اولش اولان بنی اسرائیل یواش
 یواش ارض مذکور ی فتح ایدرک آنی قرعه ایله اون ایکی سبطه قسیم
 ایتشلردر لاوی سبطنه اراضی ویرلیوب کافه محصولاتک عشری
 ترک ایدلشد .

« موسقوا » - وولغا نه رینک صاغر طرفنده معمور وجسیم
 بر شهردر و قیله روسیه قرالرینک پای تختی اولدیفندن ایوم
 مقدس و پای تحت ثانی طانمقدهدر نفوسی التیوز بیک نفره بالغ
 اولور مملکتک دائره محیطی تخمیناً یتمش دوت بیک ذراع ایش . میلادک
 بیک سکز یوز اونبر و هجرتک بیک ایکیوز یکر می یدی تاریخنده فرانسر
 ایمراطوری (بوناپارت نابلیون) سمولنسق و موسقوا محارباتی قزانوب
 روسیه یی فنا حالده مغلوب ایتد کد نصکره موسقوا شهرینه دخی کیرمک
 استدیسه والی بولتان ذات همان شهری احراق ایدرک چکلمکله بوناپارت
 ایچقنده قالدی و حین رجمنده عسکرینک چوغی صفوقدن تلف اولدی
 موسقوا ولایتی برملیون التیوز سکسان بیک نفوسی حاویدر .

﴿ حرف ن ﴾

« نابلس » - یاخود (نه اوپولیس) نام عتیقی شخیم درکه
 اوروپالولر بوکا غلط اوله رق سیشم دیر لر بو شهر پک اسکیر
 حضرت (سلیمان) علیه السلامک وفاتیله اوغلی (رخعیم) جلوس
 ایلد کده اون ایکی سبط خلقدن اون سبطی آیریلوب (یوربعام) نامنده
 برینه بیعت ایتمشیدی اول وقت مرقوم یوربعام اشبو نابلسک اولدینی
 محله یعنی سامریه نك جنوبنده و غاریزم طاعی جوارنده برشه بنا و پای
 تخت اتخاذا ایدوب استخی (شخیم) قویدی ونیجه زمان صکره خراب
 اولوب اک صکره رومالولره انتقالنده ینه اعمار وروما ککوچلرینه
 تخصیص ایدلدی . شهر مذکور شام شریفک غرب جنوبیسنندن
 ایکوز کیلومترو بعد ومسافه ده در . یدی بیک اوچیوز طقسان طقوز
 نفوسی حاوی اولوب بونلردن ایکوز قرق التیسی عیسوی اون اوچی
 یهودی وسکسان سامری وباقیسی اسلامدر . بیک اوچیوز سکسان طقوز
 خانه ایله یدیوز اوچ دکان ومغازه وسائر . کوچک ویوک اون درت
 جامع ایله درت کلیسا وایکی حورا واردر . شهر مذکور الیوم سوریه
 ولایت جلیله سی داخنده سنجاق مرکزی اولوب غایت معموردر .

« نادرشاه » - طهماسب قولی خان که عجم شاهیدر میلادک
 بیک التیوز سکسان سکر و هجرتک بیک یوز تاریخنده مشهده طوغدی
 بو ذات عادی بر اصناف اولدینی حالد صکره بر طاقم جمعیت
 پیدا ایدرک سرکشکه باشلا یوب میلادک بیک یدیوز یکر می ایکی
 تاریخنده بعض اختلالاتدن بالاستفاده فرقه سیله خراسانه کیردی
 ومؤخرأ (حسین) شاهک اوغلو (طهماسب) شاهک خدمتی قبول

و میلادك بیک یدیوز یکر می طقوز تاریخنده اصفهانی ضبط ایدرك اقتدار و اداره بی ید انحصارینه الدی و عثمانیلره یکدیکرینی متعاقب مغلوبیتی اوزرینه آرباس چانیک صول جهتی ترك ایله مصالحهیه مجبور اولدی و بر مدت صکره عثمانیلری مغلوب و طهماسبی خلع و برینه سکر آیلق چوجق اولان او چنجی عباسی اجلاس و میلادك بیک یدیوز اوتوز درت تاریخندن بیک یدیوز اوتوز التی سنه سنه قدر عثمانیلره قارشى شانی محاربه لر ایتدی نهایت مرقوم عباسك وفاتی اوزرینه میلادك بیک یدیوز اوتوز التی و هجرتك بیک یوز قرق طقوز تاریخنده نادرشاه عنوانیله تخت ایرانه کچوب ایران حاجیلرینه رنجیده اولغامق و عجم اسیرلری النوب صائنامق و سائر بعض شرائطله دولت علیه بی مصالحهیه راضی ایتدکدن صکره افغان علیه دخی یوریوب قندهاری و میلادك بیک یدیوز اوتوز طقوز تاریخنده دهلی و کابلی استیلا ایدرك بر چوق مال غنائمه عودت ایلدی انجق محاربات متبادیه سیبيله ضعیف وز بونلکدن بیتاب اولان عجملر کندوسندن متفر اولدقلرندن میلادك بیک یدیوز قرق یدی و هجرتك بیک یوز التمش تاریخنده کردلر علیه یاپدینی بر سفرده امراسی طرفندن قتل اولندی .

« ناصره » - شام شریفك غرب جنوبیسنندن یوز قرق بش و عكانك شرق جنوبیسنندن اوتوز کیلومترو بعد و مسافده واقع الیوم سوریه ولایت جلیله سی داخلنده عكا سنجاغه تابع بر قضا مرکزیدر . بشیك بشیوز سکسان طقوز نفوسی شامل اولوب بونلردن بیک بشیوز سکسان یدیسی عیسوی بشیوز التمش بشی موسوی وقصوری اسلامدر بیک بشیوز قرق یدی خانه وایکیوز التمش ایکی دکان .

خان . مغازه وسائره و طقوز عدد كوچك و بيوك جامع ايله اوج مدرسه واون ايكي كليسا و ايكي حورا واردر . حضرت (عيسى) عليه السلام مقتضاي اراده الهيه اوزره مصردن عودتنده بوراده وحي ايتمهك باشلامشدر . عيسويلره نصراني اطلاقي دين عيسانك بو قريه دن طهوريته مبتيدر . بوراده لاتين كليسامي دروننده سيدنا (مريم) عليها السلام حضرتلرينك مسكن شريفلري ايله (يوسف) نجار عليه السلامك محلي دنبلان افق كليسا شكلنده زيارتكاه و (عزيز) و (لوط) و (يونس) عليها السلام حضراتنك مقامات عاليه لري واردر .

« غرود » - كوش بن حاكم اوغليدر آتوريلرك آتور ياده حكومت ايتديكي زماننده بو دخی حبشستاندن ارض كلدانه كلوب بابلونيانك كلدانك برنجي پادشاه و قنچی اولدی . مومی ايله تاريخ خلقنك ايكييك ايكيوز سكسان بش ياخود ايكييك ايكيوز اتوز تاريخنده يعنى ميلادك اوچيك اوچيوز اتوز سنه مقدمنده اجراي حكومت ايتديكي و بابل . و قلاش . و شانی . و رس . شهر قديملرينك باني سي ايدوكي ظن اولنيور . بر روايتده باباي كوش دخی حكومت ايتمشدر غرودك نبوته قائل اولنلرده واردر . اشبو غرود لفظي مؤخرأ بر عنوان حكمنه كيروب اخلاقنك اكثريسي قبول ايتديلر . غرود ابراهيم دخی انلردن بريدر .

« نوح » - عليه السلام انبيای عظامدن اولوب (آدم) عليه السلامك ذريتي زمان سعادتلرينه كنجه يه قدر چو غالوب ير يوزي اعمار ايش ایدی و مرور زمان ايله حق تعالی حضرتلريني اونوده رق حق يولندن صابمشلر ایدی . هر قدر حق يولني شاشمرش اولان نبي آدمي طريق سلامتة دعوت ايجون جناب

واجب الوجود حضرتلری طرفندن ییغمبرلر ارسال اولمش ایسه ده
 انسانلر نائل هدایت اوله مامشلردر بونک اوزرینه جناب خالق حقیقی
 حضرتلری دخی عاصیلری قهر و تشکیل ایشدر . بنی آدمک یر یوزدن
 غائب اولماسی ایچون (نوح) علیه السلامه هر بر مخلوقدن برر چفت
 آلمسی حقندن واقع اولان مراد الهی تبلیغ اولمشدر حضرت
 (نوح) او آمر الهی بنی اجرا ایندکدنصره طوفان واقع اولمشدر .
 قرق کون قرق کچه شدتلی ییغمور دوام ایدرک دره لر ایله دکزلر
 طغیان ایش طافیر طافیر صواتنده قالمشدر . حضرت
 (نوح) انشا ایندیکی سفینه اوزرنده بولنانلرک ماعداسی کافه غرق
 وتلف اولمشلردر . روایت کوره صویر یوزنده یوز الهی کون قدر
 طورددنصره چکلمشدر وقوعات مذکوره هجرت نبویه دن
 اوچیک درت سنه مقدمدر . حق تعالی حضرتلری حضرت
 (ادریس) دن صکره ابتدا حضرت (نوح) ییغمبر بخت بیوردی الهی
 یاشده مبعوث اولوب روایت کوره طقوز یوز الهی سنه قومی
 ایچنده دعوتله مشغول اولدینی حالدیه بو مدت ایچنده تجدد ایدن
 اوچ قرن اشخاصدن انحق جزئی مقداری ایمانه کلوب قصوری
 عناد کفریلرنده دوام واستمرار ونی مشار ایله حقنده درلو درلو
 ادبزالکله اجتسار ایلدیلر . بو جهته حضرت (نوح) علیه
 السلامه انسال بشریه نیک ایکیجی ابو البشر دیرلر حضرت (نوح) ک
 حام . سام . یافث . استخده اوچ مخدومی اولوب روی زمینی اعمار
 واسکان ایدن اقوام بونلرک ذریتلریدر . حامک بر قباحی اوزرینه
 پدری طرفندن حقنده بد دعا واقع اولمش اولدیفندن نسلی
 زنجیه قره اولمشدر . حضرت نوحک ذریتلری دنیانک هر طرفه

بایلوب بر طاقم حکومتلر تشکیل الملشلر وآز مدت ایچنده خیل
غلبه لك حاصل اولمشدر .

« نوشروان » - ساسانیانندن عجم شاهیدر . میلادك بشیوز
اوتوز بش یاخود بشیوز اوتوز برنده پدری قبادك برینه جلوس
ایندی ایرانك اك بیوك حکمدارلرندن بریدر اداره اموری
درعهده ایدن نوشروانك برنجی حرکتی مذدك مذهبنده بولنانلری
قتل ایله مذهب مذکورى کلیاً قالدیرمق ایدی . بو وجهله داخلی
قاریشقلقلرك اوکی الندقدنصكره شرق ایمراطوری بیوك
(بوستینانوس) . اعلان حرب ایدرك منادیاً اون سنه اوغراشمق
شرطینه سوریه والجزیره قطعهلرینی كاملاً ضبط ایتمش وبوستینانوسى
سنوی اوتوز بیك التون اعطاسنه محیور الملشدر (نوشروان)
عادل ومعارفروور بر حکمدار ایدی وامنیت داخله بی اعاده ایتمدیکی
کبی اهلینك اخلاقی دخی اصلاحه غیرت ایدر ایدی وبونك
ایچون حکمایى هر طرفدن جلب ایدرك آثارینی نشر ایتمدیرر ایدی
از جمله هند آثار ادبیه سندن (کلیله دمنه) یعنی هاپوننامه بی ترجمه
ایتمدیرمش ایدی . حضرت فخر رسالت اقدمز نوشروان دورنده
دنیا به تشریف بیورمشلردر .

« نینوس » - آتوریا حکمدارلرندندر خلقتك درتیک ایکوز
طقسان درت تاریخنده یعنی بابیلونیا قرالیتی نینوه حکمدارلنی ایله
توحید ایدن پدری (بلوس) . خلف اولمسی اوزرینه عربلرله
اتفاق وارمنستان حکمدارینی خراجگذار ومدیایى وباقتربانه قدر
اولان بتون آسیایى ضبط ایدوب مؤخرأ جزالرندن برینك قاریسی
اولان (سمیر امیس) ك یاردمیله باقتربانی دخی قبضه تصرفه

بکپور مکله مزبورہ بی تزوج وینوہ بی توسیع ایله کندونامی اکا اعطا یعنی نینوہ نسیم ایلدی . سیمرامیس معرفتله نسیم ایلدیکی ظن اولنور مومی الیهک میلاددن بیک طقوز یوز التمش سکر سنه مقدم کلدیکی وپدری بلوسک ایکوز التمش سنه دنبرو ممالک آتوریهده سلطنت سورن عربری طرد ایلدیکی دخی روایات تاریخه دندر .

• نینوہ • - قدیم اسیاده بر شهردر آتوریه قرالیتک کرسی اداره سی ایدی نینوہ پادشاهلنی دخی دینور دجله نك طرف یساری اوزرنده و بایلو نیانك شمالدن در تیوز کیلومتر و بعد و مسافه ده واقع اولوب قرق بش کیلومتر و محیطی وار ایدی و تمش مترو ارتفاعده قله لرله مستحکم بر سور ایله محاط اولوب التمش بیک نفوسی حاوی ایدی خلقتك ایکیک طقوز یوز الی درت یعنی میلادك ایکی بیک التیوز قرق سنه مقدمه آتور طرفدن تأسیس و خلقتك درت بیک اوچیوز اون طقوز تاریخده یعنی میلادك بیک ایکوز تمش بش سنه مقدمه شهره کندو نامی ویران نینوس طرفدن توسیع ایدلمشدر عظمتی و فساد اخلاقی خرابه بادی اولان و میلادك التیوز یکر می بش سنه مقدمه قسماً هدمه قالقیشان برنجی نابو بولاصر و سخسار طرفدن دخی ضبط اولنمشیدی یدنجی عصرده عربلرک فتوحاتنه قدر موجود ایدوکی دخی روایت اولنور . میلادك بیک سکر یوز قرق اوج و هجرتك بیک ایکوز الی طقوز تاریخده فرانسه لی شارل بوت نام کیمسه موصلک یکر می کیلومتر و شمال شرقیسنده تحت الارض نینوہ نك خرابه سنی بولوب خیلی آتیقه لر چیقارمشدر .

﴿ حرف و ﴾

• وهابی • - علماي خايله دن نجد قطعه سنده كسب نفوذ ايتمش

بر کیمسه نك شهرتيدر اصل اسمي محمد طاميدر ابداع ايلديكي
 معتقدات باطله يي نشر وباشنه عشير عربانندن بر چوق آدملر جمع
 ايدرك اكثر اقطار حجازيه يي تهديد وخراب وميلادك بيك سكر يوز
 اوج وهجرتك بيك ايكوز اون سكر تاريخنده مكه مكرمه يه كيروب اهايلدن
 اللهك دوسلريله دوست دشمنلريله دشمن اولق اوزره بيعت
 آلدقدنصكره وجناب حقه تشكر ايدر مكه سزى اسلامه هدايت
 وشركدن خلاص ايتدم زمينده بر خطبه اوقودقدنصكره شرب
 خمر وزنانك حرام اولديقي وجماعتك تكررى ومؤذلك صلاة
 وسلام كتورمسي وجوق وناركله ايجلمسي ممنوع ايدوكني تفهيم
 واشراب ايلدي وحرم شريفه كيئرلردن دخوله آلدی ومقابر
 متبركه يي كاملاً هدم ومذهبي قبول ايتمايلردن بر چوق آدمي
 اعدام ايتديردي واوج سنه صكره مدينه منوره ده دخي مذهبي
 اعلان ايدوب مقام متبركه يي هدمه باشلاديني صروده روضه مطهره يي
 دخي يقمق استديسه ده اهالي بك چوق رجا ايلدكلرندن يالكز اتی
 براقدي واوج سنه حجاج شام شريفدن ايلرو كیده ميوب عوده
 مجبور اولدي اخيراً بني ميلادك بيك سكر يوز اون اوج وهجرتك
 بيك ايكوز يكرمي سكر تاريخنده مصر واليسي مرحوم (محمد علي)
 باشا طرفندن قوه حربه ايله جمعيلري تدمير وخطه حجازيه لوت
 چركاب تسلطلرندن كاملاً تطهير ايدلدي واومسره ده طوتيلان
 رئيسلري عبدالله بن سعود عونه سيله برابر در سعاده اعزام واعدام
 اولندي (وهاب) نجد قطعه نك جنوب غربي سنده و (عماربه)
 سلسله جبالنك جهت شرق سنده برونلايتدر .

﴿ حرف ه ﴾

« هابل » - حضرت آدمك ايكنجى اوغلويدر . قرنداشى قابلدن بر سنه صكره دنيايه گلش ويوز يكرمى التى ياشنده قتل اولغشدر .

« هرات » نام قديمى (آريا) - افغانستانده مستحكم بر شهر اولوب (سینه روی زمین) ياخود (خراسان شرقى) دیرلر (هرات) اياتلك مركزيدر وکابلک شمال غربي سندن التیوز قرق کيلو مترو بعد و مسافده و بر بيوک صحرا اورته سنده واقع ويوز بيک نفوسى جاممدر بر چوق بازارلرى و جامعلرى و کاربان سرايلرى و حاملرى واقعه حريره و قطيه فابريقه لرى و شال و حالى وکل ياغى اعمالانى واردر و تجارتى غايت جسيدير . هراتك اسكندر رومى زماننده موجود ايدوکنى تاريخلر بيان وادعا ايتکده در . اسپانك تملکنى بينلرنده منازع فيه طونان مختلف حکمدارلر جمهوراسنى تخريب ايتلشدر ميلادك بيک يوز اللهى و هجرتك بشيوز قرق بش سهندن ميلادك بيک ايکيوز يكرمى و هجرتك التیوز اون يدى تاريخنه قدر مقر اتخاذايدن غوريلى و مؤخرأ جاکيز و تيمورلک و عجملر ضبط ايدوب ميلادك بيک يديوز اون بش و هجرتك بيک يوز يكرمى سکر تاريخنده افغانلر بونلردن الدیلر و ميلادك بيک يديوز اوتوز بر تاريخنده نادر شاه الديسهده اون سکر سنه صكره افغان حکمدارى (احمد) شاه تکرار استرداد ايلدى .

« هارون » عليه السلام - حضرت (موسى) نك برادريدر . (موسى) عليه السلام مدينه بولندينى مدتجه مشار اليه مصرده

(لاوی) قبیله سی ایچنده قالب صکره جمله سی بنی اسرائیل ایله برابر
 چیقمش و مؤخرأ حضرت (موسی) طرفدن تپده انشا ایدیلان
 قبة الشهادة لك كوهن اعظم لقیله اداره سنه مأمور اولمشدر . وفاتی
 یوز یکر می اوج یاشنده اولوب حضرت (موسی) دن اوج سنه
 اولدر بنی اسرائیلک جناب (هارون)ه زیاده محبتلرندن ناشی
 (هارون) ی سن تلف ایندک دیو (موسی) یه افترایه قالقشلیله جناب
 حق اجلیه وفات ایلدیکنی اشعار بیوردی . بنی اسرائیلک ذبح قراین
 وسائر مثلو معاملات دینه لری جناب (هارون) ک سلاله ذکورندن
 بایلک طوغانلره مختص اولوب فقط بونلر عیوب طبعیه دن مبرا اولمق
 شرط ایدی والبسته مخصوصه لری وار ایدی . (هارون) تمحل
 و صبور و فوق الفایه حلیم ایدی قبری بریه سیناده (شویک)
 طاغنده در .

• هارون الرشید ، خلفای عباسیه دندر میلادک یدییوز سکسان
 اتی و هجرتک یوز یتمش تاریخنده جلوس ایدوب یکر می اوج
 سنه کار فرمای اورنک سلطنت و خلافت اولدی . هارون الرشید
 تاریخده علی العموم اسلام حکمدارلرینک اک مشهورلرندن بری
 و بلکه برنجیسدر . دهها شهزاده ایکن اردو ایله شق ایمپراطورلانی
 اوزرینه هجوم ایدرک مظفراً اسکداره قدر کش و بر مدت استانبولی
 محاصره الماش ایدی . خلافتی اثناسنده دخی قیصرلر مقام خلافته
 هارون نامه اوله رق ضرب اولنش سکه ایله ویرکو ویرلر ایدی .
 هارون الرشید دوری خلافت عباسیه نک اک بارلاق زمانیدر .
 وقتده ممالک اسلامیه بحر محیط آنلاسیدن چین ممالکنه و قفقاسیه
 سلسله سندن محیط هندى ایله افریقا اقالیم مجهوله سنه قدر تمتد ایدی

واسکندر لر وقیصر لر وسزوستریسلر ممالکنک حدودی هر طرفدن تجاوز اولمشیدی . هارون الرشید طبعاً دخی عادل عالیشان تبعه پرور بر ذات ایدی . تبدیل قیافله وزیر مشهور جعفر البرمکی ايله برابر دائمی بغداد ايله جوارنده طولاشیر وبو وجهله اهلینک درد لر نه کسب وقوف ایدرک دوا بولمغه غیرت ایدر ایدی . دورنده کی رفاه کندینک بو اطواری جعفرک حسن خدمتی وانک بعده خاندانيله برابر اوغرا دینی فلاکت وقوعات مؤثره دن اولمغله بیک بر کجه مثال لرینی تنظیم ایدن ادبا هارون ايله جعفری قهرمان اتخاذ ایدرک هب دور مذکور دن بحث ایتشلر در . هارون الرشید شرقه سفر ایتمش ایکن خراسانده کائن طوس شهرنده وفات ایتشدر .

« هود » علیه السلام - لقبی نبی الله نام دیگر ی (عابر) در . شالح بن ارفخشد صلبدن زیور افزای مهد شهود اولدی صباحت وملاحظت کامله سی وشخصاً حضرت (آدم) علیه السلامه مشابهنی وار ایدی غایت عابد زاهد سخی مشفق بر ذات اولوب اره صره تجارتله دخی اشتغال ایدردی وشریعتی نوح علیه السلام شریعتنه موافق ایدی . معجزات باهره مندین بری مبعوث اولدینی قوم عاد او خوالیده سنک خارادن عبارت اولان بر طاعنک اغنام ومواشی او تلامق اوزره مرعایه تحویلنی دلیل صحت رسالتی اوله رق استخار یله دعا ایلد کده در عقب قبالر خاکه منقلب واوزرنده بر خیلی چشمه لر منشعب اوله رق عادتا برکنزار دلشکار رسخی آلدیسه ده کوکلری طاشدن دهاقی اولان بنو عاد پر عناد بونکله ده تبدیل آیین باطله التفات یوزی کوستر میوب نهایت یوم نحسده صرصر قهر الهی ايله زیر وزیر اولمشلر در . مشار الیه

حضرتلری خلقتک اوجیک یوز اون ایکی تاریخنده یعنی میلادک
ایکینک درتیوز سکسان ایکی سنه مقدمنده یوز التمش درت یاخود
یوز الی باشند تشریف عالم بقا بیوردقلری وقبر شریفی حضرت موده
یاخود مکّه مکرمه ده حجر نام محله اولدینی و یوم نحس مسترک آیک
صوک چهارشنبه سنه مصادف ایدوکی مرویدر .

● حرف ی ●

« یافه » - قدس شریف شیخانی داخلنده قضا مرکز اولوب
قدسک شمال غریبسندن قرق و عکاکک جنوب غریبسندن یوز یکرمی
کیلومترو مسافه ده در . ثلثانی اسلام اولق اوزره التییک نفوسی
جامعدر . شهر دکزه طوغری ایلرولیان بر دیل اوزرینه درجه
درجه بالمشدر . مقدملری خراب برقلعه داخلسی وار ایدیسه ده
فی زماننا هیچ بر ایشه یرامیه جفی فأتین الملکه بعد الاستیدان
شرقتلق بیوریلان اراده حضرت پادشاهی اوزرینه پارچه پارچه
طالبه فروخت اولنه رق یالکز بر برج بر اقلشدرکه مذکور برچک
اوزرینه ردیف دبوی انشا ایدلشدر متعدد جامعلری ایله عیسوی
وموسوی جماعت مخصوص دخی معبد خانلری وجوارنده نفیس
یمش اغاجلریله مالاً مال باغچه لری واردر . تجارتی جسیجه
ومحصولی بغدادی . برنج . کتان بزی . صابون . باغ . پورتقال . لیون کبی
شیلدر . یافه غایت قدیم اولدینی جهته (نوح) علیه السلامک زمانندن
قاله در دیرلر ویهودیلر لطیف معناسنه اوله رق (ژویه) دیرلر .
بوشهر ازمه مقدمه ده برچوق محاصرا ته دوجار اولدی ومصریلر
وآتوریلر طرفندن ضبط و اخراق و سیاستیوس نام روما جنرالی

طرفندن تخریب واون ایکنجی عصرده صلیبون طرفندن ضبط اولندی ودها صکره مصریلردن دولت علیه عثمانیه بکجی . میلادک بیک یدیوز طقسان طقوز و هجرتک بیک ایکوز اون درت تاریخنده فرانسزلر بوناپارت قومانداسنده اولدینی حالده بوشهری ضبط ایلدیلر ایسهده علت وبادن پریشان اولدیلر و میلادک بیک سکر یوز اوتوز سکر و هجرتک بیک ایکوزاللی اوچ تاریخنده وقوعبولان برحرکت ارض شهرک قسم اعظمی خراب ایدوب اون اوچ بیک کسی انقاض التده قالدی .

« یحیی » بن ذکریا علیهما السلام - جناب (ذکریا) کندولرندن چوجق اولیه جق درجهده اختیار اولدینی حالده واجب الوجود حضر تلرندن برولد صالح رجا ایتکله حضرت (یحیی) حضرت (عیسا) دن بش التی آی اول زیب کهواره وجود اولشدر . حضرت (عیسی) علیه السلامک تیزه زاده سی ایدی حضرت (یحیی) مقتضای شان رسالتلری اوزره متصف اولدقلری صفت سامیه تقوی وورع وخوف اللهمن ناشی درون شهری ترک ایله اکثر ایام طاع و صحرالرده کروب آغلر وخلق طریق حقه ترغیب وارشاد ایدر ایدی جناب حق (مصدقاً بکلمه من الله وسیداً وحسوراً ونبیاً من الصالحین) دیو مدح و ثنا بیورمشدر . رومالیر طرفندن فلسطینده عتوره وجلیله والیسی بولنان (اتی پاطره هر دوس) قز قزنداشی قزی وبر روایتده اوکی قزی (هر دانا) پی زیاده سیله سودیکندن هر نقدر آلق ایچون (یحیی) علیه السلامدن مساعده طلب ایلش ایسهده حرام ومنوع اولدینگی بیان ایلسی اوزرینه قزک اناسی مشارالیه حضرتلرینه کین و عداوت باغلامش ایدی هر دوس ایسه مومی الیهایی بهر کون حضورینه جلب ایله مراد ایلدیکی خصوصاتدن بر دانه سنک اجراسنی امر الیکده

اولد یقندن هر دانا نك والده سی بونی فرصت عد ایدرك هر دوسك حضورینه چیق دینی وقت (یحیی) علیه السلامك مبارك سر سعادتلرینی طلب ائلسی ایچون قرینه تعلیم ائلش اولد یقندن مومی الیا اولوجهله هر دوسدن مشار الیه حضرتلرینك سر سعادتلرینی طلب ائلش ایسه ده هر دوس (یحیی) علیه السلامك بیغمبر ذیشان اولد یقنی بیان ایدرك رد ایله غیری برشی طلب ائلسی امر ائلشدر برکون هر دوس عالم آبدہ ایکن هر دانا بی والده سی خائنه کال تزیناتله هر دوسك یانه کوندزمش هر دوس مزبوره بی کوردیکی آندہ عقلی باشندن فرلایوب همان قزك التدن طوته رق یقینلق ارزوسنده بولئش ایسه ده (یحیی) علیه السلام اعدام اولئدقجه تسلیم اولمیه جقنی بیان ائلسی اوزرینه درحال مشار الیه حضرتلرینك قتلله سر سعادتلرینك بر تپسی اوزرنده کتورلئسی امر ائلش ومشار الیه حضرتلرینك سر سعادتلری تپسی اوزرنده هر دوسك حضورینه کتورلش ایسه ده (یا هر دوس شرعاً حرام ومنوع اولد یقنی اولجه بیان ایلدیکم جهتلہ زهار بو قره تقرب ائله) نداسی شهید مظلومك سر سعادتلرندن چیقار چیقمز هر دوس فنا حالده قورقه رق وایتدیکنه بشیمان اوله رق اول آندہ قزی حضورندن طرد وتبعید ائلشدر . روایت مشهوره به کوره مشار الیهك سر سعادتلری، شام شریفده جامع امویه داخلنده وید مؤید مبارکی بیرونده جامع کیر دروننده مدفوندر . مشار الیهك شهادتی رفع جناب (عیسا) دن از بر مدت صکره در . حضرت (یحیی) علیه السلام (عیسی) علیه السلامی نهر اردنده تعمید ایلدیک ایچون عیسویلر مینده تعمیدجی دیو مشهوردر .

« یزید » - معاویه دنصکره اوغلی ولی عهدی بولنان یزید

میلادک التیوز یتش طقوز و هجرتک التمش تاریخنده تلویث تحت سلطنت الملشدر . یزیدک ذاتاً شخصی و اخلاقی غایت چرکین اولدینی کبی سیاهه مائل اولان اسمر یوزنده کی چچک بوزوقلری دخی چهره سنی مستکره بر حالده بولندیرر ایدی . کندوسی وجودجه شیشمان طبیعجه قیدسز ذوق و صفایه عیش و عشرته ظلم و اعتسافه مائل غریب بر مخلوق ایدی . بوندن اکلاشلدینی اوزره یزیدک هیچ بر سویله جک یری یوق ایکن معاویه نک مرقومی سومسنه و آتی نائل خلافت ایچون شریعت غرایه قارشو حرکته بولنسنه حیرت ایتمک مشکلدیر . معاویه حین وفاتنده سویله بر نصحتده بولنشدیر امور دولته نظام و یروب عرب و عجم سرکشلرینی زیر ربقة اطاعته ادخال ایلدم ، بوناردن سکا هیچ کیمسه مخالفته بولنمز . انجق درت کیمسهدن قورقورم انلرده (حسین) بن (علی) و (عباده) بن (زبیر) و (عباده) بن (عمر) و (عباده) بن (جعفر) در عراق اهاالینک حضرت (حسین) بیعت ایده جکلری پک مختلدر . اگر ظفریاب اولور ایسه ک حقنده حسن معامله ایله سن زیرا مشار الیه ک خلافت چوق حق واردر (عباده) بن (زبیر) ایسه تلکی کبی حین حاجته غلق ایدوب فرصت بولدجه ارسلان کبی هجوم ایدر فرصت دوشیره بیلیر ایسه ک آتی پارچه پارچه ایله سک کربلا حادثه مؤلمه سی بو نصیحتک نتیجه سی ایدی . حادثه مذکوره دن صکره حرمین اهاالسی یزیده قارشو بعض نمایشلرده بولندینی ایچون یزید مدینه منوره بی یغما ایتدیرمش و مکب دخی یاقشدیر . یزید اوچ بچق سنه انواع فسق و مظالمه اجتسارایتد کدنصکره صفحه عالم زندکانیدن رفع وجود خیانت آلود اولمشدر .

« یعقوب » علیه السلام - (ابراهیم) علیه السلام وفاتند نصره
 (اسحق) علیه السلام پدرینک مقامنی طوتمشدر فقط حضرت (اسحق) دن
 صکره رسالتک ولد کیری اولان عیصه انتقالی مأمول ایکن حکمة
 حق طرفندن (یعقوب) علیه السلامه توجیه اولمشدر . بوسبیه منی
 عیص (یعقوب) علیه السلام حقنده سؤ قصد ایتکه نیت ائتش
 اولدیغندن (یعقوب) دایسی لابانه زردینه عزیمت ائمشدر . (یعقوب)
 علیه السلام دایسنک کوچک کریمه سی (رحيله) به میل و محبت
 ایدرک پدرندن طلب ایتش ایسه ده لابانه انحق الی سنه کنديسنه
 خدمت ایتدیکی حالده ویره جکنی بیان ایتمشدر . حضرت (یعقوب)
 موافقت ایدرک الی سنه خدمت ائتش و خدمتی اکمالدن صکره پدرندن
 تکرار رحيله بی ایسته مشدر . لابانه ایسه بیوک کریمه سی طورر
 ایکن کوچکنی ویرمک عادت دکلدر بهانه سیله رحيله نک یرینه
 (لیا) بی ویرمشدر . حضرت (یعقوب) الی سنه ده خدمت ایدرک
 رحيله به دخی نائل اولمشدر . مشار الیه حضرتلرینک برنجی
 زوجہ سی لیادن وایکنجی زوجہ سی رحيله دن وایکی جاریه دن اون ایکی
 اولاد ذکوری دنیا به کلشدر . بنی اسرائیل قومی اون ایکی سبطه
 تقسیم اولمشیدی و قوم مذکور (یعقوب) علیه السلام اون ایکی
 اولادندن ظهور ائمشدر . حضرت (یعقوب) میلادک بیک طقوز یوز
 التمش سنه مقدمنده تولد ایدوب یوز قرق یاشنده مصرده ارتحال
 دار بقا ایتش ایسه ده وصیتی موجبجه خلیل الرحانده اجداد بولنان
 مشهد جناب (ابراهیم) و (اسحق) علیهما السلام مدفون اولدقلری
 محله نقل ایله دفن ایدلمشدر .

« یمن » - عربستان شیهه جزیره سنک جنوب غربیسنده

واقع بر قطعه جسمه در که غرباً بحر احمر جنوباً عدن کورفزی شرقاً حضر موت شمالاً حجاز ولایتله محدوددر . شمالدن جنوبه یدییوز الی بش کیلومترو طولی و اوچیوز الی کیلومترو عرضی و تخمیناً ایکی ملیون درت یوز الی بیک یوز الی نفوس موجوددر .

قطعه مذکوره علی العموم اوج قسمه منقسم اولوب بونلردن برنجیسی جهت غربیسندن واقع (حبط) نسیمه ایدیلان قوم صحرا سندن عبارتدر ایننجیسی وسطده کائن (تهامه) دنیلان طاغلر ایله اووه لردن عبارتدر که اشبو قسم نهایت درجهده محصولداردر اوچنجیسی جهت شرقیده واقع سرا نسیمه اولئان جبال متسلسله در که اوزرلری عارضلی بر طاقم محللر ایله طاغلردن عبارت اولوب غایت معمر و محصولداردر این قطعه سی بر اراق حبشیلر طرفندن استیلا اولندیفته بناء سلاله تبابعه دن (سیف ذی یزن) میلادک بشیوز یتش بر تاریخنده فرس ملکی نوشروانه التجا واستمداد ایدوب اودخی بر مقدار عسکر ایله اعانه ایتش ومومی الیه بو سایهده حبشیلری دفع ایدوب فقط ملوک فرسک حمایه سنی قبول التش ایدی صکره اسلامک اورالرده دخی انتشاری مناسبتله خلفای راشدین طرفلرندن عامللر کوندرلدی وهجرتک ایکوز اوج تاریخنده بنی زیاد ودرت یوز الی بش تاریخنده بنی صلج و بشیوز التمش طقوزده ایوبیه والتیوزده حمزویه و التیوز یکریمی التیده بنی رسول وسکر یوز الی سکر تاریخنده آل طاهر خطه یمانیه نک بمضاً همومنده وبعضاً براز محللرنده حکومت سوروب میلادک بیک بشیوز درت وهجرتک طقوز یوز اون تاریخنده امامت عامریه ظهوره کلدی بو ذات مصر لیلرک اولطرفده اولان نفوذینی کسر ایله یسهده عاقبت صنعاده مصر

عسکرینه مغلوب و مقتول اولدیغندن امامتی قاسم و مطهر و مؤید نام متغلبه بدلیزینه کجوب بونلرک جمله سی مصر و در سعادتن کوندریلان وزرا و عساکر ایله یکر میشر اوتوزر سنه اوغراشوب کاه غالب و کاه مغلوب اولدیلر نهایت میلادک بیک سکر یوز اوتوز بش و هجرتک بیک ایکوز اللی بر تاریخنده مصر والیسی محمد علی پاشا ینه عسکر کوندروب تناهه و تغزی عسیرلوردن ال دیسه ده دولت علیه ایله یابدینی معاهده موججه ینه ترکه عجور اولدی دولت علیه ایسه قطعه مزبوره نک اداره سنی یرو شیخردن بر ذاته حواله ایدوب لکن مومی الیه حسن محافظه یه مقتدر اوله مدیغندن عین کاملاً طوائف ملوک هیئته کیره رک بر طاقم مشایخ بینده تقسیم اولندی و کیفیت در سعادتن خبر الندی کی هر قدر عسکر کوندرلدی و شریف مکه ایله مخبرات جریان ایتدیسه ده بویه لکله استردادی ممکن اوله میه جنی اکلاشادیغندن و صکره کوندریلان بش الی قدر والیلر دخی میلادک بیک سکر یوز اللی سکر و هجرتک بیک ایکوز التمش بش تاریخنده یالکز ساحلده بر قاج مملکت اله بیلوب ایلرو واره مدقلرندن و عسیر شیخی (محمد بن عایض) اخیراً بو مملکتلری دخی محاصره ایلدیگندن دولت علیه میلادک بیک سکر یوز یتمش و هجرتک بیک ایکوز سکان یدی تاریخنده بیوک بر قوت ارسالنه عجور اولدی واشبو قوت سایه سنده وایکی سنه ظرفنده فتح اولنوب بر اردو و بر جسیم ولایت تشکیل اولندی .

عین ولایتی شمذیک مرکز ولایت صنعا اولقی اوزره درت سنجاغه منقسم اولوب بونلردن ربنجیسی حده . کوکبان . عمران . حجه . مناخه . زمار . آتش . رداع . یریم نامرله طقوز قضای محتوی

صنعا سنجاغيدر . ايجيىسى مخا . قطعه . آب . عدين . حجرية .
 نامريله بش قضای حاوی تفر سنجاغيدر اوجيىسى بيت الفقيه .
 زبيد . زبيده . حيه . ابو عريش . باجل . جبل ريعه . حجور عاني .
 نامريله سكر قضای محتوی حديد سنجاغيدر . دردنجيى محائل .
 رجال المع . قنفده . بنى شهر مركز حكومتى (غاز) . غامد (مركز
 حكومتى) (رغدان) . صينا . نامريله التى قضای حاوی عسير
 سنجاغيدر كه مركز حكومتى (ابها) شهريدر .

« يوحنا » يا خود يوانيس - حواريوننددر . جليلهده واقع
 بيت صيداده طوغوب اوراده بالتجلىق ايدر ايدى يكرمى بش ياشنده
 حضرت (عيسى) طرفدن تليذلكه قبول اولنوب مشار اليهك كافه
 معجزاتنده حاضر بولندى بعد الرفع انجيلي وعظه باشلوب مؤخرأ
 آساي صغرايه وپارتره قدر تعميم دين ايجون كتيديكي حالده ميلادك
 طقسان بش تاريخنده اياسلوغده توقيف ورومايه كتوريلوب اوراده
 قاينار ياغ ايجنه القا اولندى لكن بر تأثيرى كورلمديكندن پاموس اطه سنه
 نفى ايديلوب بر مدت صكره اورادن تخلص كريبان ايدرك اياسلوغه
 عودت واوراده يكرمى بر بابي مشتل انجيلنى روم لساني اوزره
 يازوب ميلادك يوز بر تاريخنده عالم فسادن رحلت ايلدى انجيلندن
 ما عدا اوج عدد رساله سى دخى واردر هر سنه كانون اولك يكرمى
 يديسنده يورطيسى طوتيلور صورت مثاليه سى قرتالدر .

« يوربعام » - حضرت سليمان عليه السلام زماننده قدس
 واليسى ايكن بر ماده دن طولاي مصره فرار وفرعون (شيشاق) ك
 قزىخى تزوجه اوراده قرار التشىدى . حضرت سليمانك وفاتندن
 صكره اوغلى رجبعام زماننده مصريلرك اعانه سيله بنى اسرائيل ايجنه

تفرقه دوشووروب خلقتك بشيك التیوز اوتوز اوج تاریخنده اون
ایکی سبط اسرائیلردن اوتی کندو طرفه جلب وشخیمده دولت
اسرائیلیه نامنه بشقه جه بر حکومت تشکیل ورجعامك زیر تابعیتده
اوله رق دولت یهودیه نامیله قدسده قلان ایکی سبط اهالی ایله
کور شامك ایچون تبعه سی بیت مقدس زیارتندن منع وتحذیر ایدوب
اکا مقابل مصریلرک اعتقادی اوزره یایدیردینی ایکی بوزاغی تمثاله
برستش ایتلرینی امر و تشهر ایلدی سلطنتی اون سکر سنده در .

« یوسف » علیه السلام - حضرت (یعقوب) رحیله بی زیاده
سودیکی صبی رحیله دن تولد ایدن حضرت (یوسف) حقنده دخی
زیاده سیله توجه و محبت اظهار ایدر ایدی . بونک ایچون حضرت
(یعقوب) ک سائر اوغللری حضرت (یوسف) ک مظهر اولدینی توجه حسد
ایدرك مشار الیه کین وعداوت بغلامش ایدی . هله حضرت
یوسفک (کندیسنک ایلروده پک بیوک بر حکم ونفوذ صاحبی
اوله جنی و برادرلرینک کندیسنه اطاعت ایده جکلری) حقنده
کور دیکی رؤیا اشبو عداوتک ترایدینی موجب اولمشدر بر کون
حضرت یوسفی برادرلری قیره کتورمک اوزره پدرندن مأذونیت
ایسته دکلری صروده حضرت یعقوب صحراده یوسفه مقید اولیه رق
قورده یدیره جکلرینی بیان ایله رخصت ویرمامک ایسته مش ایسه ده
قرنداشلرینک کوستردکلری تأمیناته منی یوسفک دخی برلکده
صحرايه عزیمتته موافقت بیورمشلردر . بونلر صحرايه چیققدلرنده
حضرت یوسفی نابلسک جوارنده واقع والیوم بر یعقوب نامیله
معروف اولان قویه آتمشلر و صکره پدرلرینی آلداتقی ایچون یوسف
علیه السلامک کوملکنی قوزی قاننه باتیروب عودت لرنده (یوسفی

قورت یدی) قولیله حضرت یعقوبه تقدیم التمشلردر (یوسف) علیه السلام قیوده ایکن سحرادن کچمکده بولان کاربانک صو آلمق ایچون مذکور قیویه ایندیردکری قوفه ایله قیودن چیقمش ایسهده مشار الیهک حسن وجمالی کاربان خلقنک حیرتی موجب اولغله مشار الیهی کولهدر دیو صاوب منتفع اولمق اوزره یکدیگری تبشیر ایدرک (یوسف) علیه السلامی برابر الوب مصره عزیمت ایتشلردر . اول وقت (یوسف) علیه السلام سنا اون سکر یاشنده و شخصاً یاقیشقلی ایدی . (یوسف) علیه السلام مصرده حکمدارک وزیر ی اطفیر طرفدن آلتش وابتداری پک زیاده التفات کورمشدر . فقط وزیرک زوجهسی زلیخا حضرت یوسفه عشق ایدرک مشار الیهدن مقابله کورمديکندن بر طاقم مفتریات واسطهسیله زوجه مشار الیهی حبس ایتدیرمشدر . حضرت یوسف محبوسخانهده بر مدت قالدقدن صکره براتی تین ایتکله چیقاریلوب بر مأموریت مهمیه تعیین اولندیفندن پدر و متعلقاتی مصره کتوردهرک ارض جاسانه اسکان ایلدی بعده زمان آتش عشقیله جکر کباب و امتداد ایله وحسرتدن کرکی کبی دوچار اضطراب اولان زلیخای اراده الهیه ایله تزوج ایدوب مشار الیهان یاخود دیگر بر حرمندن افرایم و منشا نامنده اوغللری اولدی و بو اوغللری و اوغلنک سلطنتی پدری یعقوب علیه السلام کوروب چوقدعا ایتدی و نهایت خلقنک اوچیک سکر یوز اوتوز اوچ تارینخنده یعنی میلادک بیک یدیوز التمش ایکی سنه مقدمنده بنی اسرائیل نواچیسندن (اون) شهرنده یوز اون یاشنده وفات ایدوب مؤخرأً نعش پاک (حبرون) یاخود خلیل الرحمانه نقل اولندی .

« یوشع » علیه السلام - انبیای بنی اسرائیلدن اولوب نون بن

افرايم بن (يوسف) عليه السلامك اوغلى وحضرت (موسى) نك همشيره زاده سيدر دائما حضرت (موسى) ايله برابر بولندقلرندن قرآن كريمده (فتاى موسى) عنوانيله ذكر اولندى . اريحا قلعه سنى تفتيش ضمنده بنى اسرائيل طرفندن كوندريلوب (قال رجلان من الذين يخافون) آيت جليله سنده بيان بيوريلان ايكي ذاتك بريسي . دنخى اشبو (يوشع) عليه السلامدر مشار اليه حضرتلرى (موسى) نك خلقتك اوچ بيك طقوز يوز سكرسان طقوز تاريخنده يعنى ميلادك بيك التيوز بش سنه مقدمنده وفاقى كوئى وصيتى موجبنجه بنى اسرائيله حاكم اولوب يكرمى بش سنه اجراى حكومت وبومدته اردن نهرينك جهت غربي سنده اوتوز بر حكمداره غلبه ايله ملكلرني اون ايكي سبط تبعه سى بيننده تقسيم ايدرك خلقتك درت بيك اون درت سنه سنده يوز اون ياشنده داربقايه رحلت ايلدى . اصل اسمى (يشوع) اولوب (يوشع) بوندن معربدر مقرر حكومتى (سيلو) نام قصبه ايدى حين وفاتنده كسه بنى خليفه تعيين ايتديكندن بنى اسرائيل بر مدت (سان هدرين) نامنده بر مجلس معرفيله اداره اولمشلر ايدى .

تمت

سوريه ولايتى مطبعه سنده طبع

اولنمشر

سنه ۱۳۰۵

﴿ فهرست سیاحتنامه ﴾

صحیفه	باب	
		مقدمه
۰۴	۰۱	یافه اسکله سنده وقوعبولان استقبالی حاویدر
۰۶	۰۲	یافه دن رملیه صورت حرکتی متضمندر
۰۷	۰۳	رمله دن قدس شریفه حرکتی متضمندر
۱۳	۰۴	قدس شریفدن مارسابیه اولان حرکت وسفر بیاننده در
۱۴	۰۵	مارسابادن عین السلطانہ حرکت وسفر بیاننده در
۱۶	۰۶	عین السلطاندن قدس شریفه عودت بیاننده در
۱۷	۰۷	قدس شریفدن بیتن قریه سنہ حرکت وسفر بیاننده در
۱۹	۰۸	بیتن قریه سندن نابلسہ حرکت بیاننده در
۲۲	۰۹	نابلسدن جینه صورت حرکتک تعریفی بیاننده در
۲۶	۱۰	جیندن ناصریه حرکت بیاننده در
۲۹	۱۱	ناصره دن طبریہ صورت حرکتی متضمندر
۳۲	۱۲	طبریہ دن نعران موقعه صورت حرکتک تعریفی بیاننده در
۳۵	۱۳	شیخ مرزوقدن سمعه صورت حرکتی متضمندر
۳۷	۱۴	سمعه دن شام شریفه حرکت بیاننده در
۴۸	۱۵	شام شریفدن شتورہ حرکت بیاننده در
۵۱	۱۶	شوره دن پیروته صورت حرکتی متضمندر

﴿ فهرست معلومات تاریخیہ و جغرافیہ ﴾

صفحہ	صفحہ
﴿ حرف با ﴾	﴿ حرف الف ﴾
۲۵ بابل شہری	۰۱ ابراہیم علیہ السلام
۲۶ بارناہا	۰۴ ابراہیم پاشا
۲۶ بایزید خان ثانی	۰۵ ابو بکر الصدیق
۲۸ بحر لوط	۰۶ ابو طالب
۲۸ بخارای کیر	۰۷ ابو عیدۃ بن جراح
۲۹ بخت نصر	۰۸ آثور
۳۱ بردہ نہری	۰۸ آدم علیہ السلام
۳۳ بعلبک	۰۹ اردن نہری
۳۳ بغداد	۱۰ ارض جاسان
۳۷ بلخ	۱۰ ارض فلسطین
۳۷ بلقیس	۱۱ ارض کنعان
۳۸ بلوس	۱۱ اریحا
۳۹ بولص	۱۱ استانبول
۴۰ بوناپارت	۱۳ اسرائیل
۴۲ بلال حبشی	۱۳ اسکندر رومی
۴۳ بیت اللہ المعظم	۱۶ اصفہان
۴۵ بیت اللحم	۱۷ امویہ
۴۵ بیت المقدس	۱۸ آمینہ
۴۶ بیروت	۱۸ انجیل شریف
﴿ حرف ت ﴾	۲۰ انطاکیہ
۴۸ تابوت عہد	۲۳ اورفہ
۴۸ تب یاخود تیوہ	۲۴ ایوبیہ

فهرست

صفحه		صفحه
۷۱	روما	۴۹ تبه دلتی علی پاشا
۷۴	حرف ز	۵۰ تدمر
۷۵	زکریا علیه السلام	۵۱ تیر
۷۵	حرف س	۵۲ تیمورلنک
۷۵	سام بن نوح علیه السلام	حرف ج
۷۶	سامری	۵۴ جبل طور
۷۶	سامریه	۵۴ جبل لبنان
۷۷	سیده سکینه (رضی الله عنها)	۵۵ جزار احمد پاشا
۷۷	سدوم	۵۵ جزیره العرب
۷۸	سلیمان علیه السلام	حرف ح
۷۸	سلیم خان اول	۵۷ حام
۸۰	سلیمان خان اول	۵۷ حران
۸۱	سمرقند	۵۱ حسن (رضی الله عنه)
۸۲	سنان پاشا	۵۸ حسین (رضی الله عنه)
۸۳	سینا	۵۹ حلب
۸۳	حرف ش	۶۵ حما
۸۳	شام شریف	۶۵ حمص
۸۵	شعيب علیه السلام	حرف خ
۸۵	شمسون	۶۷ خالد بن ولید (رضی الله عنه)
۸۶	شموئیل علیه السلام	۶۷ خدیجه الکبری (رضی الله عنها)
۸۷	حرف ص	حرف د
۸۷	صالح علیه السلام	۶۸ داود علیه السلام
۸۷	صخره الله	حرف ر
۸۸	صفین محاربه سی	۷۰ رمله

فہرست

صفحہ	صفحہ
۱۱۵ غزہ	۰۸۸ صنعا
حرف ق	۰۹۰ صور شہری
۱۱۶ قابل	۰۹۲ صہیون
۱۱۷ قادسیہ	۰۹۲ صلاح الدین ایوبی
۱۱۷ قبة الشهادة	حرف ط
۱۱۸ قبریس	۰۹۴ طبریہ
۱۱۹ قدس شریف	حرف ع
۱۲۰ قیامہ	۰۹۵ عاد
۱۲۱ قوصوہ صحرامی	۰۹۶ عباسیہ
حرف ک	۰۹۶ عبدالرحمن ثالث
۱۲۲ کابل	۰۹۷ عبدالقادر
۱۲۲ کشمیر	۰۹۸ عبدالمطلب
۱۲۴ کلدانی	۰۹۸ عبرانی
۱۲۴ کنعان	۰۹۹ عزیر علیہ السلام
۱۲۴ کوفہ	۰۹۹ عسقلان
۱۲۵ کی خسرو	۰۹۹ عکا
حرف ل	۱۰۰ علی (رضی اللہ عنہ)
۱۳۰ لاہور	۱۰۱ عماقہ
۱۳۰ لوط علیہ السلام	۱۰۲ عمر (رضی اللہ عنہ)
۱۳۱ لوقہ	۱۰۳ عیسیٰ (مولد عیسیٰ علیہ السلام)
حرف م	۱۰۷ عیسیٰ (ہجرت مریم مع عیسیٰ علیہما السلام)
۱۳۱ مارسابا	۱۰۸ عیسیٰ (نبوت عیسیٰ علیہ السلام)
۱۳۲ متی	۱۱۰ عیسیٰ (رفع عیسیٰ علیہ السلام)
۱۳۲ محمد (مولد محمد علیہ السلام)	حرف غ
	۱۱۳ غزہ

فهرست

صفحه	صفحه
محمد (نبوت محمد علیه السلام) ۱۳۷	محمد (نبوت محمد علیه السلام) ۱۳۷
محمد (هجرت محمد علیه السلام) ۱۳۹	محمد (هجرت محمد علیه السلام) ۱۳۹
محمد (وفات محمد علیه السلام) ۱۴۰	محمد (وفات محمد علیه السلام) ۱۴۰
محمد خان ثانی ۱۴۴	محمد خان ثانی ۱۴۴
محمد علی پاشا ۱۴۶	محمد علی پاشا ۱۴۶
محمی الدین العربی ۱۴۸	محمی الدین العربی ۱۴۸
مدین ۱۴۹	مدین ۱۴۹
مدینه منوره ۱۴۹	مدینه منوره ۱۴۹
مراد خان ثانی ۱۵۱	مراد خان ثانی ۱۵۱
مراد خان رابع ۱۵۳	مراد خان رابع ۱۵۳
مرقس ۱۵۳	مرقس ۱۵۳
مریم (رضی الله عنها) ۱۵۴	مریم (رضی الله عنها) ۱۵۴
مصر قطعه سی ۱۵۵	مصر قطعه سی ۱۵۵
مصرایم ۱۵۸	مصرایم ۱۵۸
معاویه ۱۵۹	معاویه ۱۵۹
مکه مکرمه ۱۶۰	مکه مکرمه ۱۶۰
موسی (مولد موسی علیه السلام) ۱۶۷	موسی (مولد موسی علیه السلام) ۱۶۷
موسی (هجرت موسی علیه السلام) ۱۶۸	موسی (هجرت موسی علیه السلام) ۱۶۸
موسی (نبوت موسی علیه السلام) ۱۷۱	موسی (نبوت موسی علیه السلام) ۱۷۱
موسی (وفات موسی علیه السلام) ۱۷۴	موسی (وفات موسی علیه السلام) ۱۷۴
موسقوا شهری ۱۷۵	موسقوا شهری ۱۷۵
حرف ن ۱۷۶	حرف ن ۱۷۶
نابلس ۱۷۶	نابلس ۱۷۶
نادر شاه ۱۷۶	نادر شاه ۱۷۶
ناصره ۱۷۷	ناصره ۱۷۷
نمروذ ۱۷۸	نمروذ ۱۷۸
نوح علیه السلام ۱۷۸	نوح علیه السلام ۱۷۸
نوشروان ۱۸۰	نوشروان ۱۸۰
نینوس ۱۸۰	نینوس ۱۸۰
نینوه ۱۸۱	نینوه ۱۸۱
حرف و ۱۸۱	حرف و ۱۸۱
وهاپی ۱۸۱	وهاپی ۱۸۱
حرف ه ۱۸۳	حرف ه ۱۸۳
هابل ۱۸۳	هابل ۱۸۳
هرات ۱۸۳	هرات ۱۸۳
هارون علیه السلام ۱۸۳	هارون علیه السلام ۱۸۳
هارون الرشید ۱۸۴	هارون الرشید ۱۸۴
هود علیه السلام ۱۸۵	هود علیه السلام ۱۸۵
حرف ی ۱۸۶	حرف ی ۱۸۶
یافه ۱۸۶	یافه ۱۸۶
یحیی علیه السلام ۱۸۷	یحیی علیه السلام ۱۸۷
یزید ۱۸۸	یزید ۱۸۸
یعقوب علیه السلام ۱۹۰	یعقوب علیه السلام ۱۹۰
بن قطعه سی ۱۹۰	بن قطعه سی ۱۹۰
یوحنا ۱۹۳	یوحنا ۱۹۳
یوربعام ۱۹۳	یوربعام ۱۹۳
یوسف علیه السلام ۱۹۴	یوسف علیه السلام ۱۹۴
یوشع علیه السلام ۱۹۵	یوشع علیه السلام ۱۹۵